



তুলনাহীনা

সৈয়দ মুজতবা আলী

তুলনা হীন

মৈয়দা স্মৃতিভাষা আলী

কলিকাতা

বিশ্ববাসী প্রকাশনী

১৩৬২

দে গিসগিস করছিল, সে তো প্রায় উদয়াস্ত লেগেই আছে ।
 বাব খাজা খাঁর আসল রঙ-মহল পাশের সেই পঞ্চরঙ্গের
 মে একবার কেউ সম্মুখ সংগ্রাম লড়ে সে-ভিড়ে প্রবেশ করতে
 ল সে-ব্যক্তি আর কস্মিনকালেও বলবে না, কলকাতার
 লো বড্ড ক্রাউডেড । আপনি শক্তসমর্থ জোয়ান মদ্য মাতুষ—
 আর নিতম্ব নিমদ্বি হবে মুহুমুহ । আপনি ধর্মশাস্ত্রের
 সন মানেন—আপন রিজার্ভাড টেবিলে পৌঁছতে না পৌঁছতে
 ন দলিত মর্দিত পিষিত এবং আলিঙ্গিত হবেন কেরালার তরী
 থেকে আরম্ভ করে, নর্ডিক ব্রিগুনীগণের অকুপণ সহযোগিতা
 য় সর্বশেষ পুঞ্জীভূত মাংসাধিকারিণী মার্কিনীদের সঙ্গে
 ক্তি কলিশন লাগিয়ে লাগিয়ে নব নব রেকড নির্মাণ করে
 স্থানে লেগেছে আজ সম্পূর্ণ ভিন্ন নয়া এক ধক্কুমার ।

মামাদের ছুই ইয়ার এসব ব্যাপারে সচরাচর নির্বিকার । বলছে
 এঁরা এবং এদের গণ্ডা ছুই দোস্ত মাতৃগর্ভ থেকে বেরিয়ে
 গুড়ি দিতে দিতে হাঁটতে শিখেছেন এই জলমাঘরেরই মার্বেল
 সব মেবের উপরে ।

কিন্তু আজ ভিন্ন গীত ।

গাইরো না বেইরুৎ কোথা থেকে এসেছেন সদলবল এক
 জয়িনী নর্তকী । উর্বনী মেনকা থেকে আরম্ভ করে ইজাভরা
 নান আনা পাভলোভা তক আবহমান কাল থেকে আর সবাই
 ছেন ছু-খানা পা দিয়ে, কিন্তু এই দিগ্বিজয়িনী নাচবেন
 দিয়ে । সোনার পাখর বাটিও বুঝি কিন্তু, কিন্তু—পেট দিয়ে

পাপ হাঁটে পেটের উপর দিয়ে কিন্তু সেও তো দেখি নাচের সময়
 র তোয়াক্কা না করে নাচে কাঁধ দিয়ে, কণা দিয়ে, বোমর দিয়ে,
 দিয়ে, যদিও সাপের পেটটা তার দেহের আগাপাস্তলা

জুড়ে। আর যদি ভাবার্থে নেন তবে এই সেই উদরসর্বস্ব কিরিক্স জাত, সেও তো পাকা দু'শটি বছর এ দেশের চাষাভুষার অন্ন মেরে আপন পেট ফাটিয়ে দিলে, কিন্তু কই, তাকেও তো কখনো ঐ তুনিয়া-থেকে পেট দিয়ে নতোর তালে তালে মা মহারানীর বন্দনা করতে দেখি নি!

যে কলকাতার তাবলোক পাঁচপেয়ে বাছুর দেখার তরে রিস্টওয়াচ গচ্ছা দিয়ে রেস্ট জোগাড় করে তারা আসবে না হৃদমুদ হয়ে এই বেলি-ডান্স, ঐদারিক নত্যা পেটভরে দেখতে!

ছুই ইয়ার ঐ উত্তাল জনসমুদ্র উল্লসন অসমীচীন বিবেচনা করে খোগাড় করলেন একথানা উচ্চপদী চেয়ার। তার উপর দাঁড়াতেই স্পষ্ট দেখা গেল নাতিবিস্তীর্ণ নটমঞ্চ।

তখনো উচ্ছেভাজার পয়লাপদ শেষ হয় নি। অর্থাৎ নটরাজ অবতীর্ণ হওয়ার পূর্বে নন্দীভঙ্গী ছু কদম আনাড়ি নত্যা নেচে নিচ্ছেন। তখন বোঝা গেল, হটগোলটা উঠেছিল বিরক্ত এবং কথঞ্চিৎ উন্মাদ বশতও বটে—এসব হাবিজাবির ঠেলায় মেঘে মেঘে যে বেলা হয়ে গেল, আসল মাল বের করবে কখন? এরা কি পিন্ডি না চটিয়ে গেতে জানে না?

ইঠাৎ সব আলো ক্ষণতরে নিভে গেল। পাঁচ নাগর তার ফায়দাটা ওঠাবার পূর্বেই নন্দনকানন থেকে নেমে এল এক গ্রাফ্‌ট নীল আলো। আবছা আবছা দেখা গেল যেন সমুদ্রে থেকে ভেসে উঠছেন মরুভূমির ফিনক্স, কিন্তু, তবঙ্গী নারীরূপিণী এবং দেখা-না-দেখার আলোছায়ার ইন্দ্রপুরীর যেন ইন্দ্রধনু।

সে আবেশ বাটতে না কাটতেই আরো অকস্মাৎ কি হতে কি যেন হয়ে গেল। হলস্বক্স তাবজ্জন যেন বানের জলে হাবুডুবু খেতে লাগল। নাঃ! তেমন কিছু একটা প্রলয়ঙ্করী ব্যাপার নয়। মাত্র গণ্ডা দশেক সূর্য যেন জলমাঘরের মাধ্যমানে যেন একটা এটম বাংলো ফাটিয়ে দেওয়া হয়েছে, আর তারই আচমকা ধাক্কায় তাৎক্ষণিক

‘পেট্রনীদের চোখের মণি গেছে উশ্টে—সেঁধিয়ে গেছে ভেতর বাগে।

স্বাগুর মত দাঁড়িয়ে নটরানী—সেই বজ্রার উপরে স্টেজের মাঝখানে।

সম্পূর্ণ নিশ্চল। চোখের পাতাটিতে পর্যন্ত কম্পন শিহরণ স্পন্দন কিছু না, কিছুটি নেই। কিন্তু ঐ নিশ্চলতা থেকে সঙ্গে সঙ্গে যেন কোন্ এক চুষক সকলের দৃষ্টি টেনে নিয়ে গেল নটরানীর নাভি-কুণ্ডলীর দিকে।

টগর ফুলের পাপড়ি কোমর বেঁকিয়ে যেন সর্বাঙ্গে পাক খেয়ে চলে পড়ে পাশের পাপড়িটির উপর, তিনি ফের তার সখীর উপর এবং এই করে করে মাঝখানের স্থির বিন্দুটিকে কেন্দ্র করে সব কটি সখী যেন নেচেই যাচ্ছেন, নেচেই যাচ্ছেন একে আত্মের পিছনে -- আমৃত্যু সে রাসনৃত্য !

নটরানীর নাভিকুণ্ডলীটি যেন টগরিনীদের রানী।

ক্ষুদ্রাতিতম ক্ষুদ্র নটরানীর নাভিটি। কেন্দ্র বিন্দুটি। আর সেই বিন্দুটিকে কেন্দ্র করে ভবন্ত টগরের পাপড়ির মত মাংস বস্তু, পেশী বস্তু একের পিছনে আরেকটি যেন নেচে চলেছে চক্রাকারে। নাভিকুণ্ডলীর দ’য়ে যেন ক্রমাগত পাকের পর পাক গেয়ে যাচ্ছে ক্ষুদ্র ক্ষুদ্র স্মৃগঠিত পেশী-পাপড়ি।

টগরের পাপড়ি নাচে এক জায়গায় ধীরস্থির দাঁড়িয়ে। এ-স্থলে তা নয়। এ-নারীর কুণ্ডলী-পাপড়ি পরিপূর্ণ প্রাণবন্ত। এরা একে আত্মের পশ্চাতে কতু দ্রুত কতু মন্দ লয়ে যেন চটুল পদক্ষেপে পটিয়সী রাশান বাল্-এ নর্তকীর মত নৃত্যে নৃত্যে চক্র বক্ষা করে।

নাভিকুণ্ডলী নিয়ে এ-হেন ভেক্সিবাজী দেখানো যে সুকঠিন, সুকঠিন কেন, অসম্ভব সে তত্ত্ব যে-কোনো মাসল্-ডান্সার কসম খেয়ে স্বীকার করে নেবে। কিন্তু এহ বাহ্য, আগে গিয়ে পূর্ণ সত্য অনুভব হয়

তখন, যখন রাত-কানা জনও হঠাৎ লক্ষ্য করে যে নটরানীর বাদবাকি সর্বাঙ্গ নিশ্চল, নিষ্কম্প প্রদীপশিখাবৎ। বস্তুত ঐ যে এটা গতিশীলা নিরুপরিগী নয়, নিতান্তই সীমাবদ্ধ নিস্তরঙ্গ নিষ্প্রাণ সরোবর, অর্থাৎ দ'য়ের পাকচক্রে না পাকলে মনে কোনো দ্বিধারই উদয় হত না—‘এ তো মেয়ে মেয়ে নয়, প্রতিমা নিশ্চয়’।

কীর্তিনাশ কিস্কিসিয়ে বললে, “তুঃ। এতো প্রেক্ষ লুপ্তির একটা কোশল! এতে আট কোথায় মনেন শুধু কুণের বুল মেড়ো গুটি। পেরেকের বিজ্ঞানায় উপর শুয়ে শুয়ে কাটান যাঁরা বর্ষা-বসন্ত তেনারা তা হলে এ মহাপ্রাসাদের বিজয়িনী মশরিনীর চেয়ে হাজার দশে গুণীন পাভলোভা-শঙ্করের গুরু গুরু। তবেও না। নইলে এ-মহাফলের চাইসব মেড়োরা এখানকার নাতিকুণ্ডে গান সেরে নাক বরাবর পাওয়া করবেন কেন পেরেক শয্যাশায়ী ঃক মহারাজকে টিপ টিপ করে পেল্লাম জানাতে? ধাতি, বাবা, তোমাদের আর্ট, নত্যকলা,—উপশীমার্গে মোক্ষলাভের চতুর্থ মার্গ!”

ইয়ার সুদিনদা ঢের ঢের উচ্চ দরের খলিফ। কীর্তিনাশের পাঁজরে কনুই দিয়ে একথানা সরেস গুস্তা মেয়ে বললেন, “ওরে আচাভুয়ো, চাটচিস ভাইস্কির বোতলটা, আর শুধোচ্চিস এতে আবার নেশা কোথায়? সবুর কর এক লহমা। এখখনি তেড়ে আসবে উড়ের হাত থেকে হোজের জলের তোড়ের মত রসের মুগুর। কালবোশেখীর ঝড়ের আগে, দেখেছিস তো গমধাম ভাবখানা? তার পর লাগে বটগাছের মগডালে গ্যাটুনটন কাঁপন। উপস্থিত শুরু হয়েছে তারই যেন দোহার। দাড়া না, ছুঁমুঁড়িয়ে ঝড় নামলো বলে।”

একদম করেকুট আবহাওয়ার পূর্বভান। বেতারকে টিচ দিয়ে।

তবে হ্যাঁ, আলবৎ, ঝড়টা ছুঁমুঁড়িয়ে নামে নি। নামলো ধীরে মস্তুরে। কিন্তু দিখলয় আচ্ছাদন করে।

পুকুরের মাঝখানে ঢিল ছুঁড়লে যেমন সেখান থেকে চক্রটি,

চতুর্দিকে চক্রাকারে ক্রমে ক্রমে সম্প্রসারিত হতে থাকে এ-ক্ষেত্রেও
 ছবছ তাই। নাভিকুণ্ডলীর নৃত্য ডাইনে বাঁয়ে সম্পূর্ণ নীবিবন্ধকে
 উদ্বেলিত করে তুললো। এদেশের শাস্ত্রীয় সঙ্গীতে যে-রসকে “বাজুবন্ধ
 খুল খুল যাওত”রূপে সূত্র ধরিয়ে দেওয়া হয়েছে এস্থলে সে-রসই
 বাজুচক্র ত্যাগ করে কটিচক্রে সঞ্চারিত হল। নাভিচক্র থেকে
 উদ্ভূত উদ্বেলিত হয়ে কম্পন আন্দোলন হল উপরমুখী অধোগামী।
 সর্বদেহে কী আবেগ, কী আবেশ। স্রংপিণ্ড মুহমান।

পঞ্চেন্দ্রিয়, সর্বচৈতন্যের বিলুপ্তি আসন্ন।

বেয়ারা কীর্তিনাশের কানে কানে বললে, “ভজুর, আপনাদের লিয়ে
 বর্ত্ত জরুরী ফোন।”

দ্বিতীয় অধ্যায়

“হালো ?”

“হালো। কীর্তি ? শোনো—”

এ যে একেবারে নয়া ব্যাপার ! কীর্তির হৃদয় দুয়ারে লিলি
 ভলি বুজু নরগিস মাঝে মাঝে টোকা দিয়েছে বটে কিন্তু সে নিতান্ত
 হলে হল, না হলে না গোছ—কিংবা অগত্যা ইংরিজিতে যাকে বলে
 অন্ এ রেনি ডে : আর ও হল ঠিক তার উল্টো, এখানে রেন্
 নামলো থা থা খটখটে শুকনো মাঠে।

“তুমি আধঘণ্টাটাক পরে এখানে আসতে পারো ?”

“কেন ? ব্যাপার কি ?”

“মানে ? তুমি কি কিছুই বুঝতে পারো না ? তোমার কি
 কখনো বয়স হবে না ? কেন, কেন, কেন ? মিস্ত্রিকে বুঝিয়ে
 বলতে হয় কেন তাকে ডাকছি, দর্জিকে ডাকার কারণটা তা”

বুঝিয়ে বলতে হয়। তুমি কোনটা যে তোমাকে কারণ দেখাতে হবে?”

বেচারী কীর্তিনাশ। এই অবেলায় অকস্মাৎ অযাচিত অনুগ্রহ। এখন কি আর তার সে বোধশক্তি আছে যে কোনটা ঘটে সकारणे আর কোনটা ঘটে দেবতাদের যখন নিতান্তই কোনো-কিছু করবার পাকে না বলে মানবলি রিটার্নে “নাথার অব্ এ্যাকশন্ টেকেন” দেখাবার তরে। শিপ্রা তখন দেবতাদের একজন। মূৰ্খ কীর্তির বোঝা উচিত ছিল, অকারণ অনুগ্রহই অনুগ্রহ।

হঠাৎ আঁতশয় মধুরা নিস্তেজ গলায় “কীর্তি, আমার বড্ড লোনলি লাগছে যে। তুমি এসো।”

খুট!

কে বলে কীর্তির নাম কীর্তিনাশ। কীর্তিমান পুরুষ সে। কীর্তিনাশা নদী যখন ঐ বংশের সর্বশেষ সন্তানের সর্বশেষ পুকুরটি (!) পর্যন্ত গ্রাস করে ঢেউয়ের ডাকে ডাকে ঢেকুর তুলছেন তখন জন্ম নেয় এই সন্তান। বংশটা লোপ পেলেই করালী কীর্তিনাশা নদী আপন কৃতিত্বের পরিপূর্ণ সাফল্য লাভের আত্মপ্রসাদ প্রসাদাৎ অবশ্যই একটা কীর্তিস্তম্ভ নির্মাণ করতেন যে ভূমি গ্রাস করেছেন তারই কোনো এক ভেসে-গুঠা অংশের বালুচরে। সেটা যখন নিতান্তই হল না তখন শেষ সন্তান কীর্তিনাশ নামের স্বল্পে পীঠ স্থাপনা করে একাই চৌষট্টি-ষোড়শী রূপে উচাটন রূত্য নেচে যেতে লাগলেন।

ফোন ছেড়ে ভরাপাল তুলে বার-এ ফেরার সময় কীর্তিনাশ আপন পিঠ চাপড়াতে চাপড়াতে মনে মনে বললে, “ছোঃ, আমার নাম কীর্তিনাশ না কচুনাশ। শিপ্রা পুলিন-বিহারী নাগরদের এক ফুঁ মেয়ে পাখিয়ে দি'ম পদার হে-পারে। সুদিনদাটা একদম বুড়বুড়! বলে কি কখনো ছাড়াবুড়র দোআঁশলা না কি যেন। যে রমণীর তদিকে অষ্টগ্রহর কবি সাহিত্যিক ফিলিমস্টাররা ঘুর ঘুর করছে,

যার জিরোবার তরে একলহমা ফুরসৎ নেই সে-মেয়ে কীল করছে লোনলি। তার হৃদয়টা অত সহজে ভরে না। সুদিনের কথাও কোনো মানে হয় না।

বার বার কীর্তিনাশের বুকের রক্তে রিনিরিনি করে বেজে উঠছে “আমি লোনলি”—এবং সঙ্গে সঙ্গে তার সবচেঁতত্তে ছড়িয়ে পড়ছে গভীর এক প্রশান্তি।

আবার তার মন ভরে জেগে উঠলো, “আমি লোনলি।” কেমন যেন মনের ভিতর হঠাৎ কে যেন একটা ইয়া লম্বা বিজয়-পতাকা খাড়া করে খটাস করে মালটারি কায়দায় তাকে একটা সেলুট ঠুকে জানালে সে বীর, সে বিজয়ী; শিপ্রা মহারানী ভিক্টোরিয়ার স্বয়ংবদে সে প্রিন্স এলবার্ট। কে না জানে ইয়োরোপের সর্বদেশের রাজপুত্ররা তখন জমায়েত হয়েছিলেন লণ্ডনে যে যার রাজাধ্বর নিয়ে।

সঙ্গে সঙ্গে কীর্তিনাশের বুকের ভিতর কে যেন বলে উঠলো, “ছিঃ! একি কথা! এটা কি আলিপুরের ঘোড়দৌড় যে তুমি পয়লা নম্বরী হয়েছ বলে দেমাকে মাটিতে পা পড়ছে না—কারাক শুধু এইটুকু, ঘোড়ার চারটে পা, তোমার ছটো।”

কে বোঝে এই সামান্য সত্যটুকু? ইহ সংসারের সুদূরতম প্রান্তে একটি রমণী—হোক সে সুন্দরী সদাচার, হোক সে উপেক্ষিতা কদাকার—তার জীবন যেন হঠাৎ অর্থহীন হয়ে গিয়েছে, মহাশূণ্যে সে যেন হঠাৎ একা, সে লোনলি। সে তখন স্মরণ করলো তোমাকে। “তোমাকে স্মরণ করেছে”—এর পর তো আর কোনো চরমতর সত্য নেই। এর থেকেই তো প্রতিষ্ঠিত হল যা জীবের কাছে চরমতম উপলব্ধি—সে আছে, তার অস্তিত্ব তার নিজের কাছে এই প্রথম প্রতিষ্ঠা লাভ করলো।

*

*

*

“ওরে ইডিয়ট এদিকে আয়। কেটে পড়ছিস যে বড়!”

হ্যাঁ, আশ ঘণ্টা পরে যেতে বলেছে। ততক্ষণে ঝপ করে আরেকটা—

বার-এ তখন পুরো দমে যা তর্কাতর্কি চলেছে কোথায় লাগে তার কাছে উভয় ভিয়েনামের লড়াই। যদিও তর্কের বিষয়বস্তু কবে—সেই প্লাতো না লাওৎসের আমল থেকে।

ডান্স—বেলি ডান্স—সেক্স।

সরকার পক্ষের প্রধান বক্তা কিউ সি শ্রীযুত সুদিনের মুখে এক বুলি। আর্ট ফর আর্টিস সেক্স। শঙ্কিত হোক, কাব্য হোক, নৃত্য হোক—তার একমাত্র উদ্দেশ্য রস সৃষ্টি করা। “বিদ্রোহী” কবিতা জনপ্রিয় হওয়ার ফলে দেশের স্বাধীনতা আড়াই মিনিট আগে এল না পরে এল, মোনা লিজার ছবি দেখে তাবৎ করাসিনী পুত্রশোকে কাতর অবস্থায়ও আ লা মোনা লিজা মুচকি মুচকি হেসেছিলেন কি না, কিংবা বিলকুল শব্দার্থে কান-কাটা ভান গগের ছবি দেখে চিত্রামোদী-গণ আপন আপন কান কাটাবার জন্য সার্জনদের কসাইখানায় কিউ কেটেছিলেন কিনা সেটা সম্পূর্ণ অবাস্তব। বেলি-ডান্স ইজ বেলি ডান্স। আসল দ্রষ্টব্য, উদরমণি নাভিসরোবরে রূপসাগরের যে ভূকান জেগে উঠলো সেইটে দেখে তোমার চিত্তরাজ্য কি আকুল হয়ে ওঠে নি ঐ সরোবরে অবগাহন করে হৃদয়ছালা জুড়োতে? তুমি কি ভুলে যাও নি ক্ষণতরে যে ক্ষুদ্র ঐ নাভিকুণ্ড বিশাল চিক্কা কুণ্ড নয়, তুমি—”

কীর্তির মনে অত্ন ভাবনা। শিপ্রার কাছে যাবো কোন্ ডিংক খেয়ে? জুইস্কি মুইস্কি চলবে না। বে-এক্সেরার হয়ে যাওয়ার সম্ভাবনা। একদম সাদা চোখেও যাওয়া যায় না। পুরুষের যে তেজস্ বিচ্ছুরিত হয় তার ব্যক্তিত্ব থেকে, তার পৌরুষ সত্তা থেকে সেইটেই তো রমণীকে মুগ্ধ করে বিহ্বল করে, সেটাকে কোনো একটা বৈজ্ঞানিক কণ্ঠ মরাল মাপট তো দিতেই হয়। নাঃ—ওসব তদ্বিক্বেচনা করা বেকার। কলকাতার কুল্লো নটবর, কড়ির কুবের,

কালোবাজারের নম্বরী নম্বরী ঘড়েল যারা চালাকি অংক মিষ্টি হাসির
 বঁড়শি দিয়ে চীফ ডিটেকটিভের নাড়িভুঁড়ি থেকে গোপন কথার
 এপেন্ডিক্স টেনে বার করতে পারে তাদের সব্বাই হার মেনেছেন
 শিপ্রাদেবীর টেনিস-লনের ওয়াটারলুতে। তিনি মোহাতুর হন,
 তাঁর সর্ব্বাঙ্গে আবেশ লাগে, তাঁর বক্ষে অন্নগামর্মর জেগে ওঠে—
 সব্বই। ওদিকে কিন্তু বিচার-বুদ্ধির মেকদার জ্ঞান অষ্টপ্রহর ঝাঁঝালো
 বাঙালি কানুন্দির মত। তাই ভোমার মাথাটি রাখতে হবে ফ্রিজের
 আইস বক্সে। তাঁর গড়া ট্রাফিক আইনের রেড লাইটটা
 পিংক মনে করে মাত্রা ছাড়িয়েছো তো গেছো। পক্ষান্তরে তিনি যে
 ভাগ্যবানকে গ্রীন লাইট দেখান তার ট্রাফিক রেগুলেশন সম্বন্ধে,
 কীর্তিনাশের কোনো অভিজ্ঞতা নেই। আজকের এই ভর রাতে
 ফোনে যেন কাঁচা সব্বজের আবছা আবছা আভাস দেখতে পেল।
 সুতরাং বহু আত্মচিন্তা ততোধিক পরকীয়া কিংবদন্তি সূত্রবেচনা করে
 কীর্তি স্থির নিশ্চয় হলেন এহেন পরিস্থিতিতে ড্রিংকরূপে ক্রেম জ-
 মাঁৎ-ই প্রশস্ততম এবং তদনুযায়ী ড্রিংক শেলফের দ্বিতীয় স্তরের
 প্ৰথম প্রান্তে ক্ষণতরে কটাক্ষ হানলে। বেয়াজিচের বরদাপাণি
 সৌদিকে প্রসারিত হল।

ড্রিংক সমস্যা সমাধান করার পর কীর্তির কান গেল বোলি-ডান্স
 তর্কাতর্কির দিকে।

সুদিন বৈরী শঙ্কর বলছে “য়েথে দাও আট কর আটস সেক।
 নাইট ক্লাব, কাবারে ললিতকলা একাডেমি নাকি যে এখানে সেই
 কাইরো না মরক্কো থেকে আসবেন খাপসুরং খাপসুরং ডপকীর।
 প্যোর আট আর এপলাইড আট বাবদে আমাদের তালিম
 দিতে? উইন্ড ডেমনস্ট্রেশন। সেইটেই হল আসল তত্ত্ব। আর
 আটের কথাই যদি উঠলো তবে বলি, প্রকৃত আট আত্মস্তু সব-
 কিছু প্রকাশ করে না—ইঙ্গিত দেয় বহু না-বলা, অ-চাখা রসের
 প্রতি। আজকের নাচে নাভিকুণ্ডলী থেকে নৃত্যরস বহির্গত হয়ে

উত্থলোকে শিহরণ কম্পন জাগিয়ে তুললো এবং নিম্নগামী হয়ে
যে রূপে প্রকাশ দিল তার ইঙ্গিতটা ছিল কোন্‌দিকে? সেটা
অশ্লীল।”

এক ঠোঁটকাটা সত্ত্ব বিলেতফের্তা হাবা সেজে শুধলো, “ইঙ্গিতটা
কোন্‌ দিকে ছিল সেটা আগিয়ে বুঝিয়ে বলুন, তবে ভোঁ করা যাবে
শ্লীল অশ্লীলের বিবেচনা।”

“আখ্! তুমি কি সেখানে ছিলে না? যৌনসঙ্গম।”

সুদিন অত্যন্ত বিরক্তি এবং তাজ্জিলোর সঙ্গে বললে, “যৌনসঙ্গম
আবার কবে থেকে অশ্লীল হল?”

তৃতীয় অধ্যায়

“এসো।”

“আমাকে যে স্বরণ করেছ তাতে আমি ভারি খুশী হয়েছি।
আসলে বলা উচিত ছিল, গর্ব অনুভব করেছি—”

“না আনন্দটাই বড়। কে কাকে কতখানি আনন্দ দিতে পারে
বলো।”

“তোমার কথাই সই। কিন্তু হঠাৎ তুমি এ রকম লোনাল ফীল
করলে কেন বলত? কলকাতার কোন্‌ ক্লাব, কোন্‌ পার্টি, কোন্‌
শো থেকে তুমি প্রতিদিন নিমন্ত্রণ পাও না? অব্যাহত দ্বার একটা
কথার কথা। তোমাকে তো সবাই লুকে নেয়। আর তুমি কি না
‘লোনালি!’”

কিছুমাত্র ছলনা বা ভান না করে শিপ্রা বললে, “কীর্তি, তোমার
প্রাণরস অফুরন্ত, তোমার মত অহরহ সজীব আমি খুবই কম
দেখেছি। তাই তুমি সহজে বুঝবে না, জনতার মাঝখানে একটা

মানুষ কতখানি নিঃসঙ্গ, বিচ্ছিন্ন, পরিত্যক্ত হতে পারে। আমার কথা বাদ দাও—এক্কেবারে পয়লা নম্বরিনীদের কথা চিন্তা করো তো : দিনের পর দিন তাঁরা পার্টি পরব 'কানকশনে' যাচ্ছেন, তাঁদের চতুর্দিকে সমাজের সব চেয়ে উঁচু কাতারের পয়সাওলা, খ্যাতিমান শক্তিমান সব রকমের প্রভুরা। আর রয়েছে স্মার্ট সেট। তারা স্মার্ট উইটি কথা বলে, টিপ্পনী কাটে আর সুন্দরী গরবিনীরা স্মার্ট উত্তর দেন, যাঁরা পারেন না তাঁরা অন্তত মূঢ় হাস্তের তারতম্য দিয়ে কোন্টা ভাল কোন্টা মাঝারি তার সার্টিফিকেট দেন। আচ্ছা, তুমি কি কখনো ভেবে দেখেছ, এই সমস্ত ব্যাপারটার উদ্দেশ্য কি, অর্থ কি ?”

“না। তুমি ভালো করেই জানো, আমি খুব চিন্তাশীল প্রাণী নই।”

শিপ্রা তাঁর সুভোল ঘাড়টি আরেকটু উঁচু করে কীর্তির চোখে চোখে তাকিয়ে বললে, “ওটা আর কিচ্ছ না। ওটা বর্তমান সমাজের একটা প্যাটার্ন মাত্র। চলছে, চলবে হয়তো বহুদিন ধরে, কিন্তু যে কোন মুহূর্তে আগাপাস্তলা বদলে যেতে পারে।”

“মানে ?”

“অতি সহজ। লগুনে এ-প্যাটার্ন অনেক দিন ধরে গড়ে উঠেছিল। এবং তার গোড়াপত্তন করেছিল সে-দেশের খানদানী লোক। অথচ যেই লাগল লড়াই অমনি তার বড় ভাগটা হয়ে গেল উধাও। বাকিটুকুও ভোল পাণ্টে নিলে রাতারাতি। কোথায় গেল হাওয়ায় হাওয়ায় মিলে-যাওয়া সিক্কের বুক-কাটা, কোমর-ছ্যাচা গাউন, অদৃশ্য সিক্কের ফ্রেশ কালার মোজা আর ত্রিভঙ্গ গোড়ালির জুতো ! সবাই পরে নিল কাঠখোঁটা চামড়ার চেয়ে পুরো কাঁথার যুনিফর্ম—প্রাইম মিনিষ্টারের বেগম গিয়ে দাঁড়ালেন কিউয়ের ছাজে—রেশম শপের সামনে।

আর আমাদের এই কলকাতার প্যাটার্নটা—”

হঠাৎথেকে গিয়ে শিপ্রাদেবী বললেন, “ওঃ! আই এম ফ্রাইটফুলি সরি। তুমি এখানে এসেছ বার ছেড়ে নাক বরাবর। আর তোমাকে একটা ডিংক অফার করি নি। কি খাবে বলা।”

কীর্তি আমতা আমতা করে বললে, “না—তা—”

শিপ্রা খিলখিল করে হেসে বললে, “পষ্ট গন্ধ পাচ্ছি খেয়ে এসেছ ক্রেম ছ মঁং—আরো কাছে এসে বসো দিকিনি।” যে-সোফাটাতে সে আধশোয়া অবস্থায় পা ছুথানি গুটিয়ে রেখেছিল তারই একটুখানি একপাশে সরে গিয়ে একটান মেরে বসিয়ে বললে, “ঠিক ধরেছি। তা এই অবেলায় ক্রেম ছ মঁং কেন? জব্বর একটা ব্যানকুয়েট খাওয়ার পর ক্রেম ছ মঁং দিয়ে মুখশুদ্ধি করেছ বুঝি?”

কীর্তি আকাশ থেকে পড়ে বললে, “ব্যানকুয়েট! আজ আবার কিসের পরব যে ব্যানকুয়েট হবে। মান্‌লি ডিনারও তো পরশু দিন। অবাক করলে বাছা তুমি।”

“কিসের পরব? আজ তো পরবস্ত পরব। গ্রেট বেলি ডান্সের গ্রেটার ব্যানকুয়েট। বেলি-ডান্স দেখবি বুঝি একদশীর ফাঁকা পেট নিয়ে? বেলি-ডান্স দেখতে হয় ফুল বেলি নিয়ে। লিকউইন্ড সলিডে হাফাহাফি। তা সে যাক্ গে। এসো আমরা ছু’জনাতে সেলিব্রেট করি ঐ মারাত্মক অমিশনটা। শ্যাম্পেন খাবে? বলতে গেলে পৃথিবীর সর্বশ্রেষ্ঠ শ্যাম্পেন গোত্রের কয়েকজন আমার কাছে আছেন। তোমার জন্ম বাকেটে বরফ দিয়ে রেখেছি। ঐ সেই ঘরটায় পাবে।”

শিপ্রার বেশভূষা, তার মোটরগাড়ি দেখলে যে-কোনো লোক ভাববে এ মহিলার যা রুচি, প্রতিটি আইটেম এমনই মানানসই যে তাঁর বাড়ি, ড্রইংরুম ডাইনিংরুম নিশ্চয়ই অতিশয় নিখুঁত কায়দায় সাজানো—কোনো প্রকারে কোনো জায়গায় ছন্দপতন হওয়া অসম্ভব। অথচ প্রথম দর্শনে স্মার্ট সেটের যে-কোনো ব্যক্তি বিস্মিত

হবে। ঘরের একপ্রান্ত থেকে যে কালারস্কীম আরম্ভ হয়ে শেষ প্রান্ত অবধি চেউয়ে চেউয়ে বয়ে যাবে, আর আসবাবপত্র কার্পেট কার্টন ছাত দেয়াল, মাথার উপরের এবং চারদিকের আলো সেই স্কীমের সঙ্গে মিল খাইয়ে যেন একটা হারমনি গড়ে তুলবে এখানে সে কম্পজিশন একেবারে নেই সে-কথা বলা চলে না, আবার আছেও বলা চলে না। এ-কথা তো শিশুপ্রাদেবীর বুদোওয়ার না দেখেও বলা চলে সেখানে দৃষ্টিকটু কিছুই থাকতে পারে না কিন্তু সেই অনিন্দ্যসুন্দর সামঞ্জস্যটা তো চোখে পড়ে না।

কিন্তু ছুতিন দিন ধরে সে ঘরে বসলে, চা খেলে তখন বোঝা যায় শিশু কোন উদ্দেশ্য নিয়ে ঘরটি গুছিয়েছে। উদ্দেশ্য দুটি : আরাম এবং একবার এক জায়গায় আসন নিলে যেন ফের উঠতে না হয়। কোচ সোকার হাতার ভিতর থেকে অ্যাশট্রে, ড্রিংকের গেলাস রাখার রিং ইত্যাদি ছোটখাটো জিনিস তো বেরুবেই, ছোটখাটো ব্রেকফাস্ট খাবার মত কোল্ড করা একটা ফ্রেমও ঠিক ফিট করে যায় যার উপর বেয়ারা খাবারের ট্রে চায়ের সরঞ্জাম অনায়াসে রেখে যেতে পারে। আর পাঁচটা অভিশয় ক্যান্ডিনাবল ড্রইংরুমে বেয়ারা স্ন্যাক্স নিয়ে ঢুকলেই যে কী তুলকালাম কাণ্ড আরম্ভ হয় ভুক্তভোগী মাত্রই সেটা জানেন। পেগ টেবিলে স্ন্যাক্স ধরছে না, সেন্টার টেবিলটা অনেক দূরে—লে আও আওর একটু টেবিল ইত্যাদির মহা কামেলা। তারই ধাক্কায় ইতিমধ্যে গালগল্প টুকরো টুকরো খান খান।

শিশুর বক্তব্য : মানুষে মানুষে ভাবের আদান প্রদান, রসের দান ও গ্রহণ, অভিজ্ঞতার বিনিময়, একে অন্নের সম্বন্ধ—এসব নিয়েই তো মানুষের সত্তা, তার অস্তিত্ব। ড্রইংরুম তো তারই কেন্দ্রভূমি। সেখানে যদি ড্রিংক স্ন্যাক পদে পদে বাধা দেয় তবে সেটা ব্যর্থ। নাই বা হল আমার বুদওয়ার আন্ট্রা মডার্ন।

জর্মন সিলভারের রালতিতে করে কীর্তি শ্রাম্পেন নিয়ে এসেই

শুধলো, “বলতো, ভাই, এই ছ-দিনে যখন এক কৌটা বিয়ারের অর্জুনের মত পাতাল ভেদ করতে হয় তখন তুমি এই জাত শ্যাম্পেন পাও কোথা থেকে ?”

শিপ্রা আদর করে কীর্তিকে কাছে টেনে এনে বললে, তোমার এত ভয় কিসের ? তোমার বেলা দেখি, “ভয় করে তুই বিজয়ারে হারাবি ?” শ্যাম্পেন ? সে-কাহিনী সরল আর এক মিনিটে ফুরিয়ে যাবে। বাবার সঙ্গে আমি কিছুকাল প্যারিসে ছিলাম। তখন এক গরীব ছোকরা ফরাসি আর্ট স্টুডেন্টের সঙ্গে বন্ধুত্ব হয়—প্রায় প্রেমের কাছাকাছি। আমি সামান্য যেটুকু পকেট মানি পেতুম তাই দিয়ে তাকে প্রায় জোর করে এক দিন অতি সস্তা দরের এক বোতল শ্যাম্পেন খাইয়েছিলাম। আমরা দেশে ফিরে এলাম। তার পর দশ বছরের ভিতরই সে হুশ হুশ করে আটের সিঁড়ি ভেঙে ভেঙে একদম হলিউডে পৌঁছে গেল। ওদিকে মিলিয়নদের পোট্রেট একে পয়সা বা কামায় সে প্রায় পিকাস্সোর সঙ্গে নেক্ টু নেক্। শ্যাম্পেনের পাইকির বিক্রির সময় তার এজেন্ট শ্যাম্পেন ডিস্ট্রিবিউটর এসে হাজিরের জন্তু যা কেনে তার একটা হিস্ট্রি সে পাঠিয়ে দেয় দার্জিলিঙের ঠিকানায়—ঠাণ্ডার মোলায়েম থাকবে বলে।”

“তার সঙ্গে দেখা সাফাৎ হয় ?”

শিপ্রা হেসে কুটিকুটি। কীর্তির গালে মোলায়েম একটা ঠোঁট মেরে বলে, “ওরে মুর্থ, লগুনে পাকা ছ’ ছটো বছর কি হাইড পার্কে ঘাস খেয়েছিস শুধু ? সে যাচ্ছে ভেসে ভেসে দেশ থেকে দেশান্তরে, আমিও উধাও হচ্ছি কাঁহা কাঁহা মুল্লকে। এক দিন কোন্ খেয়ালের মোহে এজেন্টকে বলেছিল আমার যেন শ্যাম্পেনের অভাব না হয় : তার পর এতদিন সে হয়তো সে-কথা বেবাক ভুলে গিয়েছে—তা সে যাক্। বেলি-ডান্স কি রকম লাগলো সেই কথা কও।”

কীর্তির অল্ল অল্ল নেশা হয়ে আসছে। গোড়ার দিকের জড়ত্ব অনেকখানি কেটে গিয়েছে। ওদিকে শিপ্রায়ও মুখের রঙ উজ্জ্বল

হয়ে উঠছে। স্বভাবী রমণীর প্রস্তুতিতে চোখ ছুটিতে যেন ক্রমে ক্রমে কিশোরীর সজ্জা বিকশিত ভাব ফুটে উঠছে।

কীর্তির মুখে কথা ফুটেছে। আকস্মিক আমন্ত্রণের বিহ্বলতা কেটে যাওয়ায় ওজন করে কথা কইবার ধরন অনেক পিছনে। সঙ্গে সঙ্গে উত্তর দিলে, “আমি আর নাচটা দেখলুম কই? বরঞ্চ স্মার্ট মাস্টার সুদিনকে সুধিয়ো। আমি বার ছাড়ার সময় সেখানেতে নাচের টপিক রত্ন্য করছে—তাণ্ডব নৃত্য।”

“মানে?”

সংক্ষেপে বলতে গেলে হিং টিং ছুই। সুদিন বৈরীরা তারস্বরে ঘোষণা করছেন, “ঐ বেলি ডান্সে আছে ছুই সম্পূর্ণ ভিন্ন জিনিস এবং ভালগার ইঞ্জিত—সর্বোপরি বেলি ডান্সে না আছে বেলি না আছে ডান্স। এর বেশী আমি তোমাকে বলতে পারবো না। এটুকুও বলতুম না; খানিকক্ষণ আগে তুমি বলছিলেন না, এটা একটা সোসাইটির প্যাটার্ন, তাই এটার উল্লেখ করলুম।”

শিপ্রা সিগারেট খায় কালে ভদ্রে। এবারে একটা ধরিয়ে ধীরে ধীরে বললে, “আমার একটি বিশিষ্ট বন্ধু আছেন। তুমি তাঁকে বোধ হয় চেন না—কারণ তিনি একদা ছিলেন কাইরো শহরের স্মার্ট সেটের ফ্রন্ট বেঞ্চার। উত্তর আফ্রিকার—মরক্কো থেকে কাইরো অবধি—সবরকম নাচ তাঁর খুঁটিয়ে খুঁটিয়ে দেখা আছে। তিনি একদিন আমাকে বলছিলেন, খাঁটি বেলি-ডান্স শিখতে হলে অন্তত বারোটি বছর একটানা রেওয়াজ করে যেতে হয়। আজ রাতে যে-মেয়েটি নাচলো সেও তো শুনেছি বারো বছর ধরে ট্রেনিং নিয়েছে। তাই আশ্চর্য লাগে, সুন্দু মাত্র ভালগার সাজেশন দেওয়ার জন্তু বারো বছর ধরে ট্রেনিং!”

সব কথা কীর্তির কানে তখন আর ঢুকছিল না।

সেটা শ্যাম্পেনের প্রসাদে নয়। বরঞ্চ তার খনে মনে হচ্ছিল নেশা কেটে যাচ্ছে, খনে মনে হচ্ছিল নেশাটা যেন চড়াং করে তালুর

ব্রহ্মদেশে চড়ে বসছে। এবং এটাও তার জানা ছিল, হু' পাত্র রস-সেবনের সময় শ্রেণ কুর্তি ছাড়া কোনো ছশ্চিন্তা বা অন্য কোনো সমস্তুকে আমল দিলে এ-রকম ধারা হবেই। সর্বোপরি তার চোখের সামনে বার বার ভেসে উঠছিল একটা ক্রিকেটের মাঠ।

কীর্তি একদা ভালো ক্রিকেট খেলতো।

কীর্তি মনের চোখে দেখছিল, পুরো একবছর ধরে বিপক্ষ ব্যাটিং করছে আর তাকে কীলডিং করতে দেওয়া হয়েছে আউট কীল্ডে, একদম কান্ট্রি সাইডে। অথচ তার দৃষ্টিশক্তি সতীক্ষ, ফাস্ট বোলিংয়ের বেলা সে আগে ভাগেই ঠাহর করে নিতে পারে ক্যাটের কোণে লেগে বল স্লিক করলে কোন্ এঙ্গেলে আসবে, বাং মাছের মত সর্বাঙ্গে মোচড় খেয়ে প্রায় মাটি থেকে বল কুড়োতে পারে।

তথাপি ক্যাপটেন শিপ্রা তাকে পুরো একটি বছর ধরে তার পার্ট চক্রের বঙ্গভূমিতে তাকে যেন এপ্রোটেসি করালেন এক যুগ ধরে।

আর আজ? বড় বড় টাইদের উপেক্ষা করে, বলা নেই কওয়া নেই, একমাত্র তাকেই নিয়ে তিনি চলেছেন পিচ পরিদর্শনে!

চতুর্থ অধ্যায়

সর্ব বিশেষজ্ঞরা সম্পূর্ণ একমত, মানুষ যে সভ্যতার যাত্রাপথে এতখানি এগিয়ে গিয়েছে তার প্রধানতম কারণ মানুষ বংশানুক্রমে, পিতা পুত্রকে, এক পুরুষ পরের পুরুষকে তার অভিজ্ঞতা বিশদভাবে বর্ণনা করে শিক্ষা দিয়ে গিয়েছে। তত্বেপরি প্রতি যুগের প্রতি পুরুষই পূর্বলব্ধ অভিজ্ঞতাকে উচ্চতর পর্যায়ে তুলবে বলে তার সংস্কার করেছে, নূতন অভিজ্ঞতা পূর্বতর ভাঙারে যোগ দিয়ে সম্পূর্ণ সঞ্চয়কে পূর্বতর করে তুলেছে।

শুধু একটি মারাত্মক, জীবন মরণ সমস্তার ব্যাপারে, সৃষ্টির সেই আদিম কাল থেকে আজ পর্যন্ত এক ইঞ্চিও এগোতে পারে নি।

“তুমি কি আমায় ভালোবাসো?” এ প্রশ্নটি শুধোবার বেলা পুরুষানুক্রমিক ঐতিহ্য কোনো প্রাণীরই রক্তিতর কাজে লাগে না, এমনকি সমসাময়িক প্রতিবেশী, অন্তরঙ্গ ইয়ারদোস্তের উদাহরণ দিকনির্দেশ সম্পূর্ণ বেকার, বেকায়দা। দাদা আদমের আমল থেকে আজ পর্যন্ত—তথা ভুবনবিখ্যাত মহাপুরুষরা ও ভবিষ্যদ্বাণী করেছেন, মহাপ্রলয়ের পর নবসৃষ্টির প্রারম্ভেও—মানুষ ঐ প্রাচীনতম প্রশ্নটি শুধোবার সময় সেই প্রথম দিনের মত বিলকূল হাবা বনে যাবে, কাৎরাতে কাৎরাতে যে-সব ধ্বনি প্রকাশ করবে সেগুলো একদম সার্টিফিকেটপ্রাপ্ত কনকার্ড রাম-ইভিয়টের গোঙরানোর মত।

ওদিকে আবার শিপ্রা চরিত্র বিচিত্র। এমনিতে মনে হয় সে আর পাঁচটা টপ ক্লাস সোসাইটি গার্লেরই মত—গার্ল বললে স্বল্পোক্তি হয়, লেডি বললে আবার অতিশয়োক্তি হয়ে যায়। আজ চিত্রপ্রদর্শনীর দ্বারোদ্ঘাটন, কাল প্রধানমন্ত্রীকে মাল্যদান এ-সব কোনো প্রকারের সামাজিক, রাজনৈতিক “কর্তব্য কর্ম” করতে সে সম্পূর্ণ বিমুখ—যদিও দেশে এবং বিদেশে লেখাপড়াতে সে অসাধারণ না হলেও ডিবেটে ছিল অত্যাশ্চর্য, উচ্চারণ আকামি বর্জিত। “দোষের” মধ্যে ছিল স্মার্ট সেটের মত সে ট্যারচা ট্যারচা বাঙলা বলতে পারতো না।

তার আসল বৈশিষ্ট্য ছিল আলাপ আলোচনার সময় মারাত্মক সব অভিমত প্রকাশ করে স্মার্টেস্ট সেটকেও হাজার ভণ্টের শব্দ দেওয়া। পবিত্র, শাস্ত্রীয়, আচারসম্মত এ ধরনের শব্দ তার অভিধানে ছিল না, কারণ তার পিতাই স্বহস্তে সেগুলো ধুয়ে মুছে সাক্ষ করে দিয়েছিলেন।

তত্পরি তার সঙ্গে প্যারিস লগুন করার পর কোনো জিনিস বা

“লজ্জি” আঁকড়ে ধরার মত মনোবৃত্তি তার আর ছিল না। সামাজিক আচরণে কাউকেই খুব বেশী কাছে ঘেঁষতে দিত না, আবার হট যাও হট যাও সায়েবিয়ানা সে ছেলেবেলা থেকে বাড়িতে কখনো দেখে নি বলে সে-গন্ধ তার গায়ে ছিল না। কৈশোরে পুরো একটি বছরের অধিকাংশ সময় কেটেছে প্যারিসের “লক্ষ্মীছাড়া” লব্বাঝে গরীব পেণ্টারদের সঙ্গে। সাম্যবাদ ফ্রান্সের পার্লামেন্টে মূলমন্ত্র বটে কিন্তু তার পরিপূর্ণ সপ্রকাশ দেখতে হলে যেতে হয় লাতিন কোয়ার্টার মা সরস্বতীর সর্ব কলার—চিত্রাঙ্কন, সঙ্গীত, ভাস্কর্য, নৃত্য, আরো কতো কী যে নিত্য নিত্য সৃষ্টি হয়—ঐ-সব কলার পাগলা চেলাদের মাঝখানে, যারা তিনদিন ধরে একটা লোক খায়।

কীর্তি এসব ভীটেল জানতো না কারণ শিপ্রা ঘড়ি ঘড়ি তার প্যারিস ভিয়েনার জেল্লাই নিয়ে কথা কওয়া দূরে থাক, ইংরিজি সাহিত্যের কথা উঠলেও সাত্র বা মারলোকে টেনে এনে নিজের বক্তব্য জোরদার করবার চেষ্টা দিত না। কীর্তি শুধু জানতো শিপ্রা প্যারিসে ছাঁবি আঁকা আরম্ভ করে এবং এখনো চিলকোঠায় ঐ নিয়ে মাঝে মাঝে মশগুল হয়।

অতীতের ঐ সব নানা পরিবর্তনের ফলে শিপ্রার চতুর্দিকে এমন একটি আবহাওয়া বিরাজ করতো যে ঘনিষ্ঠতার বাড়াবাড়ি না করেও সরল জন তাকে মনের কথা বলতে পারতো। আর আমাদের শ্রীমান কীর্তিনাশকে নির্মাণ কালে সৃষ্টিকর্তা যে পঁচালো বুদ্ধির সংমিশ্রণ একদম করেন নি সেটা ক্লাবের অগারাজ বেয়ারাটি পর্যন্ত জানতো।

শ্যাম্পেনটাও পেটের ভিতর বুজ্ বুজ্ করছে।

কি করে যে হঠাৎ শিপ্রাকে শুধিয়ে বসলো, সেই জানে না : “তাচ্ছা শিপ্রা, তুমি আমাকে অস্থদের চেয়ে বেশী পছন্দ করো ?... আই, মীন, আই মীন আমাকে ভালোবাসো ?” তার পর আবার গবেটের মত হুট করে বলে ফেলল, “হাও মিলা !”

গেলাসটা ছিল কানায় কানায় ভর্তি। চৌ করে এক হ্যাঁচকায় খতম করে খটক করে সেটা টেবিলের উপর রেখে অল্প দিকে মুখ ফিরিয়ে তাকিয়ে রইলো।

কীর্তি ধরে নিয়েছিল, যে-মেয়ে এতদিন ধরে কারো কাঁদে ধরা দেয় নি—যদিও মাঝে মধ্যে এর ওর নামের সঙ্গে জড়িয়ে ওর বদনাম রটেছে আবার আপনার থেকেই সেটা কেটেও গিয়েছে—সে বুঝি এহেন অবস্থায় স্মার্ট সমাজের সুপ্রচলিত পদ্ধতিতে খিলখিল করে হেসে উঠবে।

হল একেবারে অপ্রত্যাশিত প্রতিক্রিয়া।

ধীরে ধীরে আধা শোওয়া অবস্থা থেকে উঠে বসে কীর্তিকে কাছে টেনে ছুই বাছ দিয়ে আলিঙ্গনে বেঁধে খেল চুমো। তার পর তার গালে মুখে চোখে হাত বুলিয়ে দিয়ে আবার গুয়ে গড়ে। কীর্তি নির্বাক, অসাড়। এমন কি চুম্বন আলিঙ্গনের সময় যে সাড়াটুকু দিতে হয় তার বিহ্বল অবস্থায় সেটুকুও সে দিতে পারে নি।

রুদ্ধ তপস্তার বনে বহু ত্রাসে অত্যন্ত আশে ভীকু অঙ্গরা যে রকম প্রবেশ করে কীর্তির প্রশ্রুতি বেরিয়ে এসেছিল সেই ভাবে।

উত্তরে সপ্তর্ষি মণ্ডলের উজ্জ্বলতম তারকারাজি উভয় হস্তে সন্ত গ্রহের আকাশকুসুম বর্ষণ করে আচ্ছাদিত করে দিলেন এই ধূলির অতি সামান্য প্রাণী কীর্তিকে।

পঞ্চম অধ্যায়

শিপ্রারই বাড়িতে পার্টি। তার এক বান্ধবী ফিরেছেন হাওয়াই থেকে হনিমুন বাপন করে। তাদেরই অনারে হুন্দুমাত্র পরিচিত জনকে নিয়ে মাঝারি গোছের শো। সবাই হেথাহোথা ঘোরাঘুরি করছেন গেলাস হাতে করে। বেরারাদের হাতের ট্রেতে আছে

হুইস্কি, কফাক, ভোদকা আর বিয়ার। বর্ষো বার্গেণ্ডি রাইন মজেলের রেওয়াজ এ-দেশে নেই বললেই চলে। জোগাড় করাও কঠিন, বিগড়ে যায় বড্ড তাড়াতাড়ি। কিন্তু শিপার ওয়াইন-সেলার দার্কিলিঙের মোলায়েম আবহাওয়ায়। নিজেরও যেটুকু মোহ তা ঐ-সব কন্টিনেন্টাল ড্রবোর প্রতি। সে-সবের জ্ঞান ব্যবস্থা ড্রইংরুমের ভিতর। সেখানে যে ছ'পাঁচজন চিড়িয়া আসন নিয়েছেন তাদের প্রায় সবাই ফরাসী জার্মান। তারা বিলক্ষণ অবগত আছে এই কলকাতা-সাহারায় শিপাই একমাত্র ওয়েসিস্। সঠিক কোন টেম্পারেচারে এ-সব পানীয় ফুল্ল বিকশিত হয়ে এই ভিন্দে দেশে স্ব-দেশের রস সুবাস বিতরণ করবে সে তত্ত্বটিতে শিপা স্পেশালিস্ট।

লনের এক প্রান্তে আসন নিয়েছেন সুদিনাদি স্মার্ট কোম্পানি। কীর্তি প্রাচীন রীতি অনুযায়ী প্রত্যন্ত প্রদেশে। আজ বসেছে মানন্দে। আজ গারাজে বসতেও তার কণামাত্র ক্ষোভ নেই। এ-উৎসবের হৃদয় পদ্মাসনে যে রাজার রাজা, বাইরের ভুবনে সে কোথায় কোন্ ধূলির ধূলিতে অবলুপ্তিত হল সে সম্বন্ধে কোন মূর্থ হয় সচেতন!

তদারকির রোঁদে তার পাশ দিয়ে যাবার সময় শিপা ক্ষণতরে কীর্তিকে উদ্দেশ করে বললে শুধু “হ্যালো”! ঠোঁটে সেই একবছরের পুরানো মুহূ হাস্য। কিন্তু সুদিন জানে আজকের এ কণ্ঠস্বর এ মুহূ হাস্য এক ভিন্নবাসিনী ভানুমতীর মদনরসে মত্তপূত।

ইতিমধ্যে বধু এসেছেন সুদিনাদির সামনে।

সুদিন এক গাল হেসে শুধলো, “কি গো সুন্দরী, হাওয়াই খীপের হুলা হুলা ডান্স রপ্ত করে এসেছ তো? এক চকর দেখিয়ে দাও না পাঁচজন রস-পিপাসুকে।

বধু বললেন, “নিশ্চয়, কিন্তু হাওয়াইয়ের সেই ঘাস পাবো কোথায়, নাচের ধাগরা বানাবার তরে?”

সুদিন বললে, সে আর এমন কি বিপত্তি। রাজকুমারী আহানারা

যে মসলিন পরে, ^{শঙ্কর} ~~উল্লসজ্জবের~~ সামনে সগর্বে উপস্থিত হয়েছিলেন সেটা জোগাড় করতে কতক্ষণ! সেইটে কালি কালি করে ঘাগরা বানিয়ে যদি পড়েন—

শঙ্কর বললে, “কী বেরসিক রে, বাবা। চাঁদের আলোর টানা আর রামধনুর পোড়েন দিয়ে বোনা হবে সে ঘাগরা। মিল্কি উইয়ের দুধ দিয়ে সেটি থাকবে ভেজানো—তবে না সেটি লেপটে থাকবে সর্বাঙ্গে। তবে না দেখা যাবে নৃত্যের তালে তালে প্রতিটি পেশীর আন্দোলন, সঙ্কোচন, সম্প্রসারণ।”

ইতিমধ্যে বর কনে এগিয়ে গেছেন আরেক দলকে “হেঁ হেঁ” করার জন্ত।

চৌধুরী আখতর হুসেন শঙ্কর মিত্রকে কিসকিসিয়ে বললেন, “বুড়ো ধেড়ে কাক। সাতান্ন ঘাটের পানি খেয়ে শেষটায় বিয়ে করলে নাতীর বয়সী মেয়েটাকে!”

মিস্ত্রি বললে, “চৌধুরী, আমাদের সোশাল সিস্টেমটা ভুমি আদৌ বুঝতে পারো নি। পুরুষগুলো তো যায় গোলায়—ঐ যে বললে সাতান্ন ঘাটের ঘোলা জল খেয়ে খেয়ে। বিয়েও যদি করে ঐ ঢপের হাক-বাইজীগুলোকে তবে জাতটা যাবে উচ্চমে। অন্তত একটা সাইড তো ক্লীন রাখা দরকার।

নৃত্য আর এগুলো না। কারণ ইতিমধ্যে একটি তরুণী লাভার সহ উপস্থিত। ইনি সত্তা উনিশে পা দিয়েছেন বলে ক্লাবের প্রাচীন মেম্বার তার পিতা তাকে সোসাইটি করতে অনুমতি দিয়েছেন। সঙ্গে সঙ্গে রসালাপ বন্ধ হয়ে গেল।

এদের এই একটা মহৎ গুণ এক লহমায় ভোল পালটাতে জানে। এই ছিল জল-বিছুটি আর এই হয়ে গেল ধোয়া তুলসী পাতা। চৌধুরী বললে, “কি গো মিস্ ডাট, বিলেত বাঙলার কদ্দুর?”

ঠোট বঁকিয়ে সুভা বললে, “করেন একশ্চেঞ্জ পাবো কোথা?”

মিস্ত্রি বললেন, “লাও! আস্থালাল কস্তুরভাই আছে কি করতে? তার তো দেদার করেন টাকা? তোমার পিতৃদেবের লীগেল এডভাইস ভিন্ন ছ’ বাণ্ডিল বিড়ি কেনে না। সে তোমাকে লগুন অঙ্গকোর্ড যেখানে প্রাণ যায় সর্বত্র পাউণ্ডের দরিয়ায় ডুবিয়ে রাখবে। তোমার আবার ভাবনা কি?”

সুভা একটা মামুলী উত্তর দিয়ে কেটে পড়লো। এ সব হচ্ছে কথার কথা—নিতান্ত কিছু একটা বলতে হয় বলে প্রসঙ্গটা উঠেছিল। নইলে আমাদের এ গোষ্ঠীর কোনো এক্ষেত্রেই কোনো ভাবনা নেই।

সর্বশেষে চৌধুরী ধীরে ধীরে প্রত্যেকটি কথা ওজন করে বললে, ব্যাপারটা একটু ঘোলাটে হয়ে আসছে। করেন টাকার কুমীর তো শেঠ চন্দ্রবদন। ইংলণ্ডে আছে প্রায় লাখ খানেক। পূর্ব পাকিস্তানী বাঙালী। তারা প্রতি বছর দেশে পাঠায় কয়েক কোটি টাকা। শেঠজীও তাদের কামানো পাউণ্ড কিনে নেয় সরকার থেকে টাকা দেয় তার চেয়ে বেশ কিছু বেশী মুনাফা দিয়ে। ওদিকে শেঠজী খবর পাঠায় নারায়ণগঞ্জে তার আমিনকে—সিলেটের জমুক শেখকে অত টাকা পাঠিয়ে দাও। এতে করে—”

এক হাক-আনাড়ি বাধা দিয়ে বললে, “নারায়ণগঞ্জে শেঠজী পাকিস্তানী টাকা পায় কোথায়? সেখানকার মিল কারখানা তো সব আদমজী কান্‌সি পশ্চিম পাকিস্তানীদের। সেখানে শেঠজীর কোন্ “খান্দা” যে তহবিল গড়বে?”

চৌধুরী মিস্ত্রি হেসে বললে, “তুমিও যেমন! আদমজীর টাকা খাটে অমৃতসরে শেঠজী মারফৎ এ্যাণ্ড ভাইস ভারসা। আচ্ছা, না হয় মেনেই নিলুম তোমার আজগুবি গুল। এই কলকাতার শহরে ইণ্ডিয়ান টাকা দিয়ে কিনতে চাও কত লক্ষ পাকিস্তানী টাকা—খাসা সস্তা ভাঙয়ে? সিলেটের মোকামে পাকিস্তানী টাকাটা পাঠিয়ে দেবার জিম্মাদারী তো ঐ পাকিস্তানীর—শেঠজীর কি?”

‘কীর্তি’ এতক্ষণ চুপচাপ বসে একটা গেলাসও শেষ করতে পারে নি। আসলে তার শরীরে পাঁড় মাতালের রক্ত নেই। সে নয়। নয়। করে দেখছিল, গত রাতের স্বপ্ন। ঘুমিয়ে কিরিয়ে, উল্টে পাণ্টে। আর দেখছিল, শিশুর দ্রুতপদে আসা-যাওয়া ছোট ছোট পা ঘিরে শাড়ির পাড়ের খেলা। মেমসাহেবদের ফ্রক হয় শতক ধরনের। প্রতি বছরে আবার মরসুম-মাসিক বার তিন চার কাট বদলায়, ভোল পালটায়। সব-কটাই যে একেবারে ফেলনা সে-কথা বলা চলে না কিন্তু এত চেষ্টা এত জিনিয়াস খাটিয়েও প্যারিস এমন একটা ফ্রক বানাতে পারে নি যেটা ছোট পা ঘিরে ঘিরে শাড়ির পাড়ের যে নৃত্য তার কাছে আসতে পারে। তার উপর শিশুর চলনভঙ্গি তার কোমরের বাঁকা-সোজা নড়াচড়া, কাঁধের ডাইনে বাঁয়ে হেলে-পড়াটার সঙ্গে এমনই মিল রেখে নিয়েছে যে তার হেথা হোথা আসা-যাওয়াটাই পাঁচ জনের চোখ ভরে দেয়। পাড়টি যেন আল্লনা ঐকে ঐকে সমস্ত লনটা ছেয়ে ফেলল।

কে কান দেয় তখন আদমজীর করেন টাকার দিকে? আমাদের কীর্তিবাবু না জানেন পলিটিক্স, না বোঝেন ইকনমিক্স। তবু তার কানে গেল শেষ কথাটা চৌধুরীর :—

“এবার কিন্তু সব-কিছু আবার হয়তো ডেলে সাজাতে হবে। আগামী লীগ জিতেছে ইলেকশনে উইদ এ মাগারিং মেজরিটি। দরিয়ার বাকিটুকু ভালোয় ভালোয় পেরুতে পারলে লীগওলারা আদমজী কান্সির খাউজেণ্ড পার্লেমেন্ট মুনাফা বরদাস্ত করবে না।”

সুদিন বললে, “সে তো শুরু কেজা। আথেরে হয়তো বা পশ্চিম পাকিস্তান থেকে একদম কেটে পড়বে। কে জানে, হয়তো বা পুরোপুরি স্বাধীন হয়ে যাবে।”

“ঐ্যা?” হঠাৎ যেন কীর্তির কানে জল গেল। ঐ স্বাধীনতা শব্দটার সঙ্গে তার কিঞ্চিৎ পরিচয় আছে। ছেলেবেলা থেকেই সে যা খুশী তাই করেছে। কালেভদ্রে যখন নিতান্ত বাধ্য হয়ে

অনিচ্ছায় কোনো কিছু সয়ে নিতে হয়েছে তখনই পেয়েছে দারুণ পীড়া।

একবার শিপ্রাকে কথায় কথায় বলেও ছিল, “বিবেক নামক ভদ্রলোকটির সঙ্গে আমার পরিচয় বড়ই কম। কিন্তু তিনিও মাঝে মাঝে মোকা পেয়ে যখন চাপ দিয়ে আমাকে বাধ্য করেন অগ্রিয় সব কাজ করতে তখন আমার জানুটা যেন ঠোঁটের কাছে এসে থাবা খেতে থাকে। বিবেকের চাপ কর্তব্য বাবুর চাপ—বাপ্প্রে বাপ। এর উপর আবার বাইরের চাপ। গোলামী!”

সুদিন বললে, “ওহে কীর্তিবাবু চুপচাপ বসে বসে ঢুকুস ঢুকুস করছো যে বড়। এ্যাদিন তুমিই তো, বাবা, ছিলে শিপ্রাদেবীর প্রতি পার্টিতে এডিকং! আজ সব ঝক্কি ওরই উপর ছেড়ে দিলে কেন বলো তো।”

“তা নয় সুদিনদা। আজ যাদের অনারে পার্টি ওদের ইয়ার দোস্তুও এসেছেন জনা কয়েক। ওঁরা তো নিত্য নিত্য এখানে আসেন না। আমার মত পাকা নন—ওরা ঠিকে। আজ ওদের একটা চান্স দিতে হয়। দেখছো না, ম্যাডামকে হেল্ল কন্সার্ন হলে থার্ড ক্লাস বেয়ারার চেয়েও আনাড়ি সার্ভিস দিচ্ছে। কিন্তু জীমতীর সঙ্গে তু’ এক দকে রসালাপ করার সুযোগ পাচ্ছে তো।”

“সার্ভিসের কথা তুলছো কেন? ওদের বাপ ঠাকুরদা বাটলার ছিল না কি?”

“লগুনের ক্ল্যারিজে টীফ ওয়েটারও সার্ভিসে তোমার কাছে হার মানবে। তোমার ঠাকুরদা তো ছিলেন কোম্পানির ম্যুন্সদী। তবে—”

“চোকার ছোকরা।”

ঘণ্টা দুই হয়ে গেল পার্টি আরম্ভ হয়েছিল। এখন একা, জোড়া জোড়া, একসঙ্গে জনা তিনা বিদায় নিতে আরম্ভ করলেন। কোন এক সংস্কৃতির কবি বলেছেন, যেন পরাজিত বাহিনীর সৈন্তরা একা

ছুকা হয়ে এদিক ওদিক ছিটকে পড়ে। আরেকটা ছোটখাটো দল চললো এক সঙ্গে—ওদের অস্থ একটা পার্টি-ডিনারে নেমস্তন্ন। শিপ্রা আগের থেকেই মাক চেয়ে নিয়েছিলো। 'এ-পার্টির ছ'এক জন বানচাল হয়ে যাওয়াতে সুদিন আর কীর্তি তাদের যেন আদর করতে করতে ড্রাইভারদের জিন্মায় মোটরে তুলে দিল। ছ'একজন সুপ্ত এবং অর্ধ সুপ্ত। তাদেরও তুলে দেওয়া হল তবৎ।

সুদিন বললে, "কীর্তি ভায়া, এবারে আরামসে একটা শেষ ড্রিংক খাই তোমার সঙ্গে।' এ-সব পার্টিতে এত সব রকমারি চিড়িয়া আসে যে প্রাণখুলে কথা বলা যায় না, আর প্রাণ খুলে কথা কইতে না পারলে গলা খুলে রস পান করবে কি করে?"

লনের সুদূরতম প্রান্তে দুজনাতে বসে চুপ করে রইল।

শিপ্রা শেষ গেস্টকে বিদায় দিয়ে ধীর পদক্ষেপে ওদের কাছে এসে দাঁড়ালো।

সুদিন দাঁড়িয়ে উঠে বললে, "বসুন।"

এরা আপনজন। তাই শিপ্রা বললে, "না, ভাই, আমি নাইতে চললুম।"

ড্রিংক শেষ করে সুদিন উঠলো। বললে, "আমি 'ব্র্যাক ক্যাট-এ' যাচ্ছি। 'তুই আসবি, এখানকার কাজ শেষ হলে?"

বেয়ারাদের বিদায় দেওয়া থেকে আরম্ভ করে আরো পাঁচটা কাজ "রাউণ্ড আপ" করার ভান প্রতি পার্টিতেই পড়ে কীর্তির ঘাড়ে।

সুদিন বললে, "তোর অনারারি নোকরিতাতে কি কোনো কালে প্রমোশন পাবিনে?"

কীর্তি হেসে বললে, "কড়া কনট্রাক্ট করা আছে, অনারারি—ঠিক হৈ। কিন্তু দাদা, পার্মোনেট।"

ষষ্ঠ অধ্যায়

কীর্তি ?

শিপ্রা ?

হ্যাঁ। শোনো। বেড়াতে যাবে ? মোটরে। পুরো দিনটা। ফিরতে রাত দশটাও হয়ে যেতে পারে। কোথায় যাব ? সে তো তুমি ঠিক করবে। আমি মেয়েছেলে, একটা শখ জানালুম। তুমি পুরুষমানুষ। শেষ ডিসিশান তো তোমার হাতে ? হ্যাঁ একটা স্ফটিকেস নিয়ে এসো—যদি ব্রেক ডাউন-টাউন হয়ে যায়। আর সব আমি নিচ্ছি। শিগগির এসো।

কীর্তি ভাবলো, হুঁ সে পুরুষমানুষ, কুলে ডিসিশন তার হাতে। ছু রাত্তির যেতে না যেতেই যে শিপ্রাচক্রের প্রত্যন্ত প্রদেশে সে লিকলিক করতো হঠাৎ হয়ে গেল সে-চক্রের চক্রবর্তী। নিজেকে সাতিশয় মহিমায়িত পদে উন্নীত দেখেও তার থেকে অবিমিশ্র আনন্দ আহরণ করতে পারলো না। সে বহুদিন বার বার অনুভব করেছে, শিপ্রার কমন সেন্স, সাংসারিক বুদ্ধি তার চেয়ে ঢের ঢের বেশী। যাকে বলে ক্যালচার—সেখানে তো কোনো তুলনাই হয় না। সর্বোপরি কী ক্লীলোক কী পুরুষ কস্মিনকালেও কেউ কড়ে আঙুলটি তক্ তুলে ইঙ্গিত মাত্র দেয় নি তার ব্যক্তিত্বে রয়েছে বিকট একটা পৌরুষ ভাব।

সে ড্যাক অব এডিনবরা হতে রাজি আছে সানন্দে। কিন্তু রানী এলিজাবেথের সিংহাসনে বসতে যাবে কোন্‌ ছুখে ?

ভরসাও অবশ্য আছে শিপ্রা বুদ্ধিমতী মেয়ে। তাকে যে অযথা অকূল দরিয়ায় ডোবাবে সেটা একেবারেই অসম্ভব। যে-মেয়ে

কি না ইহজন্মে কোনো বেয়াড়া বয়সকে ডিসমিশ করে নি। কলকাতা-শহরে রীতিমত “লজ্জাস্কর” রেকর্ড।

তা সে যাক্‌গে। অত ভেবে কি হবে? কিন্তু ভাবনাটা মুখ দিচ্ছে যে

যাত্রারস্ত্রের শেষ ফিনিশিং টাচ সমাপণ করে শিপ্রা শুধোলে, “তুমি চালাবে? ড্রাইভার ছুটি নিয়েছে।”

আংকে উঠে কীর্তিনাশ বললে, “সর্বনাশ! তবেই হয়েছে। তোমাকে কেউ বলে নি, আমি নিজে যখন গাড়ি চালাই তখন সেটাতে মড়া লাশকেও লিফ্ট দিতে রাজি হইনে। করবো অ্যাকসিডেন্ট, পুলিশ বলবে তারই ফলে লোকটা মারা গেছে।”

সিগারিঙে বসে শিপ্রা বললে, “কাজলামো রাখো। সোভানী মোটরের জুউরী। তার মুখে নিদেন একশ’ বার শুনেছি তোমার মত মোটর মেরামতির ছুরি এ-দেশে তো নেইই জর্নিতেও মেলা ভার।”

“কে বলেছে? সোভানী? তা তো বলবেই। আহা, কালকের পার্টিতে যদি দেখতে তার নৃত্যকলা। তুমি তখন লনের অস্থ কোণে কোন্ এক কনসাল না কি যেন—মিষ্টি মিষ্টি কথা বলে মোলায়েম করছিল। এদিকে সোভানী তার ইয়া আড়াইমণী লাশটাকে লনের উপর বিন ঠেকনা দাঁড় করাতে পারছেন না, ওদিকে সে অস্ত্রের ফিল্ম স্টার গোলাবাম্মাকে ভরত নাট্যমের কি একটা দারুণ জিগ্‌জাগ্‌ স্টেপ দেখাবেই দেখাবে। হু পাস্তুর টেনেই মগজটি গোবলেট। ভরত নৃত্যশরীরে দেখাতে গিয়ে হু হাতের চেটো উন্টো করে কোমরে রাখলো লখনৌয়ের বাইজী স্টাইলে। তার পর সে হাতীর পায়েন্ন সাইজের এক একখানা ধাবা দিয়ে দেখাতে লাগল হরেক রকম মুদ্রা। কি একটা গানও ধরেছিলো বুঝি—“বাজত বুঙুরিয়া” না কি যেন। শেষটায় জড়ানো গলায় গোলাবাম্মার

দিকে সাতিশয় বিনয়নয় লাজুক নয়নে তাকিয়ে বললে, “আপনার মতো গুণিনকে বুঝিয়ে বলতে হবে না—সেটা হবে কেরিইং কোল টু এ বার্ড ইন দি হ্যাণ্ড—এ নৃত্যটার মূল বক্তব্য হচ্ছে তম্বঙ্গী স্ত্রীরাধা রসরাজ কেষ্ঠ ঠাকুরকে তাঁর পূর্বরাগ নিবেদন করছেন।”

শিপ্রা খুশী হয়ে বললে, “পার্টীটা তো তাহলে দারুণ সাকসেশফুল হয়েছিল। আর কি দেখলে?”

“সেটা ঘটে নি তাই দেখেছি বলি কি প্রকারে?”

“যথা—”

“বাসন্তি আর সুশান্তি তো চিরন্তনী মানিক জোড়। পার্টি পরবের কথা বাদ দাও, তাঁরা হাঁচেন এক সঙ্গে, কাশেন এক সুরে। কাল ছুজনা বসেছিলেন পার্টি নদীর ছ’পারে—চখাচখীর মিলন হয় না, জানো তো। এ তারো বাড়ি। যেন চির বিরহের সতীদাহে ছ’পারে ছ’জন দগ্ধ হবেন। মাঝে মাঝে আবার একে অন্নের দিকে তাকাচ্ছিলেন। বাপস্। তখন চোখ থেকে আগুনের যা হুঙ্কা বেরুচ্ছিল, আমি তো ভয়ে মরি, তোমার সাধের ঝড়িটাতে না আগুন লেগে যায়।”

“আরো বিস্তর দেখবার ছিল, শোনবারও ছিল। হ্যাঁ পূব বাঙলার পলিটিক্‌স্ নিয়ে দেখলুম ছ’একজন চিন্তিত।”

শিপ্রা বললে, “তুমি তো খবরের কাগজের, হেড লাইনগুলোও পড়ো না, সে আমি জানি। আর আমি পড়ি খুঁটিয়ে খুঁটিয়ে। ব্যাপারটা সত্যি বড্ড খারাপ মোড় নিচ্ছে।”

কীর্তি বুঝলো, শিপ্রা পূব বাঙলার পলিটিক্‌স্‌টা খুবই সিরিয়াসলি নিয়েছে। তাই অনেকক্ষণ চুপ করে থাকার পর শুধলো, “আমাদের কি বিশেষ গন্তব্যস্থল আছে?”

শিপ্রা বললে, “রাসো গঙ্গা পেরোই। তারপর তুমি স্থির করবে। বোলপুর যাবে? শাস্তিনিকেতন।”

কীর্তি বললে, “বোলপুর—হ্যাঁ।” তারপর ঈষৎ কাতর কণ্ঠে

বললে, “শাস্তিনিকেতনে যেতে কিন্তু আমার সঙ্কোচ বোধ হয়, এমন কি ভয় করে।”

শিপ্রা আশ্চর্য হয়ে শুধলো, “কেন?”

“ওখানে সঙ্গীত নৃত্য এসব তো আছেই তার উপর সেখানে হয় নানা প্রকারের বিস্তারিত রিসার্চ। এ-সব তো আমি জানিনে, বুঝিনে। কারো না কারো সঙ্গে পরিচয় হয়ে যাওয়াটা সম্পূর্ণ অসম্ভব নয়। তখন তিনি যদি কোনো প্রশ্ন শোধান বা আলোচনা পাড়েন তখন আমি মুখ খুললেই তো চিন্তির। আবার একদম চুপ করে থাকটাও অভিজ্ঞতা।”

“এ তোমার বাড়াবাড়ি, আমি ভালো করে জানি, তুমি রবীন্দ্রনাথের কবিতা বহু বৎসর ধরে মন দিয়ে পড়ছো। রবীন্দ্র-সঙ্গীতের কালেকশন তোমার যা আছে সেটা রীতিমত বিরল।”

কীর্তি করুণতর কণ্ঠে বললে, “ভাই, সে আমার নিতান্ত আপন আনন্দ। কিন্তু আটঘাট বেঁধে যুক্তিপূর্ণ ভাষায় ঐ দিয়ে কিছু বলতে যাওয়া তো সম্পূর্ণ ভিন্ন শিরঃপীড়া।”

শিপ্রা বাঁ হাত দিয়ে কীর্তির উরু চাপড়ে সাস্তুনা দিয়ে বললে, “থাক না তা হলে আশ্রম দর্শন। এগোই তো উপস্থিত পশ্চিমদিকে। তারপর দেখা যাবে।”

কীর্তি বললে, “তুমি আমাকে ভুল বুঝলে আমার হৃৎকেন্দ্র অবধি থাকবে না। যাকে বলে রবীন্দ্রদর্শন তার সঙ্গে আমার পরিচয় অতিশয় নগণ্য। -তবু আমার একটা অস্বাভাবিক—বরঞ্চ বললে ভালো হয় আমার ইনসটিনক্ট বলে—রবীন্দ্রনাথ আর বিবেকানন্দ এই দুটি লোক যা করে গেছেন সেটা পরিপূর্ণভাবে আপন বুকের রক্তের সঙ্গে মিশিয়ে নিতে, ঐ দিয়ে মগজের সেলগুলোর গঠন পালুটে নিতে আমাদের আরো একশ বছর লাগবে।”

শিপ্রা বললে, “জরমনাও বলে গ্যোটেকে সম্পূর্ণভাবে গ্রহণ

করতে তাদের আরো 'একশ' বছর লাগবে। একাধিক চিন্তাশীল লোক বলেছেন, গ্যোন্টের নির্দেশ যদি সত্যিই আমরা আমাদের চিন্তাধারায়, আদর্শ নির্মাণে মেনে নিয়ে থাকতুম তা হলে হিটলারের আবির্ভাব হত না।”

শীতকালে পশ্চিম বাঙলার বিশেষ করে বর্ধমান বীরভূম অঞ্চলে প্রাকৃতিক সৌন্দর্যের ছড়াছড়ি থাকে না। তবে লক্ষ্য করলে প্রকৃতির একটা দিক মাঝে মাঝে বড়ই চমক লাগায়। ভোরবেলা ঘুম ভাঙলো। শার্সি দিয়ে তাকিয়ে ঠাহর করা গেল না দেবতা আকাশে উদয় হয়েছেন কি না। তারপর হঠাৎ এক ঝটকায় সব ছুনিয়া সাক্, আসমান জমীন এমন কি হাওয়াটাও যেন আলোর আলোময় হয়ে গেল। রাজা অনেক আগেই আকাশের বেশ উঁচু জায়গায় সিংহাসনে আসন নিয়ে বসেছিলেন। সামনে ছিল যবনিকা। লগ্নকাল প্রত্যাসন্ন হওয়া মাত্রই রাজাদেশে দ্বারী চক্ষের পলকে সে যবনিকা সরিয়ে দিয়েছে।

আজ কুয়াশা কাটলো ধীরে ধীরে। মোটরও এগিয়েছিল সাবধানে। শ্রীরামপুর পেরনোর পর শিপ্রা বললে, “এরই কাছে-পিঠে ভাইনে মোড় নিলে একটা পুকুর আছে। উঁচু পাড়িতে ছোট বড় গাছ-গাছালি। রোদ্দুরটা পিঠ তাতালে সতরঞ্চি একটু সরিয়ে নিলেই হল। কিংবা বর্ধমান পেরিয়ে বাবার বন্ধুর বাগানবাড়ি। দশ বছর ধরে ফাঁকা। একটা মালী আছে মাত্র। কোন্টা পছন্দ? আমার কোনো চয়েস নেই।”

“এই শীতের সকালে চলাটাই লাগছে বেশ, বসারটার চেয়ে।”

যদিও ফ্লাস্কে বিস্তর চা কফি ছিল তবু একটা পেট্রল স্টেশনের পাশে দরমার দোকানের বেঞ্চিতে ছুঁজনাতে চা খেতে বসল।

কীর্তি দোকানীকে শুধলো, “ব্যবসা-বাণিজ্য কি রকম চলছে?”

অত্যন্ত সবিনয়ে বললে, “আমাদের খন্দের তো গোরুর গাড়ি। এখন বাবুরা হুশ করে মোটরে চলে যান। বাস্ দাঁড়ালে সেও বা

কতক্ষণ। গোরুর গাড়ি কমে যাচ্ছে। দোকানটাকে তাই খাড়া করতে পারছি নে।”

শুকনো দরদ শোনার মত এদের হুঁজনার কেউ নয়।

কীর্তি বললে, “এটা বাংলাদেশ, আবার ঢাকা সিলেটও বাংলাদেশ। কিন্তু আমার মনে হয় বাস, মোটর বোধহয় বাংলাদেশের নৌকোকে এতখানি ঘায়েল করতে পারে নি। তুমি কখনো বাংলাদেশে গেছ?”

হেসে বললে, “খাঁটি বাংলাদেশের মাটিতে কখনো পা ফেলি নি, কিন্তু বাংলাদেশে গিয়েছি। কোন্ এক স্ত্রীমার কোম্পানির কি যেন এক পরবে কলকাতা থেকে সৌন্দর্যবন হয়ে বাহাছরাবাদ ঘাট না কি যেন। কী সুন্দর দেশ, কি বলবো! পরে আরো বলবো এখন চল।”

মোটর চালাতে চালাতে কিন্তু শিপ্রা বলে যেতে লাগলো প্যারিসের গল্প। কথায় কথায় শুধলো, “তুমিও তো প্যারিসে ছিলে?”

“আমি একটা অপদার্থ। মোকামে পৌঁছাই। সব বলবো।”

বাগানবাড়িটা শৌখিন নয়, মালীটাও আলসে নয়।

বাড়িটার প্রধান লক্ষণীয় জিনিস তার তিন দিকের প্রাস্তর পরিমাণ বারান্দাগুলো। বাগান, রাস্তা পেরিয়েই কাটা-ধানের খোঁচা খোঁচা শূন্য ক্ষেত। দিগন্তে গ্রামের সবুজ আভা।

সপ্তম অধ্যায়

বাগানবাড়িটা শৌখিন নয় বটে কিন্তু মালীটাও আলসে নয়।

বাড়িটার প্রধান লক্ষণীয় বৈশিষ্ট্য তার তিন দিকের প্রাস্তর পরিমাণ বারান্দাগুলো। বাগান, রাস্তা পেরিয়েই কাটা ধানে খোঁচা খোঁচা শূন্য ক্ষেত। দিগন্তে গ্রামের সবুজ আভা। মালী প্রাচীন

দিনের, অধুনা লুপ্তপ্রায় আরামদায়ক ছ'খানা ডেক-চেয়ার পেতে দিয়েছে। মোটর থেকে বের করে সতরঞ্চি কুশনও।

শিপ্রা বললে, “রবীন্দ্রনাথের গানে আছে, ‘সন্ধ্যাবেলার চামেলি গো, সকালবেলার মল্লিকা’, আর তোমাদের গানে আছে, ‘হুপুর বেলার পিন্‌জিন্‌ গো সন্ধ্যাবেলার উ-ই-স্কি’। কি থাকে বলা।”

বিলিতি পিন্‌ক্‌ জিন্‌ এদেশের বেয়ারা-বুলিতে পিন্‌জিন্‌। ছোট্ট গেলাসে প্রথমে কয়েক ফোঁটা বিটারস্‌ ঘুরিয়ে ফিরিয়ে গেলাসে জিন ঢালা হয়। এটাকে জিন এণ্ড বিটারসও বলেন কেউ কেউ। তবে এদেশে, বিশেষ করে গরমের দিনে, জিনের সঙ্গে কয়েক ফোঁটা পাতি নেবুর রস দিয়ে গিমলেটটাই পছন্দ করেন স্মার্ট সেটের অধিকাংশ মেসার।

কীর্তি সঙ্গে সঙ্গে বললে, “না, আমি সাদা চোখে কথা কইব।”

শিপ্রা আতঙ্কের ভান করে বললো, “আমাকে ভয় দেখাচ্ছ কেন গো? তুমি কি জার্মান আর আমি ফ্রান্স যে যুদ্ধশেষে সন্ধির শর্ত নিয়ে দর কষাকষি করতে এসেছি?”

প্রথমটায় সামান্য একটু হকচকিয়ে কীর্তি হেসে বললো, “ধরো তাই। কিন্তু আমার কোনোই শর্ত নেই। এতটা কাল আমি তোমার ভিতরে গণ্ডীতে ছিলাম না। তবু জানতুম, তুমি যে-ধরনের মানুষ—আমি কিছু চাইলে এ ধরনের লোক ‘না’ বলতে পারে না। তবে এখন, আমি বলছি এখন, তোমার কাছে আমি কোনো-কিছু চাইব কেন? যদিও আমি আমার সর্বাঙ্গে গৌরবের কাঁথা জড়িয়ে তোমার কাছে ভিখিরির মত ছ’হাত এক জোড় করে এক কণা খুদের তরে উচ্চকণ্ঠে আবেদন আর দাবী জুইই জানাতে পারি।”

শিপ্রা বললে, “আমি যখন নিজের থেকে সম্পূর্ণ স্বেচ্ছায় তোমার বকের কাছে এসেছি তার সরল অর্থ, এবং আমার অধিকার তুমি

আমাকে তোমার ডানার ভিতরে গুঁজে নিয়ে সর্ব বিপদ সর্ব আশ্বাত এখন রক্ষা করবে। যেখানে কনের ইচ্ছা অনিচ্ছার কোনো কথাই

ওঠে না সেখানেও পিতা যখন সম্প্রদান করে তখনো তো বর জানে তার ঘাড়ে কি দায়িত্ব চাপানো হল। আর—”

বাধা দিয়ে অবিমিশ্র সরল এবং অত্যন্ত করুণ কণ্ঠে কীর্তি বললে, “অপদার্থ। আমি যে কত বড় অপদার্থ সেইটে আমি জানি এবং সেটা তুমি আমাকে আজ এখানে না আনলে আজ ছপুয়ে তোমার বাড়িতে গিয়ে সেইটে ভালো করে বুঝিয়ে আসতুম। আমার মাত্র ঐ একটি বক্তব্য আছে : সেটা—আমি অপদার্থ।”

তথ্যটা যাতে করে শিপ্রার চৈতন্যে গভীর দাপ কাটে তাই কীর্তি ‘অপদার্থ’ শব্দটার উপর পুরো জোর দিয়ে চুপ করে রইল।

তথ্যটা সত্য হোক মিথ্যে হোক, একটা বিষয়ে কোনো সন্দেহ নেই, কীর্তিকে যারাই চিনতো তারাই জানতো, ওর ভিতরে রক্তভরা ভড়ং নেই এবং সে যে অপদার্থ সেটা তার সরল, স্বাভাবিক অকৃত্রিম বিশ্বাস।

পক্ষান্তরে স্মার্ট, নন-স্মার্ট সব চক্রই আপন আপন অভিজ্ঞতা থেকে নিঃসন্দেহে সোৎসাহে হলপ নিতে এগিয়ে আসতো যে শিপ্রার মত স্থির বুদ্ধিদারিণী কন্ঠার মাথায় হাত বুলোতে পারে এহেন ধুরন্ধর মহানগরীতে বিরল—সর্বসমক্ষে বুলোয় একমাত্র তার চাকর বেয়ারা কি আয়া।

তা হলে প্রশ্ন, জেনে বুঝে এই শিপ্রা “অপদার্থ” কীর্তিকে তার পার্টি রাউণ্ডে ইনকাম ট্যাক্স-অফিসারের সঙ্গে বচসা করার জন্তু—অবশ্য ব্রীকিংটা পুরোপুরি শিপ্রারই—পাঠায় কেন? অবশ্য সেটা যে খুব একটা চোখে ঠেকত তা নয়। আর পাঁচজনকেও সে এ-কাজ ও-কাজের ভার দিত। তারাও সানন্দে কর্ম সমাপন করে দিত। তার কারণটাও জলের মত পরিষ্কার। এই জটিল কলকাতার রাজনৈতিক অর্থনৈতিক করপোরেশনিক যুক্তফ্রন্টিক গোলকধাঁধার ভিতরে বাইরে বহুজনকে নিত্য নিত্য এমন সব ব্যক্তিগত লজ্জাবতী-

লতার মত সাতিশয় ডেলিকেট সঙ্কটের সম্মুখীন হতে হয় যে স্থলে
বুদ্ধিমতী রমণী তার মৃদুহাস্য, তার দরদিয়া অনুরোধ তার মোহনিয়া
ছল-কাতরতা দিয়ে গ্রন্থিমোচন করে দিতে পারে অধিকাংশ
সমস্যাতেই।

অবশ্য নিঃসন্দেহে বলতে হয়, শিপ্রার চাণক্যদত্ত এই কূটনৈতিক
দক্ষতার খবর জানতো অতি অল্প লোকই। সর্বসমক্ষে সে তাবৎ
পার্টির প্রাণ, তাবৎ ক্লাবের জান্।

সেই শিপ্রা এই “অপদার্থ” কীর্তিটাকে কি তবে বাঁদর নাচ
নাচাচ্ছে?—যদিও সে যে শিপ্রার প্রসাদ পেয়েছে সেটা মাত্র ছ’
দিনের ভিতর কারোরই জানার কথা নয়। কাল যে পার্টি হয়ে
গেল সেখানেও কীর্তিবাবু ছিলেন ঐতিহ্য অনুযায়ী পূর্ববৎ পার্টিফীন্ডের
লাইনসম্যান। কোথায় ভুবন-বাগানের ক্যাপটেন শিপ্রা, আর
কোথায় সে!

কিন্তু বাঁদর নাচ নাচানোর মেয়ে শিপ্রা নয়।

শিপ্রা তাকিয়ে আছে অলস নয়নে রাস্তার দিকে। সাঁওতাল
মেয়েরা জোড়া জোড়ায় একে অণ্ডের আঙুলে আঙুল জড়িয়ে নিচু
গলায় কোরাস গান গাইতে গাইতে বাড়ি কিরছে হাট থেকে কেনা-
কাটা সেরে। সাঁওতাল পুরুষের চিহ্নমাত্র নেই। একটি সাঁওতাল
মেয়ে শুধু চলেছে জোড় না মিলিয়ে। হাতে একটা কঞ্চি। সেটা
দিয়ে কখনো বা আফালন করে, কখনো বা ছ’কদম নেচে নেয়,
কখনো বা কঞ্চি দিয়ে অশ্রু মেয়েগুলোকে শাসায় আর তারা খিল-
খিল করে হাসে। আসলে সাঁওতাল মেয়েরা হাটে বাজারে তাড়ি-
ফাড়ি খায় না! এ মেয়েটা ব্যত্যয়—এবং সাতিশয় ব্যত্যয়। বেশ
খানিকটে গিয়েছে। তাই তার এই ফুতি।

শিপ্রা তাড়াতাড়ি কীর্তিকে দৃশ্যটা দেখিয়ে বললে, “দেখো, দেখো
এই মেয়েটা হচ্ছে ‘আমার সাঁওতাল’ সংস্করণ—ওদের ‘সোমাইটি
গার্ল’।”

কীর্তি প্রথমটায় আদৌ বুঝতে পারে নি, ব্যাপারটা কি। বললে,
“ছিঃ! এ-মেয়েটা তো রীতিমত বে-এজেন্ডার।”

শিপ্রা বললে, “আহা, তুমি কিছু বোঝ না। ভিন্ন ভিন্ন
সোসাইটির ভিন্ন ভিন্ন প্যাটার্নের বে-এজেন্ডারির রকম-কৈর হয়।
আমাদের অজ পাড়াগাঁয়েও ছ’একটি মেয়ের উড্ডুকু উড্ডুকু ভাব থাকে
—তোমরা যাকে বলো, ‘ফ্লাইটি গার্ল’, একেবারে যেন শব্দে শব্দে
অনুবাদ। তার কণ্ঠনটি আর প্যারিসিনীর অর্ধোন্নত তাণ্ডব লক্ষ-
বাক্ষ কি একই প্যাটার্নের? তবে হ্যাঁ, যেখানে মদের প্রচলন নেই
সেখানে এসব ব্যাপার মাত্রাধিক্য হয় না।” তারপর বেশ কিছুক্ষণ
কি যেন চিন্তা করে বললে, “জানো কীর্তি, আমি অনেক দেশ
দেখেছি; আমার জানা মতে পূর্ব বাঙলার একটা বৈশিষ্ট্য যে ওরা
মদ খায় না। চাষাভূষা তাড়ি খায় না, মধ্যবিত্তদের তো কথাই
নেই আর পার্টিশনের আগে পর্যন্ত বড় বড় বেশ কিছু জমিদার
কলকাতায় বাড়ি বানাতো ফুটিফাটি এবং মত্তপানের জন্ত। ছোট
কুর্দিস্তানে কি হয় জানিনে কিন্তু পূর্ব বাঙলার মত একটা মাঝারি
রকমের দেশে মদের প্রচলন নেই, এটা সত্যই বিচিত্র ঠেকে আমার
কাছে। ওদের কালচারটাই যেন বর্ধমান বীরভূম—এক কথায়
রাঢ়ের থেকে স্বতন্ত্র।”

কীর্তি বললে, “হুঁ। কিন্তু ঢাকা বেতার যা রবীন্দ্রসঙ্গীত গায়
সেটা কলকাতার চেয়ে কোনো অংশে খারাপ নয়। তবে পিণ্ডির
রাজারী সেটা প্রায় বন্ধ করে দিয়েছেন।”

শিপ্রা বাঁকা হাসি হেসে বললে, “তুমি অতশত খবর রাখো কি
করে। তুমি না অপদার্থ।”

অষ্টম অধ্যায়

“কীর্তি।”

“ইয়েস, ম্যাডাম।”

“ঠাট্টা নয়। তোমাকে গুটিকয়েক কথা বলতে চাই।”

“দোহাই তোমার। আমি বড় আনন্দে ডুবে আছি। দয়া করে সেটাকে থাকতে দাও।”

“তুমি যদি আমার কথাগুলো ঠিক মত গ্রহণ করো, তোমার ভিতর যে স্বাভাবিক বুদ্ধি আছে তারই সাহায্য নিয়ে আমার কথাগুলো বুঝে নাও তবে তোমার আনন্দ কিছু মাত্র কমবে না। কলকাতায় আমার ঘরে শুয়ে শুয়ে তোমাকে যে এ-কথাগুলো বলা যেত না তা নয়। কিন্তু তুমি একাধিক বার বলেছ, আমার স্বরটি বড় রোমান্টিক। সেখানে যে আবহাওয়ায় তুমি কি বুঝতে কি বুঝবে, কি বলতে কি বলবে তার জন্ম পরে হয়তো পস্তাবে। তাই তোমাকে এখানে টেনে এনেছি। এখানে চতুর্দিকে লোকজন রয়েছে। হঠাৎ হৃদয়াবেগে আমার হাঁটু জড়িয়ে হাউ হাউ করে কান্নায় ভেঙে পড়তে পারবে না, আমিও তখন সর্ব সঙ্কল্প ভুলে গিয়ে তোমার কান্নায় গলে যাবো না।”

বেচারী কীর্তি কোন্ দিকে যে হাওয়া বইছে কিছুই অনুমান করতে পারছিল না। শুরু হয়ে শুধু শিপ্রার দিকে তাকিয়ে রইল।

শিপ্রাও সোজা স্থির পূর্ণ দৃষ্টিতে কীর্তির ছ’চোখে আপন ছ’চোখ রেখে তার স্বাভাবিক কণ্ঠে বললে,

“আমি তোমার চেয়ে ছ’বছরের বড়, কিংবা বেশী, কম নিশ্চয়ই নয়। আমাদের বিয়ে হতে পারে না।” শিপ্রা সজ্ঞানে কথা বন্ধ

করলো। হয়তো বা কীর্তির মুখ থেকে কোনো মন্তব্য প্রত্যাশা করছিল। হয়তো বা তার প্রত্যেকটি বক্তব্য যেন অঙ্করে অঙ্করে, তার সম্পূর্ণ অর্থ নিয়ে কীর্তির বোধগম্য হয় তার জন্তু আপন নীরবতা দিয়ে তাকে সুযোগ দিচ্ছিল।

কিন্তু কোনো উত্তরই দিল না। কিন্তু সে যে বক্তব্যটা বুঝতে পেরেছে সেটা তার মুখের ভাব পরিবর্তন থেকেই বোঝা গেল।

শিপ্রা ঠিক আগেরই মত স্বাভাবিক কণ্ঠে বললে, “কিন্তু তারই কলে আমাদের ভালোবাসাতে সামান্যতম আঁচড়টুকু লাগবে না, আমাদের ভালোবাসাতে কোনো দিক দিয়ে কোনো প্রকারের অসম্পূর্ণতা থাকবে না। কারণ আমি স্থির নিশ্চয় জানি, আমার সর্ষ সত্তা দিয়ে অনুভব করেছি, তোমার ভালোবাসা একাগ্র ভালোবাসা, তুমি আর তোমার প্রেম অভিন্ন সত্তা; আর আমার প্রেম তুমি দিনে দিনে চিনে নিয়ে, আমি আশা ধরি, তুমি কোনো দিন তার শেষ অতলে পৌঁছতে পারবে না। এবং তার সঙ্গে যোগ দিয়ে বলি, এই কলকাতার শহরে শত শত গতানুগতিক যে-সব বিয়ে হচ্ছে সেখানে বর যা পায় তার চেয়ে তুমি পাবে এত বেশী যে ছোটোর কোনো তুলনাই হয় না। সে-সব আমি স্বপ্নে দেখেছি, তুমি বাস্তবে পাবে। আর আমি তোমার কাছ থেকে কি পাবো, কি নেব সেটাও আমি ভালো করেই জানি।

তুমি যে আনন্দমাগরে ডুবে আছে সেটাতেই তুমি থাকবে— শুধু আমাকে পাবে পাশাপাশি।”

হায়রে কলকাতার রোমাণ্টিক সুখনীড় থেকে দূরে এসে পথ পার্শ্বে উন্মুক্ত প্রান্তরে যুগ্ম ভবিষ্যৎ জীবন সম্বন্ধে সর্বপ্রকার কবিত্ব বর্জিত সাদামাটা ভাষায় আলোচনা করার নিষ্ফল প্রচেষ্টা!

এ বিশ্বাস অবশ্য শিপ্রার পরিচিত জনের ছিল যে, সে যদি কখনো প্রেমে পড়ে তবে সঁাতসঁতে-হৃদয় বাঙালীর মত রস-সায়রে হাবুডুবু খাবে না, তার প্রেম হবে পাক্কা ইংরিজি কায়দায়—বিজনেস ইজ

বিজ্ঞেনস—হোক না লেনদেনের বস্তু ওক কাঠের তক্তার স্থলে যুবক যুবতীর প্রেম।

কিন্তু এর পরই কৌতূহল জাগার কথা, শিপ্রার বক্তব্য শুনে— তা সে রোমান্টিক ভাষাতেই হোক কিংবা কাঠখোঁটা কাঠের ভাষাতেই হোক—আমাদের অপদার্থ কীর্তি ঠাকুরের হৃদয়মনে কি প্রতিক্রিয়া সৃষ্টি করলো।

এ-কাহিনী যদি প্রেমের মোলায়েম গল্প কাব্য হত তবে তারই সরস বর্ণনা দিয়ে হেসে খেলে ছ'দশ অধ্যায় জুড়ে বিরাট রসসৌধ নির্মাণ করলে যুবজন উল্লসিত হতেন। কিন্তু এ-স্থলে এই যুবক যুবতী অনির্দিষ্ট ভবিষ্যতের দিকে এগিয়ে চলেছে, সে পথে প্রেম-রস মুখ্য নয় গৌণও নয়—সেটি তাদের পাথেয়।

আত্মস্মরিতার গ্যাসে ভর্তি বেলুনমুণ্ড অকালকুয়াণ্ড ভিন্ন অন্য যে-কোনো সাদামাটা বাঙালী প্রেমমুগ্ধজন তার প্রতিদান পেলে এতই আত্মহারা হয় যে সে আর তখন প্রিয়ার অন্য কথা শুনতে পায় না। অনাগত ভবিষ্যৎ সম্বন্ধে তার সাবধান বাণী, ছ'জন্যর শাস্তিময় জীবন যাপনের জন্ত সামান্য ছ'একটি বোঝাপড়ার কথা কিছুই তার কর্ণকুহরে প্রবেশ করে না। হারানো ছেলে কিরে পেলে ছুঁখিনী-মায়ের চতুর্দিকময় ঘন অন্ধকার যে রকম এক-মুহূর্তে অস্তর্ধান করে, কীর্তির বেলা হল তাই।

তার চেতনায় মাত্র একটি অনুভূতি—পেয়েছি, পেয়েছি, পেয়েছি।

এই আনন্দলোককে লগুঙগু করবে কোন্ পাষণ্ড !

শিপ্রা তার মধুরতম হাসি দিয়ে কীর্তিকে নিরঙ্কুশ আত্মহারা করে দিয়ে বললে, “কীর্তি, তুমি যে আনন্দ সাগরে অবগাহন করছো সেটাতে আমি ঝড় তুফান তুলতে চাইনে। আমার যা বলার সেটা বলা হয়ে গিয়েছে। তুমি রস-সায়র থেকে ওঠার পর তাই নিয়ে চিন্তা করে যদি কিছু বলার থাকে, কাল বলো। উপস্থিত তোমার সায়র থেকে যে ছ'চারটি মুক্তো আহরণ করেছ সেগুলো দেখাও।”

সে-যাত্রা আর বোলপুর হল না। সামনে ময়ূর সিংহাসন। সেটা ছেড়ে কোন মূৰ্খ ধায় কাবুল কান্দাহার পানে সেখানে মোড়ার উপর বসবে বলে।

নবম অধ্যায়

কীর্তি আসামাত্রই শিপ্রা উত্তেজিত কণ্ঠে বললে, “পড়েছো কাগজে পাজির পা-ঝাড়াদের ছুঁচোমোটা?”

কীর্তি হাবার মত তাকিয়ে রইলো।

শিপ্রা বললে, “বাবার সঙ্গে যখন প্যারিসে ছিলাম তখন করাসীদের মিলিটারি একাডেমি স্যাঁ মীরের কয়েকটি অফিসার বাবার সঙ্গে বসে ঘণ্টার পর ঘণ্টা ছুঁনিয়ার যত রকমের বিষয় নিয়ে আলোচনা করতো। একদিন কি একটা মিলিটারি প্রশ্ন উঠলে তারই খেই ধরে যে চারটি কথাবার্তা হল তার থেকে স্পষ্ট বোঝা গেল আর পাঁচটা বাঙালীর মত বাবা মিলিটারির কিছুই জানে না—এস্টেক মিলিটারির ইতিহাস—যা কিনা সহজ পাঠ্য—তাও পান্টে দেখে নি। অফিসারগুণ্টি তো বিশ্বয়ে নির্বাক। শেষটায় এক জঁদরেল বললে, “মসিয়ো, একী অদ্ভুত ঠাসবুনোট-জড়োয়া কাশ্মারী শালের মাঝখানে একটা বিরাট ফুটো। পাশ্চাত্য সাহিত্য চিত্রকলা—বিশেষ করে জুরিস প্রুডেনস থেকে আরম্ভ করে হেন বিষয় নেই যেটা আপনি হজম করে আপন সিস্টেমে বোমালুম মিশিয়ে নেন, আর মিলিটারি সায়েন্সের কিছুই জানেন না, এ যে সম্পূর্ণ অবিশ্বাস্য।

বাবা একটু সলজ্জ ভাষায় বললেন, “ইংরেজ ছ’শ’ বছর ধরে বিশেষ করে বাঙালীদের ঐ জিনিসটার দিকে ঘেঁষতে দেয় নি। পাখি

মারার সামান্য একটা শটগান জোগাড় করতে আমাদের প্রাণ ঊর্ধাগত হয়। মিলিটারি সার্কেল তো প্যার কিজিক্স নয় যে পুরোনো খামের উষ্টো পিঠে তার করমুলা লিখে কর্ম খতম করা যায়।

তারা তখন উঠে পড়ে লেগে গেলো কাবাকে ঐ বিষয়টি শেখাবেই শেখাবে। কাঁহা কাঁহা মোকামে নিয়ে গিয়ে কি-সব দেখাতো বোঝাতো খোদায় মালুম। করাসীদের যে সব চেয়ে বিরাট কলেবর বন্দুক কামানের কারখানা শ্রাইডার সেটা পর্যন্ত দেখিয়েছে।

কিন্তু এহ বাহা। শামিয়ানা সাইজের বৃহৎ বৃহৎ বাণ্ডিল বাণ্ডিল ম্যাপ পাতা হত কার্পেটের উপর, এবং সব্বাই তারই উপর উপু হয়ে স্টাডি করতেন ইতিহাসের নামজাদা সব ক্যাম্পেন—নেপোলিয়নের আউস্টার লিংস থেকে আরম্ভ করে এদানির ডি ডে নরমাদি ল্যাণ্ডিং। একদিন কোথেকে জোগাড় করে এনেছিল বাবুর বাদশার পানিপথ লড়াইয়ের স্ট্রাটেজি। সেটার অধ্যয়ন শেষ হলে করাসীরা একে অস্ত্রের দিকে তাকিয়ে বার বার বলছিল—“ফাঁতাসতিক, করামিদাবল—নে’ স পা ?” অর্থাৎ “ক্যান্টাসটিক, করমিডেবল—নয় কি ? কিন্তু এহ বাহা।”

একটু দম নিয়ে তার পর শিপ্রা বললে, “কিন্তু যে-কথা বলতে চাইছিলুম সেটা এ-সবের বিচিত্র স্মৃতির চাপে প্রায় ভুলে যেতে বসেছিলুম। সব চেয়ে আমাকে মুগ্ধ-মুগ্ধ কেন আত্মহারা করেছিল এদের আদব-কায়দা এদের অপরিমিত সৌজাত্য ভদ্রতা। এবং স্বর্বাঙ্গের তাদের তীব্রতম আত্মসম্মানবোধ কাউকে কোনো কথা দিলে সেটা রাখবেই রাখবে—যায় যাক তাতে তার শেষ ফাঁ। এবং সটা দিয়েও যদি শেষ শোধবোধ না হয় তবে সোজা রাস্তা রয়েছে চিৎ বরাবর। কপালে পিস্তলটি রেখে গুড্‌ম !.....

সাতাই বলছিলুম, “এ-ছুঁচোমোটা কেন ? তুই ইয়েহিয়া, তুই

বাবা, প্রেসিডেন্ট ডিক্টেটর যা-খুশী জই নিবি তো নে। পূব বাঙলার লোক যদি তোর আদেশ অমান্য করে তবে চালা তোর বন্দুক কামান। আজকের ছনিয়া পরশুর ইতিহাস বিচার করবে ধর্মধর্ম।

ডিক্টেটর হ' আর যাই হ' তোর আসল স্বত্বটা কি? 'এবান্দ্ অল তুই আর্মি ম্যান, অফিসার। তোর শরীরের রক্ত, বাইরের চামড়া অফিসারের ধাতু দিয়ে তৈরী। তোর ধর্ম, আত্মগোঁর্ব আত্মসম্মানবোধ। অনার। কথা দিবি নি, দিস্ নি। কিন্তু একবার দিলে জান কবুল। কী দরকার ছিল তোর গণতন্ত্র কেঁর চালু করার তরে ওয়ার্ড অব অনার দেবার? কি দাঁয় পড়েছিল ইলেকশন করার? আর এখন হল কি? সোলজার, অফিসার হয়ে তুই তোর শপথ ভঙ্গ করলি, তোর স্বধর্ম ত্যাগ করলি। ভদ্র দেশ হলে অফিসারস ক্লাব থেকে তোর নাম কেটে দিত। ছ্যাঃ!"

এতক্ষণে আসমানের বেপরওয়া চিড়িয়া কীর্তিবাবুর কানে জল গেল। তাও যেত না যদি না পরশু রাতে তার দেবীর প্রসন্ন বয়ান নির্গত তাপহরা বিন্দু বিন্দু অমৃতবারি তার ব্যাভাৱ্য হিয়াটাকে সত্ত্ব ফোটা বেলফুলের মত বিকশিত করে দিত। সে-রাত্রে বাড়ি ফেরার পথে শপথ নিয়েছিল, দেবীর পথ তার পথ। পরের দিন ভোরবেলা ইংরিজি কাগজটা তো পড়লই একটা নেটিভ বাঙলা কাগজের খয়ের খাঁ ভাঁ হয়ে গেল। কিন্তু ছুদিন ধরে অনভ্যাসের ফোঁটা চড়চড় করছিল বড্ডই। ছনিয়ার বেকার হাবিজাবি না দিয়ে কাগজ ভর্তি করা যায় না? অধিকাংশ খবরের অর্থ কি উদ্দেশ্য কি তার কোনো হৃদিসই পাচ্ছিল না সে। আজ যদি কোনো নিরীহ বাঙালী হঠাৎ নটিংহামের একটা লোক্যাল ডেলি পড়তে বসে তবে তার যা অবস্থা হবে কীর্তির হল তাই। কিন্তু তার কপাল ভালো, কালকের বাঙলা কাগজে আওয়ামী লীগের একটি সমসাময়িক ইতিহাস-মূলক প্রবন্ধ ছিল। যাই বলো, যাই কও, কীর্তির বাপ-ঠাকুন্দা শ্রেণ মাথা খাটিয়ে এস্তের টাকাকড়ি কামিয়েছিলেন। ম্যান-

ইটার বাঘের বাচ্চা তো আর ভেড়ার ছানা হয় না—কীর্তির খুলিটাতে বেশ খানিকটে বংশলব্ধ মত্তসিক্ত অধশুণ্ড প্যাঁচালো ঘিলু বাবুর খোঁচাতে জেগে ওঠবার তরে তৈরী ছিল। পাকা নায়েব যে রকম শহুরে কাঁচা বাবুকে জমিদারির হালটা ছ’দিনেই বেশ খানিকটে বুঝিয়ে দেয় এ ক্ষেত্রেও হল তাই।

সত্ত্বলব্ধ বিত্তে কলিয়ে বললে, “ঐ ইয়েহিয়া ঘুঘুর পেছনে রয়েছেন আস্ত একটা খাটাশ মিলিটারি ক্লিক।”

শিপ্রার চোখের পাতা স্তব্ধ—যেন অর্ধাঙ্গ অবশ। “একি কথা শুনি আজি?” ছনিয়ার তাক বাবদে বেহদ বেথেয়াল বেকুব “নীচ কুলোদ্দবা দাসীর” মুখে “সত্য মিথ্যা জ্ঞান তার” তবে “কি সম্ভবে?” কীর্তির মুখে মোস্ট আপ্টু ডেট ইনসাইড স্টোরি।

বিয়ুট ভাব কেটে যাওয়ার পর শিপ্রা শুধু বললে, “তুমি না অপদার্থ কীর্তি?”

প্রশ্নটা যেন অদৃশ্য ফু মেরে উড়িয়ে দিয়ে বললে, “ছোঃ, এ-খবরটা আবার পদার্থ! খবরের কাগজ থেকে যে তত্ত্ব আধঘণ্টার ভিতর জোগাড় করা যায়।”

শিপ্রা আরও সাত বাঁও পানিয়ে। বললে, “খবরের কাগজ? ও-সব বদ্ অভ্যাস হল তোমার কবের থেকে?”

কীর্তি সর্বিনয়: “সে অনেক কথা পরে হবে।”

শিপ্রা: “তাই সই তুমি যখন এ-সব বুঝতে আরম্ভ করেছো তখন তোমাকে আর একটা খবর জানাই। সেই যে বাবার দোস্ত বুড়ো করাসী জাঁদরেল বাংলাদেশের মিলিটারি হিস্টি জোগাড় করার চেষ্টা দিয়েছিলেন—নিছক আমরা ঐ দেশের লোক বলে। এটাও এক রকম দরদী হিয়ার আচরণ বলতে পারো। একদিন বাবাকে কথায় কথায় বললেন, ব্রাহ্মো, ব্রাহ্মো! প্রায় কিছুই জোগাড় করতে পারি নি। তবে দিল্লীতে লেখা এন্টের রাজনৈতিক ইতিহাস পেয়েছি বেশ কিছুটা। তার থেকে স্পষ্ট ধরা পড়ে দিল্লীর হজুররা বেঙ্গলে মার

খেয়েছেন বিস্তর। তাই সে-সম্বন্ধে নীরবতাটাই সমধিক। গ্রেট মোগল আকবরের নাম এ-দেশের লোকও শুনেছে। তিনিও দেখলুম বাঙলাদেশের একটা ক্ষুদ্র অংশ মাত্র জয় করতে পেরেছিলেন। জয় করেছিলেন তার ছেলে জাঁহাঙ্গির। মন্দ কপাল আমার, তার স্ট্র্যাটাজি খুঁজে পেলুম না।

কিন্তু যা পেয়েছি তার থেকে আমি বুঝেছি, এবং জোর গলায় বলতে পারি—

তেরাঁ, তেরাঁ, পুনরপি তেরাঁ।

মলভূমি, মলভূমি মলভূমি—

এই বিরাট পৃথিবীতে আতন্ত অদ্বিতীয়। বিরাট বিরাট নদী আর পৃথিবীর সবচেয়ে বেশী বৃষ্টি যেখানে হয় সেই চেরাপুঞ্জি থেকে নেমে আকাশের জল। ছুয়ে মিলে এমন সব ভিন্ন ভিন্ন আকৃতি প্রকৃতির জলো ভূমি তৈরী করে যে সেগুলোর নাম ইয়োরোপীয় কোনো ভাষায় নেই। দেশী শব্দের একটা সুর মনে আছে “হাওর” না কি যেন। এমন কি মস্কো যেতে পথে যে জলোজর্জি সেটাও হিটলার পেরিয়ে যেতে পেরেছিল কিঞ্চিৎ লোকক্ষয় স্বীকার করে। কিন্তু তোমাদের দেশে আমাদের সন্তান সংগ্রাম পদ্ধতি চলবে না।’

শিপ্রা বললে, “আমি এ-সব আলোচনায় যোগ দিভুম না। তখন সেই প্রথম বললুম, ‘কিন্তু, মসিয়ো ল্যা জেনেরাল, আকাশে থেকে বিমিং?’ জেনারেল তো গডভ্যাম গ্যাড। আপন চেয়ার ছেড়ে উঠে আমার কাছে এসে করাসীরা ভাবাবেগে, আনন্দোল্লাসে উত্তেজিত হলে যা করে তাই করলেন। সর্বপ্রথম আমার গালে খেলেন গুফকর্টকিত কিন্তু অতিশয় মিঠে মিঠে একটি চুষন, তার পর আমার চুলের উপর বুলোলেন তাঁর হাত, এবং সর্বশেষে রাজপ্রাসাদীয় কায়দায় দিলেন আমার বাঁ হাতটি তুলে ধরে একটি অতিশয় রিফাইনড চুষন।

প্রায় নৃত্য করতে করতে বার বার বলেন, “মাদ্‌মোয়াজেল, মাদ্‌মোয়াজেল।” অর্থাৎ, “কল্যাণী, কল্যাণী।”

সে তো বুঝলুম—করাসীরা ঐ ভাবে বে-এক্‌জের হয়। তারপর কি বলতে চান তিনি? আর আমিই বা এমন কোন্‌ গুঢ় গহ্ব মিলিটারি স্ট্যাটোজিক ট্যাকটিকাল প্রশ্ন শুধিয়েছি যে বাহু জাঁদরেল আত্মহারা হবেন!

আমার পাশে আসন নিয়ে কিঞ্চিৎ শাস্ত হওয়ার পর বললেন, ‘আমি বড্ড ভুল করেছি, মাদ্‌মোয়াজেল, বড্ড ভুল বুঝেছি এতদিন ধরে। আমি মনে করেছিলাম, তুমি লণ্ডন প্যারিস সমাজে বাগ করে করে দেশাত্মবোধ হারিয়ে ফেলেছ, কিন্তু এখন আমি দেখছি তুমি দেশের স্বার্থ, দেশের বিপদ সম্বন্ধে বেশ সচেতন। প্রশ্নটা তো অতিশয় সদাসিধে, কিন্তু তারই ভিতর দিয়ে আমি তোমার অন্তরের অন্তস্তল অবধি দেখতে পেয়েছি।

শোনো, মাদ্‌মোয়াজেল, স্ত্রী হোক পুরুষ হোক সব চেয়ে মূল্যবান ধন মানুষের মনুষ্যত্ব। কিন্তু আমার দৃঢ়তম বিশ্বাস সেটাতে মানুষ পৌঁছয় দেশাত্মবোধ, ন্যাশনালিজম, পেট্রিয়াটিজমের ভিতর দিয়ে এবং তার দৃঢ় ভূমি’—”

শিপ্রা বললে, “অবাক মানবে, কীর্তি, তার পর সেই যুদ্ধ জেনারেল এক লাফে কোচ ছেড়ে, যেন অদৃশ্য এক পতাকা একহাতে উচু করে ধরে, রাস্তার ছোকরাদের মত ঘরময় নাচতে নাচতে চোঁচাতে লাগলেন,

লিবের্তে, লিবের্তে, তুজুর লা লিবের্তে

লিবার্ট, লিবার্ট, অলগয়েজ লিবার্ট

স্বাধীনতা, স্বাধীনতা, স্বাধীনতা চিরদিনের

দশম অধ্যায়

“উপরে চল। আমার কোনো বান্ধবী, বন্ধু দূরে থাক, কেউ কখনো দোতলায় গুঠে নি। বাবা কাউকে উপরে আনতেন না বলে আমি সে রীতিটা এখনো মেনে চলি। কিন্তু তোমাকে এখন সব-কিছু দেখে-চিনে নিতে হবে। ‘তুমিই’ মালিক। যদি চাও, বাড়ি-ঘর যা-কিছু আছে, উইস্ করে তোমার হাতে সঁপে দেব—”

কীর্তি আঘাত পেল; বললে, “তুমি কি আমাকে এখনো চিনতে পারো নি?”

শিপ্রা তাড়াতাড়ি বললে, “সরি, আমি ছুঃখিত। এই হল বাবার স্টাডি। এখানে বসে তিনি বৈষয়িক কাজকর্ম করতেন। আমার খেয়াল খুশীমত ঐ কোণের কোচটাতে বসে খবরের কাগজ, বইটাই, মাঝে-সাঝে শেয়ার মার্কেট রিপোর্ট পড়তুম। আমি জানতুম তিনি তাতে খুশী হতেন। কাজ করতে করতে কখনো গুনগুন করতেন, খুশী হলে শিস্ দিতেন। কোনো কারবার ঠিক তাঁর পছন্দমত না এগোলে গরগর করে বিরক্তি প্রকাশ করতেন। আর প্রায়ই মাথা তুলে বেশ উঁচু গলায় বলতেন, ‘দীজ আর লুকিং আপ,’ আমাকে শুধোতেন, ‘তোমার জন্তু শ’খানেক চা-বাগানের শেয়ার কিনবো?’ আমি শুধু একটু মুচ্কি হাসতুম—আমি ও-সবের কীই বা বুঝতুম তখন? কিন্তু আমাকে কখনো ব্যবসা-বাণিজ্য শেখান নি। বলতেন, ‘এসব শুকনো জিনিস নিয়ে নাড়াচাড়া করলে মানুষের প্রাণরস শুকিয়ে যায়’—আমি অবশ্য কখনো তাঁর প্রাণরসে ভাতার টান পড়তে দেখি নি। শেষটায় বলতেন, ‘তোকে কিছুটা শেখাতে হবে না। তুই পেয়েছিস আমার ঠাকুমার বুদ্ধি এবং বিশেষ করে বিচক্ষণতা’। বাবা পেয়েছিল তার বুদ্ধির বারো আনা, আমি পেলুম

আট আনা, তোতে কেব একেবারে ফুল হাউস—ন' সিকে। যেদিন দরকার হবে পুরো হপ্টাটাও লাগবে না, তুই হয়ে বাবি “শেয়ার মার্কেট কুইন,” কিংবা মকং গগল এবং দেওকরণ নানজীর সমন্বয়।’

এবারে চলো এগিয়ে।” বিরাট জোড়া খাটের বেড রুম। একশ’ বছর পুরনো স্টাইলের।

শিপ্রা বললে, “এখানে বাবার আর একটা ড্রিংরুম আর গেস্ট রুম আছে। তবে এগুলো কখনো ব্যবহার হয় নি। এইখানে বাবার হিস্তে শেষ। এই আমার বেড রুম।

ছবিতে কীৰ্তি ফরাসী ধনী কুমারী কন্যার বেডরুম দেখেছে। এবারে আপন চোখে দেখল।

দেয়ালে ওয়াল পেপারের বদলে খুব দামী সিল্কের ওয়াল-কাভার। তার উপর আবার ভিন্ন ভিন্ন রঙিন সিল্ক দিয়ে বেহালাতে জড়ানো ফুলের মালার ডিজাইন। ছাতের চারকোণে চারটি দেব-শিশুর বা-রিলীক। তাদের হাত থেকে ঠিক মাঝখানে এসেছে চারটে ফুলের মালা। সেগুলো যেন ঝুলিয়ে রেখেছে একটা ফোয়ার পাদপীঠচক্র। পায়ের নিচে ফরাসী কার্পেট।

আর খাটটি ছোট এবং সূক্ষ্ম কারুকর্ষে ভরা। খাঁটি ফরাসী পালঙ্ক। এমন কি তিনদিকে ফরাসী কায়দায় সিল্কের কাটেন ঝুলছে। বেড-কাভার ভারী কিন্তু স্নুতোগুলো অতি মিহিন। কাটেন আর বেড-কাভারের ডিজাইন দেয়ালের সিল্কের সঙ্গে ম্যাচ কিন্তু মতীক ভিন্ন—এখানে জলে চালিত ময়দা পেশার ওয়াটার মিল ডিজাইন। ঘরের এক কোণে ড্রেসিং টেবল—তার উপর বিচিত্র ঢপ ঢঙের বিস্তর শিশি বোতল, এক সারি কোঁটো—অথচ কীৰ্তি খুব ভালো করেই লক্ষ্য করে বুঝেছিল শিপ্রা প্রশাধন করে সামান্য-তম। সমস্ত ঘরটার কালার স্কীম মড-রঙের।

শিপ্রা বললে, “আমার অত বাহার নয় না। বাবা করিয়ে-ছিলেন টপ টু বটম।”

পাশে শিপ্রার একান্তে বসার বৃন্দওয়ার। তার মধ্যে জটব্য, মাঝারি সাইজের সেক্রেটারিয়েট এবং প্রায় সম্পূর্ণ একটা প্রান্ত জুড়ে বিরাট দৈত্য প্রমাণ গ্রাণ্ড পিয়ানো।

কীর্তি বিস্ময় প্রকাশ করে বললে, “তোমাকে তো কখনো পিয়ানো বাজাতে শুনি নি।”

শিপ্রা বললে, “আমার বাজনা শোনাবার মত নয়। মাত্র দশ বছরের ছেঁড়া ছেঁড়া রেওয়াজে শোনাবার মত হাত পাকা হয় না। আমি বাজাই রাত ঘনালে আর অতি ভোরে। এবারে চলো বেলকনিতে।

একাদশ অধ্যায়

“ভেবে নিয়েছ ? অগ্রপশ্চাৎ বিবেচনা করেছ ? এখনো ব্যাক-আউট করার সময় আছে ?”

কাতর কণ্ঠে কীর্তি বললে, “সমস্ত রাত ভেবেছি। কিন্তু কথাগুলো গুলিয়ে উঠতে পারি নি। আর ভয়ও করছে।”

শিপ্রা একটা কুশনওলা লম্বা হেলান চেয়ারে আধ-শোওয়া হয়ে সামনের পার্কের দিকে তাকিয়েছিল। বললে, “ট্যারচা হয়ে বসো আর আমার দিকে না তাকিয়ে তাকাও পার্কের দিকে। সবুজ দিয়ে চোখ ভরে নাও। আর ভয়টা কিসের, শুনি।”

যেন প্রাণপণ সিংহের কেশের ধরে, মরি বাঁচি ভাব মুখে মেখে বললে, “মাত্র একটি কথা নিয়ে আমি সমস্ত রাত ভেবেছি। আমাদের যদি বিয়ে না হয় তবে তোমার যে নিন্দে হবে, সে-কথাটা কি ভেবে দেখেছ।”

শিপ্রা অত্যন্ত সপ্রতিভভাবে সহজ গলায় বললে, “আমি জানতুম তুমি এ-কথাটা তুলবে কিন্তু তুমি না অপদার্থ? তাহলে এ

হুশিষ্ঠা তোমার মাথায় ঢুকলো কি করে? কলকাতা-বোম্বাইয়ের স্মার্ট সেটের যে-কোনো বিবাহিত অবিবাহিত জোয়ান বুড়ো ক্ষণতরে চিন্তা না করে উল্লাসে নৃত্য করতো আমার মত মেয়েকে মিসট্রেস রূপে পেলে।”

কীর্তি লাক দিয়ে উঠে শিপ্রার মুখ চেপে ধরে বললে, “মাথার দিব্যি দিচ্ছি, শিপ্রা, তুমি যদি ঐ শব্দটা আর কখনো ব্যবহার করো তবে ঐ তোমার পায়ের সামনে মাথা খুঁড়ে খুঁড়ে রক্তগঙ্গা বইয়ে দেব।”

কীর্তির হাতে হাত বুলোতে বুলোতে বললে, “আচ্ছা আর বলবো না। তোমাকে তো দিব্যি কেটে বলেছি, আমি তোমার সব আদেশ মানবো।”

কীর্তি বললে, “সমস্ত রাত ঐ হুশিষ্ঠাটার সঙ্গে মাথানো ছিল ‘আমি পেয়েছি, আমি তোমার অনুগ্রহ লাভ করেছি’। এবং আমি জানি আমার যে তিনটি সত্যকার খাঁটি বন্ধু, সুদিনদা, শঙ্কর আর খান সায়েব এরাও ঠিক এইভাবেই আমার অনুগ্রহ লাভের কথা ভাববে।”

শিপ্রা উঠে বসে বলল, “আমার যে লোকনিন্দাটা হবে সে-কথা শুনে আমি হাসব না কাঁদব ভেবে পাইনে। লোকনিন্দার প্রাপকরূপে আমি ভেটার্ন। আমার বয়স যখন ষোল পেরুল সেদিন বাবা আমাকে ডেকে বললেন, ‘আজ থেকে তুই এ-বাড়ির মিসট্রেস আর আমি যে-সব পার্টি দিই তাতে হোস্টেস। বুঝলি? আর আমি আমার ইয়ারদের যে-রকম পার্টি দি তুই যেদিন দিবি সেদিন আমাকে ডাকতে পারিস, নাও ডাকতে পারিস। বুঝলি তো?’ সেদিন ছপুরবেলা বাবা আমার ক্লাস ফ্রেণ্ড? ইন্সুলের সব টীচার এবং অধ্যাপক যাদের কাছে পড়েছি আর আমার ফ্রেণ্ডস—ছেলে এবং মেয়ে দুইই—সবাইকে দিলেন জব্বর একটা ভোজ। সেটাতে হোস্টেস হতে আমার কোনো অসুবিধে হয় নি যদিও বাবা নিচের তলায় নেমে

আগের মত একবারও তদারিক করেন নি। শুধু খাবার সময় আমাদের হেডমিস্ট্রেসের পাশে বসে তাঁকে আদর-আপ্যায়ন করতে করতে আহ্বাদি করেছিলেন।

তোমরা আবার পার্টি করো! আর আমার পার্টিই বা কি? কে এক সোভানী একটুখানি বে-এক্জের হয়ে ভরত নৃত্যের নামে হস্তীনতা নেচেছিল! ঐখানেই তো ফুল স্টপ। বাবার পার্টিতে অন্তত জনা পাঁচেক বেছঁশকে স্টেচারে করে গাড়িতে তুলতে হত। জনা দশেককে দুজন ভাগড়া জোয়ান বেয়ারা ছ'দিক থেকে স্ট্রাণ্ডউইচ করে মোটরে তুলে দিত।

অবশ্য বাবা আমাকে বিস্তর টিপস আগের থেকেই দিয়ে রেখেছিল। একটা এখনো মনে আছে। 'যদি লক্ষ্য করিস কেউ একটু বে-এক্জের হয়ে যাচ্ছে তার পাশে গিয়ে বসবি। তাকে আদর-সোহাগ করে বলবি, "আনকল্, তুমি তো জানো, আজ থেকে আমি হোস্টেস। আমার ভারি ইচ্ছে আমি নিজে তোমাকে ডিংক দি। তুমি কোনো বেয়ারার ট্রে থেকে ডিংক তুলবে না। কথা দাও।" কথা নিজেই দেবে। খাস হোস্টেসের কোনো অনুরোধ কোনো লোক উপেক্ষা করে না। তারপর বার টেবিলে গিয়ে যে ডিংকই হোক না সেটা বেয়ারাকে পাতলা করে দিতে বলবি। তাকে বোঝাতে হবে না। তারপর খামখা টালবাহানা করে, এর ওর সঙ্গে দুটো কথা কয়ে বেশ দেয়ি করে এসে তোর সেই আনকল্কে গেলাসটা আপন হাতে রেখে প্রথম তো হাজার দফা মাক চাইবি তারপর জুড়ে দিবি লম্বা এক কাহিনী—গেলাসটা কিন্তু হাতে। গল্প শেষে গেলাস দিবি। তোর "আনকল্টি"ও চক্ষুলাজ্জায় তোর কাছে ঘন ঘন ডিংক চাইবে না। আর কেউ যদি নিতান্তই বেহেড টালমাটাল হয়ে যায় তবে মজুমদার, কাজিলাল, ভবতোষ এদের কাউকে একটু হিট দিয়ে আসবি। ওদের মাথা ঠাণ্ডা। সব সঙ্কটে মুশকিল-আসান।'

পার্টী শেষ হল। বাবা ভারি খুশি। বললেন, 'একদিন তুই 'যে-শহরেই বাস না কেন, নামজাদা হোস্টেস হবি। 'ছ'চারটে পার্টী করার পর মজুমদার, কাঞ্জিলালকেও তোর দরকার হবে না।'

কিন্তু সেই দিন থেকেই তোমার বদনাম শুরু। বিস্তর লোকের মুখে ছ্যা ছ্যা। বিশেষ করে মেয়েদের। এমন কি বাবার স্কুল-~~স্কুল~~ চৌধুরী সাহেব বাবাকে স্পষ্ট ভাষায় বলেন, এটা ঠিক হল না। বাবা বলেছিলেন, "দেখো, চৌধুরী, তুমি 'খানদানী' মুসলমান ঘরের ছেলে। তোমার 'চতুর্দশ পুরুষে কেউ 'মুদু খায়ুনি, তবু তুমি 'মদ' ধরেছ। শুনেছি অভ্যাসটা নাকি মুসলমানদের মধ্যেও ছড়িয়ে পড়ছে। আর হিন্দুদের তো কথাই নেই। নিত্য নিত্য নূতন নূতন বার খুলছে এবং সেগুলো ভর্তি। বেশীর ভাগ ক্লাবে আসে সুদুর্মাত্র মদ খেতে। আর ড্রিংক পার্টীর তো কথাই নেই। আমার মেয়ে অত্যন্ত স্বাধীনচেতা, সে আমি জানি তার ছোট্ট বয়স থেকে। তত্পরি তার 'হিউমেন' ইনট্রেস্ট অফুরন্ত। চাকরবাকররা তাদের বাড়িতে তাদের সমাজে কি করে, না করে তার থেকে আরম্ভ করে সে কুইন ভিক্টোরিয়ার দৈনন্দিন জীবনযাত্রার বর্ণনা খুঁটিয়ে খুঁটিয়ে। এ-মেয়ে পার্টীতে যাবে না সেটা প্রায় অসম্ভব। তাই পার্টীতে, ক্লাবে বার-এ একটা 'ভক্তমেয়ের আচরণ কি রকম হওয়া উচিত, সে-সব জায়গার এটিকেট মেনে নিয়ে 'ভক্ততা' শালীনতা সহ কি ভাবে 'মেলামেশা' করবে, সেটা আমার কাছ থেকে শিখবে, না শিখবে ঐ সব 'পাঁড় মাতাল ডে'পো হোঁড়াদের কাছ থেকে? কোনো ক্লাবে বা পার্টীতে কেউ যদি 'অশালীন' আচরণ করে তখন কি ভাবে 'চতুরতা' এবং 'ডিপ্লোমেসির সঙ্গে নিজের ভক্ততা নিজের 'ডিগনিটি' বাঁচিয়ে তাকে 'ট্যাকল' করতে সে-সব শেখাবে ঐ-সব হোঁড়ারা? আর শুধু কি তাই? আজ তাকে বলে রেখেছিলুম সে যেন কর্নেল সরকারের টেবিলে ছ'এক সিপ চাষে। আস্তে আস্তে তাকে 'ভোদকা' আবসাঁতেরও 'দ্রব্যগুণ' শেখাব। কোনটা কতখানি 'ক্ষতি' করে ও 'জেনে' নেবে। তারপর

কারো পাল্লায় পড়ে যা তা গিলে নিজের অনিষ্ট করবে না, বানচালও হবে না, কাকে কতখানি কি ঢেলে দিতে হবে সেটাও জেনে যাবে—হবে আইডিয়াল হোস্টেস্। বাপের চেয়ে ভালো গুরু সে পাবে কোথায়’ ?”

শিপ্রা বললে, “কথাটা অতি সত্য। আমার হাতেখড়ি হয়েছিল বাবার কাছে—পাশে এক গুরুমশাই বসেছিলেন মাত্র। ইস্কুল না-যাওয়া অবধি তাঁরই কাছে সব শিখেছি : প্রাইভেট টুটোর বাবা ককখনো রাখেন নি। ‘কলেজে পড়ার সময়ও বাবার ঘরের এক কোণে বসে অধিকাংশ সময় পড়াশুনো করতুম। মাঝে মাঝে তাঁকে প্রশ্ন শুধোতুম। জানা থাকলে সুন্দর বুঝিয়ে দিতেন—আর কী অসীম ধৈর্য। না জানা থাকলে একগাল হেসে বলতেন, ‘ওয়ে শিপি, তুই যে বাপ-মারা বিত্তে রপ্ত করে নিচ্ছিস।’ তারপর তাঁর কোনো এক বন্ধু বা পরিচিত স্কলারের কাছে পাঠিয়ে দেবার সময় বলতেন, ‘শিখে এসে আমায় বাতলে দিস্।’ তাঁর আর একটা দৃঢ় বিশ্বাস ছিল, ‘গুরুকে আপন বাড়িতে টেনে আনলে সত্য বিদ্যার্জন হয় না। গুরুগৃহে বসে থাকবে বারান্দার বেঞ্চিতে—গুরুর কখন কুপা হয়’।”

কীর্তি মুগ্ধ হয়ে বললে, “শিপি, তুমি সত্যি ভাগ্যবতী।”

শিপ্রা বললে, “আমার নামে কি-সব বদনাম রটে তার খবর আমি রাখিনি—আমরা যারা পার্টি-ফার্টি করি তাদের মধ্যে কার নাম বদনাম হয় ! কিন্তু আজ পর্যন্ত কোনো বিবাহিতা রমণী বলে নি, আমার বাড়ি থেকে তার স্বামী বে-এজেন্ট্যার হয়ে কিরেছে। বাবা বলতেন, ‘তুমি লেডি। এ-আইনটা বিশেষভাবে তোমার বেলা প্রযোজ্য।’ আর আমি নিজে যে সব চেয়ে মোলারেম ড্রিংকে সীমাবদ্ধ করে নিজেকে সংযত রাখবো সে-বিষয়ে তাঁর মনে কোনো দ্বিধা ছিল না।”

কীর্তি হাবা ছেলের মত গদগদ সুরে বললে, “সে কি আমরা

জানিনে ? কিন্তু ডিংক কেন, কোন্ ব্যাপারে তোমার সংঘর্ষ সৌজন্যের
অভাব । সুদিনদা যে জালা জালা খায়, ক্লাবের প্রেসিডেন্টকে পর্যন্ত
ডোন্টো কেয়ারের বুদ্ধাজুষ্ঠ দেখায় সেও তোমাকে রীতিমত সমীহ
করে চলে । আমাকে বলে, ‘ওরে মূর্খ ! তোরা ভাবিস শিপ্রা বুঝি
বেথেয়ালে আমাদের এটা ওটা দেখতে পায় নি ।’ ও-মেয়ে না
দেখেও সব দেখে, না শুনেও সব শুনতে পায় । আর হাসল গেরো
কি জানিস, তার আচরণ বা কথায় প্রকাশ পাবে না, সে অপরাধ
নিয়েছে । তাহলে তো গেরোটা কস্ করে খুলে যেত—হাত পা
ধরে মাপ চেয়ে নেওয়া যেত ।’ বলে এটাই নাকি তোমার ব্রহ্মাঙ্গ ।”

শিপ্রা বললে, “যাঃ ! বিশ্বভুবনটা রিকর্ম করার ভারটা কি
আমার স্বন্ধে !”

“কিন্তু—”

শিপ্রা বললে, “আজ এ-সব অপ্রিয় আলোচনা এখানেই থাক ।
ইরানীরা যে-রকম বলে, ‘তখন আলোচনার কার্পেটটা রোল করে
গুটিয়ে এক কোণে খাড়া করে রাখা হল ।’ পরে না হয় আমরা
ওটা আবার ঘরময় বিছিয়ে পুরনো আলোচনার শেষ রেশ ধরে
নূতন করে ঢেলে সাজবো ।’ আরেকটা কথা তোমায় বলি, কীর্তি ।
আমাকে যতশত গুণের গুদোম মনে করো না কেন, আমি অন্তরে
অন্তরে বিশ্বাস করি দৈবে, অদৃষ্টে—আমি ফেটালিস্ট, অনেকটা
থৈয়ামের মত । তাঁর প্রত্যাশ, তারই ফাঁকে ফাঁকে সুযোগ পেলে
পেয়ালা অধরে ধরো । অর্থাৎ আনন্দ করো । সেটা তো মোটামুটি
মানিই, কিন্তু সবচেয়ে সেই করাসী বুদ্ধ জেনরেল আমাকে যে ধর্মে
দীক্ষা দেন :

‘লিবের্ভে লিবের্ভে, তুজ র লা লিবের্ভে ।’

দ্বাদশ অধ্যায়

খান সাহেবের সঙ্গে কীর্তির হঠাৎ মোলাকাৎ। খান সোৎসাহে বলে, “হ্যাঁ, কিতে, এদানির তুই শিপ্রা বেগমকে দেখেছিস? আরে, ভাই, বয়েস যেন দশটা বছর কমে গেছে। মোটরে ঝাঁচ্ছিল। আমাকে দেখে হাত নেড়ে নেড়ে যা প্যারটা জানালে, মাইরি, যেন আমি বহু বছরের লঙ লস্ট ব্রাদার। মেয়েদের ব্যাপারটাই ভানুমতীর খেল। আমি তো জানতুম বিয়ের জল পড়লে তবে না মেয়েদের জেল্লাই বাড়ে। কালা পেন্টিটা হয়ে যায় সোনালী ক্যানারি!”

কীর্তি ভদ্রতার মূহু হাসি হেসে বললে, “শিপ্রা তো চিরকালের সুন্দরী।”

খানের মাথায় অণু চিন্তা। ব্যবসার। সে-কথা কি শুকনো মুখে পাড়া যায়! বললে, “হ্যাঁ, হ্যাঁ যা বলেছিস। তা চ, ঝপ করে একটা থেয়ে নিবি। ফাস্ট ক্লাস গর্ডেন্স।”

“এই অবেলায়?”

“বলিস কি রে? বেলা তিনটে অবেলা। চ চ।”

শুগীরা বলেন, অঙ্ককার গুহায় আলো জ্বালালে সে-অঙ্ককার হাজার বছরের পুরনো হোক, আর দশমিনিট পূর্বে কারো মশাল নিভে গিয়ে থাকার অঙ্ককার হোক, দেশলাই ছটোকেই দূর করবে এক সময়েই, এক মুহূর্তের। কিন্তু খান প্রতিবেশী বালাবন্ধু কীর্তির। “না যাবো না” বলে এক লহমায় সে-বন্ধুতে আগুন ধরানো যায় না। আসলে কীর্তির ইচ্ছা ছিল পানের মাত্রাটা আস্তে আস্তে কমানো।

আরাম করে বসে খান ঢক করে পয়লা গেলাস বটম্ আপ করে কীর্তিকে বললে, “হ্যাঁ, তুই তো কোথায় যাসনে। তবু একবার

যাবি আমার সঙ্গে আগরতলায় ? তুই থাকলে কুচক্রীরা সমঝে যাবে, তোর শেয়ারসুদ্ধ, তুই আছিস আমার পিছনে। ছ’দিন আগে এরই ধাক্কায় আমাকে যেতে হল করাচী লাহোরে।”

কীর্তি হতভম্ব। তোৎলাতে তোৎলাতে বললে, “তোর কি মাথা খারাপ ? সেই হাই-জ্যাকিঙের পর থেকে ওসব জায়গায় ইণ্ডিয়ান হফে গেলি কোন্ সাহসে ?”

কীর্তির পিঠ চাপড়ে দিয়ে থান্ বললে, “বেশ বাওয়া, বেশ। চতুর্দিকে নজর ফেলে ওকীবহাল হয়ে উঠছিস। এবারে ব্যবসার দিকে একটু মন দে না।”

“তা সেখানে কি দেখলি, কি শুনলি ?”

“আর বলিস নি। ওদের কাগজগুলোর ক্রুড ছুঁচোর মত ফিচেল মিথ্যে কথা বলার ধরন আর বহর দেখলে তোর মত অগাও তাজ্জব মানবে। বলে কি না, আওয়ামী লীগ গুণ্ডা ভাড়া করে ইলেকশন জিতেছে। বিদেশী রিপোর্টারগুলো মিটমিট করে হাসে। আরে, বুট যদি বলবিই তবে বল্ হিটলারি স্টাইলে, গ্যোবেলসের সুপারফাইন স্মৃতি দিয়ে বোন্ একটা মিহিন জাল। পূব বাঙলার পোনরো আনা লোক নাকি ইয়েহিয়াকে কাদার মাদার রূপে দেখে—মসজিদে মসজিদে তাঁর জিন্দেগী আর ভালাই-এর জন্তু দোয়া দরুদ পড়ে।

এর ফলে কি হবে জানিস ? হিটলারী রাজের আখেরী ওক্তে যা হয়েছিল, ঠিক তাই। এরা হয়ে যাবে আপন প্রপগাণ্ডার ভিকটিম। একদম টপ্-এ যারা আছে—ইয়েহিয়াকে ঘিরে—তারা জানে এসব মিথ্যে প্রপগাণ্ডা। কিন্তু যদি আখেরে বাঙলাদেশ কুথে দাঁড়ায় তবে সেটাকে দমন করার প্রস্তুতির ভার যে শত শত অফিসারের কাঁধে পড়ছে, তারা তো জানে না এসব ভাষা মিথ্যে, তারা ভাববে এসব বাড়াবাড়ি, মশা মারার জন্তু খামোখা সেই কোন সুদূর পূব পাকিস্তানে পাঠাতে হবে কামান ট্যাঙ্ক। কাজে আসবে

গাফিলী। পানি কাদা সাপ জোঁকের দেশে এমনিতাই পশ্চিম
পাকী সেপাই যেতে চায় না, এখন সেখানে যেতে হবে বিজ্রোহ দমন
করতে ? কিসের বিজ্রোহ ? এ্যাদিন ধরে তোমরা গাইলে ভিন্ন
গীত। সাধারণ সেপাই যদি অকিসারকে অন্ধভাবে বিশ্বাস না করে
তবে আর্মির 'মরাল'টি হয়ে যায় ঝরঝরে।

আথেরে মামেলাটা এ-শেপ্ নেবে কি, না, সে জানেন আল্লা।
কিন্তু লাহোর পিণ্ডির ক্লাবে ক্লাবে কী অন্ধ আত্মপ্রসাদ, কী কাণ্ড-
জ্ঞানহীন বড়-কাটাই।

আর মদের কথা যদি তুলিস তো আমরা কলকাতাইয়ারা ওদের
তুলনায় শিশু, শিশু, শিশু। আমাদের সব চেয়ে বড় ক্লাবে সত্বৎসরে
যে-পরিমাণ খাওয়া হয় তাই দিয়ে ওদের ছোটাসে ছোট্টা ক্লাবের
কপালে তিলকটি কাটা যাবে না। জালা জালা মদের সঙ্গে সঙ্গে
সব্বাইকে গুনিয়ে গুনিয়ে গালি-গালাজে ভর্তি অশ্লীলতম ভাষায় যে
সব নোংরা নর্দমায় তারা গড়াগড়ি দেয়, গল্পের নামে মোস্ট
পয়েণ্টলেস যে-সব মলকুণ্ডের বর্ণনা দেয় সে-সব না গুনলে কোনো
দেশের গাটার-স্নাইপও বিশ্বাস করবে না যে নগরের সব চেয়ে
সম্মানিত ক্লাবে ভদ্রসন্তানরা এসব বলে, শোনে আর চতুর্দিকে কী
অট্টহাস্যের গমগমানি।

আমাকে একেবারে চাটনি বানিয়ে ছিল সর্বশেষে এক জমিদার
—ব্যারন বললেই ঠিক হয়—বাড়ির একটা বিরাট হল ঘরে। ব্লু
ফিল্ম কখনো দেখেছিস ? তার বাস্তব—থাক্। তুই যে আমার
ছেলেবেলার বন্ধু যার সামনে আমি হর হামেশা প্রাণ খুলে সব কথা
বলেছি, তাকেও ভাই বলতে পারবো না।”

কীর্তি বললে, “বলারই বা কি দরকার ?”

খান বললে, “না ভাই, শুধু বলার জন্তই বলছি। আমি
শুধু ভাবি এই সব আত্মপ্রসাদমণ্ড দিবাক্ত, মিথ্যা ভাষণ যাদের হাড়ে
হাড়ে এমনই ঢুকে গেছে যে পবিত্র শপথগ্রহণের সময়ও কুণ্ঠা নেই,

লজ্জা নেই, যৌন ব্যাপারে যারা পশুর চেয়েও অধম—এরা ভাবে
এরা সভ্য, এদের তুলনায় পূর্ব বাঙলার লোক জংলী, বর্বর। এই
সব ক্রটিগুলো শাসন করতে চায় সরল, বিশ্বাসী, ভদ্র পূর্ব বাঙলার
লোককে।”

খান ভালোভাবেই জানতো, কীর্তির মত মাত্রা রক্ষায় অভ্যস্ত
বনেদি ঘরের ছেলের কাছে এ-সব অবিদ্বান্য, এ-সব তার কল্পনার
বাইরে, তার দৃষ্টিচক্রের বহু বহু দূরে। পাকেচক্র যদি বা সে
এ-জাতীয় পঞ্চাচারের কাছে-পিঠে এসে পড়ে তবে সঙ্গে সঙ্গে তার
ইনসটিনক্টই তার লাগাম ধরে উণ্টো পথে ডার্বি স্পীডে তাকে
ছুটিয়ে দেবে। কিন্তু সে নিজে এ-যাত্রায়, বিশেষ করে ব্যারনের
বাড়িতে যে পাইকিরি পাপাচার যে সামান্য অংশটুকু দেখেছিল, এবং
পরে শুনেছে আর সব জমিদার বাড়িতেও এ-সব ডাল-ভাত,
পুরুষানুক্রমে চলে আসছে তাই নিয়ে মনে মনে তোলপাড় করছিল
এক একটা জাত এ-রকম পথে চলে কি কারণে? আর পাঁচটা
জাতের সঙ্গে মেলামেশার পরও নিজেদের সভ্যতর মনে করে কোন্
যুক্তি দিয়ে? হুজুনাই চুপ।

খানই শেষটায় বললে, “তুই তো জানিস আমাকে পুরো ছুটি
বৎসর লগুনে কাটাতে হয়েছিল, বাবার হুকুমে। ইংরেজের সঙ্গে
আমার যে খুব-একটা দহরম-মহরম হয়েছিল তা নয় তবু তাদের
চরিত্র, সামাজিক আচরণ খানিকটে আমার নজরে আসে। অবশ্য
যে-সব বিশেষ বিশেষ সীমাবদ্ধ সম্প্রদায় থেকে ইংরেজ ভারতবর্ষে
রাজত্ব করার জন্য লোক সংগ্রহ করতো তাদের সঙ্গে আমার পরিচয়
হয় নি। কিন্তু সব চেয়ে বৃহৎ অভিজ্ঞতা আমি যেটা অনিচ্ছায় সঞ্চয়
করেছি সেটা তাদের অজ্ঞতা, সর্বগ্রাসী অজ্ঞতা। শিক্ষিত অশিক্ষিত—
তা তারা খবরের কাগজ পড়ুক আর নাই পড়ুক—শতকরা ৯৯ জন
বাইরের ছনিয়ার কোনো খবর তারা রাখে না। ফ্রান্সে, শুনেছি,
অজ্ঞতাটা তারো বাড়ি।

পাঞ্জাবী সেনাইয়ের জনপদবধু কি জানে, পূব বাঙলা কোথায় ?
—এবং সেখানকার বধুর বুকে তারই মত একটা সুখ হুঃখ, হুমুঠো
অগ্নের যেন অনটন না হয় তার তরে তারো জীবনভর একই হুশিচ্ছতা !

তুই শুনলে হাসবি, আমি লাহোর ক্লাবের মেম্বার, ইংরেজ ও
গাঁইয়া মেম্বার অজ্ঞতার ভিতর বিশেষ কোনো তফাত দেখিনে।
লাহোরের মেম্বার ভ্যাট্‌ভুট করে ইংরিজি বলতে পারে বলে আমরা
তুল ধারণা করে বসি তারা বুঝি আপ টু ডেট।

এই সর্বব্যাপী অজ্ঞতার মাঝখানে ইংরেজ শাসকের অজ্ঞতা তাকে
দিয়েছিল ভারতীয়ের প্রতি অবজ্ঞা আর পাঞ্জাবী করে ঘৃণা পূব
বাঙলার লোককে। তুই তো ঘটি, তবু নিশ্চয় জানিস ওয়া বড়
'টাচি', বাঙলাকে অবহেলা করলে সে তার উত্তর দেয় তিন ভবল
অবহেলা দিয়ে। ইংরেজের অবহেলার বিরুদ্ধে লড়াইয়ে নামতে
তাই তার একটু সময় লেগেছিল। কিন্তু ব্যাটা যেদিন ঠিক ঠিক
বুঝে যাবে, পাঞ্জাবী শূয়ারটা তাকে ঘৃণা করে তখন শুরু হবে
আতসবাজি।”

খান খানিকক্ষণ চিন্তা করে বললে, ‘সবই ঠিক, কিন্তু জানিস তো
‘জোর যার মল্লুক তার।’ ব্যাটারদের শুধু বন্দুক নয়, আছে ট্যাঙ্ক প্লেন।’

কীতি বললে, “ইংরেজের কি ট্যাঙ্ক প্লেন ছিল না ? তত্ত্ব কথার
মূল তত্ত্ব কি জানিস ? আজ যদি ক্রেসিয়াস ক্রে আলী তোকে রাস্তায়
পেয়ে এক ঘুষিতেই লম্বা করে দেয় সেটাতে তো তোর লজ্জা
পাবার কিছু নেই, কিন্তু তার পর যদি তুই তার দাসত্ব স্বীকার করে
নিস, সেখানে লজ্জা। ট্যাঙ্ক প্লেনের শক্তি দিয়ে কাল যদি পাঞ্জাবী
ক্রাটের পাল পূব বাঙলাকে ছারখার করে দেয় তাতে বাঙাল লজ্জা
পাবে কেন ? শক্তিশালী হামেশাই দুর্বলকে পরাজিত করে।

কিন্তু তারপর যদি বাঙালরা পাঞ্জাবীর দাসত্ব স্বীকার করে নেয়
তবে সেখানে বাঙালের লজ্জা। তুই আমি বাঙালী—আমাদেরও
লজ্জা।”

ত্রয়োদশ অধ্যায়

শিপ্রা অভিমানের সুরে বললে, “এত দেরি করে এলে? এরই মধ্যে আমাকে অবহেলা?”

কীর্তি অবাক। সামলে নিয়ে দীর্ঘ নিঃশ্বাস ফেলে বললে, “রবি ঠাকুর ছাড়া দেখছি আমাদের গতি নেই :

‘তোমার ভাষা বোঝার আশা দিয়েছি জলাঞ্জলি।’

আমি এসেছি তোমার দেওয়া সময়ের দশ মিনিট আগে—এবং অতি ভয়ে ভয়ে। কারণ তোমাকে ঘর সংসার দেখতে হয়, তার উপর পুরো তদারকি করতে হয় ব্যবসা সম্পত্তির। এবং সর্বোপরি কয়েকটা চ্যারিটির হিসাবপত্র দেখা। ইকুজ্যাক্ট টাইমের এক মিনিট পূর্বে এলে হয়তো বারান্দায় মোক্ষম এক ধাক্কা, কোন্ এক বুনঝুনিয়া বা ঠুনঠুনিয়ার সঙ্গে। আর তিনি হন যদি সিস্টার তেরেসা বা ক্লারা তা হলে তো কেলেক্কারি ব্যাপার। যাকে বলে, আমি মরমে মরে যাবো, তাঁর শরমে ‘শেম্ শেম্’।”

শিপ্রা বললে, “উপরে চল।”

সিঁড়ি দিয়ে উঠতে উঠতে বললে, “চ্যারিটির কাজ যৎসামান্য। আমি নিজে সে-সব স্থলে যাই। সিস্টারদের পক্ষে এখানে আসা সহজ নয়। এবং শুনেছি ক্যাথলিক নান্দের অন্তত দুজন না হলে রাস্তায় বেরনো বারণ। সে-কথা থাক্। আসল কথাটা শোনো। মনে কর কেউ যদি স্থির করে তার সাংসারিক সব অভাব দূর না হওয়া পর্যন্ত কোনো ভিত্তিরিকে ভিক্ষে দেবে না, কেউ যদি ভাবে বৈষয়িক সর্ব ব্যাপার গোছগাছ না করে বৃন্দাবন যাবো না, তা হলে ঐরও আজীবন ভিক্ষে দেওয়া হবে না ঔরও কন্সনকালে তীর্থ দর্শন হবে না। প্রত্যেক দান কর্মে থাকে আত্মবিসর্জন, ক্ষতি স্বীকার তা সে

যত সামান্যই হোক। এই যে তুমি ক্ষুদ্রতম এটিকেট রক্ষার্থে বন্ধুর সিগারেট আগে ধরিয়ে দিয়ে নিজেরটা পরে ধরাচ্ছে। তাতেও আছে পাঁচ সেকেন্ডের সেকরফাইস।”

কীর্তি সোৎসাহে বললে, “হ্যাঁ হ্যাঁ মনে পড়ছে, তুর্গেনিয়েকও বলেছেন, ‘রকফেলারের লক্ষ লক্ষ ডলার দানের কথা যখন মনে আসে তখন আমার হৃদয়ে তার প্রতিদানে কৃতজ্ঞতা, কিন্তু যেদিন দেখলুম, আমাদের গ্রামে আটটি কাচ্চা-বাচ্চার বাপ এক অতি গরীব চাষা একটি অনাথ বাচ্চাকে বাড়িতে এনে আশ্রয় দিল তখন তার স্বরণে আমার মাথা গভীর, গভীরতম শ্রদ্ধায় নত হয়। চাষার ভয় ছিল তার বউ সংসার চালাবার জ্ঞান প্রতিটি কোপেক গোনে, সে দারুণ চটে যাবে। সে শুধু রান্না করতে করতে শুধু আপন মনে মন্তব্য করেছিল, ‘এখন থেকে আমরা সপ্তাহে যে একটা দিন পরবের রোববারে চীজ খেতুম সেটা ছাড়তে হবে।’ আমার ঠিক ঠিক মনে নেই—”

“কিছু দরকার নেই এ ঘটনাটির বর্ণনা তুর্গেনিয়েকের ভাষায় দেবার। ছ’বছরের বাচ্চাও যদি এটি আধো আধো কথায় প্রকাশ করে তবু তার মূল্য এক কানাকড়ি কমবে না। লক্ষ টাকা দামের ফুলদানিতে একটি গোলাপ রাখো, আর চার আনার কাঁচের গোলাসে রাখো, গোলাপের সৌন্দর্য কি তখন আসমান জমীন ফারাক হয়ে যাবে ?

কিন্তু তোমার উদাহরণ সত্যি ক্লাসিক পর্যায়ে। রকফেলার বিশ লক্ষ ডলার দান করে কি ক্ষতিটা স্বীকার করলেন ? ব্যাঙ্কের খাতাতে কয়েকটা শূণ্য কাটা পড়লো মাত্র। বস্তুত তনুহুঁতেই তিনি পাইকিরিতে আরো বিশখানা রোল্‌স কিনতে পারেন।”

তার নিভৃত বৃন্দওয়ারে কীর্তিকে নিয়ে গিয়ে শিপ্রা লম্বা হয়ে শুয়ে পড়ল তার ডিভানের উপর। কীর্তিকে বললো, “বসো আমার পায়ের কাছটায়—আমি কেঁটাকুর না হলেও তুমি তো অর্জুন। তিনি বুদ্ধিমান ; ঠাকুরের পায়ের কাছে আসন নিয়েছিলেন। নিছক

‘বিনয় বশত নয় ; তাঁর কুটিল স্বার্থ ছিল।’ আমারও তাই। তোমার মুখ দেখতে পাবো বলে।”

বলতে বলতে তার খোঁপা খুলে চুলে বিলি দিতে দিতে মাথার পাশের গোটা তিনেক কুশন ঢেকে দিল। কীতি লম্বায়, পরিমাণে এ-রকম রাশি রাশি চুলের স্তূপ আগে দেখে নি। বিস্ময়ে সেটার প্রশংসা করতে ভুলে গিয়ে বললে, “তোমার খোঁপা দেখে তো আমার কখনো মনে হয় নি, তোমার এত চুল।”

“কোঁকড়া চুলের ঐ একটিমাত্র সুবিধে। কিন্তু আমার বক্তব্য শেষ হয় নি।

নির্দিষ্ট সময়ের আধ ঘণ্টা পূর্বে কিংবা হঠাৎ বিন্-নোটিশে এলে তুমি। তোমাকে তখন বসিয়ে রেখে টাকাকড়ির টানা-হ্যাঁচড়া করবো ঐ ঠুনঠুনিয়া না ঝুনঝুনিয়ার সঙ্গে—ঈভন ফাইভ মিনিটস্ ? নো, এ হানড্রেট টাইম নো। তাকে তদগেই বিদায় দিলে কি হবে। একটা ডীল হয় তো হবে না। ঝুনঝুনিয়াও বিরক্ত হবেন।

ওরে হাবা, শোন, এইটুকু যদি আমি ত্যাগ স্বীকার না করতে পারি তোর সঙ্গ পাবার তরে তবে তোর মূল্যটা কত ? ডীলটাতে হয়তো আমার দশহাজার টাকার মুনাফা হত। তা-হলে যে কোনো মুদি তোকে বলতে পারবে তোর দাম নিশ্চয়ই দশহাজার টাকার চেয়ে কম—এতো সোজা হিসেব। আর স্বয়ং যীশুখৃষ্টের মূল্য কত ? মাত্র ত্রিশটি মুদ্রা। অবশ্য তাঁর যে-শিষ্য তাকে বেচে দিয়েছিল তুশমনদের কাছে সে ছিল গ্যালিলির জেলে। আজকের দিনেও সেখানে ত্রিশ মুদ্রা পর্বত প্রমাণ। আর আমার কাছে দশহাজার কি ! ওদিকে হ’হাজার বছর ধরে তুনিয়ার ভদ্র ইতর সঙ্কলের কাছ থেকে জুডাস পাচ্ছে অভিসম্পাত। আমাকে দেবে ক’হাজার বছর ধরে ঝুনঝুনিয়ার কাছে তোমাকে বেচে দেওয়ার জন্ত।”

তারপর আরামসে চোখ বন্ধ করে বললে, “ভাগ্যিস, মা কালীর আশীর্বাদে তুমি আমি কেউই যীশুখৃষ্ট নই।”

এমন সময় কোনো নোটিশ না দিয়ে কীর্তি হঠাৎ মাথা নিচু করে শিপ্রার একটা পায়ে চট করে চুমো খেয়ে অস্ফুট পায়ে মুখ চেপে দিতে লাগলো দীর্ঘতর চুম্বন।

ধড়মড়িয়ে শিপ্রা উঠে বসে কীর্তির মাথা চেপে ধরে বললে, “ছি ছি। এ তুমি করছ কি?”

কীর্তি কোনো উত্তর দিল না। নিরাশ হয়ে শিপ্রা বসে রইল।

অনেকক্ষণ পরে কীর্তির চুল ধরে তার মাথা টেনে তুললো তখন বিন্দুমাত্র অপ্রতিভ ভাব না দেখিয়ে শাস্ত কণ্ঠে বললো, “কেন? পদচুম্বন সমাসটা কি তোমার একেবারে অজানা। মাহুব গুরুর পদচুম্বন করে। কিন্তু আমি তো কখনো কোনো গুরুর কাছে দীক্ষা নেবার মত পাত্র নই। তুমিই তো আমার গুরু।”

বিস্মিত হয়ে শিপ্রা শুধলো, “সে কি?”

“শোনো নি, চণ্ডীদাস তাঁর রজকিনীকে গুরু আখ্যা দিয়েছেন তাঁর গীতে?”

“সে তো তিনি তাঁর সাধনার ক্ষেত্রে রামীকে অনেক রূপেই দেখেছেন, অনেক নামেই ডেকেছেন। তুমি তো অপদার্থ—অবশ্য তোমার আত্মোপলব্ধির ভাষায়।”

“অবাক করলে, গুরু, অপদার্থের তো গুরুর প্রয়োজন সর্বাধিক। খাঁটি সোনাতে কেউ কখনো পরশ পাথর ছোঁয়ায় নাকি। আচ্ছা, তর্কস্থানে না হয় গুরুর প্রসঙ্গ বাদই দিলুম। কিন্তু প্রিয়ার পদচুম্বন কি তার প্রসাদলব্ধ জন করে না। তুমি যাকে গুরুদেব বলে প্রায়ই উল্লেখ করো তিনি গেয়েছেন :—

‘অমল কোমল চরণকমলে চুমিহু বেদনাভরে—’

শিপ্রা বাধা দিয়ে বললে, “সে তো তাঁর জীবনদেবতার পদচুম্বন করেছেন তিনি।”

রীতিমত উত্তেজিত হয়ে কীর্তি বললে, “বা রে। এর কয়েক লাইন আগেই তো ওর সঙ্গে তার মহা সাড়ম্বরে, আত্মতানিকভাবে

অনেক চক্র ততোধিক রেখার জাল ঐকে শুভলগ্ন স্থির করে, শাস্ত্রীয় পদ্ধতিতে পুরোহিত বৃদ্ধ বিগ্ৰের হাতে ধাত্য দুর্বা তীর্থবারি এবং মন্ত্রসহ বিয়ে হল এবং 'সখীদলও' শাস্ত্রীয় অনুষ্ঠানের পর সামাজিক অনুষ্ঠান সুসম্পন্ন করলো ।

দৌহাকার সাথে ফুলদল-সাথে বরষি লাজাজলি ।

এবং এই যে একটা অভূতপূর্ব, ইতিহাসের সর্ব স্বয়ংবর বিবাহকে আপাদমস্তক লজ্জিত বিভূষিত করে পাণিগ্রহণ—আমি এই পাণিগ্রহণ সমাসটির দিকে তোমার বিশেষ দৃষ্টি আকর্ষণ করছি, শিপি—এই পাণিগ্রহণ মহোৎসবটি সমাধান হল এটির নির্ধারিত, এটির মধুরতম মধুমন্ত্র পাচ্ছি

‘অজানিত বধু নীরবে সাঁপিল শিহরিয়া কলেবর

হিমের মতন মোর করে তার তপ্ত কোমল কর,’

বধু, বধু, বধু—আবার বলি বঁধু নয়, বধু ।

সেই বধুর পদচুম্বন করেছিলেন আমাদের সর্বশ্রেষ্ঠ যার ভিতর সকল রসের ধারা সর্বদেশ সর্বকাল থেকে বয়ে এসে সন্মিলিত হয়েছিল ।” দম নিয়ে কীর্তি বললে,

“তোমরা যা বলো তাই বলো, আমার কাছে বধু যা জীবনদেবতাও তা ।

এর পর দেখ, কবিতাটি তোমার আমার অতি কাছে চলে গেল । কবিতার সখী পথ দোঁখিয়ে বরবধুকে বাসর ঘরে নিয়ে গিয়েছিলেন । এখানে স্বয়ং তুমি । তারপর—

‘পাদপীঠ’ পরে চরণ প্রসারি শয়নে বাসলা বধু—

তুমি যদি সে-ভাবে চরণ প্রসারিত করতে তবে আমি ছুটে গিয়ে পাদপীঠ সংগ্রহ করে আনতুম না । তুমি যে শয়নে চরণ প্রসারিত করলে । তাই তো আমাকে ঐ অবস্থাতেই পদচুম্বন করতে হল ।”

আশীর্বাদোক্তমধ্যে শিপ্রা তার ছুই হাঁটুর মাঝখানে মাথা গুঁজে বসে

কীর্তির কবিতা আবৃত্তি, তার আপন টীকা কিছুটা শুনছিল। কিছুটা আপন মনে ভাবছিল। তার রাশি রাশি চুল চতুর্দিকে ছড়িয়ে পড়েছে। ‘কীর্তি মাত্র ছ’দিন ধরে দরদী হিম্মার আহ্বান পেয়ে বক্ বক্ করতে শুরু করেছে। কিন্তু অতদিনের নীরব স্বভাব চট করে যায় না বলে চুপ করে শিপ্রার চুলের ভিতর এদিক ওদিক আঙুল চালাচ্ছে।

হঠাৎ শিপ্রা মাথা তুলে কীর্তির দিকে স্থির দৃষ্টিতে তাকিয়ে ধীরে ধীরে স্পষ্ট স্বরে বললো, “এ-সব প্রাণের কথা কার না শুনতে ভালো লাগে? কিন্তু, কীতা, আমার মন বার বার ঘুরে ফিরে ঐ পাদপীঠ কথাটির দিকে যাচ্ছে। পাদপীঠ, সোজা বাঙলায় চৌকি, ইন্ডিজিতে পেডেস্টেল। তোমার হৃদয়ে ছদিনেই আমার যা মূর্তি গড়ে তুলছে। তার পাদপীঠটা উচু হতে হতে এখন সেটা ময়দানের বিরাট বিরাট মূর্তির দশহাত উচু পাদপীঠ, স্ট্যাগু হয়ে দাঁড়িয়েছে।” একটা চিন্তা করে নিয়ে বললে, “না তুমি আরম্ভ করেছ পাদপীঠ দিয়ে। সেটাকে গড়েছো তোমার চেয়ে তিন মাথা উচু। তার উপর খাড়া করবে বা বসাবে নিশ্চয়ই কোনো দেবীপ্রতিমা—অন্ত কিছু মানাবে কেন? এবং স্পষ্ট কল্পনা করতে পারছি সে দেবী আমি। নয় কি?”

কীর্তি মুগ্ধ হয়ে ভাবছিল, আহা, এই তো শিপ্রা। ‘রবি-কাব্যের কত’ না অতলে ডুবেছে সে। অথচ প্রয়োজন মত আমার মত এমেচারের সঙ্গেও সে কদম কদম মিলিয়ে চলতে পারে। ঐ তো তার মহৎ গুণ। পার্টিতে, ব্যবসাতে, বিয়ে বাড়িতে সর্বত্রই সে ব্রাহ্মণ চণ্ডাল সকলের সঙ্গে খাপ খাইয়ে চলতে পারে।

শিপ্রার প্রশ্নের উত্তরে কীর্তি, যেন সময় শেষে মাথা দোলাতে দোলাতে বললে, “অবাস্তব, অবাস্তব এ-প্রশ্নটা। প্রশ্নটাই স্বতঃসিদ্ধ, স্বয়ংসম্পূর্ণ!”

হায় রে কীর্তিঠাকুর! তুমি এখনো তোমার শিপ্রা চতুরাকে

চিনতে পারো নি। সে যেন সন্দেহের ধন্দে দোটানা হয়ে বললে,
“তোমার ঐ কবিতাতেই আছে “বিয়ে বাড়িতে” ছিল

‘সিংহবাহিনী নারীর প্রতিমা ছই পাশে অপরূপ।’

‘বান্দালোরী শাড়ি, বেনারসী ব্লাউজ আর ছেরামপুরী খোঁপা—ঐ
তো আমার সাজ। এ কি মানাবে সিংগির ঘাড়ের উপর বসলে ?

তার চেয়ে ওখানে বসে যদি আমি হীরা-পান্না বসানো সোনার
চক্রনী দিয়ে কুহকিনী মায়াবিনীর মত চুল আঁচড়াই তবু না হয়
ভেঁপো ছোঁড়ারা ওদিকে তাকিয়ে ছ’একটা রসাল টিপ্পনী কাটবে।”

কীতির রোমান্সে এই পয়লা খোঁচা। এবারে আসছে কু ছ
গ্রাস, ক্রে’র মোক্ষম মুষ্ঠ্যাঘাতে রোমান্স-বেলুনের শেষ সর্বনাশ।

অতি গুরু গম্ভীর হাস্তহীন আশ্বে শিপ্রা বললে, “সবচেয়ে খাসা
মানায়, যদি আমি সেখানে কোমরে আঁচল বেঁধে, টাটা স্টিলের
কড়াইয়ের খাগড়াই কাঁসার খুঁস্টি দিয়ে তোমার জন্তু পুঁই শাকের
চচ্চড়ি ঘ্যাটাই।”

আহা, যেন একটি সার্থক গবিতা! এই একটি বাক্যকেই
তিন অসমান হিসেয় ভাগ করে তিন লাইনে ছাপলেই কোথায়
পাউণ্ড, কোথায় বন্ধু সমর সেন ?

ডাস্ট বিন্-এ পচা ইত্বর

রিকশায় চীনা গণিকা

এগুলো মহাকাব্য রূপে স্বীকৃত হয়েছে। এবারে জুড়ে দিলে
ময়দানের মিনার-শিখরে ইশ্টিলের কড়াই।

কীতি যে ক্ষুণ্ণ হয়েছে সেটা স্পষ্ট বোঝা গেল। হার মানতে
মানতে তবু শেষ বাণ ছাড়লে—

‘দেবতারে প্রিয় করি, প্রিয়েরে দেবতা।

অতি সোহাগভরে ছ’হাত দিয়ে কীতির মাথা বুকে গুঁজে
নিয়ে তার মধুরতম কণ্ঠে বললে,—সে কণ্ঠস্বর তার পিতা বড়
ভালোবাসতেন—“ওরে ক্যাপা, প্রিয়াকে দেবতা করার জন্তু

প্রেমিক প্রেমিকা, উভয়েরই শাস্তাধিকার অর্থাৎ প্রেমাধিকার চাই। তোমার কিছুটা আছে—বিধিদত্ত—কিন্তু দিনে দিনে সেটা বাড়বে না কমবে সেটাও জানেন একমাত্র বিধিই।

তুমি বার বার বলেছো, তুমি অপদার্থ, তাই তোমার ভিতর আমি কি দেখলুম যে তোমাকে ভালোবাসলুম? উত্তর দি নি। আজ বলি, ঐ প্রেমাধিকার। যাকে আমি নাম দি 'ধাতু'।"

কীর্তি শুধোলে, "ধাতু? বুঝিয়ে বলো।"

শিপ্রা বললে, "তোমাকে নির্মাণ করার সময় বিধাতা একটা বিশেষ ধাতুও মিশিয়ে ছিলেন। সেটা আমি চিনতে পেরেছি। এর বেশী বুঝিয়ে বলা যায় না। ওটা বোঝার জিনিস নয়, উপলব্ধির ধাতু। হয়তো নিজেই একদিন উপলব্ধি করতে পারবে। ব্যাস! এখন চুপ করো।"

চতুর্দশ অধ্যায়

কীর্তিদের ক্লাব-বাবের উচ্চ উচ্চ দণ্ডাসনে বসে ডাইনে-বামে ঠিকরার করাটা যারা সব সময় পছন্দ করতেন না, তারা আসন নিতেন ছোট ছোট টেবিলের চতুর্দিকে। আবদার জিংক এনে দিত টেবিলে টেবিলে। আবদার কথাটা ফার্সী থেকে এসেছে প্রাচীনতর যুগে, জোর চালু হয় কোম্পানির আমলে এবং ইদানীং মুম্বু'। যদিও আব শব্দের অর্থ জল, প্লেন ওয়াটার—যেমন আবহাওয়া—ও দার কথাটার অর্থ, যে ধরে, যেমন জিন্মেদার তথাপি রুঢ়ার্থে সে মজাদা তরল জব্যের রক্ষক ও পরিবেশক। ইরান দেশে এই ব্যক্তিই যদি ভদ্রশ্রেণীর শিক্ষিত তরুণ বা তরুণী হয় এবং বহু বা বান্ধবী রূপে

কাব্যালোচনা, সঙ্গীতাদির দ্বারা বিশেষ একজনকে আপ্যায়িত করে বা আসন্ন জমিয়ে তোলে তবে তার নাম সাকী ।

দগুনীন্দর ভিতর কথা-বার্তা হয় ছেঁড়া ছেঁড়া । টেবিলগুলাদের ভিতর মাঝে মিশেলে ছ'একটি বিষয় নিয়ে অপেক্ষাকৃত দীর্ঘস্থায়ী আলোচনাও হয় কিন্তু আমাদের রক বা পাড়ার চায়ের দোকানে—সেখানে প্রাপ্ত ক্লাবের মত একে অত্মকে চেনে এবং প্রায় সব খদ্দেরই বেনামী একটা ক্লাবের অনারারি মেম্বর—যে রকম তর্কাতর্কির সাইক্লোন টর্ন্যাডো বয়ে যায়, এই খানদানী ক্লাবে সে-রকম হয় না । কারণ কেউই কোনো বিষয়ে সিরিয়াসলি নেয় না, কারোই বিশেষ কোনো মতবাদে দৃঢ়বিশ্বাস নেই । তাঁরা শুধু একটি বিষয়ে অচঞ্চল দৃঢ়মত পোষণ করেন—পানের দ্রব্যটি যেন যে-লোক যাঁ নিত্য নিত্য খায় আজও যেন নির্ভেজাল তাই হয় । এবং যেহেতু সাধারণ মানুষ যদি কোনো বিশেষ একটা জিনিসের প্রতি তার সর্ব চৈতন্য সর্ব ধ্যান পরিপূর্ণ নিয়োগ করে দেয় তবে সে অত্ম সর্ঘবাবদে অল্লাধিক উদাসীন হতে বাধ্য—অর্জুন যে-রকম পাথির চোখের দিকে তাগ করার সময় গুরু, ভ্রাতা এমন কি বৃষ্টিটাকেও দেখতে পান নি । বাইবেলও বলেছেন, “তুমি প্রভুর সেবা করা যায় না ।”

আজ কিন্তু তর্কটা জমে উঠেছে । ইয়েহিয়া খান এসেছেন ঢাকায় । শেখ মুজীবের সঙ্গে একটা আপোস করতে । কীর্তি এসে দলে ভিড়লো আলোচনা যখন অনেকখানি এগিয়ে গিয়েছে—বসলো তার সুদিনদা ও ইয়ার খানের পাশে । যে সমস্যা নিয়ে বাক-বিতণ্ডা হচ্ছে সেটা : ইয়েহিয়া কি সত্যি আওয়ামী লীগের হাতে পূর্ব বাঙলার চোদ্দ আনা কর্তৃত্ব ছেড়ে দিতে প্রস্তুত ?

মিস্ত্রির যদিও প্রায় প্রতি রাত্রেই কিঞ্চিৎ বে-এক্কেয়ার হয়ে বাড়ি ফেরে তবু সবাই জানে যে বদ্ধ মাতাল অবস্থায়ও সে যদি কাউকে কোনো কথা দেয় তবে পরের দিন সে-কথা তুললে, যদিও সে সে-

কড়ার বিলকুল স্মরণে না আনতে পারে তবু ক্ষয়ক্ষতির পরোয়া না করে সত্য রক্ষা করবে। অতএব তার দৃষ্টিবিন্দু এক্ষেত্রেও সেই ঐতিহ্যগত। বললে,

“তোমরা ভুলে যাচ্ছে। ইয়েহিয়া সেপাই, অফিসার। সে পলিটিশিয়ান নয় যে ঘড়ি ঘড়ি ভোল পালটাবে। ইংরেজ জাতটা পলিটিকস করে। আমাদের হোমরুল, অটনমি, হাফ-স্বরাজ, স্বরাজ দেবার হোলি প্রতিজ্ঞা করে সেটা ভঙ্গ করেছে। কতবার হিসেব নেই। প্রথম বিশ্বযুদ্ধের সময় ঠিক একই সময়ে গোপনে আরবদের কাছে কসম খেল যুদ্ধ শেষে প্যালেস্টাইন ওদের হাতে সঁপে দেবে এবং সঙ্গে সঙ্গে টাকার কুমীর মার্কিনদের হুবহু ঐ একই প্রতিজ্ঞা করলে। যুদ্ধ শেষে চেষ্টা করলে, নিজেই সেটা হজম করার। শেষটায় যখন নিতান্তই বদহজমে যায় যায়, তখন আরব আর ইহুদিদের লড়িয়ে দিয়ে বাড়ি চলে গেল। এবং দুই পক্ষকেই আগুনের দরে আউট অব ডেট পূর্ণা পূর্ণা বন্দুক কামান বিক্রি করলে। ওদিকে দেখ তু গল। সেপাই। রাজ্য চালনার সময় আপন প্রতিজ্ঞা রক্ষার আত্মসম্মান বজায় রাখতে গিয়ে পদে পদে মার খেয়েছে। ইয়েহিয়াও সেপাই।

সুদিন বললে, “ইয়েহিয়া যদি সত্যিকার সেপাই হয় তবে পাক্সা সাড়ে তিনটি মাস ধরে ন্যাজ খেলানো কেন, বাবা? ইলেকশন হয়েছে সেই ডিসেম্বরের প্রথম হপ্তায় আর আজ মার্চের মাঝামাঝি। এখনো ডেট স্থির হয় নি, এসেমব্লি কবে বসবে? —বল না শঙ্কর, তোর মামা না এসেমব্লিতে কি যেন কোন্ ডাঙর নোকরী করে— এসেমব্লি ডাকতে কত দিন সময় লাগে? আসলে সুদিনের মতলব শঙ্করকে তাতানো। কারণ শঙ্করজীবনের একমাত্র উদ্দেশ্য তর্কে সুদিনের বিপক্ষ মত তারস্বরে প্রচার করা। অত্য় সর্ব বাবদে হরিহরাত্মা। আজ সবাইকে অবাক করে বললে, “মেয়ে কেটে-উইদ এ ভেরি লিবরেল মার্জিন—সাত দিন। কিন্তু সে প্রস্তুত

তোলার পূর্বে ভুলে যাচ্ছিল কেন কেক্রয়ান্নির মাঝামাঝি ইয়েহিয়া তো মাঠের প্রথম সপ্তাহে এসেমন্নির সেশন ডিক্লেয়ার করে ফের সেটা নাকচ করে দিলে। কি বলো, মিস্ত্রি? ইয়েহিয়া না সোলজার।”

ইউনুস মির্জা মেদিনীপুর না কোথাকার খাঁটি পাতি। ঝাটিও বায়স প্রায়। দেমাক করেন তিনি মোগল না পাঠান কি যেন? বলতে ভালোবাসেন উর্হু—যদিও সেটা তালতলার স্ন্যাং। বেহারের নেটিভ আবদাররা পর্যন্ত সে বত্রিশ ভাজা শুনলে মুখ টিপে হাসে। উড়ে ঘোঁষা বাংলা শুনলে মারওয়াড়ি তবু আপন বাড়লার শিঠে হাত চাপড়ায়। যেন মিস্ত্রিকে নিয়ে মিত্রপক্ষ রচনা করার জন্ত অর্থাৎ ইয়েহিয়ার পক্ষ নিয়ে বললে, “কিন্তু ইয়েহিয়া যথেষ্ট কারণও দেখিয়েছেন।”

কীর্তিসখা খান ক্যাকচুরিয়াস। “কারণ না কহু! লেম একস্কিউজ এবং তার কারণ—ষোড়াতার চারটে পা-ই আগা-পাস্তলা-লেম।”

মিস্ত্রি কি যেন বলতে যাচ্ছিল কিন্তু খান বাধা দিয়ে বললে, “লীগে ইয়েহিয়ায় যদি একটা সমঝোতা হয়ে যায় তবে তো ল্যাঠা চুকে গেল। সে-নিয়ে তর্কাতর্কি হাওয়ার কোমরে রশি বাঁধার মত বিলকুল বেকার। আর যদি না হয় এবং ফলে পূর্ব বাংলা বিদ্রোহ করে—লীগ কুলে দেশের ভোট পেয়েছে তাই বিদ্রোহটা হবে তামাম দেশ জুড়ে—আর স্বভাবতই ইয়েহিয়া চালাবে খুন খারাবীর দমন-নীতি। তখন পশ্চিমবঙ্গের সাধারণ জন আর ভারত সরকার রি-এ্যাক্ট করবে কি ভাবে?”

শব্দর তার পূর্বমত কিঞ্চিৎ পরিবর্তন করে চিন্তিত চিন্তে বললে, “পাঞ্জাবী পাঠান সেপাইরা তাদের প্রতিবেশী, জাত-ভাই কাশ্মীরী মুসলমানদের সাহায্য দেবার নামে এসে তাদের ঘরবাড়ি কি রকম লুণ্ঠপাট করেছিল সেটা অন্তত আমার অজানা নয়। আর এই

রহদুরের বাঙালদেশে তারা নরম চামড়ার দস্তানা পরে পিউনিটিভ
এ্যাকশন নেবে, সেটা ছরাশা।”

মির্জা নির্লিপ্ত কণ্ঠে বললে, “খা-ই করুক না কেন, ওটা তো
পাকিস্তানের ঘরোয়া ব্যাপার।”

খান তো রেগে টং। “ঘরোয়া ব্যাপার! খাসা ডিপ্লোমেটিক
ভাষা। যেটা ডাহা সত্য বিকৃতির ভদ্র বা ভণ্ড নাম। পশ্চিমবঙ্গের
মুসলমানদের মেলা নিকট আত্মীয় রয়েছে পূর্ব বাঙলায়, আর এখানে
যে-সব হিন্দু রেফুজি পূর্ব বাঙলা থেকে এসেছে তাদের সে দেশে মা-
ভাই রয়েছে ঢের ঢের বেশী। তাদের গায়ে বুঝি রক্ত নেই?
তাদের বেলা এটা শব্দার্থে সত্যার্থে ঘরোয়া ব্যাপার। তোমার
বেলা ওটা ডাহা নির্জলা ফন্দী—মানুষ মারার অজুহাত।”

সুদিন বললে, “ফ্রান্স জার্মানির লড়াই ছিল ওদের হুজনার
“ঘরোয়া ব্যাপার”। তবে কেন শতাধিক বৎসরের নিরপেক্ষ
সুইটজারল্যান্ড হিটলার-লাঞ্ছিত কি ইজুদি, কি জার্মান পলাতক
সবাইকে আশ্রয় দিল? এবং বেশীর ভাগ ক্ষেত্রেই বে-আইনী-
ভাবে। এদের প্রায় কারোরই-সরকারী পাসপোর্ট, সুইস ভিজা
ছিল না।

আন্তর্জাতিক আইন অনুযায়ী যে-সুইস ফ্রন্টিয়ারে সে-দেশে
টোকার সময় সে খরা পড়েছে তাকে ধাক্কা মেরে যে-দেশ থেকে সে
বেরিয়ে এসেছে সে-দেশের পুলিশের হাতে সমর্পণ করা। অর্থাৎ
পলাতক পুত্রকে ফের ডাইনীর হাতে সমর্পণ করা। ওরা সবাই
ছিল জার্মান সিটিজেন। হিটলার তাদের নিয়ে কি করবে, না করবে,
সেটা তার নিতান্ত ঘরোয়া ব্যাপার। তবে সুইটজারল্যান্ডের মত
ভদ্র দেশ, ভদ্রতর সরকার দিনের পর দিন এ রকম বে-আইনী কর্ম
করে ওদের ঘরোয়া ব্যাপারে হস্তক্ষেপ করলো কেন? তছপরি
সুইস সরকার বেশ জানতো, হিটলার যখন হলাণ্ড, বেলজিয়ামের
নিরপেক্ষতা চুক্তি উপেক্ষা করে দুটো দেশ দখল করে বসে আছে

তখন প্রয়োজন বোধ হলে কিংবা নিতান্তই খামখেয়ালির ঝোঁকে সুইটজারল্যাণ্ডকেও আক্রমণ করতে পারে। বেআইনিভাবে পলাতক জার্মানদের আশ্রয় দেবার বিগলিতার্থ : সুইটজারল্যাণ্ড আক্রমণ বাবদে অর্ধসুপ্ত মেন-ঈটার হিটলার বাঘার ত্যাজ ধরে হ্যাঁচকা টান মারা।”

সোমেন চাটুয্যো বললে, “অত সাত সুমুদ্দুর পাড়ি দিচ্ছে কেন বাওয়া ? ঐ যে তোমার পূর্ব পাকিস্তান থেকে তেইশটি বছর ধরে কখনো বানের জলের মত হুড়মুড়িয়ে, কখনো চেউয়ে চেউয়ে, আর ছিটেফোঁটায় তো অহরহ রেকুজি আসছে, তাদের ঢুকতে দিচ্ছে কোন্ আইনে। ওহে মির্জা সাহেব, ওদের ঠেলায় তোমার আমার প্রাণ যায়। তুমি, দাদা, যাও না বর্ডারে। তোমার গভীরতম পলিটিকাল ডকট্রিন ঘরোয়া ব্যাপারটা গ্রীচ করো না ওদের সামনে—সর্বিস্তর সালস্কার। একটি কাজের মত কাজ হয়।”

শঙ্কর বললে, “ছিঃ চাটুয্যো ! মির্জা সাহেব উচ্চাঙ্গের সমাজসেবক এবং ভারতপ্রেমী। তাঁর অকাল মৃত্যু কামনা করাটা কি ব্রাহ্মণ সম্ভানের পক্ষে গৌরবের বিষয় !”

এমন সময় বেয়ারা মিস্টার মির্জার হাতে একখানা ভিজিটিং কার্ড এনে দিল। সেটার উপর চোখ প্রায় না বুলিয়েই মির্জা সঙ্কলের দিকে চোখের দৃষ্টি ঘোরাতে ঘোরাতে বললে, “জেন্টলমেন, আমার এক বিশিষ্ট বন্ধু লক্ষ্মী থেকে এসেছেন। আপনারা যদি সদয় অনুমতি দেন তবে তাঁকে এখানে নিয়ে আসি, নইলে অণু টেবিলে—”

তার সেই বিগলিত অনুরোধ শেষ হবার পূর্বেই সমন্বরে কোরাস গান উঠলো :

	নিশ্চয়, নিশ্চয়
	মানন্দে, মানন্দে
কোরাস	মেহেরবানী কীজীয়ে
	সার্টেনলি, সার্টেনলি

ক্লাবটা 'ইণ্টারনেশনাল, মেম্বাররা' কসমপলিটান। এ-হেন
অভ্যর্থনা সাতিশয় স্বাভাবিক। গ্রাম্য কবির আশুবাক্য এই
'ক্যাশান-ক্লাবে বেশভূষায় ঠিক ফিট করবে না কিন্তু ভিতরের রস
একই। শহুরে শেমপেন আর গাঁইয়া তাড়ির ধর্ম এক, বর্ণ ভিন্ন :—

“যে রসে মগন

তাহাতে তখন

হোক না কুজন

হল মহাধন।”

গুধু খান আর কীর্তি উদাহ হয়ে পাঞ্চজন্ম আমন্ত্রণে যোগ দিল
না।

মির্জা সেটা বোধহয় লক্ষ্য করেছিলেন। কিন্তু তাতেই বা কি?
ওভারহুয়েলমিং মেজরিটি তাঁর পক্ষে। যদিও জানা কথা, আজ
স্পষ্টতর হল যে 'আওয়ামি লীগের' খাণ্ডারিং মেজরিটির চেয়ে ঢের
ঢের বেশী কবুল করেন ভুট্টোর ছইসপারিং মাইনরিটিকে।

চাটুয্যে কিসকিসিয়ে থানের কানে কানে বললে, “ব্যাটার হাড়
কিপটোম তার লোমে লোমে খাটাশের দুর্গন্ধ ছাড়ে। কখনো
কোনো বন্ধুজনকে সঙ্গে আনতে দেখেছিস?—তার সামনে চিচিং
ফাঁক হয়ে যাবে যে। আজ শালাকে ছাঁতিন রৌদ খাওয়াতে
হবে অন্তত। বেটা উড়ে স্নবস্ত স্নব। ওদিকে দোস্তটি খানদানী
লখনওয়ী মনিষ্টি। জাতে ওঠবার তরে কোন্ না তিন পাস্তুর
খাওয়াবে? তুই অত মুখ গুমড়ে করছিস কেন রে, উল্লুক?”

“ত্যাখ, ও ব্যাটার দেওয়া শেমপেন আমার কাছে বিষ্ঠে। সত্যি
বলতে কি, আল্লার কুদরতে ঐ মির্জা সম্বন্ধী যদি কোনো দিন দরাজ
দিল হয়ে যায়, তবে তার কাছ থেকে চেয়ে নিয়ে আর্সেনিক খেয়ে
মরতে রাজি আছি আমি এক শ' বার।”

তুই বড্ড সিরিয়াস হয়ে যাচ্ছিস। আর আজকের এই পূব
বাঙলা নিয়ে ক্যাশনেবল কথাবার্তার মাঝখানে হঠাৎ এ রকম

সিরিয়াস হয়ে গেলিই বা কেন ? এই জাখ না তোরা এক লেগোটার ইয়ার জীমান কীর্তিকে । চাঁদপারা মুখ করে কখনো কান দিলে, কখনো দিলে না ।

কীর্তি উঠে দাঁড়ালো । বললো, “আমি একুনি আসছি ।” বলে এমন এক বিশেষ স্থলের উদ্দেশ্যে রওয়ানা হল যেখানে রাজাও ঘোড়ায় চড়ে যেতে পারেন না, লক্ষ মোটরের মালিক ফোর্ডকেও পায়ে হেঁটে যেতে হয় ।”

টয়লেট থেকে ফেরার সময় বারের পাশে আসতেই বেয়াত্রিচের চোখে চোখ পড়ল । ইঙ্গিতটা অস্পষ্টতমের চেয়েও এক বাঁও নিচে । তবু কীর্তি বারের সর্বশেষ দণ্ডাসনে বসতেই বেয়াত্রিচে কাছে এসে কিসকিসিয়ে বললে, “তোমার সঙ্গে কথা আছে, মনামি ।”

“ডিউটির সময় খাওয়াটা আমার পছন্দ নয় । তবু তোমার সম্মানে— । কিন্তু ছুটো ড্রিংকই অন্ মী ।”

“আস্তে বলো । নইলে বার-এর বোতলগুলো হাসতে হাসতে ফেটে পড়বে । একে তুমি লেডি, তত্পরি অবিবাহিতা লেডি । তোমার আপন কেতাছরস্তু দেশে কখনো কোনো সিন্ধবীনা নোংরা লীরা হাতে তলে একটা ছনোর জন্তু পে করে ?”

“না, কিন্তু আমি তোমার বন্ধু, সেইটে আমার পরিচয় নম্বর এক । সিন্নোরা না সিন্নোরীনা—সেটাকে ঘোড়ার রেসে বলে ‘অলসো রেন’—মানে থার্ড প্লেসও পায় নি । এবারে মন দিয়ে শোনো । এখন ঘাড় ফিরিয়ে ডান দিকে তাকিয়ে না । পরে এক ঝলকে দেখে নিয়ো, কিন্তু ভালো করে চিনে নিয়ো । তোমাদের সঙ্গে মাঝে মাঝে বসে ঐ .যে রামছাগল মির্জাটা, তার পাশে বসেছে তার এক ইয়ার—জান্ দিলের ইয়ার—একটা শয়তান ছাগল ।

কেন যে তোমাকে বলছি, জানিনে । না, জানি ।

তোমরা পাঁচো ইয়ারে বার-এর, টেবিলের পাশে বসে কত না আজ্ঞে বাজ্ঞে কথা বলো—কে বা শোনে কে বা জ্বায় কান ? কালে-

কস্মিনে অবশিষ্ট ছ'একটা সিরিয়াস আলোচনা করো বটে, কিন্তু কেউই সিরিয়াসলি ও-সব গায়ে মাখো না। তোমাদের আলোচনা পিন টু এলিফেন্ট।

তিন দিন ধরে দেখছি, ঐ মির্জেটা রোজ রোজ আসছে, সাঁঝের পয়লা ঝাঁকেই। রোজই কানে আসছে পূব পাকিস্তান নিয়ে আলোচনা এবং রীতিমত সিরিয়াস। তিনদিন ধরে। কেমন যেন খটকা লাগলো। কাল সন্ধ্যায় লক্ষ্য করলুম, তোমাদের অভ্যাসমত এক ব্যাপার থেকে অল্প ঘটনায় তোমাদের কথাবার্তা চলে গেলে ঐ মির্জেটা আবার মস্তপূর্ণে আলোচনাটার মোড় ফেরায় পাকিস্তানের দিকে। আমি তো বার-এর একপ্রান্ত থেকে অল্পপ্রান্ত অবধি চৌকিদারি করি, সব কথা কানে যায় না, তবু আমার মনে হল মির্জা যত না নিজের কথা কয়, তার চেয়ে প্রশ্ন শুধিয়ে শুধিয়ে সববাইকে ওসকায়।”

‘কীতি অবিশ্বাসের সুরে কিন্তু দরদী গলায় বললে, “ও-সব তোমার কল্পনা, ব্লেস্‌ট্রিচে ডাংলিং।”

ব্লেস্‌ট্রিচে বললে, “কাল বেলা তিনটে অবধি তোমার মস্তবাটা যেনে নিতে আমার বিশেষ আপত্তি হত না।

কাল বেলা তিনটেয় মির্জা বারে এলেন ঐ ইয়ারকে নিয়ে। বার তখন শূন্য। আমিও ছপূরের মিনি নিদ্রায় এক কোণে ঢুলছি। ঐ দূরের কোণটায় বারের উঁচু টুলে বসে নিচু গলায় গুজুর গুজুর আরম্ভ করলেন, মির্জা কখনো ভাঙা ভাঙা উঁহু বলে—সে উঁহু আমাদের এলিয়েট রোডের যমজ—ওটা আমার সড়গড়। কখনো বলে ইংরেজি—সেটা বুঝতে আমাকে বেগ পেতে হয় অবশ্য। কিন্তু সেইটে আসল কথা নয়। আসল কথা ওরা ভেবেছে আমি অতদূর থেকে তাদের কথা শুনতে পাবো না, বুঝতে পারবো না। আর আমি তো সামান্য বার্-মেড্‌। ‘বুওনো দিও’—গুড্‌ লর্ড—তোমাদের চোখেয় একটি চুলের কাঁপন থেকে এক শ’ গজ দূরে দাঁড়িয়ে বুঝতে

পারি, কেউ এখন কত্নাকের বদলে উইস্কি চায়, কে একটা নোভাল-জিনের বড়ি চায়। আর দশ হাত দূরের থেকে ওদের ঠোটের করতাল বাজানো থেকে বুঝতে পারবো না, ওদের খুলির ভিতর কি সব বদামি আবজার করছে? জানো, শার্লক হোমস অঙ্ককারে বেরালের চেয়ে দেখতো বেশী!

সর্বক্ষণ তারা কথা কইছিলো পূব আর পশ্চিম বাঙলার বাঙালীদের নিয়ে। দোস্তুকে বোঝাবার চেষ্টা করছিল মির্জা উভয় বাঙলার বাঙালীদের মধ্যে কোনো দোস্তী নেই। বললে, ‘জানেন না, ১৯৬৫-র লড়াইয়ের সময় যে-সব পাঞ্জাবী পাঠান সেনাই বর্ডারের পাহারা দিচ্ছিল তাদের দিন কেটেছে বাদশাহী থানা খেয়ে, নবাবের হালে। গাঁয়ের বাঙালী মেয়েরা বিরয়ানী কোর্মা রেঁধেছে আর পুরুষগুলো বাকি করে সেগুলো ডেগ-ডেগচিতে নাকে নাকে ভরে নিয়ে গিয়েছে ওদের কাছে, আর—”

হঠাৎ থেমে গিয়ে বেয়াত্রিচে বললে, “বাকিটা এখন না। আমার মনে হল ঐ বিদেশী ঘুঘুটি আমার দিকে একবার আড় নয়নে তাকালে যেন। তুমি এখন একটা চোটা পেগ পরিমাণ হেসে আমার গালে একটি মিষ্টি মধুর ঠোনা মারো। ভাবটা, যেন আমার সঙ্গে প্রেমালাপ করছিলে।”

কীর্তি কিন্তু অকৃত্রিম হাসি হেসেই ঠোনা মেরে বললে, “দাস্তে তো তাঁর প্রিয়া বেয়াত্রিচের সঙ্গে কদাপি রসালাপ করে নি।”

দণ্ডাবতরণ করে চলেছে যুদ্ধশব্দে কীর্তি পাটির দিকে। বিদেশী ঘুঘুকে যেন শুনিয়ে দিয়ে একটুখানি উচু গলায় বললে, “টেক কেয়ার! থান চটবে।”

কীর্তি ঘাড়টা একটু পেছনবাগে বেঁকিয়ে আরেক গাল হেসে বললে, “ও আমার আগুর স্টাডি।”

“তোমার হাক্ ডিংকটা পাঠিয়ে দিচ্ছি! বাব্বা! রসে টেটমুর। প্রেমের বজা যেন। পেটে আর এক ফোঁটাও ধরবে না।”

কীর্তি চেয়ারে বসতে না বসতে শুনতে পেল বিদেশী ইয়ার যেন
‘যৎসামান্য ব্যঙ্গের সুরে টিপ্পনী কেটে বললেন, “কোনো কোনো ব্যঙ্গ-
এর ভিতরে বাইরে ছদ্মকেই স্বরাজ। বন্দোবস্ত আচ্ছা হয়।”

সুদিন বেশ কঠিন গলায় বললে, “সিন্নরীনা বেয়াত্রিচের পরিবার
বহু ক্লাবের বহু মেম্বারের চেয়ে প্রাচীনতর। আমাদের কলকাত্তাই
কায়দা—শিখতে অনেকেরই সময় লাগে, মিস্টার লারী।”

মির্জার মুখ একটু বেগনী হল। যদিও তার চামড়াটা গণ্ডারের
—বাটা কোম্পানী কিনতে চেয়েছিল দক্ষিণ মেরু অভিযানের বুট
বানাবার তরে।

লারী কিন্তু সত্যিই বেয়াত্রিচের ঘুঘুবর। যেন বিরাট প্রশংসা শুনে
আনন্দের হাসিতে থান থান।

ইতিমধ্যে মির্জা দাঁড়িয়ে উঠে কীর্তির সঙ্গে লারীর পরিচয় করিয়ে
দিতে গিয়ে বললেন, “ইনি আমাদের চৌধুরী কীর্তি সাহেব, আর
ইনি মিঃ লারী।”

মিঃ লারী যে হাওশেকের জ্ঞাত হাত বাড়িয়েছেন সেটা না-দেখার
ভাব / ভান করে কীর্তি ওর দিকে ভালো না করে তাকিয়ে
ছোট্টা ছোট্টা একটা “নমস্কার” বলে ঝপ করে বসে পড়লো।

চাটুয্যে গুনগুন করে থানকে শুনিয়ে বললে, “ব্যাপারটা
মির্জাটা এ্যাঙ্গলিন ধরে” আমাদের সঙ্গে ওঠবস করছে অথচ এটিকেটের
‘এ’ অক্ষরটিও তার রঙ হল না। পরিচয় করিয়ে দেবার সময় কার
নাম আগে আর কার নাম পরে বসতে হয় এ্যাটুকুন হুস্ব দীর্ঘ
জ্ঞান হল না।

চাটুয্যের জ্যাঠামশাই তাঁর কচ্ছপের খোল ড্রেস শার্ট বিলেত
থেকে স্টার্চ করিয়ে আনাতেন, আর আইনের বই বাঁধিয়ে আনাতেন
প্যারিস থেকে। চাটুয্যের মামা রসাল ঘোষালকুল যে পরিবারের
গুরু তাঁরই একজন ইণ্ডিয়ার প্রথম লর্ড। কায়দাকেতায় কেতাহুয়ন্ত।

কীর্তি দরদী কণ্ঠে বললে, “মিঃ মির্জা, আমার নাম কীর্তি

চৌধুরী। পাঞ্জাবী মহাখানদানীদের মত চৌধুরী কীর্তি নই। আমি অতিশয় সাদামাটা বাঙালী—আপ্লাকে অসংখ্য ধন্যবাদ।”

মিঃ লারী বড়ই অমায়িক ব্যক্তি। মৃদুহাস্তে শুধোলেন, “পাঞ্জাবী হতে কি আপনার ঘোরতর আপত্তি?”

কীর্তি বুড়বকের মত মাথা চুলকোতে চুলকোতে বললে, “পাঞ্জাবী—পাঞ্জাব—পঞ্চ + আব—পাঁচ রকমের জল। ওরে বাবা!”

লারী কীর্তির চেয়ে অধিক বুড়বকের মত প্রশ্নভরা মুখে এর ওর দিকে তাকালেন।

“আমাদের ক্লাব-মেম্বার চাটুয্যোরই পূর্ব পুরুষগণ অস্বদেশীয় শাস্ত্ররাজির ভূরি ভূরি টীকাটিপ্পনী রচনা করে প্রাতঃস্মরণীয় হয়ে আছেন। বক্ষ্যমাণ চাটুয্যোর কাছে সংস্কৃত গোমাংস বরাহমাংসবৎ বলা চলে না, কারণ উভয় মাংসেই তার ঔদরিক নীতি উদার, তবে সেটাকে সে মহামাংস অর্থাৎ মানুষের মাংস হিসেবে গণ্য করে। তাই এস্থলে টীকাকারের রক্ত কার গায়ে তার চেয়ে বেশী।”

লারীর দিকে প্রসন্ন দৃষ্টিতে তাকিয়ে জ্ঞানদানি করে বললে, “শব্দার্থে অর্থহীন; ভাবার্থে মহা মূল্যবান। ‘পাঁচ ঘাটের জল থাইনে’ এ-ইডিয়ামের অর্থ আমি যত্রতত্র সর্বত্র থেকে আমার পানীয় সঞ্চয় করিনে। আমার রুচি আছে। অর্থাৎ কীর্তিবাবু কেসুটিভিয়াস, বাছেন চুস্ করেন, অর্থাৎ ভেরি choosy।”

লারীকে ঘায়েল করা কঠিন কর্ম।

বললেন, “বাঙালী আর্বের পূর্বপুরুষ তো পাঞ্জাব থেকে এসেছেন। তাঁরা তো পাঞ্জাবী।”

অতিশয় মৃদুগুণে সুদিন বললে, “এবং তাদের পূর্বপুরুষ বাদর—ডারউইন বলেছে।” বলেই একটা কৃত্রিম হাই চাপতে চাপতে বললে, “ভেরি সরি, মিস্টার লারী। আমি অত্যন্ত ক্লান্ত, শুভ নাইট।” সকলের দিকে তাকিয়ে আরেকটা হাই চেপে, আরেকটা “শুভ নাইট” হেঁকে বারের দিকে চলল।

সঙ্গে সঙ্গে সবাই উঠে দাঁড়ালেন। লারী আর মির্জা ছাড়া
কীর্তি মনে মনে বললে, “বেয়ারা ত্রিচের সন্দটা বোধহয় ঠিক।
বাবুদের সব প্রশ্নের উত্তর এখনো পাওয়া যায় নি বলে সভা ভঙ্গে
সুগমনা।”

তার সঙ্গে চললো মাদ্রাজী রঙ্গনাথন। সমস্ত সন্ধ্যা মুখ
খোলে নি।

কীর্তি তাকে শুধোলো, “তুমি আর লারী যখন এক সঙ্গে
টয়লেটে যাচ্ছিলে তখন আসতে যেতে কি গুজুর গুজুর করছিলে?”

“বলছিল, পূর্ব পশ্চিম উভয় পাকিস্তান অভিন্ন অচ্ছেদ্য রাষ্ট্র।
এক রাষ্ট্রাংশ যদি কেটে পড়ে তবে জাবিড়রা যে উত্তর ভারত থেকে
কেটে পড়তে চায় সে আন্দোলন কি বলবান হবে না? “সেপারেটিস্ট
মুভমেন্ট” আরো আবোল তাবোল কী সব। সে মুভমেন্ট ভারতকে
দুর্বল করে দেবে। পূর্ব বাংলার আন্দোলন দৃষ্টান্ত হয়ে, অপরোক্ষে
ভারতের পক্ষে ক্ষতিকর হবে।” সদানন্দ, সদানীরব রঙ্গনাথন
শেষটায় বললে, “নোজি চ্যাপ, শুঁক শুঁক করছে সর্বক্ষণ!”

বেকুব্বার সময় বেয়ারা কীর্তির হাতে একখানা চিরকুট দিলে।
তাতে লেখা :

“ভালিঃ কে,

কাল আমার অফ্ফ্ ডে। পাঁচটার খানের ওখানে যাবো।
তুমি আসতে পারবে? বাকি সব-কথা ওর সামনে হবে।

তোমার

বী।”

পঞ্চদশ অধ্যায়

শিপ্রা বেলকনির উপর অর্ধশায়িত অবস্থায় তাকিয়ে আছে পার্কের সবুজ ঘাসের দিকে। এ-সময়টায় কলকাতার ঘাস তার সবুজিমা অনেকখানি হারিয়ে ফেলে। কিন্তু যে-জন অল্পে সন্তুষ্ট হতে জানে, অল্পের ভিতর বৃহত্তর সন্ধান পায় সে যৎসামান্য উপাদান থেকে তার রসের খাচ্ছ সংগ্রহ করে নিতে পারে। কলকাতায় থাকায় মধ্যে আছে কি? নিচে ঘাস, উপরে আকাশ। রসগ্রাহীর কাছে ছোটোই সজীব। ঘাস তার রঙ বদলায় ঋতুতে ঋতুতে। গ্রীষ্মের প্রতাপ বাড়ার সঙ্গে সঙ্গে সবুজ পরী তার ডানা ছুটির উপর যে ক্রীম আপন হাতে তৈরী করে মাথেন তাতে নীলের পরিমাণ দিতে থাকেন কম—রং প্রতিদিন হলদের দিকে চলতে থাকে।

এমন সময় হঠাৎ হয়তো একদিন অকাল বৃষ্টি হল। সঙ্গে সঙ্গে পরের দিনের প্রসাধনকালে সবুজ পরী আবার তার নাম সার্থক করার কথা স্মরণে ক্রীমে নীলের মেকদার বাড়িয়ে দেন।

কিন্তু যে-জন প্রতিদিন ঐ ঘাসের দিকে না তাকায়, সবুজের ধ্যানে অস্তিত্ব ক্ষণতরে নিমগন না হয় সে এই প্রাণবন্ত পরিবর্তনের রস থেকে হয় বঞ্চিত। শিপ্রা যবে থেকে প্রকৃতি সম্বন্ধে সচেতন হয়েছে সেই থেকে সে এ-রস চেখে আছে। বিলেতে ছোটো শীতকালে যখন মাঠ-বাট বরফে ঢেকে ষ্ঠেতে ষ্ঠেতে ষ্ঠেতময়, তখন সে গোটোর সৌন্দর্য উপভোগ করার সময় কিন্তু কলকাতার সে-সময়কার হলদে-ধোঁয়া সবুজ ঘাসের বিরহ-বেদনা অনুভব করেছে।

কলকাতার আকাশ অতিশয় সজীব। তার সৌন্দর্য উপভোগ করতে হয় কৈশোরে—যখন জ্বর সর্দির ভয় কম—ছাতে শুয়ে।

শহরের প্রদীপ যেমন যেমন নিভতে থাকে লাজুক আকাশবধু তারই সঙ্গে সঙ্গে তারার মালা, অলঙ্কার একটির পর একটি পরতে থাকেন। হয়তো সে ঋতুতে প্রথমেই দেখতে পাবেন 'কেসিয়োপিয়া', 'কুন্তিকা—সীতভাই চম্পা—কিংবা হয়তো বধু প্রথমেই পরবেন 'কালপুরুষের উজ্জ্বলতম নক্ষত্রমণিটি তারপরই 'সপ্তর্ষি। চক্ষু যদি নিদ্রাহীন হয় তবে স্পষ্ট দেখতে পাবেন 'অরুন্ধতী, তার স্বামী বশিষ্ঠের পাশে বসে ক্ষণতম যত্নহাস্ত করছেন মিটমিটিয়ে। হয়তো সে রাত্রে আকাশে তাঁর রঙ বদলাতে বদলাতে পরে নেবেন তাঁর 'মেথলা, 'নীবিবন্ধ আকাশ-গঙ্গা দিয়ে, দিগ্বলয়ের এক প্রান্ত থেকে আরেক প্রান্ত জুড়ে। সেই কটিবন্ধ থেকে ঝুলবে কত না অতুজ্জ্বল ক্ষীণ-জ্যোতি, মধ্যজ্যোতির মণিমাণিক্য। আর অভিসারিকার গতিবেগ এতই যত্নমন্দ যে সেটা চোখেই পড়ে না। ইঠাৎ দেখতে পাবেন পশ্চিমাকাশের একটি গয়না নেই—তার বদলে পূর্বাকাশে আর একটি উজ্জ্বলতর মণির স্তবক।

মর্ত্যের কোন্ রাজ-রাজ্যেশ্বরী অভিসারে যেতে যেতে এই ইন্দ্রপুরীর মণির মত ক্ষণে ক্ষণে অলঙ্কার পরিবর্তন করতে পেরেছেন।

কিন্তু হায়, এ-বধু রাত্রি শেষে হয়ে যাবে বিধবা। 'উষস দেবীর আশীর্বাদ তার তরে নয়। তাঁর আগমনের আভাস পাওয়া মাত্রই বধু সর্ব অলঙ্কার ধীরে ধীরে বর্জন করবেন। সর্বশেষে সর্বোজ্জ্বল শুকতারার মণিটি।

শিপ্রা এ-সৌন্দর্য উপভোগ করেছে বহুবার। আর সব বিষয়ে সে ইংরেজের মত কাঁটায় কাঁটায় চলে। নিত্যদিনের রুটিন কাজকর্মে কোনো কামাই দেয় না। শুধু 'ডাইরি লেখার বেলায় সে আর সর্ব বাঙালীর মত 'গাফিলীতে পরিপক্ব। সেই অনিয়মের 'ডাইরিতে, যেখানে শৃংখলারই রাজত্ব বেশী—লেখা-পাতার ওয়েদিস সামান্য। সে কটির অধিকাংশে আছে আকাশের অভিসার যাত্রা।

হঠাৎ শিপ্রার মনে নূতন ভাবোদয় হল, হৃদয় মনের এই নব-জাতক, এর কথা ডাইরিকে বলতে হবে।

ইতিমধ্যে অকালবৃষ্টি নেমে শিপ্রার পায়ের উপর সে-রাতের এবং প্রতি রাতের কীর্তির মত চুমো খেতে লাগলো। শিপ্রা চোখ দুটি বন্ধ করলো—“আহ !” পা সরাল না।

আর কীই বা দরকার ! সে নেল্-পালিশ ব্যবহার করে না। আলতা মাখে কালে ভদ্রে—নিতান্ত বুড়ী নাপতেনিটাকে নিরাশুনা করার জন্ত।

যেখানে মানুষ জানে, তার প্রিয়জন আসবেই আসবে, ঠিক সময়েই আসবে, এমনকি তার কিছু পূর্বেও আসতে পারে, সেখানে প্রতীক্ষার প্রতিটি মুহূর্ত মধুময়। কিন্তু যে স্থলে স্থিরতা থাকে না, আসবে কি আসবে না, সেখানে সন্দেহের দোলা হৃদয় মন অশান্ত বিক্ষুব্ধ করে তোলে। তাই আরবী প্রবাদ বলে, “আল-ইস্তিজারু আশাদু মিনা’ল মউৎ”—মৃত্যুর চেয়েও অধিক শক্তি ধারণ করে প্রতীক্ষা। কিন্তু মৃত্যু বা প্রতীক্ষা শিপ্রা-হৃদয়ের চেয়ে বলবান নয়।

দেয়াল ঘড়িতে ঢং ঢং করে সাতটা বাজলো। বুকটা ধক্ করে উঠলো শিপ্রার। এ তো অসম্ভব। কীর্তি এখনো এল না !

মিনিট পাঁচেক কেটে গেল। আশ্চর্য !

কিন্তু ঐ তো হেড্-লাইটের জোর আলো গেটের উপরে পড়েছে। ছুটে গিয়ে গেট খুলে দেয় না কেন ? দারওয়ানটা অতি নিষ্কর্মা। ষাথ পাঁচ মিনিটের উপর অথবা আরো আধ মিনিট। নাঃ ! ঐন্তো।

শিপ্রা বেলকনি ছেড়ে সিঁড়ির মুখে গিয়ে দাঁড়ালো।

স্বভাবতই সিঁড়ি বেয়ে উঠতে গেলে যে-উপরে দাঁড়িয়েছে তার পায়ের দিকে চোখ পড়ে। কীর্তি চোঁচিয়ে বললে, “এ কি ? ভোমার

পা-ভেজা, শাড়ির অনেকখানা ভেজা । যাও, যাও । এখুনি পা মুছে কেলো—না, আমি ভালো করে আচ্ছাসে রগড়ে রগড়ে বোন-ডাই করে দেব ?”

শিপ্রা শাস্ত কণ্ঠে বললে, “তুমি যখন রয়েছ—”

বুদুয়ারে ঢুকে শিপ্রা ডিভানে বসে পা-দুটি প্রসারিত করলো । বললে, “বাথরুমে বড় টাণ্ডয়েল আছে ।”

সঙ্গে সঙ্গে দেখ তো না দেখ তো কীর্তি গেল আর এল ।

পরিতৃপ্তির হাসি হেসে বললে, “যা ভেবেছিলুম ঠিক তাই । পেয়েছি একটি জলচৌকি—এই নাও । সেই মধুর চিন্ময় কবিতাটিকে এবারে সম্পূর্ণ মৃন্ময় করা যাবে, এই সেই পাদপীঠ ।

‘পাদপীঠ’ পরে চরণ প্রসারি শয়নে বসিলা বধু ।’

কিন্তু কাপড় ছাড়ো, আগে কাপড় ছাড়ো । নইলে পা যে বার বার ভিজে যাবে ।”

“কাপড় ছাড়ি কখন ? তুমি যে রকম ক্ষিপ্র বেগে ঢুকলে আর ক্ষিপ্রগতিতে বেরুলে তাতে করে কীর্তির সঙ্গে দোরের গড়ায় তোমার কলিশন লাগলো জোর । কলে ছিটকে এসে পৌঁছলে আরো স্পিল্ট সেকেন্ড পূর্বে । কাপড় ছাড়ি কখন ? নিয়ে আসছি শাড়ি—কোনটা আনবো ? এখানেই ছাড়ি ।” সঙ্গে সঙ্গে চৌকির উপর ছুঁছুঁ হাসির আবেশ ।

কীর্তির মুখের রঙ একটু বদলালো বোধ হয় ।

শিপ্রা হাঁটু গেড়ে তার গলা জড়িয়ে ধরে বললে, “তুমি কি ভুলে গেলে, কীতা, মিতা আমি মমারত্নের মত রদ্বি পাড়ার বন্ধ পাগল মুক্ত পাগল আর্টিস্টদের পাঁচতলা ছ’তলার উপরকার স্টুডিওতে আনাগোনা করেছি পুরো একটি বছর । ঐ সব আকাশ-ছোঁয়া চিল-কুঁড়ির থেকে বাইরে তাকালেই চোখে পড়ে মুক্ত প্রকৃতি, নয় আকাশ । কুঁড়ির ভিতরেও তাই । তারা “প্রকৃতিবস্থায়” প্রকৃতি-দত্ত রূপে কেউ প্ল্যাটফর্মে দাঁড়িয়ে পোজ দিচ্ছে, কেউ পড়ি পড়ি

সোকাটার উপর অঘোরে ঘুমুচ্ছে, কেউ এক কোণে ককি বানাচ্ছে। আমি যে শেষ পর্বস্তু ‘অপ্রকৃতাবস্থায়ই’ রয়ে গেলুম তার একমাত্র কারণ, মডেল হয়ে পোজ দিতে গিয়ে ওরা সর্বপ্রথম ম্যুড হয়। দি রেস্ট কলোজ। আমি কখনো পোজ দি নি।... আচ্ছা কোন্‌ শাড়িটা পরে আসবো।”

তনুহুর্তেই অচিন্ত্য উত্তর “সেই জরি পাড়ের নীলাম্বরী।”

শিপ্রা চিন্তার ভান করে বললে, “সেটা তো ভেজা নয়।”

? ? ?

শিপ্রা বললে, “ওহো, তুমি তো পদাবলী রসের সোয়াদ জানো না, তবু তোমার সহজিয়া রসানুসন্ধানবৃত্তি তোমাকে ঠিক পথেই নিয়ে গিয়েছে। বুঝিয়ে বলি; আমি যদি নীলাম্বরীই পরি, তবে তার মূল রসটি অপরূপ থাকবে কেন। সে-শাড়ি ভেজা না হলে তুমি গাইতে শিখবে কি করে,

চলে নীল শাড়ি নিঙাড়ি নিঙাড়ি

পরান সহিত মোর

এই আটটি মাত্র শব্দের মাধুর্যবৈভব প্রথম শ্রবণে কে না বিচলিত হয়েছে।

শিপ্রা বৃথা বিনয়াসক্ত নয়। নীলাম্বরী পরে নিয়ে তবু বললে, নীলাম্বরী পরতে হলে যতখানি খেতাম্বরী হতে হয় আমি ততখানি কর্শা নই।

কীর্তি চোখ বন্ধ করে আটটি শব্দে মেশানো রসের ককটেল চুক চুক করে চাখছে।

ওরে কীর্তিনাশ, বুদ্ধিনাশ, এ আটটি শব্দের রস গ্রহণ করার তরে একটা মানুষের একটা যৌবন যথেষ্ট নয়। ক’বার ক’টা যৌবন-জ্বালা সহিতে হয় কে জানে?

শিপ্রা বললে, “মডেল হয়ে পোজ দি নি, ভেবো না তাই আমি গজোজীর জলে ধোয়া তুলসী পাতাটি।...সেটা বোধ তুমি ইতিমধ্যে

খানিকটে হৃদয়ঙ্গম করে কেলেছ। নইলে আজ তুমি পাকী পাঁচ মিনিট লেটে আসতে না। কিংবা আমি এরি মধ্যে বাসি ফুল।

কীর্তি চুপ করে শুনলো। অভিযোগের জবাবে কোনো সাক্ষাই গাইলে না। হয় তো ভেবেছে, খুদ কোতোয়ালই যখন জানে তার মগজ গড়া করিয়াদ বিলকুল ঝুটমুট ঝুটা তখন বেকার তাৎ বাৎ বজ্রসেনের।

শিপ্রা বললে, “বেয়াত্রিচে কি জানালো।”

“অনেক কথা। খান আর আমার মনে কোনো সন্দেহ নেই। এই ঘুষু লারীটা ‘ইয়েহিয়া’র গুপ্তচর। মোটামুটি যে কটা তথ্য জানতে এসেছে তার প্রথম, ইয়েহিয়া মুজীবে যদি সমঝোতা না হয়, এবং ইয়েহিয়া দমননীতি চালায় তবে পশ্চিমবাঙলার হিন্দু মুসলমান পূব বাঙলার বিদ্রোহীদের প্রতি সমর্থন জানাবে কি? জানালে কতখানি? নকশাল পন্থীদের বন্দুক বোমা আছে? তারা সেগুলো পূব বাঙলায় পাঠাবে কি? আর কোন্ কোন্ রাজনৈতিক দলের অস্ত্রশস্ত্র আছে? পশ্চিম বাঙলা জনগণ কিংবা/এবং সরকার ভারত সরকারের উপর চাপ দেবে কি—পূব বাঙলাকে ‘অল্ আউট’ সাহায্য দেবার জন্য? দিল্লীতে কেন্দ্রীয় সরকারের বর্তমান মতিগতি কি সে সম্বন্ধে লারী অলরেডি ওকীবহাল। লারী নাকি বিদ্রোপ করে মির্জাকে বলেছে, “বুদ্দুর পাল রাজত্ব করে দিল্লীতে। পূব পাকে বিদ্রোহ দেখা দিলে ঐ তো তাদের আল্লার পাঠানো বেহেশতী মোকা—পূব বাঙলাকে পুরো মদদ দিয়ে বিদ্রোহ সফল করা, সঙ্গে সঙ্গে পাকিস্তানকে দ্বিখণ্ডিত করে পশ্চিম পাকে চিরতরে ছবলা কমজোর করে দেওয়া। এই সামান্য তথ্যটা তারা এখনো সমঝে উঠতে পারে নি। তবে এ-কথাও সত্য, অবসর প্রাপ্ত জেনারেল কল-এর মত কিছু জঙ্গী আদমী বলছেন, ‘পূব বাঙলার বিদ্রোহ একটুখানি ছড়িয়ে পড়লেই সেখানে বিনা বাক্যব্যয়ে যুদ্ধে নেমে পড়ো। পূব বাঙলাকে স্বাধীন

করে দাও। পশ্চিম পাক প্রান্তে আক্রমণ করবে না। সেখানে ডিস্কেনসিভ স্টাটেজি।’

দ্বিতীয় বৃহৎ প্রশ্ন, মির্জার মত যথেষ্ট বাঙালী মুসলমান পশ্চিম বাঙলায় আছে কি, যারা দিল-জান্ দিয়ে ‘অথও পাকিস্তান’কে দ্বিখণ্ডিত হওয়ার বিরুদ্ধে জোর প্রপাগান্ডা চালাবে? তারা সম্ভবপূর্ণে অর্ধপ্রকাশ্যে হুইসপারিং প্রপাগান্ডা চালাবে তো, যে ভারতের স্বার্থ পূর্ব বাঙলাকে সাহায্য না করে। পূর্ব বাঙলা পাকিস্তান থেকে কেটে পড়লে দক্ষিণ ভারত ঠিক ঐ নজীর দেখিয়েই উত্তর ভারতের কেন্দ্রীয় সরকার থেকে কেটে পড়বে।”

শিপ্রা চুপ করে গভীর মনোযোগের সঙ্গে সব-কথা শুনে যাচ্ছিল। তার মনে পড়ল ফ্রান্সের সেই বুড়ো জেনারেল তার পিতাকে বলেছিলেন, “রাজনীতি যখন দেউলে হয়ে যায় তখন সে-রাজনীতির উদ্দেশ্য সফল করতে হয় অন্য মাধ্যমে, অস্ত্রশস্ত্রের মাধ্যমে, অর্থাৎ পুরোপুরি সংগ্রাম চালিয়ে।” তার মনে চিন্তা এল, ইয়েহিয়া ঢাকায় যে রাজনীতির চাল চালছে তাতে লীগ কিস্তিমাত হবে না। অতএব দমননীতি অনিবার্য। কীর্তিকে শুধলো, “তোমাদের পকেট-ক্লাবে তোমাদের সঙ্গে বসে তো মাত্র একটি মাদ্রাজী—রজনাক্ষন। সে কি বললে?”

কীর্তি উৎসাহিত হয়ে বললে, “ভূমি সত্যি সত্যি অদ্ভুত একটা সিক্স্‌সেন্সের মালিক। নানা প্রকারের ইঞ্জিত সত্ত্বেও যখন সদানীরব তামিল সন্তান রাম-গঙ্গা কিছুই বললে না, তখন সে যখন টয়লেট যাচ্ছে তখন লারী তার সঙ্গে নিয়ে তাকে করলেক্রেন্টে এটাক্ কিন্তু ওর জিভের আর্টরাইটি সারাবে, লারী! আমাকে অবশ্য লারী সম্বন্ধে তার মন্তব্য প্রকাশ করলো ছুটি শব্দে ‘নোজী পার্কার’।”

শিপ্রা বললে, “তার মানে টিকটিকি বিভীষণ, রজনাক্ষন সেভেনথ্‌ সেন্স ধরে। তোমার সম্বন্ধে তার কি ধারণা জানো? মাস তিনেক পূর্বে আমারই এক পার্টিতে ওর পাশে গিয়ে বসেছি এমন সময় ভূমি

লন ফ্রস করছিলে তখন, অব্ জল থিংস, বলে কি না, 'আমি যদি মেয়েছেলে হতুম তবে ঐ চ্যাপিটাকে নিশ্চয়ই বিয়ে করতুম'।”

কীর্তি বললে, “শূর্ণনখার দেশে মেয়েরাই পুরুষকে তাড়া লাগায়। আর্য রামচন্দ্র, আদি কবি বাল্মীকি এ তত্ত্বটা জানতেন না বলে মেয়েটাকে নির্লজ্জা, বেহায়া ঠাউরে তাকে নিয়ে মস্করা করেছেন। দাঁড়াও, আমি বেয়াত্রিচকে একবার কোন করি। আজ তার অক্ফ্ ডে বটে, বাড়ি ফেরার পথে তবু একবার চু” মেরে যাবে বলেছিল। আমাদের দুই ইয়েহিয়া-দাসের হালটা কি।”

ফরাসী কেতার বেডরুমে রোমানসের মুহু সুবাস। সেখানে কোন।

শিপ্রা তাড়াতাড়ি জলচৌকিটা সরালে এ-ঘর থেকে। পাতল একখানা ডবল সাইজের শেতল-পাটি, করডুরয়ের ওড়ুওলা কুশন—ওগুলো অতটা পিছলোয় না—এক প্রান্তে ছোট্ট খেত পাথরের রেকাবিতে দুটি চাঁপা ফুল, অল্প প্রান্তে মুরাদাবাদী পানদান। নিজে শুয়ে পড়ল ঠিক মারখানে। বাঁ হাতে লম্বা হাঙলওলা আঙা-শেপের মসৃণতম রূপোর হাত-আয়না—ফরাসী স্টাইলের, অল্প হাতে বাজু সোনার পাতে মোড়া হাতীর দাঁতের সিলেটী চিরুনি।

কীর্তি ফিরে এক নজরে সব দেখে বললে, “আহ! এই তো দিল-আরাম গুলিস্তান, আর তুমি পরী—”

“নীলবসনা সুন্দরী—”

“বলো কি? ও-বই তো ছেলে ছোকরারা পড়ে। মেয়েরাও?”

“অস্তুত আমি। আর মনে হচ্ছে, তোমার ঐ ভিন্-দিশী টিকটিকিটি পাঁচকড়ির অরিন্দম—না কি যেন নাম—তার শাকরৈদি করতে পারেন পাকা চূলে পৌছন অবধি।”

“ক্লাবে আমাদের পকেট-ক্লাব কেটে পড়েছে। ওদের সঙ্গ দিচ্ছে একমাত্র খান।”

“খান! বলো কি?”

“সে আজই স্থির করেছে, সুপার টিকটিকির পার্ট নিয়ে দুই ঘণ্টাকে পাম্প করবে। মুখে ‘জানিনে জানিনে’ বললেও সে ইসলাম ও তার ইতিহাসের অনেক গভীরে ডুব মেরেছে। সেইটে ভাঙিয়ে বলবে কনকিডেন্স ট্রিকস্টার!” তার অতিশয় গম্ভীর মুখে ধীরে ধীরে বললে,

“আজ সন্ধ্যায় কিন্তু বেয়াত্রিচে একটা মারাত্মক খবর দিয়েছে। সে নিজেই নাকি প্রথমটায় বিশ্বাস করতে পারে নি—ঘুমু যখন মিজাকে তার ‘মরাল’ চড়াবার জন্তু তাকে বললে, ইয়েহিয়া এসেছে লীগকে শ্রেক ধাপ্পা মারতে। সমঝোতার কথাবার্তার বাহানায় ইয়েহিয়া শুধু সময় নিচ্ছে, পাঞ্জাব-পাঠান সৈন্য আনতে। এবং শুধু তাই নয়, লীগ যদিবা স্ট্রাটেজি হিসেবে কিংবা মঙ্গলের জন্তু ইয়েহিয়ার সর্ব শর্ত মেনে নেয়, তবুও ইয়েহিয়ার জুঁটা স্থির সমস্ত পূব বাঙলার উপর দিয়ে মিলিটারি স্ট্রিম রোলার চালাবে।”

“তার অর্থ?”

“সরল। যে-পরিমাণে ট্যাঙ্ক, আর্মাড কার্ অানা হচ্ছে তার থেকে বোকা যাচ্ছে তামাম দেশটাকে খাকছার করে দেবে। অবশ্য অতখানি সবিস্তার লারী বলে নি। তাই বেয়াত্রিচের মনে ধোঁকা, সে ঠিক ঠিক শুনতে পেয়েছে কি না, বুঝতে পেরেছে কি না।”

শিপ্রা বহুক্ষণ হল আরশি চিরুনি এক পাশে রেখে দিয়ে পুরো মন দিয়ে প্রত্যেকটি শব্দ গ্রহণ করছিল।

উভয়ই অনেকক্ষণ পরে আপন আপন মনে চিন্তা করছিল।

শেষটায় শিপ্রা বললে, “ওখানে আন্দোলন হলে পশ্চিম বাঙলা নির্লিপ্ত থাকতে পারবে না।” তার পর শুধোলে, “আচ্ছা, বেয়াত্রিচে এ-ব্যাপারে অত উৎসাহী আর কৌতূহলী কেন?”

“ঠিক ঐ প্রশ্নটাই আমি ওকে শুধিয়েছিলুম। বললে, সে তার মার কাছে ক্লাস টেন্ অবধি পড়েছিল। তখন তাদের ইতালিয়ান রচনা সঙ্কলনে ছিল মাদসীনির বক্তৃতা—স্বাধীনতা সংগ্রামের যুবাদের

উদ্দেশ্যে। সেগুলো তার মনে এমনই গভীর দাগ বেটেছে যে সেই সময় থেকে পৃথিবীর যেখানেই যে জাতই স্বাধীনতার জ্ঞাপ্রাণ দেয় তখনই তার প্রতিটি খবর খুঁটিয়ে খুঁটিয়ে পড়ে। স্বাতন্ত্র্য নাকি আবার মাদসীনির ভাষণ পড়ে তাঁর প্রতি তার শ্রদ্ধা আরো বেড়ে যায়।”

“খানদানী রক্ত আছে তার শরীরে। ও ক্লাব-বার-এর রানী, কিন্তু তোমাদের বার-এট-ল’র বারের চেয়ে অভিজাতো কোনো অংশে কম নয়।... কিন্তু আজ এ-আলোচনা এখানেই থাক। আমাদের চিন্তিত তো করেই, পীড়াও দেয়।”

কীর্তি সঙ্গে সঙ্গে সায় দিল। হঠাৎ পানদানটার দিকে আঙুল তুলে শুধলো, “ঐ মুরাদাবাদী-তাজমহলটি পেলে কোথায়?”

“উনি ছিলেন বাবার ঠাকুমার নিত্যসহচরী। তুমি মাঝে মাঝে পান চিবোও বলে তোমার অনারে গুঁকে আলমারির উচ্চাসন থেকে নামিয়ে আমাদের সমাসনে বসিয়েছি।”

“তুমিও তো—”

“সে অতি কালে কন্ঠ্যিনে। নেমস্তন্ত্রের ভোজে বড্ড বেশী ঘি চর্বি থাকলে মুখটাকে পরিষ্কার করার জ্ঞাপ্রাণ। বাড়িতে একা এক জনের জ্ঞাপ্রাণ পান রে, সুপুঁরি রে অত বায়নাক্সা সয় কে? হ্যাঁ, আগরতলা যাচ্ছে কবে?”

“বাইশ কিংবা তেইশে।”

“আমাকে ঠিক ঠিক জানিয়ে। অন্তত একদিন আগে। তুমি আমাকে পিক আপ করবে, না আর্ম নিজে সোজা দমদমা যাবো। উয়েদার থারাপ হলে কিন্তু আমার গা গুলোয়।”

কীর্তি নির্বাক, স্তম্ভিত। সে তার প্রেমনিবেদন ভিন্ন অল্প সব অনুভূতি—ভয়, বিস্ময়, ঘৃণা কোনো অনুভূতিই তার চোখে মুখে প্রকাশ করে না। কিন্তু আজ এখন তার বিস্ময় তাকে এমন অভিভূত করলো যে সে-বিস্ময় যেন তার সর্বাস্থ্যে ছড়িয়ে পড়লো।

শিপ্রা তো লক্ষ্য করবেই। তবু সহজ সুরে বললে, “কেন, কি হল?”

কীতি সহজ সুরের অণু দিক-প্রান্তের শেষ সীমানায়। জাত ইন্ডিয়টের মত ‘চি’ ‘চি’ শব্দ করলে, “তুমি, তুমি যাবে?”

শিপ্রা যথেষ্ট সচেতন—কীর্তির মগজে তখন কোন্ ভূতের নৃত্য আরম্ভ হয়েছে। তবু সুদুর্মাত্র বিষয় প্রকাশ করে বললো, “বা, রে! তুমি ওটা ধরে নাও নি? অবশ্য তোমার সব ট্রিপে তোমার সঙ্গে সর্বত্র যাব তার কোনো বাধাবাধকতা নেই। এবারের যাত্রায় রয়েছে খান। এ রকম হোস্ট, কোথায় পাবো আমরা? একবার একটা ছোট স্টেশন থেকে গাড়ি বেরিয়ে পড়েছে এমন সময় ধরা পড়লো উইস্কির গ্লাজ সোডা ফুরিয়ে গিয়েছে। অমনি হোস্ট খান লক্ষ দিয়ে এলার্ম চেনের দিকে। সবাই চৈতালো ‘করো কি করো কি? সামনেই মিলেটের সব চেয়ে বড় জংশন কুলাউড়া। ততক্ষণ জল দিয়েই হবে।’ খান গাড়ি থামালো, চাকরকে ছোটালো স্টেশনে মোড়ার জন্ত। গার্ডের হাতে ক’শ টাকা জমা দিয়েছিল সে নিয়ে মতভেদ আছে। বলেছিল, ‘এই নাও, জরিমানার পঞ্চাশ টাকা, বাকিটা রইলো আরো জরিমানার জন্ত। যতক্ষণ না বেয়ারা সোডা নিয়ে ফেরে ততক্ষণের ভিতর তুমি গাড়ি চালালেই ফের চেন টানবো।’ গেস্টদের মধ্যে ছিলেন, আসামের ‘আই, জি একজন ডাঙর সেক্রেটারি, ল’ এ্যাণ্ড অর্ডারের হর্তা কর্তা। এরা গার্ডকে মুখ দেখান কি করে? সবাই নাকি উন্টো দিকের জানলার সামনে দাঁড়িয়ে বাইরের অন্ধকারে মুখ ঢেকে ছিলেন।”

হঠাৎ শিপ্রা টানটান সোজা হয়ে বসে স্থির দৃষ্টিতে কীর্তির দিকে তাকিয়ে এবারে যেন—ইংরিজিতে যাকে বলে ‘থিক্ অব্ দি ব্যাটল’, বিরাট রণক্ষেত্রের যে-অংশে লড়াই চলছে প্রচণ্ড প্রতিযোগিতায় এবং ঐ-গানেই খুব সম্ভব জয়-পরাজয়ের মীমাংসা হবে—মে-জায়গায় পৌঁছে বললে, “শোনো! ক্রীযুত কীর্তিমান রায়চৌধুরী, তুমি ভাবছো

এ-মেয়েটা এঁগিয়ে গিয়ে স্বেচ্ছায় লোকনিন্দা গায়ে মাথতে যাচ্ছে কেন ? তবে শোনো । ‘এক নম্বর—’ বলে করাসী কায়দায় ডান হাতের তর্জনী বাঁ হাতের কড়ে আঙুলের উপর রেখে বললে, “আমি প্রথম দিনই তোমাকে স্পষ্ট বলেছি, সমাজের কুৎসা—আই কেয়ার এ কিগ্ এ পিন, এ জট্, এ টিটল—”

বলে মারলে তুড়ি । ফের তর্জনীটি অনামিকার উপর রেখে বললে, “তুই নম্বর : আমরা যেমন যেমন ঘনিষ্ঠতর হব, কুৎসার নানা রকম বেরকমের ধ্বনি জেগে উঠবে চতুর্দিক থেকে যে-রকম ফিলারমিনিক অর্কেস্ট্রায় হয় । বেজে উঠবে আরো যন্ত্র, আরো ধ্বনি, বাড়তে থাকবে ধ্বনির বৈচিত্র্য, ভলুম, উচ্চতা এবং শেষটায় পৌঁছবে ক্রেসেণ্ডো-তে—সর্বোচ্চস্তরে—যখন এক সঙ্গে সব-কটা যন্ত্র তীব্রতম তুমুল নাদে হুল্ ভরে দেবে ।

আমি আগরতলা গেলে ফিরে এসেই শুনবো কনসার্ট ক্রেসেণ্ডোতে ।” ফের মারলে তাঁচ্ছল্যের তুড়ি ।

এবারে মধ্যমা । “তোমার কি লোকনিন্দা হবে—”

এতক্ষণে কীতির কিঞ্চৎ চৈতন্যোদয় হয়েছে । বাধা দিয়ে বললে, “সেটা আমাকে বলতে দাও, তোমার যদি আপত্তি না থাকে ।”

বিনীত কণ্ঠে আবার যেন শিপ্রা নিবেদন করলো, “তাহলে তোমার কোনো ইচ্ছা, কোনো নির্দেশে আমার কোনো আপত্তি থাকতে পারে না-না-না । আমি চলবো তোমার আদেশে । আমার অভ্যাস—সেটা বিধিদ্রু—আমার বক্তব্য আমি স্পষ্ট ভাষায় জোরদার গলায় প্রকাশ করি । আসলে তুমি জোরদার, ঢের ঢের বেশী জোরদার ।

এখন যদি বলো, ‘না তুমি আগরতলা যাবে না’ আমি নভ মস্তকে সে-আদেশ মেনে নেব—এবং আমার অগ্নুভূতির কোনো পরিবর্তন হবে না । তার পর বসে বসে গ্রহর গুণব । কবে তুমি ফিরবে । তখন সেটা ধুমধামে করবো সেলিব্রেট । তুমি নিজেই

স্বীকার করবে, তোমার আদেশ আমার হৃদয় মনে কোনো জায়গায়
আঁচড়টি পৰ্ব্বস্ত লাগে নি।”

এবারে কীৰ্তি বললে, “আমার সামাজিক নিন্দার কথা তুলছিলে ?
তুমি বহুদর্শী—তোমার মুখে এটা আদৌ মানায়। পুরুষের কুৎসা
রটনা—তার আয়ু ক’দিন ? জলের তিলক কপালে কাটলে শুকোতে
যতক্ষণ লাগে—বরঞ্চ বলি জিন্-এর। ওটা স্পিরিট, উপে যায়
তড়িঘড়ি। দেখতে পাও না, এ-দেশের নিত্য দিনের ট্রাজেডি—এমন
সব পাষণ্ড যাদের কোনো কুকীৰ্তি কারো অজানা নয় তাদের হাতে
আমরা নিত্যনিয়ত সঁপে দিই না সত্ত্ব ফোটা শিউলি ফুলের মত সরল
নিষ্পাপ বধূদের ?

আমার বদনাম ! খতিয়ে দেখলে শুনবে, অনেকেই আমাকে
হিংসে করছে, কেউ কেউ আভাসে ইঙ্গিতে তোমার কাছে আমার
এমন সব বদ-অভ্যাস কুকর্ম কেছা—যে-গুলোর সঙ্গে জীবনে আমার
কখনো পরিচয়ই হয় নি—দূর থেকে সম্ভূর্ণে এগিয়ে দেবে ; সেখানে
আমার চিন্তা করার কিছুই নেই। তুমি আমাকে ভালো করেই
চেনো—আমার কোনো দুর্বলতা তোমার অজানা নয়। কাৰ্সীতে বলে,
‘হুশমন কি করতে পারে, দোস্ত যদি মেহেরবান হয় ?’—হু’-চারজন
বন্ধু আমার এমন আছে যাদের শরীরে মনে যথেষ্ট বল আছে
এবং দরকার হলে যারা সকলের সামনে হু’পাঁচ জনকে ঠ্যাঙাতে
হামেহাল তৈরী—ত। তারা তাদের নামনেই হোক আর আড়ালেই
হোক তোমার আমার সম্বন্ধে অগছন্দসই কোনো মন্তব্য করলে।
কিন্তু একথাটার উল্লেখ করলুম, নিতান্ত কথায় কথায়, এটা অবাস্তব।

আর অগুনতি লোক তোমার রুচির খুব একটা প্রশংসা করবে
না, তুমি আমার মত অপদার্থকে বেছে নিয়েছো বলে।”

শিপ্রা কোনো মন্তব্য করলো না। সর্বশেষ কীৰ্তি বললে,
“কুকুর ঘেউ ঘেউ করে ; কাকেরা এগিয়ে যায়। দি ডগ বার্কস, দি
ক্যারাবান পাসেস।”

ষোড়শ অধ্যায়

বাগডোগরা এয়ারপোর্ট পৌঁছবার পাঁচ মিনিট আগে হঠাৎ শিপ্রা দেখে, পালে পালে সাদা ছোট ছোট মেঘের টুকরো যেন তেড়ে আসছে তাদের প্লেনের দিকে। প্লেন ঢুকে গেল মেঘের রাজ্যে। আবার তেমনি হঠাৎ প্লেনটা ফাঁকাতে বেরুতেই শিপ্রা দেখে পূর্ব দিগন্ত থেকে পশ্চিম দিগন্ত জুড়ে শ্বেত-শুভ্র হিমালয়। কী বিরাট, কী মহান, কী গস্তীর সে গিরিরাজ। অথচ অতি দূর থেকে দেখছে বলে মনে হল যেন মাত্র গজ তিনেক খাড়াইয়ের এবড়ো খেবড়ো একটা দেয়াল, পৃথিবী ইসপার উসপার হয়েছে। পাঁচিলের উপরের প্রান্ত যেন অসমান ঝালর-কাটা—উচ্চতায় শৃঙ্গে শৃঙ্গে বিশেষ তারতম্য চোখে পড়ছে না বলে পর্বত প্রাচীরের উপরের রেখা কাটা কাটা—নীল আকাশের পটভূমিতে পূর্ব থেকে পশ্চিম প্রান্ত নিরবচ্ছিন্ন প্রসারিত হয়ে।

কিন্তু হায়, ভালো করে দেখতে না দেখতেই প্লেন রানঙয়ের দিকে নাবতে লাগল। দূরের এবং কাছেইর গাছপালার পিছনে বিরাট হিমালয় পর্বন্ত ঢাকা পড়ে আদৃশ্য হল।

শিপ্রার শরীর রোমাঞ্চিত। এ-রকম দৃশ্য সে জীবনে কখনো দেখে নি। তার ছাঁচোখ হরিষে বিষাদে ভরে গিয়েছে। তখন হঠাৎ মনে এলো কীর্তির কথা—বিস্ময়ে উত্তেজনা তার কথা মোটেই মনে পড়ে নি, তার দৃষ্টি সে-দিকে আকর্ষণ করে নি। গোটা দুই খোঁচা দিয়ে বার বার শুধলো, “দেখলে, দেখলে?”

“তোমার মাথাটা যে-ভাবে জানলার উপর চেপে ধরে শাসিতা

চিবোচ্ছিলে সেটার মার্জিন ধরে আমি মাত্র একটা কোণ দেখেছি। কিন্তু এর আগে আরো কয়েক বার দেখেছি।”

শিপ্রার উত্তেজনা তখনো পুরো মাত্রায়; “আমি প্লেন থেকে আল্প্‌স্ দেখছি অনেকবার। উপর দিয়ে ফ্লাই করার সময় জিনীভার বিরাট লেক থেকে ছোট ছোট ডোবাগুলোর নাম পর্যন্ত পিন্‌ডাউন করতে পেরেছি। কিন্তু এ-রকম ওভারহুয়েলমিং দৃশ্য কখনো দেখি নি—যেটা মানুষের সর্বচেষ্টায় আচ্ছন্ন করে তার সত্তা সম্পূর্ণ বিলুপ্ত করে দেয়। কিন্তু কী ট্রাজেডি। দু’মিনিট দেখতে না দেখতে সব কিছু ঢাকা পড়ে গেল।”

খান সাস্তনা জানিয়ে বললে, “কিছু ভয় নেই, শোক করার নেই। বাগডোগরা থেকে আমরা যাবো গোঁহাটি—অনেকখানি পথ—হিমালয়ের সমান্তরাল রেখা ধরে। পুরো পথ ধরে বাঁ দিকে গিরিরাজকে যত প্রাণ চায় দেখবে আর পেনাম করবে। কিন্তু কালো চশমাটা পরে নিও। নইলে চোখ ডেমেজড হতে পারে।”

শিপ্রা বিপুল বিক্রমে মাথা ঝাঁকুনি দিয়ে বললে, “কেন? পার্বতী কি তার পিতা হিমালয়ের মুখের দিকে তাকাতে না—না তিনি গগল্‌স্ পরতেন। আর হিমালয়ের শুভ্রতা যার তুলনায় মসীতুল্য, তাঁর প্রাতঃসূর্যকির্চি স্বেতাশ্বর বর শঙ্কর? শুভদৃষ্টির লগ্নেও কি তিনি গান্ধারীর মত চোখে ফেটা বেঁধেছিলেন?”

কীর্তি বললে, “ওরকম অলৌকিক কর্ম শুধু মেয়েরাই পারে। আমরা তো নছি বধু, নছি কন্যা।”

শিপ্রা ব্যঙ্গ করে টিপ্পনী কাটলো, “অ। বধুর জন্ম পাদপীঠ সংগ্রহ করাতেই সর্ব সাধনা সব কামনা শেষ? বলে দেব খানকে সব? কেন? চন্দ্রবংশের সংবরণ না কে যেন সূর্যের মেয়ে তপতীকে রানী করতে চেয়েছিলেন বলে শঙ্করমশাই সূর্যের দিকে অপলক চক্ষে তাকাতে তাকাতে উপাসনা করে প্রার্থনা জানান নি?”

শিপ্রা কান্নায় কান্নায় ভেঙে পড়ে আর কি ! প্লেন ফের আকাশে ওঠামাত্রই ধরা পড়লো মেঘ আর কুয়াশা এ-প্রান্ত থেকে অপর প্রান্ত পর্যন্ত হিমালয়ের রূপরেখা ঢেকে কেলছে। দেবতার কী অকারণ, কী নির্ভর।

খান পুনরায় সাস্থনা দিয়ে বললে, “ও-সব মেঘ কুয়াশার লুইসেন্স যে কোনো সময় কেটে যেতে পারে। ততক্ষণ নিচের দিকে তাকাও না—ব্রহ্মপুত্র নদ। ইনিও তো হিমালয়ে জন্ম নিয়ে, বাপের মত ঠায় দাঁড়িয়ে না থেকে দেশের পর দেশ অতিক্রম করে যাচ্ছেন, পথিকের তৃষ্ণা নিবারণ করে, তাঁর অংশাবতার জনপদ-বধূর কলসীতে ঢুকে তাদের কাঁখে আরামসে বসে আনন্দধ্বনি ‘ছলাৎ ছলাৎ’ করছেন। তার পর তিনি আদর করে কোলে তুলে নিবেন গঙ্গাকে—ছুপথ ধরে দুজনাষ্ট বেরিয়ে ছিলেন হিমগিরি থেকে।... শুধোইগে পাইলটকে ঐ মেঘবাবুদের গাত্রোৎপাটন করার আশু সম্ভাবনা আছে কি না।”

কামাখ্যার উপর দিয়ে যাবার সময় কীর্তি বললে, “এ জায়গার মেয়েরা বিদেশী পুরুষদের মেড়া বানিয়ে রাখে।”

শিপ্রা বললে, “আমাকে এখানে নাবিয়ে দাও। ভালো করে দেখে নিক সব্বাই, সত্য সত্য তিন সত্যের মেড়ী কাকে বলে।”

কীর্তি বললে, “আমি শুধু এইটুকু বলতে পারি, জোর গলায়, তোমার যা ইচ্ছার জোর, উইল-পাওয়ার আছে তার বিরুদ্ধে দাঁড়িয়ে স্বয়ং ব্রহ্মা বিষ্ণু তোমার অনিচ্ছায় তোমাকে স্বর্গ ইন্দ্রাগী উর্বশীর আসনে বসাতে পারবেন না, মর্ত্যে চার্মিং মার্লেনে ডীটারফ, সুইট, লিলিয়ান হার্ভের মাধুর্য দিতে পারবেন না। নরকে যমরাজার পাটরানী যমীর কথা দূরে থাক। আর তোমার ইচ্ছা থাকলে তুমি মেড়ী, নেড়ী, ভেড়ী যা খুশী তাই হবার শক্তি ধরো—অর্থাৎ কারো তোয়াক্কা না করে। তুমি তো কলকাতাতে এখনো এক পাল মেড়া পোষো—”

শিপ্রা বাধা দিয়ে বললে, “খ্যাক ইয়ু। কিন্তু বলো তো, আমি কি হতে চাই?”

কীর্তি চিন্তিত মনে আসমান-জমীন অনুসন্ধান করতে লাগলো।

শিপ্রা ডান দিকে একটু সরে বসে ‘কীর্তির’ উরুতে হাত রেখে বললে, “কীর্তিপ্রিয়া।”

পেটুক গাণ্ডেপেণ্ডে খেতে খেতে মারা গিয়েছে তবু ভোজন কর্মে বিরতি দিতে পারে নি, এ-দৃশ্যটি প্রাচীন দিনের বহুবান্ধব ভোজনের একাধিক পরিবেশক চোখের সামনে দেখেছেন বলে দাবি করেন। কিন্তু স্পর্শকাতর রূপের পূজারী, সুন্দরের পিয়াসীদের সামনে প্রকৃতি অকুপন হস্তে ছবির পর ছবি, দৃশ্যের পর দৃশ্য, রূপের পর ঢেলে দেন তবে সে বেশীক্ষণ সে-দিকে তাকাতে পারে না। তার হৃদয় তখন আকুল বিকুল করে প্রত্যেকটি দৃশ্যের রস দিয়ে সে-যেন তার হিয়া রাঙিয়ে নিতে পারে—শ্রীকৃষ্ণ যে-রকম সুন্দরী রাধাকে অনুরোধ জানিয়ে ছিলেন, ‘রাধে, তোমার চোলির রঙ দিয়ে আমার মস্তকভরণ রাঙিয়ে দাও, (রাধা কি তবে ভ্রমবশত, না স্বেচ্ছায়, বুঝি তারে তারই রক্ত দিয়ে কান্থর মস্তকের চূড়া লালে লাল রাঙিয়ে “রক্তচূড়া”র জন্ম দিলেন?)—যাতে করে দুর্দিনে প্রাণের রসধারা যখন শুকিয়ে যায় সেই দারুণ দহন বেলায় এ-সব দৃশ্যের একটি একটি স্মরণে এনে নিজের ভাগাফে ক্ষমা করতে পারবে।

নিশ্চল হিমালয়, সচল ব্রহ্মপুত্র, বুকের উপর কৃত শত দ্বীপ শিশুর মতো প্রতিদিন বেড়ে বেড়ে বড় হয়ে উঠছে, জলের উপর ফোলা পালের ঝাঁকবন্ধ দিলাল নিতম্বা মহাজনী নৌকার সারি যেন ডিমের খোসার সাইজ আর ওদেরই মত হেলে ছলে নিভয়ে এগিয়ে যাচ্ছে, চরের পরিবর্তে হঠাৎ জেগে উঠছে, মাথা উঁচু করে ক্ষুদ্রাতন উমানন্দ পাহাড় কিন্তু তার আকর্ষক অপ্রত্যাশিত আবিভাব বুকে লাগায় চমক, গোয়াল পাড়ার ঘন সবুজ বাঁশ বেত আম-কাঁঠালের

মাঝখান থেকে দাঁড়িয়ে উঠেছে হাজার হাজার অবিক্রম ঋজু গুবাক
রক্তের শুভ্রতা। কত দেখবে পিরাসী শিপ্রা।

সে ঘুমিয়ে পড়েছে।

গৌহাটি, শিলচর শেষটায় আগরতলা। টসটসে ভেজা রুটিঙের
মত তার সৌন্দর্য গ্রহণশালার ভাণ্ডারী আর কোনো নবীন রস নিতে
সম্মত হয় নি। শুধু শিলচর থেকে ত্রিপুরা পাহাড়ের উপর দিয়ে
গেন যাচ্ছে তখন কীর্তি ডান দিকে হাত বাড়িয়ে বললে, “এই
তোমার বালা মখী বিল্কিস্-এর দেশ, সিলেট।”

পড়মড়িয়ে উঠে দেখে, বিল্কিস্ সতিা বলেছিল, ফ্যাট গুব
বাঙলার মত সবুজে সবুজ তো বটেই, মাঝে মাঝে উঁচু নিচুর
টিলাটালি, ক্ষুদে ক্ষুদে পাহাড়, আর সমস্ত দেশটা আঁকা-বাঁকা নদী-
মালায় ভর্তি—সবুজ ছেত্রার উপর ফালি ফালি ঘোলাজল স্বচ্ছ
জলের ডোরা। মাঝে মাঝে আবার দিঘিও তো। না, স্মরণে এল
বিল্কিস্ বলেছিল ওগুলো হাঁওর, লম্বা চওড়ায় অনায়াসে পাঁচ সাত
মাইল জুড়ে জল—মোস্ট ডেঞ্জারাস। শুধু দেখতে পেল না
বিল্কিসের বর্ণনার মধ্যরের মত পেখম-মেলা বিরাট বিরাট কৃষ্ণচূড়ার
নিচে, টিলার উপরে চা-বাগানের কলঘর, সান্নদেশে চা গাছের
ঝোপ, পাশের টিলার উপর ম্যানেজারের নির্জন নিঃসঙ্গ ছিমছাম
বাঙলো—প্লেন যাচ্ছিল খুবই উঁচু লেভেলে।

আগরতলার যে বাঙলোতে তারা উঠলে সেটা ওঠবার সিঁড়ি
থেকে বাথরুমে জমাদার ঢোকবার দরজা পর্যন্ত সব-কিছু মেগনাম্
সাইজের। বাড়িটা বানিয়েছিল এক ইংরেজ—ত্রিপুরা থেকে আগের
জুগুলোতে একদা সে হাতী সাপ্লাই করতো পাইকিঙ্গি হিসেবে, অতী
লোক যে-রকম ভেড়া-ছাগল বিক্রি করে। নীলকরদের কুণীর মত
এক একটা কামরা আস্ত এক একটা জলসা ঘর—ছাত যে কোন
উঁচুতে দেখতে হলে দূরবানের প্রয়োজন। তাবৎ বাড়িটা জুড়ে যেন

আ করে সব-কিছু গিলে কেলে বিশাল বিস্তীর্ণ হল ঘর। প্রটেক্ট্যান্ট ইংরেজ যেন ক্যাথলিক পোপের ভাটিকানকে পরাস্ত করতে চেয়েছিল। দেশে ফেরার সময় বাড়িটা বিক্রি করতে গিয়ে দেখে, ত্রিপুরার লোকের কাছে হাতী ঘরকী মুরগী বরাবর বলে তারা বর্মার রাজদত্ত “উপহার” শ্বেতহস্তী পোষার খরচটা সম্বন্ধে আগাপাস্তলা ওকীবহাল। অতএব শেষটায় এই শ্বেতোত্তর হস্তী ক্রয় করলেন আমাদের কলকাতাই খানের আববা সাহেব, বড়া খান।

শিপ্রা প্রথম পদার্পণের সময় এ-সব কিছুই লক্ষ্য করে নি। স্বপনচারিণীর মত বাধরুমে ঢুকল। বেরিয়ে মোজা ডাইনিং টেবিলে। সেখানে ইতিমধ্যে এসে গেছেন দুই ইয়ারের স্থানীয় ইয়ারের ছুঁপাঁচজন। সামনে গেলাস। শিপ্রা দেবীকে পরম ভক্ত-ভাবে নমস্কার জানিয়ে, দাঁড়িয়ে দাঁড়িয়েই আপন আপন গেলাস একটানে শেষ করে ফের নমস্কার জানিয়ে প্রসেশন-পদ্ধতিতে ইয়াররা বেরিয়ে গেলেন।

ক্লান্ত কণ্ঠে শিপ্রা শুধলো, “এরা পালালো কেন? আমি কি বাঘ?”

খান তাড়াতাড়ি বললে, “তুমি বাঘ না, তুমি ক্লান্ত। আর এরা যাবে কোথায়? বললেই আসবে, না বললেও আসবে। ওরা মফস্বলের লোক। তাদের দুর্শিক্ষিতা, বেগোনা লোগর সাক্ষাতে বেগম সাবের সেবার (আহারাদির) তুরুট (ক্রটি) হইতো পারে। বাদে তেনার লগে লগে আরাম করন লাগবো (শুতে যেতে হবে)।”

সীমান্তপারের পাকিস্তান থেকে এসেছে একাধিক বর্ণগোত্রের মাছ। কে বলে ভারত-পাকের সাধারণ জন জন্তু-জানোয়ারের প্রাণ নির্দয়? ও-পার যাত্রী মা চিরতরে বিদায় নিচ্ছেন—পুত্র যেতে পারলো না তাঁর কাছে পাসপোর্ট ভিজার অভাবে। এ-পারের চাষা গিয়োঁছিল বর্ডার ক্রস করে ওপারে তার গুপ্তি কবয়েজের কাছে

দাদীজানের জন্ত “কফ্ নিবারাণবের” গুটি চারেক বড়ি আনতে। গুঁজে রেখেছিল পরনের ছ’হাতী লুঙ্গির ট্যাঁকে। পড়লো ধরা। কস্টমসের ছোটবাবু তাঁর বিলিতি কার্মাকপিয়ার ফিরিস্তিতে এই ‘অসভ্য’ ওষধির নাম—হল ডবল ফাইন। কিন্তু মাছের বেলা সদয়তর ব্যবস্থা—তাঁর পাসপোর্ট লাগে না, তাঁর ট্যাঁক কেউ খোলে না। ‘কালো’তে এলেও ইলিশের রং কালো হয় না, কই ধরা পড়ার ভয়ে ‘পাঙাশ’ হয় না। ছোটো বর্ডার ক্রস করে এসেছে খাসি পাহাড়ের কমলা নেবু।

শিপ্রা বললে, “মকস্বলের লোকের আহারাদি হয় মৌসুমে যা পাওয়া যায় তাই দিয়ে। এখানে দেখি ‘নেবুর দোসর আনারস।”

“তাইতো লোকে বলে ‘বাঘের দুধও মেলে’। বাঘিনীও দুধ দেয় বিশেষ অবস্থায়। এখানে সর্বাবস্থায়—বাঘ তো পেটে বাচ্চা ধরে না—বাঘ ভী দুধ দেয়। কিন্তু ঠিক এই মুহূর্তে অবস্থা বড়ই সঙ্গীন। বর্ডারে এখন আর রাইফেলধারী পূব বাঙলার পুলিশ নেই—তাদের স্থলে এসেছে মেশিনগান, নানাবিধ অটোমেটিক হাভে পাঞ্জাবী পাঠান আর্মিমেন—পশ্চাতে আর্মাড গাড়ি। কাছেই কুমিল্লা কেনটনমেন্ট, ময়নামতীর খাঁটি। হাজার হাজার সেপাই অফিসার আবজাব করছে। পূর্বাঞ্চলে কুমিল্লাতেই পশ্চিমাদের সব চেয়ে ডাঙর কেনটনমেন্ট।”

শিপ্রার আবছা আবছা মনে পড়ল, বাগডোগরা, এই আগরতলা এমন কি শিলচর কিছুটা দূরে হলেও সব কটাই ইণ্ডো-পাক বর্ডারের কাছাকাছি বলে সর্বত্রই এমন কি প্লেনের ভিতরও তাঁর কানে এসেছে মাত্র একটি টপিক। সেটা রহস্যময় ও প্রশ্নে প্রশ্নে কণ্ঠকিত। সূদ্ধুমাত্র লীগকেই যদি শায়েস্তা করতে হয় তবে কামান কেন, ট্যাঙ্ক কেন, সাঁজোয়া গাড়ি কেন? তবে কি ইণ্ডিয়া এটাক্ করার জন্ত। তাই হবে। কারণ শেষ গুজোব, লীগ ইয়েহিয়াতে সমঝোতা হয়ে

গিয়েছে। ভারত যদি আক্রান্ত হয়, চীন কি তবে ফের দুশ্মনী করবে ?

আরো কত শত প্রশ্ন।

থেয়েই শিপ্রা মারলো ছুট—অনন্তকাল ধরে সে ঘুমবে।

নিজা-রেকর্ডে কুস্তকর্ণের নাসিকা-গর্জন গোন্ড মেডল পেয়েছে কিন্তু রেকর্ড কুস্তিবাস স্বীকার করতে বাধ্য হয়েছেন, ক্ষুদ্র নিজাকর্মটি কিন্তু হেঁদো। রইলেন শ্রীবিফু। অনন্তশয্যা। কিন্তু অবতারণা এবং / কিংবা অংশাবতারণা হয়ে যখন অবতারণা হতেন ? তন্দ্রাবস্থায় ? হা, ষিক ! শাস্ত্রাদির সম্যক অধ্যয়ন অসম্পূর্ণ রাখার কুফল বক্ষ্যমাণ পুস্তক।

তবু, অন্তত এটুকু বলা যেতে পারে সেই দিন-বামিনীর শিপ্রা নিজা তার পূর্বতর রেকর্ড। তর্কাতীত ছ'লেংখে উর্ধ্বমুখী হয়েছিল।

ঘুম একটুখানি কেটেছে মাত্র। সঙ্গে সঙ্গে শিপ্রা অল্পভব করলো, ছুটি ছোট কোমল হাত—মেয়েছেলেরই নিশ্চয়—তার পা টিপে দিচ্ছে, কিন্তু চাপেতে যে-জোর, সেটা যেন পুরুষের। একটুখানি চোখ মেলে ক্ষীণালোকে দেখল, পাহাড়ী মেয়ে। এখানকার পাহাড়ীদের নাম কুকী—কিন্তু শিপ্রার মনে হচ্ছে, আর পাঁচজন বাঙালীদের মত গারো, দুসাই, কুকী সবই বরাবর।

কণ্ঠে অত্যন্ত বিরক্তি মিশিয়ে শুধোলে, “তোমাকে গা টিপতে বলেছে কে ?”

কুস্তিত কণ্ঠ ; কেউ না। আমার মিসি বাবা হায়রান হয়ে ফিরে এসে ঘুমিয়ে পড়লে আমি তখন গা টিপে দিই। সে আরামসে বেশী ঘুমে। আমি আরো ছ'মিনিট পরে চলে যেতুম—আপনার মাঝুম ভী হত না।”

বাঁচালে, বাবা। গা টেপো আর যাই টেপো, চুলটা তো আঁচড়ে দেবে। নইলে হাতের নড়া খসে যেত,—খুশী হল শিপ্রা।

“কটা বেজেছে ?”

“গ্যারহ্ মে জ্যাদা।”

সর্বনাশ! ওদিকে কানে আসছে মফস্বলের বারান্দায় শ্যাম-
বাজারী রকের তুফান।

হস্তদস্ত হয়ে উঠে বললে, “আয়া, তুমি ওদের গিয়ে বলো, আমি
এখুখুনি আসছি, ওদের কেউ যেন না পালায়” মফস্বলী এটিকেটের
বাড়াবাড়ি অগ্নান বদনে মেনে নেওয়াটাও এটিকেট নয়। “আর
ফিরে এসে এখুখুনি চুলটা আঁচড়ে দাও। আলোটা জ্বালো।”

সঙ্গে সঙ্গে অকস্মাৎ মাথার কোন্ অজানা কোণ থেকে একটা
স্বনিশ্চিত সিদ্ধান্ত তার মনে ভেসে উঠলো, “লারী যে মির্জাকে
বলেছিল, তামাম গুব বাঙলার উপর স্টীম রোলার চালানো হবে
সেইটেই ঠিক।” সে যখন গভীর নিদ্রায় অচেতন তখন তার
অবচেতন মনে নানা গুজোব নানা তথ্যের কাটাকুটি করে সিম্প্লিফি-
কেশন অঙ্কের মত এই সরল রিজালটে পৌঁছেছে। কিন্তু আশ্চর্য!
এই নিয়ে এত যে বচনা, ভবিষ্যদ্বাণী ঘাঁটিতে ঘাঁটিতে সে শুনলো,
কেউ তো একবারের তরেও বললে না, ট্যাক্স সঁজোয়া গাড়ির
ছয়লাপ, হয় ভারতকে ভয় দেখাবার জন্য কোনো গভীর কূটনৈতিক
চাল, নয় সরাসরি ভারতকে আক্রমণ। সবাই বিনা চিন্তায় ধরে
নিয়েছে, নিছক সৌন্দরী কাঠের লাঠি নিয়ে লক্ষ্যবিস্তার করছে লীগ,
যদি তাদের অস্ত্র কোনো প্রকারের অস্ত্রের ব্যবস্থা থাকতো, তবে
সেটা কাস্ট্রনকালেও গোপন থাকতো না। অতএব ট্যাক্স কামান
ভারতের তরে—কিউ, হউ, ডী। শিপ্রার মনে হল, তারা ওজনের
আঁকে ধরুকের পোদ্দারের মত অতখানি ঘুরিয়ে ফিরিয়ে যুক্তিতর্কের
সিটিটাকে যাচাই করে দেখি নি। এরিখমেটিকের অঙ্ক কষেছে তার
অবচেতন মন; এদের সচেতন মন যেন জিওমেট্রির স্বতঃসিদ্ধ
সিদ্ধান্ত মেনে নিয়ে চলে গেছে জিওমেট্রিক টেনজেন্টে সরাসরি
বিপরীত মুখে।

সপ্তদশ অধ্যায়

আয়া খোঁপাটা বাঁধলো কোন্ দূর বা নিকট পাহাড়িনী স্টাইলে সে-সমস্তার সমাধান না করেই ছুটলো বারান্দার হাইড পার্কী মিনি-মিটিঙের দিকে। দূর থেকেই লেডি-মূলভ মাঝারি গলায় বললে, “আপনারা কোনো তকলীক করবেন না, প্লীজ। আমি এক পাশে বসে শুধু শুনবো।”

প্রথমটায় গুস্তাদী গানের অবতরণিকা আলাপের মত বাক্যালাপ কিঞ্চিৎ মন্দ মধুর কচিৎ কাকলীর সুর ধরেছিল বটে কিন্তু পেটের ভিতরকার তরল দ্রব্যগুণ যাবে কোথা? দ্রুত তেভালে স্থগিত দারুণ সংগ্রামে তাঁরা ফিরে এলেন, ত্যাখ্ তো না ত্যাখ্, ডার্বি ঘোড়া ছুটিয়ে ধুলির ঝড় উড়িয়ে।

সুস্পষ্ট ছুটি দল। মধ্যপন্থা জনশূন্য। স্বয়ং চেয়ারমেন খান খনে ফ্রন্ট বেঞ্চার খনে চেয়ার আসীন।

প্রথম পক্ষের বক্তব্য : ঢাকাতে সমঝোতা হয়ে গিয়েছে। মারপিট হবে না।

দ্বিতীয় পক্ষের বক্তব্য : আদৌ হয় নি : হবেও না। ইয়েহিয়া জাত ঘুঘু। টালবাহানা দিয়ে সময় নিচ্ছে, শুধু আরো সৈন্য অস্ত্রশস্ত্র জমায়েৎ করার জন্ত।

শিপ্রা এ-সবের অধিকাংশই শুনেছে। বেয়াক্রিচে বা বলেছিল সেগুলোই সঙ্গে মিলিয়ে নিচ্ছিল মাত্র।

তুমুল তর্কযুদ্ধের সময় হঠাৎ এক এক সময় সবাই একসঙ্গে চুপ মেরে যায়।

সে-শুষ্কতা ভাঙলেন একটি বয়স্ক মুসলমান। তিনি হংসমধ্যে

বক। অবশ্য বকের মত জল খাচ্ছিলেন না, চুষছিলেন একটা 'নিষু পানি। বললেন, “একটা ঘটনা আমার কাছে বড় রহস্যময় ঠেকেছে। দিন কয়েক আগে ছোটো পাঞ্জাবী সেপাই গিয়েছিল বাজারে। কী একটা সামান্য অজুহাত পেয়ে রাস্তার ছোঁড়ারা—হয়তো বা লীগের ছু’ একজন ছিল—করেছে ওদের ডাहा বেইজ্ঞৎ। শেষটায় ছু’জনারই পাতলুন—” মিয়া সাহেব যেন বিষম খেয়ে আচমকা ধেমে গেলেন।

শিপ্রাই বুঝেছে সকলের পয়লা। অভয় বাণী শুনিয়ে বললে, “মৌলভী সায়েব, আপনার যা বলার অসঙ্কোচে বলে যান। আমি নাজুক, লজ্জাবতী লেডিদের একজন নই, যাঁরা কারো মুখে ‘বাচ্চা বিইয়েছি’ শুনলে ভিন্নমি যান, তাঁরা ‘জন্ম দেন’ ইত্যাদি ইত্যাদি। আমার কাছে সর্বদাই প্রথমটাই প্রকৃতিসম্মত এবং ভিরাইল ঠেকেছে।”

‘মৌলভী সায়েব’ কিন্তু সেদিক দিয়ে পাকা মডার্ন। ভদ্র রমণীর আদেশ অলঙ্ঘ্য। বললেন,—“পাতলুন কেড়ে নেয়। ভার্গাস অত্যন্ত হৃদয়তর অঙ্গবস্ত্র পরনে ছিল, তাই মানে মানে ছাউনিতে ফিরতে পারলো।”

কেউ মুহূ হাস্ত কেউবা অট্টহাস্ত করলেন। শিপ্রা প্রথম শ্রেণীতে।

সায়েব বললেন, কিন্তু আসল কথা, তারা ছাউনিতে ফিরে গিয়ে বন্দুক এবং ইয়ার-দোস্ত নিয়ে এসে বেধড়ক মার লাগালো না কেন, গুলি চালালো কেন, দোষী নির্দোষীকে অবিচারে—বে-ধড়ক ? যা আকছারই হয়ে থাকে পাকিস্তানে। সেইখানেই তো রহস্য। তার কিছু করলো না, সেইটাই তো রহস্য।

এবারে শিপ্রা যেন আলোচনায় যোগ দিল। বললে, “শার্লক হোমসের অন্যতম রহস্য গল্পে আছে তিনি পুলিশ ইনসপেকটরকে বললেন, ‘রাত্রে কুকুরটার রহস্যময় আচরণের দিকে তোমার দৃষ্টি

আকর্ষণ করছি।' ইনসপেকটর আশ্চর্য হয়ে বললে, 'সে তো কিছু করে নি।' হোমস হেসে বললে, 'সেইখানেই তো রহস্ত।' শিপ্রা খেমে গেল।

খান আর কীর্তি ছাড়া আর সবাই কৌতূহলী নয়নে শিপ্রার দিকে সপ্রশ্ন দৃষ্টিতে তাকালো। এ-সজ্জনদের মাঝখানে মাত্র ওরা দু'জনাই জানে, শিপ্রা পয়েন্টলেস, উদ্দেশ্যহীন গল্প বা উদ্ভৃতি কক্খনো ছাড়ে না।

মিঞা সাহেব কিন্তু শব্দে ফেনেছে। সে হোমস পড়ে নি, তবু কারণ তার বক্তব্যের সঙ্গে এটা মিলে যাচ্ছে। হয় তো বা তার এবং অন্য কিছুজনের গল্পটি স্মরণে এসেছে।

অন্য-সবাই স্কুল বয়ের মত পূর্বপর সংযোগসহ সবিস্তার পূর্ণ বিবরণীর জন্য “গুরু” শিপ্রার দিকে তাকিয়ে আছে বলে সে বললে, “আস্তাবল থেকে দামী ঘোড়া গিয়েছিল চুরি, গভীর রাত্রে, অথচ সেটাকে পাহারা দেবার জন্য যে-কুকুরটা ছিল সেখানে, সে যেউ যেউ করে স্টেবল বয়গুলোকে জাগিয়ে তোলে নি। ডিটেকটিভ হোমস তার থেকে অনুমান করলেন, চুরি করেছে কুকুরের কোনো ঘনিষ্ঠজন। পরে পরা পড়লো, চুরি করেছিল জমিদারের আস্তাবল-রক্ষক স্বয়ং— অসম্ভবদেখো।”

মিঞা সাহেব সোৎসাহে বললে, “বিলকুল সহী বাৎ! সেপাই দুটো তার ভাই-বোদর, ইয়ার-দোস্তুকে অতি অবশ্যই তাদের বে-ইজ্জতীর কাহিনী বলেছিল। তারা কিছু করলে না, কমাণ্ডান্টও কিছু করেনি না, এমন কি যেটা কম-সে-কম মিনিমামেস্ট সিম্ভিল, পুলিশকে তদন্ত করার জন্য আদেশ করলে না। অর্থাৎ কুকুরটা যেউ যেউ করলে না। বিগদিতার্থ যা স্বাভাবিক যা প্রত্যাশিত সেটা ঘটলো না। কেন?”

অন্য গুরু থবর আমার না থাকলেও আমি এর থেকে এই অর্থই বের করতুম, কর্নেল কর্তা ওদের বুঝিয়ে বলেছেন,

এখনো তোদের সময় হয় নি।

যেথায় চল্লি যাস নি কো ধনি।

অর্থাৎ এ-তাবৎ প্রাণপণ চেষ্টা সত্ত্বেও যে পরিমাণ সৈন্য পশ্চিম পাক থেকে জোগাড় করা হয়েছে সে-সংখ্যা দিয়ে লীগ এবং তাদের ‘অন্ধ’ সমর্থক পাগলা পাবলিককে শায়েস্তা করা যাবে না। তোদেরও সময় আসবে, মোকা পাবি তোরা দিলসে জান্সে দাদ নেবার।”

ফিনকিনে ধৃতি পাঞ্জাবি পরা ১৯২০/৩০-এর স্টাইলে চুলকাটা, ঘাড় কানের কাছে প্রায় কামানো এক ফুল-বাবু বললে, “অর্থাৎ, স্নাকরার টুং টুং, কামারের এক ঘা।”

মিঞাজী ভুরু কুঁচকে বললেন, “এক ঘা নয়, চক্কোভি। একশ’ ঘা।”

এক সিলেটী কারবারি ফ্রান্স্ দেশে চালান দেয় কোলা ব্যাঙ। কুমিল্লার আশপাশে খুদ শহরের সর্বাঙ্গে এন্তের বিজ্ঞাপন স্টেটেছে, “এখানে কোলা ব্যাঙ ক্রয় করা হয়”; “কোলা ব্যাঙের” স্থলে কোনো কোনো বিজ্ঞাপনে আছে “ঘাড়ু ব্যাঙ”। এক খাস আগরতলী তাকে শুধলো, “কি ও হাজী, তুমি মুরগীর চালান বন্ধ করে দিয়েছ?” মিঞা হজ করার জন্য সূদূর মক্কা যাওয়া দূরে থাক, ঢাকা চাটগাঁ অবধি তার দৌড়। পরে এসেছে শার্ক স্কিনের পাতলুন, সিস্কের প্রিন্স্ কোট। এর অদ্ভুত “হাজী” ডাকনাম হল কি করে সে এক রহস্য এবং খাটো কান। শুধলো, “কিতা?”

শিপ্রা কারো কথা কেটে আপন কথা কয় না। এস্থলে তার উত্তেজিত কৌতূহল ব্যত্যয় বাধালে। সঙ্গে সঙ্গে শুধলো, “হাজী সায়েব, ‘কিতা’ মানে কি?”

এ-তাবৎ ভদ্রা শিপ্রা কাউকে উপেক্ষা করে নি, আবার কারো প্রতি বিশেষ দৃষ্টি নিক্ষেপও করে নি।

হাজী তাই শিপ্রাবানুর নেক-নজর পেয়ে বিগলিত। কোমরে.

ছ' ভাঁজ হয়ে, বাও করে, ঘন ঘন কুর্নাঁশ ছেড়ে বললে, “জনাব বেগম-সাহেবা খানম-বানু, যে কোনো অর্বাচীন সিলেটী আপনাকে বলবে, ‘কি তা’ মানে ‘কি’। আলবৎ। কিন্তু সেখানেই শব্দটার শেষ অর্থ খতম হয়ে দাঁড়ি কাটে নি। ওটা অনেক রহস্য ধরে। ‘তুমি কিতা ?’ তার কতই না উত্তর হতে পারে—”

আর এক সিলেটী সেখানকার মদনমোহন কলেজের লেকচারার বললে, “গুরুর গানে যদি সামান্য পাঠান্তর করি”—বলেই ছ’হাত দিয়ে ছ’কান ছুঁলেন, অপরাধী যে-রকম মাক চায়—“এবং বলি

‘ওগো মিতা সুদূরের মিতা

আমার কী বেদনা জানো কি তা ?’

তাহলে ঐ শেষ ‘কি তা’ সিলেটী ‘কিতা’র রহস্য ধরে।”

শিপ্রা খুশী হয়ে ছই সিলেটীকে ধন্যবাদ জানিয়ে তার কীর্তি যাকে সে আদর করে ‘কীতা’ ডাকে তার দিকে তাকিয়ে একটু মুচকি হাসলো।

হাজী পূর্বতর প্রশ্নের খেই ধরে বললে, “মুরগীর ব্যবসার ঠালাতেই তো, দাদা এখানে পালিয়ে এলুম। আমি লীগের রীতিমত সম্মানিত সদস্য। ওদিকে খুদ লীগ হাইকমান্ডের হুকুম কি না জানিনে, পাঞ্জাবী-পাঠানদের খানাদানা সাপ্লাই বন্ধ করো। কিন্তু কার্ফত গাঁয়ের লোকসুন্দু এ্যামন ফ্রেপে গেছে, আমিও তাদের দলে, তাই ইচ্ছে থাকলেও মুরগী জোগাড় করতে পারি ক’শ’ ?—ঐ কেনটনমেন্টের তরে ? ওটা তো অজানা থাকবে না। তার পর শা—সরি সরি--বড় কর্তা কর্নেল আমায় এন্তেলা পাঠালে -”

	{	বাপ্‌স্‌!
কোরাস		সবেবানাশা!
		কিতা কিতা!
		ইয়াল্লা!

ধকুপুকু মুরগীবাজার জানটা নিয়ে গেলুম কর্নেল সমীপে—

‘মুপ্তদুরের’ বাপ নিবংশ হোক। আমাকে এই মারে কি তেই মারে। আন্দেখা করছি, হিন্দুদের মত ধর্মপত্নীর সোনার কাকন-জোড়া খুলে আনলেই হত। বিকিরি করলে, এই মাগ্গির বাজারেও এক কেস স্কচ কেনা যায়। তারই নাকি এক বোতল পেটে ছেলে ‘ডাচ্ কারেজ’ সঞ্চয় করে এলে হত। ব্যাটা—” শিপ্রার দিকে ক্ষণতরে তাকিয়ে সেলাম ঠুকে বললে, “ম্যাডাম! আপনি আমার এই ‘অভদ্রস্থ’ কথাগুলো এ্যাট্রিকুন্স মাফ করে দেবেন প্লীজ। ‘ম’ কলা শিখতে গিয়ে পাঠশালে পড়েছি,

{ ‘অল্লীল কুবাক্য সদা মুখে ফোটে যার।

{ ‘লোক সনে ঐক্য সখ্য রহে না তাহার’।”

শিপ্রা : “সাহেব, আপনি কি ভুলে গেলেন, আমি গোড়াতেই আপনাদের হুঁশিয়ার করে দিয়েছি, আমি লেডি নই। আপনি দিল্ জান্ ভরপুর করে গালাগাল দেন, আপনার ঐ কবিতার ‘অল্লীল কুবাক্য’ এস্তেমাল করুন। আমার কলিজাটা নেচে উঠবে। ঐ হারামজাদারা আমার ছু’ চোখের ছশ্মন।”

হাজীকে তখন আর পায় কে? চেয়ার ছেড়ে উঠে অর্ধনত্যা ভরে বললে, “শাবাশ, শাবাশ, ম্যাডাম। এবার আমার সত্য জ্ঞানোদয় হল আপনি নিকশ্টি কুলীন লেডি। আপনি প্রমহংগী। প্যাঁতহাঁস, প্যাঁত নেড়ের মত প্যাঁত লেডি এ-সব উত্তমোত্তম ভাব-ব্যঞ্জক কটুবাক্য শুনে কানে আঙুল—অবশ্য দুটো ছোটো পুরোপুরি বন্ধ করেন না, কারণ তাঁদের জ্ঞানভূষণ প্রবল—আর চোখে মুখে “ছ্যা ছ্যা” করেন। আমার মনে কোনো সন্দ নেই আপনি রিয়েল স্টাক, খাঁটি স্কচ, ও ‘সরি সরি, আই মীন আপনি পুরো পাক্কা লেডি। বিশেষ করে ‘হারামী’র পরিবর্তে রুচতর কিন্তু হাইলি কালচারড—‘জাদা’টা যোগ করে।

কী বলবো, ব্যাটা দেখি আমার হাঁড়ির খবরতক রাখে। বললে, তার পাঁচশ’র বদলে এখন থেকে হাজারটা মুরগীর দরকার। আমি

পাকা ইংরিজিতে বললুম, বাই দি লর্ড হ্যারি, পাবো কোথায়? সম্বন্ধী ব্যাটা বললে, ‘আমি জানি, তুমি রোজ ঢাকার হোটেলগুলোকে মুরগীর চালান পাঠাও।’ আমিও কম যাইনে। ‘ব্লাক্-মাস্টারের বেলুন। বললুম, ‘তা হলে আপনি সেপাই মারফত সেগুলো স্টেশন থেকে পকড়কে আনিয়ে নিন।’ আমি জানতুম এখনও কামারের ঘা’য়ের লগন আসে নি।

তারপর কর্নেল হঠাৎ একদম খাদে নেবে বললে, ‘মিস্টার মজুমদার, আমরা একটা পোলট্রি ফার্ম খুলতে চাই ময়নামতীতে। আপনি তো স্পেশালিস্ট। মেন্ পয়েন্টগুলো বাংলাে দিন। আপনার ব্যবসাতে চোট লাগবে না। আমার চাহিদা প্রতিদিন বেড়েই যাবে, কমবে না। তোমার থেকে আরো বেশী নেব।’ আমি অশ্রু হৃদয়কে গেল্টেলমান – আনাড়িকে নাড়ি-জ্ঞান শিথিয়ে বেহেপে যাবো না কেন? সেই সব টিপ্‌সই দিলুম যে সব ঢাকা কলকাতা দেয় তাদের ‘কুরাল ব্রডকাস্টে’ পশুপক্ষী পালন বাবদে চাষাদের। শুনেও, ওগুলো পালন করলে প্রতি তিন মাস অল্প মুরগীর মড়ক আনিবার্ষ। অবশ্য আল্লা যদি আমাদের প্রতি সদয় হন। কিন্তু এহ বাহ। দাদারা, বলুন ইয়েহিয়া মুজীবে সমঝোতার সম্ভাবনা কতখানি? তাহলে আমার সংখ্যা কমতো, না?”

শিপ্রা বললে, “আমাকে এক বিদেশী জেনারেল বলছিলেন, দেশের রাজধানী, বড় বড় শহরের পাকা পলিটিশিয়ান এমন কি আমার মধ্যস্তরের অফিসাররা বহুক্ষেত্রে যে সব টপ সিক্রেট জানতে পায় না, যেমন ট্রুপ মুভমেন্ট, গ্রামের সাধারণ লোকের কাছ থেকে তা লুকিয়ে রাখা যায় না। হাজী সাহেব অবশ্য জবরদস্ত সাপ্লায়ার। কিন্তু তিনিও তো মুরগী, আগু কিনবেন গায়ের চাষা-ভূষার কাছ থেকে। শাক-সব্জী, এক কথায় যাবতীয় তাজা মাল ওয়াই বেচে। জেনারেল বলছিলেন ইয়োরোপের যে-কোনো কেউনমেন্ট থেকে দাত্র এক হাজার সৈন্য সরালে, সেও অতিশয় গোপনে, তবু আশ-

পাশের গাঁয়ের লোক সেই সন্ধ্যায় 'পাব'-এ বসে সঠিক নম্বরটি বলে দিত—একে অঙ্কের বিক্রির পরিমাণে খবর বদলাবদলি করে। এবং করেও।

হাজী তো তার মতের সমর্থন পেয়ে খুশী। বাকী পাঁচজনও গাজ্জব মানলো। আর যে-সব কলকাতার সোমাইটি লোডজ্জ দেখেছে তারা, থানের নিমন্ত্রণেই তাঁরা এসেছেন আকছারই স্বামী বা কিরাঁনে সহ, তারা তাদের সঙ্গে পাল্লা দিয়েছেন গেলাস-কীন্ডে। হানি তো এক ঘণ্টা হয়ে গেল ছোট্ট একটা ব্রাঁণ্ডর আধখানাও শেষ করতে পারেন নি, ওদিকে হয়েছিল রাজার গল্প, যে সব গল্পের রাজা—সেটাতে দস্তানা ত তাদের অজানা সব তত্ত্বও যোগ দিতে পারেন।

আর কান্দি তবে গর্বভরে আগমানী ঘোড়ায় চেপে তামাম শহরটার উপর হাণ্ডরাং চকর মারছে।

খানামতিটিয়ে হাসছে। একবার হাত কচলাতে কচলাতে বললেও, “আমার বুধা প্রশংসা করবেন না। ঐকি আমি গড়ি নি। ইনি আমার ইস্কুলে পড়েন নি। হেঁ হেঁ!” কের মবিনয় ভাব, কেন মিছে লজ্জা দিচ্ছেন!

থানের প্যারা দোস্ত গোস্বামী সাস্ত্রনা দিয়ে বললেন, “তোমার প্রতি কোনো অবিচার হবে না; তোমার যা মগজের পরিমাণ সে-টুকুন দিয়ে ঐ সেই চাবার কবরেজী বড়াও হয় না। কিন্তু মোদ্দাটা হচ্ছে এই; আমরাও বই পাড়ি, মাঝে মাঝে গুরুগম্ভীর ত্রেমাসিক, বিলিতি লিটরার সাপ্লিমেন্ট—অবরে সবরে। তার কিছুটা মনেও গাঁথা হয়ে যায়। কিন্তু কই, সঠিক মোকায় তো সেগুলো কাজে লাগাতে পারিনে। ওদিকে দেখ, বেগম সাহেবা যে ছ’ চারটি কথা কইলেন তাতে তাঁর গভীর তত্ত্বজ্ঞান, গভীরতর স্বাধ্যায় তো ধরা পড়লই, কিন্তু কি অলৌকিক মোকা মার্কিক সে গুলোর প্রয়োগ! দেশ—অর্থাৎ পার্টিতে গল্পগুজোব হচ্ছে এটা

রয়েল সোসাইটির মীটিং নয়। পাত্র—আমরা অর্ধশিক্ষিত, ফুটির চিড়িয়া, তুহুপারি ভিন্ন ভিন্ন ধান্দায় চরে বেড়াই, আমরা রিসার্চ করিনে। এবং সর্বশেষে সব চেয়ে ইম্পটেন্ট—কাল, অর্থাৎ টাইমিং। মিঞা সায়েব বা হাজীর বক্তব্য শেষ হওয়ার বহু পূর্বেই তিনি ঠাহর করে নিয়েছিলেন, নলটা চলেছে কোন্ দিকে। যে-কোনো মুহূর্তে ইন্টারাপ্ট করে—দেখেছো কোনো মেয়েছেলে করে যার এ-অভ্যাসটি নেই এবং সেটাতে তাদের হক আছে—তঁার বক্তব্য তিনি বলতে পারতেন। না, তিনি অপেক্ষা করে রইলেন। যতক্ষণ না আমাদের মন তৈরী হয়, তাঁর প্রত্যেক শব্দ যেন আমাদের প্রত্যেকটি ব্রেন-সেল্‌এ-পুরো মাত্রায় আঘাত দেয়। এই অসাধারণ গুণটি বড়ই দুর্লভ, হে খান, বড়ই দুর্লভ।”

শিপ্রা চলে গেছে খাবার তদারকীতে—আজ এদের সকলের দাওয়াৎ, তাদের ফ্রেণ্ডস এ্যাণ্ড এনিমিজ সহ।

আপন আপন গেলাস নিয়ে সবাই ডাইনিং রুমে এলেন।

শিপ্রা লক্ষ্য করলে, হাজীকে সে তার পাশে বসালে এবং আর পাঁচজনের গাল গল্লে কান না দিয়ে ডিনারের প্রায় অধিকাংশ সময়টা গম্ভীর মুখে গুজুর গুজুর করলে। অবশ্য টেবিলের কায়দা মেনে মেনে। শিপ্রা তো প্রায় সেই বোল বছর থেকে হোস্টেস। ওদিকে গল্প করছে, শুনেছে মনপ্রাণ দিয়ে যেন অত্ন দিকে কোনো খেয়ালই নেই, ওদিকে তার চোখ তো চোখ নয়, বন্দুক। প্রত্যেকটি গেস্টের প্রতি বন্দুকের অব্যর্থ নিশান। প্রত্যেকের মনে ধারণা হল শিপ্রা যেন একমাত্র তাকেই খেতে ডেকেছে আর সামনে বসে বাড়ছে। ক্রীহারি ও সখীগণ সহ ক্রীরাধা যখন চক্রাকারে নৃত্য করতেন, তখন ক্রীরাধা তো কথাই নেই, প্রত্যেকটি সখী দেখতেন তাঁরই পাশে পাশে কেউ-ঠাকুর নেচে চলেছেন।

ডিনারের পর সবাই বিদায় নিলেন। রাত্রি তৃতীয় ষামে পৌঁচেছে। কৃষ্ণপক্ষের চাঁদ উঠি উঠি করছে।

বিদায় নেবার সময় মিঞা সাহেব শিপ্রাকে বললেন, “এটা মহরমের মাস। ইয়েহিয়া কটর শীয়া। সুন্নীরা মহরম মাস পবিত্র বলে স্বীকার করে বটে কিন্তু শীয়াদের কাছে মহরমের মাহাত্ম্য সর্বাধিক—এমন কি দুই ঈদের মাস বা রোজার মাসের সঙ্গেও তার তুলনা হয় না। এই পবিত্র মাসে ইয়েহিয়া খুন খারাবী আরম্ভ করবে কি? কি জানি।”

শিপ্রা শুয়ে পড়েছে। ঘরে আলো জ্বলছে দেখে দরজার সামনে একটুখানি সামান্য নড়াচড়া করতেই শিপ্রা ডাকলো, “এসো।”

একটা চেয়ার টেনে পাশে বসতেই শিপ্রা বললে, “আঃ! এই তোমাকে পেলুম এখানে আসার পর থেকে একলা। ভিড়ে তোমাকে আমি হারিয়ে ফেলি। কীই বা ভিড় ছিল আজ। কিন্তু আমার মনে হচ্ছিল যেন হাজার হাজার লোকের মেলা—আর তোমাকে হারিয়ে ফেলেছি, খুঁজছি—বার বার।”

শিপ্রার প্রসন্নতা দেখে কীর্তি সাহস সঞ্চয় করে বললে, “হাজীকে শুধোচ্ছিলুম তিনি কুমিল্লা আগরতলা এত ঘন ঘন মাকু মারেন কি করে। হাজী, তুড়ি মেরে বললেন, ‘ভতো ডালভাত। আমার তিনটে ভিন্ন ভিন্ন নেশনালিটির তিনখানা পাসপোর্ট আছে। যখন যেটার দরকার হয় তাই দিয়ে চালাই। যদিহুতা নিতাহুই আর্জেন্ট কাজ থাকে তবে বর্ডার চেক পোস্ট-এর লোকগুলোকে একটুখানি ইশারা দি। ব্যাস্। বোতলটা বাতলটা, বউয়ের জন্তু জবাকুসুমটা ছেলের জন্তু ইনস্ট্রুমেন্ট বক্সটা এ-সব তো আমি প্রায়ই সগুগাত দি, পাসপোর্ট থাকলেও। আর তার চেয়েও জলদির মামেলা হলে কালোয়। যে-সব পথ-বিপথ দিয়ে টেঙুপাতা যায়, স্তপুন্নি আসে। তার সব-কটা আমার নখাত্র দর্পণে।’ আমি শুধালুম, ‘আমাকে বর্ডার অবধি দেখিয়ে নিয়ে আসতে পারবেন?’ হেসে বললে, ‘আমি রাতারাতি আপনার কাগজপত্র তৈরী করিয়ে কালই খাস

কুমিল্লায় আপনাকে নিয়ে যেতে পারি। কিন্তু এখন পাকিস্তানে যাওয়াটা নিরাপদ নয়। তবে বর্ডার অবধি—সে তো হেসে খেলে। কালো পথগুলোও দেখাতে পারি। তবে মোটর ছেড়ে এদিক ওদিক খানিকটে হাঁটতে হবে।’

তুমি যদি অনুমতি দাও, তবে একবার বর্ডার পর্যন্ত হয়ে আসি। প্লীজ।”

“খানকে বলেছ?”

“হ্যাঁ, সে সঙ্গে সঙ্গে বললে, তোমার অনুমতি নিতে।”

শিপ্রা চিন্তা না করেই বললে, “তবে যাও। তোমার কোনো ইচ্ছার বিরুদ্ধে আমি প্রতিবন্ধক হবো এ-পরিস্থিতিটা আমি কল্পনাই করতে পারিনে। এবং আমি জানি, তুমি গোয়ার নও—খামাখা বিপদ ডেকে আনবে না। আমার মনে হল হাজী পাকা লোক। তুমি গাইড পেয়েছ সর্বোত্তম।”

কীর্তি বললে, “আর ষণ্টা ছ’স্তিন পরেই হাজী গাড়ি নিয়ে আসবে। তুমি কিন্তু তোমার কাঁচা ঘুমটি নষ্ট করো না। আমরা হুপুরের আগেই কিরব।”

“আমাকে একটা চুমো দাও।”

চিরকালই শিপ্রার ঘুম ভাঙে পাশের মসজিদের ভোরের আজানের সঙ্গে সঙ্গে—সারা রাতের পাটি থেকে ফিরে যত ভোরের মুখেই শুতে যাক না কেন? আজও দেখতে পেল হাজীর মোটরের হেডলাইট, শুনে পেল বারান্দা দিয়ে কীর্তির এগিয়ে যাওয়া, কিন্তু বেরুল না।

সকালে খানের সঙ্গে ব্রেকফাস্ট খেতে খেতে শুধলো, “আজ তোমার পাটি কখন শুরু হবে—মোটামুটি।”

খান ইতস্তত করে বললে, “তুমি যদি অনুমতি দাও তবে আমি একটু কাজ সেরে আসি। মাত্র ষণ্টা ছয়েকের কাজ। এই

ডামাডোলের বাজারে কিছুটা ব্যবসা গুটোতে হবে কিছুটা গুছোতে ।
নইলে যেতুম না ।”

“বা রে, যাবে না কেন ?”

আরাম পেল খান । বললে, “আর শোনো, যে ইংরেজ বাড়িটা
বিক্রি করে সে তার বেশীর ভাগ বই ম্যাগাজিন রেখে গিয়েছে ।
বিলইয়ার্ড রুমের পাশের কামরায় । ইনট্রেন্সটিং কিছু পেয়েও যেতে
পারো ।”

কামরায় ফিরে দেখে, আয়া জরাজীর্ণ এক প্যাকেট তাসের প্রায়
সব ক’খানা কার্পেটের উপর পেতে গভীর মনোযোগ দিয়ে দেখছে, কি
যেন হিসেব করছে আর বিড়বিড় করছে আপন মনে ।

হঠাৎ শিপ্রাকে দেখে চরম লজ্জা পেয়ে হস্তদস্ত হয়ে তাসগুলো
এক ঝটকায় তুলে নিল । মাথা নিচু করে বার বার মাক্ চাইলে ।

শিপ্রা সেদিকে যেন কানই দিল না । বরঞ্চ বললে, “তা
খামলে কেন ? কি খেলছিলে, পেশেন্স্ ?”

একটু হিম্মৎ পেয়ে তার খিচুড়ি ভাষায় বললে, “না, মিসি
বাবা । আমি তাস থেকে দেখছিলুম, কি কি হবে, মানে কি সব
ঘটবে—”

“ফিউচার ?”

“রাইট, মিসি বাবা । আর ভাগ্য গণনা । ছোটো প্রায় একই ।
আমি যে মেম সায়েবের কাছে বাচ্চা বয়েস থেকে জোয়ানী তক্
নোকরি করেছি, তিনি আমার তাসের বহুত কুছ খেল শেখান ।
আমার সঙ্গে রোজ ছপূরে খেলতেন । আমি ভেবেছিলুম, আপনার
পায়ের শব্দ শুনতে পেলেই তাস ঝটপট তুলে নেব । বেয়াদবী
মাক্ করুন । আমি একদম মশগুল হয়ে গিয়েছিলুম ।”

“কাট্ ছাট্ আউট ! কোনো বেয়াদবী হয় নি । তা মশগুল
হবার মত কি পেয়েছিলে ?”

গভীর স্বরে ব্যাপারটার গুরুত্ব বোঝাতে চেষ্টা করলো । বললো,

“এই যে সবাই ভাবছে ফিন্সে লড়াই শুরু হবে কি না, এক দফা জেমা ছয়া, সেইটে হবে কি না? মেম সায়েব বলতো, আমি পাহাড়ী—সাদা-দিল গুরু। আমরা নাকি ওদের চেয়ে ঢের ভালো ফিউচার দেখতে পারি।”

শিপ্রা একটা বইয়ের পাতা ওলটাতে ওলটাতে অলস কৌতূহলে শুধলো, “কি দেখলে?”

পাহাড়িনী জরুজ্বল করে বললো, “সব আন্ধেরা, আন্ধেরা। এসা বড় একটা হয় না। ফিন্সে দেখি” তাস শাকল করে শিপ্রার কাছে নিয়ে এসে বলল, “টোকা দীজীয়ে। তা হলে উয়োঠো হোগা আপকা গিন্না।” শিপ্রা লক্ষ্মী মেয়ে। তুরন্ত টোকা দিলে।

ইংরেজের ছেড়ে যাওয়া বইয়ের ভিতর সে পেয়েছে ইংরেজ লেখক উইলিয়ম মেকপীস থ্যাকারে ও সিলেট নিয়ে একখানা মোটা বই। তার জানা ছিল থ্যাকারের জন্ম হয়েছিল কলকাতায়। এই বইয়ের যে ক’খানা পাতা উন্টিয়েছে তাতে মনে হল লেখকের অল্প কোনো একটা নূতন গবেষণাপ্রসূত মতবাদ আছে। অবশ্য এটা গ্রন্থ, থ্যাকারের পিতা সিলেটের সর্বময় কর্তা ছিলেন কিছু কাল। শিপ্রার চিন্তাধারা চললো অল্প দিকে। থ্যাকারে কি এ-সব মাছোজাছোতে বিশ্বাস করতেন? কিপলিং। আজকাল তো বিস্তর হাঁপ করে।

আয়া গভীরতম মনোযোগ সহকারে এক একখানা করে তাস ফেলে, আর আপন মনে বিড়বিড় করে। এমনই বাহুজ্ঞান-শূণ্য যে শিপ্রার প্রশ্ন প্রথমটার তার কানেই ঢোকে নি। সংবিতে ফিরে বললে, “বোটালা, ফিন্সে খোটালা! এই তো দেখুন, বার বার পর পর তিনবার পাঞ্জা এসেছে! তো নিকলা, এক তরফমে পাচঠো আদমী। তার বাদে দেখিয়ে, ছুটো দস্‌সা এসেছে। লাখ লাখ আদমী লোকন মুশকিল আছে ইনকা। বোহৎ

মুশকিল—দোঠাই কালা দস্মা। লেकिन উয়ো পাঁচঠো কিয়া ?
তিন বার আয়া। পেহলাই।”

শিপ্রা অনুমান করলো, দেশের তাসগুলোকে আয়া জনতা হিসেবে নিয়েছে। কথায় বলে ‘দেশের মুখ খোদার তবল’, এরই জ্বব্ব লাতিন ‘ভক্স পপুলি, ভক্স দেস’ দশজনের গলা ঝগরের গলা অতএব ‘দেশের তাস’ পপুলি, পাবলিক, জনারণ্য অর্থাৎ আওয়ামী লীগ। কিন্তু তাদের বিপক্ষে আয়া প্রত্যাশা করেছে টেকা, কিংবা বাদশা অর্থাৎ ইয়েহিয়া। এসেছে পাঞ্জা। পঞ্চ আব্? পাঞ্জাব? হঠাৎ তার মনে পড়লো, লারী বলেছিল মির্জাকে, অনেকেরই বিশ্বাস, ইয়েহিয়ার তথাকথিত সমর্থক যে মিলিটারি জুন্টা আছে তারা সংখ্যাগ পাঁচ এবং আসলে ওদের আদেশে ইয়েহিয়া গুঠ বস করে। শিপ্রা আপন মনে হেসে উঠলো। ‘ধর্মরাজের’ পশ্চাতে ‘পঞ্চপাণ্ডব’। না তাহলে ইয়েহিয়াটা সাইকার। আয়াকে এই ‘পাঞ্চজ্ঞ’ তাসের মাহাত্ম্য বোঝাতেই সে আনন্দে ফেটে পড়ে আর কি! বার বার বললে, পুরানা মেম সায়েবের চেয়ে মিসি বাবার নজর বহুৎ দূর দূর যায়, কাঁহা কাঁহা মুল্লুকে। বেকুল পর পর কুইতন আর ইক্সাপনের টেকা।

শিপ্রা, আয়া দুজনাতেই একই ওয়াটারলুতে। পরাজয়। কোনো অর্থ বেরয় না।

ভারত, পূর্ব বাঙলার কটা লোক তখন জানতো, ইয়েহিয়া হারেমের পাটরানী হবার জন্ম চলেছে তখন জোর লড়াই। একজন কদা পশ্চিম পাকী—লোকে তাঁর নাম দিয়েছে “জেনারেল রানী”; অন্ম জন পূর্ব বাঙলার শামা, ডাক নাম রায়াক বিউটি।

এ-সব হোকাস পোকাসে শিপ্রার মত মেয়ের কোতূহল ছরস্ত বাচ্চার হাতে বেলুনের মত “দীর্ঘজীবী”। শিপ্রা পুস্তকের স্মৃগন্ধী বাগিচায় ডুব মারলো। আরব কবি বলেছেন, “পুস্তক সে যেন একটি বাগান, যেটাকে পকেটে পোরা যায়।” তারপর আয়ার ‘ভবিষ্যৎ দৃষ্টি’র কলাকল শিপ্রার কানে আর যায় নি।

শুধু একবার শুনলো, “মুজীব। সঙ্গে সঙ্গে এলেন হরতনের বিবি—মুজীবের বীবি। তার বাদেই পর পর ছটো কালো গোলাম। ভেরি ব্যাড্, ভেরি ব্যাড্। উনি বন্দী অবস্থায় গোলামদের পাহারায় থাকবেন কয়েকমাস।”

আয়া যখন শেষটায় সব তাস গুটিয়ে নিল তখন হাই তোলায় আভাসটা হাত দিয়ে চেপে শিপ্রা শুধলো, “হরদরে কি দাঁড়ালো?”

আয়া ভদ্রতা জানে। বললে, “বড় খারাব তাস—এক্কে বাদ দুসরা। লেফিন এদের নসীব ঔরভী খারাব হত যদি না মিসি বাবা টোক দিতেন। সব্কে সব্ বদ কিস্যৎ। সঙ্কলের কপালে ছুৎ। তসল্লী (সান্ত্বনা) বস ইয়েহ—ছুৎখের শেষে সুখ বেশী আখেরে।”

“তাহলেই হল”, আনমনে বললে সে।

আয়া শুধলে, “আপনার নসীব দেখবো?”

“প্লীজ ইয়োরসেল্‌ক্।”

এবারে পুরো তাসে টোকা মারলে আয়া নিজেই। শিপ্রা আবার তার “বই-বাগানে” হেথা হোথা ঘুরতে লাগলো। বাগানটা কিন্তু তেমন আ মরি আ মরি করার মত নয়। যদি সিলেটী বান্ধবী বিল্কিসের সঙ্গে দেখা হয় তবে বইটার কথা তাকে বলবে? কিন্তু কোথায় কোন্ গ্রামাঞ্চলের জমিদার বাড়িতে হল তার বিয়ে। আবার দেখা হবার সম্ভাবনা কতখানি? হায়, শিপ্রা জানতো না, ত্রিপুরা পাহাড়ের উপর দিয়ে আসবার সময় সে যে-সব হাওর দেখেছিল তারই একটার পারে বিল্কিসদের বাড়ি, টিলার উপর, প্লেন থেকে ত্রিশ চল্লিশ মাইল মাত্র। পুনরায় ডবল হায়, হায়। জানা থাকলেই বা কি হত?

না, সে খুঁজতো এলোপাতাড়ি এবং ডাউন করতে পারতো না। কিন্তু তাতেও তো আছে সুখেছুখে মেশানো ছোট্ট একটি অল্পভূতির আবেশ।

আয়া যেন বসে বসে উল্লাসে নৃত্য করছে। এ-রকম একটার পর একটা নিরবচ্ছিন্ন খুশ-কিস্মতের তাস সে কভীভী দেখে নি। “আচ্ছা শাদী, আচ্ছ বাল-বাচ্চ—” ভুরু কুঁচকে বললে, “লেকিন্ কম।” মাত্র এই কটি কথাই তার কানে এসেছিল। বিলকুল বোগাস্! মুচকি হেসে ভাবলে, পাহাড়ীদের ভিতরও তাহলে আর্ধা গান্ধারী মাতৃকুল শ্রেষ্ঠা!”

অকস্মাৎ শিপ্রার খেয়াল গেল অকস্মাত্তর বেগে আয়া উপু হয়ে ছুহাত ছুবাহ দিয়ে সব তাস গুটিয়ে নিচ্ছে। শুধলো, কি হল? নিশ্চুপ।

শিপ্রা একটুখানি কাত হয়ে আয়ার মুখের দিকে তাকালে। সে ইতিপূর্বে বিস্তর মঙ্গোলিয়ান টাইপের পাহাড়ী মেয়ে দেখেছে, এবং লক্ষ্য করেছিল, এদের ভাব-পরিবর্তন মুখের উপর অতি সামান্য রেখা আঁকে, রং পালটায়। এখন দেখে, আয়ার মুখ যেন কালো হয়ে গিয়েছে—ছোট্ট বাচ্চা কাঁদবার আগে যে-রকম মুখ বিকৃত করে অনেকটা সেই রকম।

অবাক হয়ে শুধলো, “কি হল তোমার? খারাপ কিছু একটা দেখেছো? তুমি বড্ড সিম্প্‌ল। এ-সব কখনো কি সত্যি সত্যি কলে? না হয় আমাকে বলেই দেখো, আমি কি ভাবে নিই।”

“না পুছিয়ে মিসি বাবা।” বলা শেষ হওয়ার পূর্বেই, সেই কবেকার বাচ্চা বয়েস থেকে তার হাড়ে হাড়ে লোমে লোমে যে-সব ভদ্রতম দেশী-বিলিতি এটিকেট ঢুকে গিয়েছে, সেগুলো এক লহমায় ভুলে গিয়ে খাস পাহাড়ী মেয়ের মত ছই হাঁটুর উপর শাড়ি টেনে ভুলে ছুট দিল বাবুর্চিখানার দিকে।

শিপ্রা একটু মুচকি হাসলো। সামান্য তাসের হেরফের ভুলিয়ে দিলে সরলা পাহাড়িনীর পূর্ণজীবনের অভ্যাস, শালীনতা বোধ—অবশ্য আয়ারই মতে—সেটা অলঙ্ঘনীয় শালীনতা—, সামান্য ছুঁখানা তাস এক টানে তাকে নিয়ে গেল সেই ছুর্গম অন্ধকার গিরিগুহায়,

তার ভিতরটা এক লহমায় ভরে দিল যুগ যুগ সঞ্চিত তার পিতৃ
পিতামহ পূর্বপুরুষদের ভীতি দিয়ে—হিংস্র জন্তুর ভয়, ঝঙ্কা বিদ্যাতের
ভয়, ‘সভ্য’ বিদেশীর বন্দুকের ভয় এবং সব চেয়ে বড় ভয়—
পৈচাশিক প্রেতদৈত্যের দানবিক অট্টহাস্তের বিভীষিকা ।

সব জানে, সব বোঝে শিপ্রা কিন্তু তবু তার মনটা খচ্‌খচ্‌
করতে লাগলো ।

দ্বিতীয় খণ্ড

প্রথম অধ্যায়

কীর্তি কাঁপছে। অল্প কারো চোখে পড়তো না, কিন্তু শিপ্রার চোখ, ভালোবাসার চোখ সে-তো সব দেখতে পায়।

“কাঁপছো কেন?”

“কই আমি তো টের পাচ্ছিনে।”

“যাও, চান করে এসো, মাথার প্রত্যেকটি চুল পর্বন্ত ধুলোয় ধুলোয় সাদা, গেরুয়া।”

কীর্তির যে যাবার ইচ্ছে নেই, শিপ্রা খুবই টের পেয়েছে। কিন্তু সে চুপ করে রইল বলে কীর্তি বাধ্য হয়ে উঠলো।

শিপ্রা হল ঘরে এল। বাইরে রোদ তেতে উঠেছে বলে হাজী বসেছে খানের মুখোমুখি হয়ে। ছপুয়ের পূর্বেই কীর্তিরা ফিরে এসেছে। নির্ধারিত সময়ের অল্প পূর্বে অপ্ৰত্যাশিত এই আগমন মনে যে কি আনন্দ দিয়েছিল সেটা সকলের কাছে এতই অকিঞ্চিৎ যে সে সেটা কাউকে খুলে বলতে পারবে না—হয়তো একমাত্র কীর্তিই তার সামান্য কিছুটা অংশের মূল্য হৃদয় দিয়ে নিতে পারবে, কাঞ্চন যতই অকিঞ্চিৎ হোক না কেন সে কাঞ্চন। হলবাইনের ছবিতে উল্লসিত ব্যক্তির মুক্ত অট্টহাস্তের চেয়ে মোনালিসার মুহূ হাসি ঢের বেশী অর্থধারী, রমন্তময়। মোটরের শব্দ শুনেই সে তাই দ্রুত পদে গিয়েছিল বারান্দায়, যদিও প্রাণ চেয়েছিল ছুটে যেতে। কীর্তির ধূলিধূসরিত অঙ্গ বস্ত্র দেখে সে যত না বিস্মিত হয়েছিল তার চেয়ে ঢের বেশী হল তার চেহারার আকস্মিক এক অজানা পরিবর্তন দেখে। ইতিমধ্যে আয়ার ‘পত্রলেখার’ ভাগ্যগণনাজনিত খচখচানিটা এক মুহূর্তেই পেয়েছে লোপ—তার অজানাতে, এবং আবার ফিরে

এসে পূর্বাসনে বসবার জন্ত সেটাতে রুমাল বেঁধে “রিজার্ভড” হকের ‘ইস্টাশ্যে’ মেরে যায় নি।

“কি কি দেখলেন বলুন।”

হাজী বললে, “দেখার মত খুব বেশী একটা কখনো ছিল না, এখনো নেই। কিন্তু এখন, আজ ক’দিন যা দেখেছি সেটাই ইঙ্গিত দিচ্ছে ভবিষ্যতের অদেখা অনেক কিছুর দিকে।”

খান বিয়ারে চুমুক দিয়ে সিগারেট ধরিয়ে বিজ্ঞের মত বললে, “এতো সব সময়ই হয়। অদেখা জিনিস তো কোনো ইঙ্গিত দিতে পারে না—দেখা জিনিসই অদেখার ইঙ্গিত দেয়।”

শিপ্রা বললে, “যেমন সাহারার মাঝখানে দৃশ্যমান অন্তহীন বালুকা অদৃশ্য মৃত্যুর ইঙ্গিত দেয়, আষাঢ়ের ঘন বরষণ অদেখা পাকা ধানের ইঙ্গিত দেয়।”

হাজী বললে, “একশ’বার মানি। তুলনাহীন আর অতুলনীয় তুলনা দুটি শুনে আরো বেশী মানি। কিন্তু ব্যত্যয় এইখানে যে দেখার জিনিসগুলো পরিস্পর-বিরোধী অদেখার প্রতি ইঙ্গিত দিচ্ছে প্রতিপদে। একদিকে দেখুন ইমিগ্রেশন আইন মোটেই টলে হয় নি; অণ্ড দিকে লক্ষ্য করবেন যে সব কালতো লোক ইণ্ডিয়া থেকে আসছে—সবই হিন্দু—তাদের কোনো চেক করা হচ্ছে না। এরা ঠিক রেফুজী নয়। এমনিতে হয়তো এ-সময়টায় আগরতলায় মামা বাড়িতে আসতো না, এখন জাস্ট টু বী অন্ দি সেফার সাইড্। আমার মনে কণা মাত্র সন্দেহ নেই ইয়েহিয়ান বিস্তার গুপ্তচর কালো পথে এদিকে আসছে। ওদিকে দেখুন, ত্রিপুরা রক্ষা করার জন্ত কি কি গোপন মিলিটারি ব্যবস্থা করা হয়েছে জানিনে, কিন্তু পাবলিককে কি যথেষ্ট তৈরী করা হচ্ছে?”

খান হেসে বললে, “কিছু ভয় নেই, হাজী। অন্তত স্পাইদের নিয়ে চিন্তা নেই। পিণ্ডিতে আজ যা ঘটে দিল্লী কাল তা জেনে যায়। আমাদের খবর তারা জানতে পায় পরশু। স্টাইলটা একটু নবাবী কি না।”

হাজী বললে, “কিন্তু সব মিলিয়ে, ওভার অল্ পিকচার কারো আছে কি ? এই যে আজ কীর্তিবাবু আমার সঙ্গে মোটরে গেলেন, এস্তের ক্ষেত চষলেন, দেখলেন কটুকুন ? ত্রিপুরা তিন দিকে পাক্ বর্ডার। বলতে গেলে পাক-সমুদ্রের মাঝখানে যেন ইণ্ডিয়া-দীপাংশ। এর কতটুকু দেখেছি আমিই বা, আর কীর্তিবাবুই এক সকালে দেখবেন কতটুকু ?”

শিপ্রার কান পড়ে আছে, কীর্তির পদধ্বনির তরে। “এত দৌর কেন ? (ক্যাশনেবল মেয়ের মত তার কাছে বাথরুম ঠাকুরঘর, আর ঠাকুরঘর বাথরুম নয় তো)।”

হাজীকে সরাসরি শুধলো, “কীর্তি এত উত্তেজিত—না, এত বিচলিত, জাস্ট্ নট্ হিজ ওন সেল্ফ্ হল কেন ?”

আসমানের দিকে তাকিয়ে হাজী বললে, ‘জানেন আল্লা পাক। আমাকে খান কতবার বলেছে, কীর্তির মত “হা’পি-গো-লাকি-কেলো’, হেল্-ফেলা-উয়েল-মেট হয় না। ছুনিয়ার হাল-হালৎ সম্বন্ধে আস্ত একটি পরমহংস। প্যাখনার উপর ছুশ্চিন্তার ফৌঁটাটি পর্যন্ত জিরিয়ে নেবার ফুরসৎ পায় না। আর আজ ? বর্ডারে পৌঁছে কি যে হল, বুঝতে পারলুম না। আমি যা যা দেখেছি তিনিও ঐ সব দেখেছেন তবে, হ্যাঁ, আমি যে অদৃশ্যের প্রতি অলক্ষ্য ইঙ্গিতের কথা বলছিলাম সেগুলোতে আমি, ওয়াটসন, দেখেছি চায়ের পিরিচ, উনি, হোম্স! দেখেছেন ফ্লাইং সসার্। তবে হ্যাঁ, মোটর মেরামতিতে আমি যখন ব্যস্ত তখন তিনি গামছা পরা-গামছা-কাঁধে কয়েকটা নিতাস্ত দীন-ছুখীর সঙ্গে মিনিট কয়েক কথা কইলেন। কিন্তু কখন যে তাঁর গায়ে অল্প অল্প কাঁপন লেগেছে সেও আমি বুঝতে পারি নি—মোটরের ঝাঁকুনিতে। কথা এমনতেই তিনি বলেন কম, আর আমার নিজের বকর বকরের ঠেলায় নিজে আমি নিশ্চিতি রাতে অগ্নি ঘরে গিয়েই শুই। কিন্তু এতে চিন্তিত হবার মত কিছু নেই আয়েম শোয়। আর আপনাদের তো সব কিছু বলবেনই—একটু

ঠাণ্ডা হলে পর। আমাকেও উনি কিছু পর ভাবেন না। আমাকেও বলবেন। নইলে আমাকেই বা বেছে নিলেন কেন গাইড হিসেবে—কোনো প্রকারের লৌকিকতা না করে?”

শিপ্রা বললে, “এ কথাটা ঠিক। আপনাকে সে একটা অতি তালেবর খালিফে লোক ঠাউরেছে। আচ্ছা, আমি এখন উঠি। জয়েন ইউ লেটার—টা টা।”

ঘরে গিয়ে খাটে শুতে না শুতেই চিরুনি নিয়ে আয়া হাজির। খানিকটে আঁচড়াবার পরই কীর্তি দরজার কাছে এসে দাঁড়ালো। আয়া বললে, “একটু পরে আসছি মিসি বাবা।”

কীর্তি সোজা ড্রেসিং টেবিলের টুলটা টেনে এনে বসল। শিপ্রার হাত-ছুটি আপন ছ’হাতে তুলে নিয়ে বললে, “তুমি আমার একটা অনুরোধ রাখবে?”

শিপ্রা তার হাত ছাড়িয়ে তুলে নিল কীর্তির হাত। তার উপর ভেজা চুমো খেয়ে বললে, “আমার তিন তিন বারের সত্য তুমি ভুলে যাও নি, আমি জানি। বলো।”

“তুমি কালই শিলঙ চলে যাও। সেখানে আমি আসছি সপ্তাহ খানেকের ভিতর। শিলচরে একদিনের জন্তু নেমে করিমগঞ্জ বর্ডারটা দেখে নেব। তারপর শিলঙ এসে তোমাকে নিয়ে ডাউকি বর্ডার দেখতে যাবো। কাল যাবে শিলঙ? এখন ঐ জায়গাটাই সবচেয়ে নিরাপদ।”

“নিশ্চয়ই। কিন্তু নিরাপদ বলে নয়। তোমার ইচ্ছে, তাই।”

শিপ্রা লক্ষ্য করলো, এখন কীর্তি আগের মত একটানা কাঁপছে না। মাঝে মাঝে, যেন অল্প নড়ে উঠে। শিপ্রা স্থির করেছে কীর্তিকে এখন কোনো প্রশ্ন জিজ্ঞাসা করবে না। সে নিজের থেকেই বলবে, একটু পরে।

“আমি প্লেনের টিকিটের কথা হাজীকে বলে এখখুনি আসছি।”

ফিরে এসে বললে, “যাক্। বাঁচালে। ওরা অন্তত এটুকুন বুঝেছে, তোমার চলে যাওয়াই ভালো।”

যেই না ঐ কথাটি বলেছে অমনি তার মনের দরজা কে যেন হঠাৎ লাগি মেরে খুলে দিল।

প্রথমটায় দ্রুতগতিতে, যেন পাঠশালে ছেলে “পাখী সব” আবৃত্তি করছে, কারণ কি ভাবে তার সমস্ত বক্তব্যটা শিপ্রাকে গুছিয়ে বলবে সেটা সে ঘণ্টা তিনেক ধরে মুশাবিদা করেছে ঘুরিয়ে ফিরিয়ে বার বার—বাধক্রমেও খসড়াটা আদালতী “ইন্সপেক্টর কাঠামোতে তোকাতে গিয়ে বিস্তর ধস্তাধস্তি করতে হয়েছে। সেটারও প্রথম ইমপটেন্ট হাক হয়ে গেল আদালতের প্রিমা ফাশিতে উলট্রা ভিরেস্। ব্রিজ খেলায় যাকে বলে ভিয়েনা গ্যামবিট্। কীর্তি ধরে নিয়েছিল, শিপ্রা তাকে ফেলে শিলঙ যেতে রাজী হবে না এবং সেটাকে নাকচ করার জন্তু তাকে সত্য এবং অর্ধসত্য যুক্তিতর্ক পেশ করতে হবে। পয়লা হাক্ বিলকুল বরবাদ হয়ে গেল—কারণ শিপ্রা প্রস্তাবনার সঙ্গে সঙ্গেই কেতাবের ইনডেক্‌স্ পর্যন্ত মেনে নিল। এতে করে হয়ে গেল তার কুলে মুশাবিদা টালমাটাল। কিন্তু ধূয়োটা রইল ঠিক। সেটা পাঠক চেনেন। কীর্তিনাশ এ-স্থলে কীর্তিমান। শব্দটি “অপদার্থ”।

গড় গড় করে বলে যেতে লাগলো, “সব চেয়ে ভালো করে তুমি জানো, আমি অপদার্থ। আমি নিজে জানি সেটা তোমার চেয়েও বেশী। আজ হঠাৎ, দয়াময়ের অসীম করুণায়—দাঁড়াও ঠিক হল না, নির্ভুর সম্মানসহ’ এই অপদার্থের সামনে বিদ্যালৈখ্যার সর্বোজ্জল, আলোক উদ্ভাসিত করে দিলেন, এবং শিশু যে-রকম মাকে খুঁজে পায়—এ তুলনাটা তোমার কাছ থেকে শিখেছি, গুরু,—অন্ধকারের শিশুর নৈসর্গিক জ্ঞান পন্থা সহ আমি সব-কিছু স্বচক্ষে আলোকিত প্রকৃতির সামনে মুখোমুখি দাঁড়িয়ে আমার মাকে খুঁজে পেলুম এবং দেখে নিলুম্।

কাল রাত্রে যে-সব আলোচনা হচ্ছিল সেটা সম্পূর্ণ ভুল আশঙ্কা নিয়ে নয়। সেটার প্রধান,—এবং যার চেয়ে অধিক গুরুত্ব ধরে তার অসম্পূর্ণতা—সর্পকে তারা মানবিক বুদ্ধির অক্ষম চন্দ্রালোকে রঙ্কু বলে ভ্রম করেছে, স্বয়ং যমকে যমদূত বলে ধরে নিয়েছে এবং সেই সম্পূর্ণ ভ্রান্তিমূলক স্বতঃসিদ্ধ থেকে যাত্রারস্ত্র হয়েছে বলে তাদের আলোচনার দিক নির্ণয় করা হল যে-সত্য স্বয়ং প্রত্যক্ষ তার সঙ্গে সমাস্তুরাল রেখা ধরে নয়, আলোচনার পথে চলে গেল টেন্‌জেনট-এ, কোনো কেটে এবং আলোচনা যতই অগ্রসর হতে লাগলো তার দূরত্ব প্রত্যক্ষ সত্যের দৃঢ়ভূমি থেকে বাড়তে বাড়তে বাস্তবতাহীন অন্তরীক্ষে অদৃশ্য হল।

কারণ এরা যমকে যমদূত, মহামারীকে ছিটেফোঁটা পেটের ব্যামো, ইয়োবোপীয় ব্ল্যাক ডেথুকে সাময়িক মূর্ছা বলে ধরে নিয়েছে।

শিপ্রা বললে, “তোমার কাছে যেটা সত্যরূপে আবির্ভূত হয়েছে, তুমি সেটাকে স্বয়ং প্রত্যক্ষ উপলব্ধি করেছ সেটা আমি উপলব্ধি না করেও সর্বান্তঃকরণে স্বীকার করে নিচ্ছি—যে কর্ম ইতিপূর্বে আমি কখনো করি নি—কারণ এখন তোমার ধর্ম আমার ধর্ম। তোমার এ উপলব্ধি ধর্মজাত।” সত্যকার কৌতূহল সহ উঠে বসে শুধলো, “তোমার কথা থেকে মনে হল শুধু ইনসটিনক্ট বা ইনটুইশন দিয়ে তুমি তোমার সত্য উপলব্ধিতে পৌছও নি। খুলে বলো অস্ত্র কিছু আছে কি?”

“আছে। কিন্তু সেটা খুদ প্রত্যক্ষ উপলব্ধি নয়, কি যেন, কে যে আমাকে ধাক্কা মেরে সেই দিকে এগিয়ে দিলে।

গামছা-পরা গামছা-কাঁধে আপাতদৃষ্টিতে গরীব ছুটি চাষার সঙ্গে আজ আমার আলাপ হল।”

শিপ্রা বললে, “হাজী বলছিল বটে।”

হাজী সত্যই সব কাজের, সন্ধিস্থলুকের কাজী। কিন্তু আজ সেও ভুল করেছে—অবশ্য সেটা যমদূতে যমে ঘুলিয়ে ফেলার মত

অতথানি দূর পার্থক্য ধরে না। ওরা ছ'জনাই উচ্চ মধ্যবিত্ত শ্রেণীর উপার্জনক্ষম শিক্ষিত যথেষ্ট সচ্ছল, শিক্ষিত ভদ্রসন্তান। একজন হিন্দু, অগ্ন্যজন তার প্রতিবেশী মুসলমান। রাজশাহী থেকে ওদের নামধাম বর্ণনাসহ মিলিটারি হুলিয়া বেরিয়েছে মোটা পুরস্কারের প্রলোভনসহ। যদিও মিলিটারি পূর্ব বাঙলার পুলিশকে আর বিশ্বাস করে না—এ তত্ত্বটা এই আমি প্রথম শুনলুম—তাদের ঘাঁটিতে ঘাঁটিতে ও ব্যত্যয় হিসেবে ওদের নামের হুলিয়া পাঠাচ্ছে। আর খুদ মিলিটারি তো জীপে করে ওদের সন্ধানে উত্তর বাঙলাটা চষে বেড়াচ্ছেই।

অপরাধ? কাল রাত্রে আমাদের পার্টিতে যে সিদ্ধান্ত স্বীকৃত হয়েছিল সেটা ঠিক। ছোট বড় সব মিলিটারি ঘাঁটিতেই কমান্ডান্টরা সেপাইদের চৌকিবে রেখেছে লুটপাট, অবিচারে থাকে তাকে গুলি করে মেরে বাদবাকিজনদের হৃদয় মনে আতঙ্কের বিভাবিকা সৃষ্টি করে তাদের ক্রীব করে দেওয়া, এবং নারী হরণ করে ঘাঁটির ভিতর এনে রপেল নিমাণ করা।

রাজশাহী একমাত্র ব্যত্যয়। কেন, সে-কথা শুধোবার কথা মনে ছিল না।

এই মার্চের প্রথম সপ্তাহে সেখানে দিবা দ্বিপ্রহরে পাঞ্জাবী সেপাই তাদের ভজলোক প্রতিবেশীর ছুটি মেয়েকে ধরে নিয়ে যায় ছাউনিতে, বাড়িতে অগ্ন্যানু অত্যাচার করার পর। এই দুই পলাতকের একজন তখন অগ্ন্যজনকে ডাক দেয়। একজন বাইসিক্ল চালাল, অগ্ন্য জনের হাতে মার্কিন ডিজপোজেলের ক্যাম্পকটের খোল—মোস্ট হার্মলেস লুকিং।

ভাবতে গায়ে কাঁটা দেয়, কী ছঃসাহস! এ-তো সজ্জানে অবশ্য যুদ্ধের মুখের দিকে ধাবমান হওয়া। এগোলো ছাউনির দিকে, পুরো স্পীডে—সেপাইগুলো যাচ্ছিল পয়দল। শিগগীর দূর থেকে ওদের দেখতে পেল—সবশুদ্ধ ছ'জন। যতথানি অনুমান হল, তুলনাহীনা-১

সংজ্ঞাহীন মেয়ে ছটিকে রিকশায় বসে ধরে রেখেছে ছুজন সেপাই। রাজশাহীর প্রত্যেকটি গলি, প্রত্যেকটি কুঁড়েঘরও তারা চেনে আপন বসত বাড়ির গলির মত। একটুখানি ঘুরতি পথে জোড়া সাইক্ল চালিয়ে তারা একটা অতি সরু আঁকাবাঁকা গলির মুখে পজিশন* নিয়ে অপেক্ষা করল। শয়তানগুলোর জন্ত। কী আশ্চর্য! অবস্থার ফেরে দুই শতাধিক বৎসর ধরে সংগ্রামে সম্পূর্ণ অনভিজ্ঞ শ্রেণীও কি বরফ হঠাৎ ইনস্ট্রাক্টিভলি সর্বোত্তম মিলিটারি টেকটিক এ স্থলে কি হবে সেটা সরাসরি উপলব্ধি করে ফেলেছে।

রিকশা ছটোকে তো এগিয়ে যেতে দেবেই। তারপর গেল আরো কয়েকজন। সকলের পিছনের দুই না-পাকীকে এদের একজন ছটো কাভার্জ দিয়ে ঘায়েল করলো। প্রথম ছুজনকে গুলি করলে পিছনের সবাই গলিটার মুখের দিকে এগিয়ে আসছে বলে সঙ্গে সঙ্গে বুঝে যেত কারারিং হয়েছে কোন্ জায়গা থেকে। কিন্তু এই কুট পদ্ধতির ফলে সামনের সব কটা সেপাইকে খাড় ফিরিয়ে দানান করতে হল, কারারিং কোনো বাড়ি থেকে, পাঁচিলের আড়াল থেকে, গলিটার এ-মুখ থেকে, না রাস্তার ক্রস করার পর গলির ও-মুখ থেকে। ওরা সঙ্গে সঙ্গেই ঢুকে গিয়েছে ছটো বাসা-বাড়ির টাট্টির মাঝখানের মেথরের পথ দিয়ে, খাটা পাইথানা চড়ে উসপার হয়ে, আরেক আঁকাবাঁকা গলি দিয়ে ঢুকলো একটা জীর্ণ বাসা-বাড়ির খিড়িকর দরজা দিয়ে।

গৃহস্থামী অর্ধপরিচিত। বুঝিয়ে বললে, 'আপনি যদি ঘুণাক্ষরেও

* কোজের কলাণে এখন বাংলাদেশের ক্ষুদ্রতম গ্রামের নিরক্ষরতমা চাষী মেয়েও 'পজিশন নেওয়া' কথাটার অর্থ ভালোভাবেই শিখেছে—হাতে কলমে। এরাই বাংলাে দিত 'পজিশন নেওয়ার' সর্বোত্তম স্থানটি কোথায়—গায়ের ভিতরে বাইরে, হাওরের ভাসমান 'দাম' সামনে রেখে তার পিছনে জলে কাঁধ অবধি ডুবিয়ে, চা-বাগানের টিলার সাহায্যে, চা-গাছের ঝোপের আড়ালে ইত্যাদি ইত্যাদি।

স্বীকার করেন আপনি আমাদের দেখেছেন—কথা কয়েছেন বললে তো কথাই নেই—তবে আপনিও নিস্তার পাবেন না।’ তার পর তাদের দামী পাতলুন বুশমাট বার্টার করে পেল তিনখানা গামছা—চারখানা ছিল না। উপদেশ দিলে ‘জামা পাতলুন উপস্থিত বাসন মাজার ডোবাতে ডুবিয়ে রাখুন—যদিও তার খুব একটা দরকার নেই, কারণ আমরা যখন মেধরের পথে ঢুকি, তখনো বাকী খানগুলো পিছন ফিরে গলির মুখ অবধি পৌঁছয় নি।’

বন্দুক তারা গোটা পাঁচেক খাটা পাইখানা পেরুবার সময় যেটা সবচেয়ে জঙ্গলে ভর্তি, নোংরা সেটাতে পুঁতে দিয়ে দ্বিতীয় গলিতে ঢোকে নিরস্ত্র নিরীহ নাগরিকের মত।

তখন তাদের সামনে একমাত্র সমস্যা, রাত্রে মত বা ছুদিনের মত আশ্রয় নেয় কোথায়? গামছা-পর্যন্ত অবস্থায় সঙ্গে দশটাকার একগুচ্ছ নোট রাখে কোথায়? ওদের কপাল ভালো, একটা বাড়ির সামনে দেখতে পেল কাটা মুরগীর রক্ত। খোঁড়াতে খোঁড়াতে গিল্লিমার কাছ থেকে ভিক্ষে চেয়ে নিলে খানিকটে হলুদ চুন আর গ্ল্যাকড়া। নোট কখানা পায়ে সাজিয়ে তার উপর বাঁধলো নোংরা গ্ল্যাকড়ার ব্যাগে। তার উপর মাখালো মুরগীর রক্ত, কোনো জায়গায় বা কিঞ্চিৎ হলুদ রক্তের সঙ্গে মিশিয়ে করা হল পুঁজের সাবস্টিটুট। এমার্জেন্সির জন্তু ছ’ ছ’খানা দশটাকার নোট ভাঁজ করে পিটে পিটে প্রায় কবজের সাইজে এনে, কলাপাতা দিয়ে মুড়ে, বেঁধে মাড়ি আর গালের মাঝখানে ছ’জনা ছোটো গুঁজলে।

রাত্রিটা কোথায় কাটানো যায়, এই তখন সমস্যা। এদের একজন উকিল। তিনি সঙ্গীকে বললেন, আদালতে সঞ্চিত তাঁর অভিজ্ঞতা মতে ‘ক্রিমিনাল মাত্রেয়ই একমাত্র ভরসা বেষ্টাবাড়ি। সেখানে যে-কোনো লোক ‘বনা কাইডি’ ক্লায়েন্টরূপে যেতে পারে। কোনো পুলিশ, সেপাই আর যা শুধোয় শুধুক, এ-প্রশ্নটা “তুমি

এখানে কেন ?”—সম্পূর্ণ অবাস্তব। ক্রিমিনালকে লুকিয়ে রাখা, আশ্রয় দেওয়া ওদের একটা সাইড প্রফেশন। কিন্তু এই গামছা-পরী লোক ছোটোকে আশ্রয় দেবে কি ? দেবে। যদি আগাম টাকা ফেলা যায়। উকিল তাই বুদ্ধি করে কিছুটা 'গালে পুরে রাখার ব্যবস্থা' করেছিল। মেয়েদের পাড়ায় বরাতজোরে তারা আশ্রয় পেয়ে গেল। থেয়া পেরুবার সময় নৌকো ডুবিতে ওদের জামাকাপড় ভেসে গেছে অজুহাতে মেয়ে ছোটো কতখানি বিশ্বাস করেছিল সেটা অবাস্তব। রোকা দশটি টাকা সর্ব অজুহাতের চেয়ে বড় যুক্তি।

রাত্রে মেয়েগুলো আমাদের মিলিটারি সম্বন্ধে তাদের অভিজ্ঞতা শোনালে। প্রথমেই আরম্ভ করলো, 'বলে ওরা নাকি মুসলমান। ডোম চাঁড়ালকেও ওরকম মেয়েমানুষ গিলতে আমরা ককুখনো শুনি নি। কোনো দিন আমাদের নিয়ে যেত ছাউনিতে,—সেখানে যা হত বলে কাজ নেই—নীলাটা তো মারাই গেল। পালাতে পারলে তো বাঁচ। আশ্রয় দেবে কে ? আর রোজ ঐ এক জিগর, ওদের সদর ভদ্রঘরের মেয়ে চান, আমরা জোগাড় করে দিলে মেলাই টাকা পাবো'। তারপর তারা প্রায়ই ঠা ঠা করে হেসে বলতো, 'মাস-খানেক পরে মুফতেই পাওয়া যাবে। টাকা থেকে খবর এলেই আমরা শুরু করবো সব-কুছ। একদিনেই ইন্সুল কলেজ থেকে এক ঝাপটায় নিয়ে যাবো সব কটা মেয়ে আর পাড়ায় পাড়ায় বাড়িতে বাড়িতে ঢুকে'।"

কর্তৃত্ব দম নিয়ে বললে, "ছই বন্ধু এ-কথাগুলো পুরোপুরি বিশ্বাস করেনি, কিন্তু আমি করি।

সপ্তাহখানেক ওদের লেগেছিল পাবনা পৌছতে।"

শিপ্রা শুনে, "ওরা অত দূরের পথ না নিয়ে পদ্মা পেরিয়ে ইন্সুল কলেজ গেল না কেন ?"

"ওদের কপাল। ওরা ভুল খবর পেয়েছিল, চাঁপাই-নওয়াব

গঞ্জ থেকে যশোর অবধি মিলিটারির কড়া পাহারা—অবশ্য সে-পাহারা মোতামেদন হয়েছে, সবে, সেদিন।

পাবনার পাশ দিয়ে যাবার সময় এক কনস্টেবল উকিলকে চিনে ফেলল। কিন্তু সে করলে সম্পূর্ণ অপ্রত্যাশিত আচরণ। ছুটে এসে তাকে কানে কানে বললে, উকিলের নামে ছলিয়া বেরিয়েছে। ...তখন জানতে পারলেন, পুলিশ আর কোঁজে তখন রীতিমত নিরস্ত্র লড়াই, পারলে ওদের আশ্রয় দেয়। পুলিশটাই ছ'জনাকে জেলে ডিঙিতে তুলে দেবার সময় বললে, “ঐ একটা মাত্র বাঁচাওতা রয়েছে এখনো। খানরা পানি বড্ড ভরায়। নৌকো দূরে থাক, লঞ্চে পর্বস্তু উঠতে চায় না।”

কীর্তি কথার মোড় ফিরিয়ে বললে, “এদের হাতে এখন মাত্র ছ'মাস সময়। পূর্ব বাঙলার এদিকটায় বিশেষ করে চেরাপুঞ্জির তলাকার সিলেটে বর্ষা নামে কলকাতার অনেক আগে। ছ'মাসেই কাজ গুটিয়ে নিতে হবে ওদের। তাই ওদের দণ্ড নেমে আসবে পূর্ব শিগগিরই এ-পারণাটা কাল রাত্রেই আমার হয়েছিল; আজ এরা আপন অজ্ঞানতে কনফার্ম করলে।

আরেকটা কথা; এরা বললে, সেই দূর রাজশাহী অঞ্চল থেকে এই আগরতলা অবধি বহুলোকের সঙ্গে তাদের আলাপচারী হয়েছে। একজন লোকও পায় নি যার ধারণা আছে, এবারে যে মিলিটারি জুলুম আসছে সেটা সম্পূর্ণ ভিন্ন প্রকারের। ওরা ধরে নিয়েছে, পঁচিশ বছর ধরে নানা রাজা, নানা প্রকারের খেল দেখিয়েছেন, এবারও সেটা হবে—বেশীর ভাগেরই অবশ্য উইশফুল থিঙ্কিং সমঝোতা হয়ে যাবে—সেটারও প্রকৃতি হবে একই রকমের। উনিশ বিশ হবে শুধু পরিমাণে।”

কীর্তি বললে, “ওদের ছ'জনাকে আমি তোমার কলকাতার ঠিকানা দিয়েছি।”

শিপ্রা একটু চমকে বললে, “তোমার প্রোগ্রাম কি?”

“যতটা বলেছি, ততখানি ঠিক আছে। আমি তোমাকে শিলঙে মীট করবো। তারপর কলকাতা যাবো। সেটার দিন স্থির করা তোমার হাতে। কলকাতায় ফিরে গিয়ে আমার কি হবে, আমি কি করবো সেটা আমার হাতে তো নয়ই, তোমার হাতেও নয়, খুব সম্ভব।”

শিপ্রা বললে, “ওদের ছুজনার নাম দাও তো। আমি শিলঙ থেকে রামাকে জানাবো, এঁরা যদি আমার কলকাতা ফেরার আগে আমার সঙ্গে দেখা করতে আসেন তবে যেন ওদের কলকাতার ঠিকানা ঠিক ঠিক লিখে রাখে এবং বলে আমি ফিরে আসা মাত্রই ওদের সঙ্গে দেখা করবো। ঠিক তো?”

“তোমাকে তো ককুখনো অঠিক কাজ করতে দেখি নি। আয়াকে ডাকবো? তোমার খোঁপাটা বেঁধে দিক। আমাদের একবার হলে যাওয়া দরকার।”

তারপর হঠাৎ চেয়ার ছেড়ে, দাঁড়িয়ে উঠে, মাথা নিচু করে শিপ্রার তরঙ্গে তরঙ্গে নেমে-আসা কুণ্ঠিত কেশদামে মাথা গুঁজে দিয়ে পরিতৃপ্ত নিঃশ্বাসে বুক ভরে নিল।

শিপ্রা এলো খোঁপায় পাক লাগাতে লাগাতে বললে, “চলো, ডার্লিং। হ্যাঁ, সৃষ্টিকর্তা এতকাল ধরে তোমাকে অপদার্থ, অকর্মণ্য করে রাখেন নি, তিনি তোমার ব্যাটারি চার্জ করছিলেন। এইবারে থেলো, থেলো, তব ভৈরবখেলো।”

শিপ্রা লক্ষ্য করেছে, কীর্তির কম্পন সম্পূর্ণ ধামে নি বটে, তবে যেটুকু আছে বাইরের লোকের চোখে পড়ার মত নয়।

দ্বিতীয় অধ্যায়

লাফ দিয়ে উঠলো হাজী। খনে ছ'হাত দিয়ে কপালের রগ চেপে ধরে করুণ কণ্ঠে গোঙায়, “গেলুম, গেলুম, আমায় ধরে তোল” পর মুহূর্তে ছ'হাত বুক চেপে ধরে গভীর পরিতৃপ্তির শ্বাস ছেড়ে বলে, “আঃ কী আরাম, এসো ক্ষুদ্রাম।”

শিপ্রা সোকাতে হাজীর পাশের জায়গায় বসে মুচকি হেসে বললে, “আমি একদম সোজা ঘোড়ার মুখ থেকে পাক্কায়েস্ট খবর পেয়েছি—তাও যে-সে ঘোড়া নয়, উত্তম স্কচ জাতীয় ‘হোয়াইট হর্স’-এর মুখ থেকে যে আপনি তিন বোতল ‘হোয়াইট হর্স’ গেলার পরও ঘোরঘটি অন্ধকারে পথ-বিপথ ঠাহর করে করে, কালোয় কালোয় বর্ডার ক্রস করতে পারেন। অতএব আপনি যে এই অতি ‘হল্ল’ সময়ের মধ্যেই জব্যপ্তনের প্রভাবে—”

“বিষাদে হরিষ, ম্যাডাম, হরিষে বিষাদ। এই মাত্র সেদিন আপনার আমার সঙ্গে সঙ্গে গোটা আগরতলাটা আলোয় আলোয় ঝলমল করে উঠলো। চোখ কচলালুম, ছ'চোখ ভরে আরো দেখব বলে, চোখ খুলতেই দেখি, গোখুলির ঘান আলো। আপনি গোখুলির ধূলি না ছুঁয়ে আপন ধুলো-পায়েই কিরতি পথ ধরেছেন। হবে না বিষাদ? আর আপনার সঙ্গসুখের আনন্দটাও কী বেআইনী কণস্থায়ী।

কিন্তু এ বিষাদেও, হর্ষ না হোক, আমি একটু স্বস্তির নিশ্বাস ফেলতে পারছি। উপস্থিত যা হাল তাতে গোটা পূব-পাকিস্তান এবং লাগোয়া আগরতলা কোনো প্রাণীর পক্ষে স্বাস্থ্যকর তো নয়ই বরঞ্চ আয়ুক্ষয়, এমনকি বায়ু নির্বাপনেরও যথেষ্ট যুক্তিযুক্ত সম্ভাবনা আছে।”

শিপ্রা গম্ভীর কণ্ঠে বললো, “পূর্ব পাকের আগুন আগরতলাতেও ছড়িয়ে পড়তে পারে, এই তো আপনার আশঙ্কা? তবে বউ বাচ্চাদের কথা ভাবছেন না কেন? দিন না পাঠিয়ে আমার সঙ্গে। ভাই খান, তুমি একটা কসম খেয়ে তাঁকে ভরসা দাও, প্লীজ, যে আমার বাড়িতে ওদের স্থানাভাব হবে না; আদরযত্নের ক্রটি হবে না। আমার মনে হয় আপনি এবং বাদবাকি বিবাহিত পুরুষের ৯৯% বড্ড ইরেসপনসিবল্—ঐ বিষয়টায় অন্তত।”

হাতজোড় করে হাজী বিনীত কণ্ঠে বললে, “আমি করজোড়ে স্বীকার করছি দারা পুত্র সম্বন্ধে কোনো প্রকারের দুর্ভাবনা আমার সুখনিজাটিকে কোনো কালেই রক্তিশ্রম জখম করতে পারে নি, কিন্তু ওদের নিরাপত্তা সম্বন্ধে আমি দশবছর পূর্বেই একটা ফৈসালা করে রেখেছি। অবশ্য সবই ভগবানের হাতে। কিন্তু ইতিমধ্যে অর্থাৎ আজ ভোরে আমি অতি বিশ্বস্ত সূত্রে একটা ভয়াবহ সংবাদ পেয়েছি। কাহিনীটি প্রাচীন ও দীর্ঘ; আমি অতি, অতি সংক্ষেপে সারছি।

ইয়েহিয়া চায়, ভারতে একটা কমুনাল রায়েট লাগুক।

কমুনাল রায়েটের জন্ম উত্তর ভারত ও পূর্ব-পাকিস্তানের জমীন সব সময়েই তৈরী। উত্তর ভারতের উগ্রতম পন্থী কিছু হিন্দু আছেন, যারা পাকিস্তানের বিনাশ চান, এবং ভারতের মুসলমানদের নিতান্ত দায় পড়ে সহ্য করেন। এঁরা এই ইচ্ছেটা প্রকাশ করেন পলিটিকসের মুখোশ পরিয়ে (‘পাকিস্তান তৈরী হয়ে যাওয়া মাত্রই ভারত আক্রমণ করবে; তার পূর্বেই আমাদের আক্রমণ করা উচিত’) এবং নিজেদের মনগড়া এক আজব হিন্দু ধর্মের ঝাঙা তুলে। আমি পরিপূর্ণ ধর্মানিরপেক্ষ মানুষ হিসেবে বলছি, তাঁরা যা প্রাণ চায় সে-পলিটিক্স করুন, কিন্তু সনাতন ধর্মের এ-রকম নীচ অবমাননা যেন না করেন --ধর্মে সহিবে না।

আর ভারতের প্রতি, বিশেষ করে বহু বহু পাঞ্জাবীদের ঘৃণা, বিদ্বেষ, নফরৎ, শত্রুতা এমনই প্রচণ্ড যে তার কোনো তুলনা নেই।

এদেরও একটা আজব মনগড়া ইসলাম আছে যে-ইসলাম বলে, অমুসলমান মাত্রই কাফির এবং ভারতের কাফিরকুল তন্মধ্যে সর্বনিকৃষ্ট অমামুয। এদের কতল করা ইসলামের (তাদের মনগড়া ইসলামের) আদেশ—দোষী নির্দোষী উভয়কে সমভাবে। এবং এদের ক্রীজাতিকে লুণ্ঠন করা সম্পূর্ণ শাস্ত্রসম্মত। পাঠানদের রক্তে মজ্জায় থাকে সবচেয়ে বড় যে রিপু সেটা—লোভ, গৃহুতা ও তজ্জনিত তিস্তর বৃত্তি। কাফিরদের প্রতি তাদের ঘণা পাজাবীদের মত রিফাইনড মীন নয়। ফলে পিণ্ডিতে যে কোনো সরকারই রাজত্ব করুন না কেন, ভারত বিদ্বেষ নীতি তারা অবলম্বন করতে বাধ্য, এবং গোপনে সোৎসায়ে বিশেষ করে পাঠানদের আপ্যায়িত করেন এই বলে, “দাঁড়াও না, দিল্লী লুণ্ঠন করার ব্যবস্থা শিগগীরই হচ্ছে।

উত্তর ভারতে কটর অথগু পাকিস্তান পন্থী, যাদের সঙ্গে অন্য কারুরই তুলনা হয় না—বেহারী মুসলমান। এদের এক প্রভাবশালী অংশ কলকাতায় বাস করেন। তাঁদের পাকিস্তান প্রীতি চোদ্দ আনা পরিমাণ নিতান্ত হীন স্বার্থবশত। তাদের ভাই-বেরাদের, একদা যারা, কবিদের মত ঈষৎ অতিশয়োক্তি করে বলছি, পাটনা স্টেশনে কুলির কাজ করতো আজ তারা পূব বাঙলায় ট্রাফিক ম্যানেজার, গ্লেণ্ডয়ে সেক্রেটারি। বাইরে তাঁরা উর্দু কথাবার্তা বলে খানদানী মনিষ্টি রূপে পরিচিত, ভিতরে বলেন, ভোজপুরী মঘী বা মৈথিলী। বিজ্ঞাপতি নিশ্চয়ই আপনার প্রিয় কবি; সে ভাষা যদি ‘উর্দু’ হয় বন্ধমানের পদী পিসির কোঁদলের ভাষাও তাহলে ‘উর্দু’। এই বেহারীদের অর্ধশিক্ষিত সম্প্রদায় উর্দুর কল্যাণে পাজাবীদের সঙ্গে একজোট হয়ে পূব বাঙলাকে শুষাচ্ছেন, হীনতম কলনীর মত। এরা এবং বেহার ও কলকাতার বেহারীগণ সূচাগ্র পরিমাণ স্বায়ত্তশাসন পূব বাঙলাকে দিতে রাজী নয়। এরই উপর নির্ভর করছে তাদের পাকিস্তান প্রীতি।”

শিপ্রা জিৎসেস করলে, “এরা পার্টিশনের সময় পশ্চিম পাকিস্তান

গেল না কেন ? সেখানে তো অস্তুত শিক্ষিত পাঞ্জাবীরা উর্ছ বলে, অশিক্ষিতরাও অনেকখানি বোঝে । বাঙলায় এল কেন ?”

হাজী বললে, “ঐ তো সরল রহস্য, ভদ্রে । পশ্চিম পাকিস্তানে ঐ সময়ে গেল উত্তর প্রদেশ ও দিল্লী অঞ্চলের অনবচ্ছ উর্ছভাষী বিস্তর লোক । ওদের সামনে বেহারীর উর্ছ যেন রবীন্দ্রনাথের সামনে আমার কুমিল্যার খাজা বাঙলা ! তছপরি পাঞ্জাবীরাও রাইটলি অর রংলি দাবি করে তাদের উর্ছ বেহারীদের উর্ছর চেয়ে বেহতর— যদিও লক্ষ্যে দিল্লীবাসীদের মতে ছোটোই একটা গাধার ছোটো কান ।”

পূব বাঙলায় যে-সব বেহারী আছে তারা পাঞ্জাবীদের চেয়ে নৃশংস পদ্ধতি লড়বে লীগের বিরুদ্ধে । পাঞ্জাবীরা অবস্থা মারাত্মক জানা মাত্রই ফিল্পে যাবে আপন দেশে, এরা যাবে কোথায় ? দে হ্যাভ্ বার্নট ছার বুলক কার্টস ।

এবং আছে আর একটা দল তামাম উত্তর ভারত জুড়ে । এবং পশ্চিম বাংলার মুসলমান বাঙালীও কিছু সংখ্যায় আছেন ।”

তিন কলকাতাগত জনের চোখের সামনে ভেসে উঠলো মির্জার কুটিল মুখচ্ছবি ।

“তবে এদের অধিকাংশ মক্কাব-মাদ্রাসার লোক ।”

ভারতের পূর্বাঞ্চালের এই ধরনের মুসলমানদের পাকপীতিও স্বার্থজাত । এরা ভাবে, কাল যদি ভারতে কমুনাল রায়ট বাঁধে তবে আমরা যাবো কোথায় ? পূব বাঙলাই তো হাতের কাছে । সে-দেশটা যদি লীগের পক্ষা অবলম্বন করে স্বাধীন হয়ে যায়, তবে তারা ধর্মনিরপেক্ষ বা নেকুলার হয়ে যাবে সঙ্গে সঙ্গে । তখন আমরা মুসলমান বলে তো কোনো আদর, প্রেফারেন্স পাবো না । বেহারী মুসলমানরা আরো জানে, বাঙালী মুসলমান ভিতরের বাইরের ছ’দল বেহারীকেই ধীরে ধীরে প্যাঁদাবে ।

ইয়েহিয়া এজেন্ট জোগাড় করতে চায় এই পূর্ববঙ্গের স্বাধীনতা বিরোধী, অতএব পশ্চিম পাকপ্রেমী দল থেকে । এবং সব চেয়ে

বেশী চায় কলকাতায়। কলকাতাবাসীর পয়সা আছে, তাদের পক্ষে পূর্ব বাঙলার স্বাধীনতা সংগ্রামকে সাহায্য করা খুবই স্বাভাবিক। তাদের বিস্তর হিন্দু ইনটেলেকচুয়েল সর্বদেশের স্বাধীনতা সংগ্রাম মনে প্রাণে সমর্থন করে। এই পশ্চিম বাঙালী সাহায্য করবেই করবে অন্তত ভাষা বাবদে তার বেরাদর পূর্ব বাঙালীকে। বেতার যন্ত্রটা তার প্রধান অস্ত্র।

অতএব কলকাতায় একটা গুপ্তগোলের সৃষ্টি করতেই হবে। এবং সেটা আখেরে সাম্প্রদায়িক রূপ নেবেই নেবে। অবশ্য চেষ্টাটা দিতে তাবৎ ভারতে আগুন জ্বালাতে।”

খান বললে, “কলকাতায় এসেছেন ঐ মন্ত্রধারী একটা আস্ত ঘুঘু। তার কথা তোমাকে বলি নি। নাম লারী—”

কথা শেষ হওয়ার পূর্বেই হাজী “হায় হায়” করছে আর মাথা খাবড়াচ্ছে। শেষটায় বললে, “ওকে আমি চিনি? বাটা কুমিল্লাতে এলে সুধা পান করে কেণ্টনমেণ্টে। আর আমার বাড়িতে। কিন্তু বেরাদর, ওকে আমি হাড়ে হৃদে চিনি। ব্যাটার কাছে পাকিস্তান হিন্দুস্তান মুসলমান কেরেস্তান সব বরাবর। মাত্র দুটি জিনিসের তরে সে স—ব করতে পারে। তার আপন স্বার্থের তরে। তার খাই প্রচণ্ড। মাতৃগর্ভে তার দাঁত ছিল না কেন, জানেন কীতিবাবু? মায়ের নাড়িভূঁড়ি খেয়ে ফেলত যে! সে চেনে দুটো জিনিস—একটাও বলা যেতে পারে—রূপচাঁদ ঠাকুর—টাকা, টাকা; ঐ দিয়ে মদ আর—খাক্গে। আপনি তো, কীতিবাবু, গোঁড়া হিন্দু নন। ওকে ছুঁইয়ে দিন কিঞ্চিৎ। টিকে গজিয়ে নামাবলী পরে—না, বরঞ্চ তান্ত্রিক পন্থাই বেটা বেছে নেবে। ওর কথা অস্ত্র মোকায় সবিস্তর বলবো।”

শিপ্রার দিকে তাকিয়ে বললে, “আমি জানি, ম্যাডাম, আমি জানি আপনার ডানার নিচে আমার বউ বাচ্চা পাবে সর্বোত্তম প্রটেকশন। কিন্তু অপরাধ নেবেন না, দেবী, রায়টের সময় খুন

থারাবী করে এ-পাড়ার গুণ্ডা ও-পাড়ায় গিয়ে এবং ভাইস ভার্সা । একদল অস্ত্র দলকে লেটেস্ট খবর দেয়, কার বাড়িতে সোনা দানা রুকা টাকা পাওয়া যাবে, কোন ব্যাচেলরের বাড়িতে পাওয়া যাবে না কিছুই । আমি রাইট দেখেছি, ঢাকা কলকাতা ছুই শহরেই ।

কিন্তু মুসলমান পুষেছেন একথাটা প্রকাশ পাবেই পাবে, এবং তখন হামলা হবেই হবে ।

আপনার বাড়ি এমনিতে লুণ্ঠ হবে না । দারওয়ানের বন্দুক আছে, বরঞ্চ তার চেয়ে বেশী বন্দুক চালাবেন আপনি, জানি, বিলক্ষণ জানি । করাসীদের কাছ থেকে শুধু একাডেমিক মিলিটারি স্টাটেজি শিখেছেন আর ওরা আপনাকে আত্মরক্ষার্থে যেটুকু প্রয়োজন—বলতে কি তার চেয়ে ঢের ঢের বেশী—বন্দুক পিস্তল চালাতে শেখায় নি সেটা সম্পূর্ণ অবিশ্বাস্য । আপনার ভিতর দক্ষতা আছে, নৈপুণ্য আছে । সেটা লক্ষ্য করার পরও ? প্রকৃত হুন্সুরি, সত্যকার আর্টিস্ট—তা তার আর্ট বন্দুক চালানোই হোক, আর ছবি আঁকাই হোক—সে উপযুক্ত পাত্র পেলে তার ভিতর আপন হুন্সুরি, সাপনালাক সম্পদ রাখবেই রাখবে । ম্যাডাম যদি বলতেন যে করাসী ‘আপাশ’ সম্প্রদায়ের গুলীন পকেট মারদের সঙ্গে কাটিয়েছেন তা হলে—কার নামে কিরে কাটবো ?—আপনারই সুন্দর নামে কাটি—বিচক্ষণ ব্যক্তির যা সর্বধা করা উচিত, আমি তাই করলুম—গলা কাটা ফেলাইলেও মনিব্যাগটা এখানে আনতুম না ।

সিরিয়াসলি বলছি, কলকাতাতে দাঙ্গা লাগার যথেষ্ট সম্ভাবনা আছে ।

সে অবস্থায় গোটা কয়েক মুসলমানের জিম্মেদারী আপনার ক্ষণে চাপাই কোন্ বিবেকহীন বুদ্ধিতে ?”

শিপ্রা বললে, “এ আপনার আদিখ্যাতা । প্রত্যেক দাঙ্গায় কত মুসলমান কত হিন্দুকে বাঁচিয়েছে, কত হিন্দু কত মুসলমানের প্রাণ রক্ষা করেছে, খান সাহেব ।”

খান বললে, “শিপ্রাদি, প্রথমেই আমার একটা নিবেদন আছে : সবাই আমাকে ‘হাজী’ বলে ডাকে, ব্যঙ্গ করে। একে তো হজ্জ করি নি, অগ্ন্যস্ত্র আচার-অনুষ্ঠান বাবদেও আমি গাফিল। প্রতিবারে আমাকে হাজী নামে ডেকে হয়তো ওঁদের ঐ ব্যঙ্গ করার পিছনে আছে তাঁদের সদিচ্ছা, আমি যেন ধর্ম পথে চলি। অবশ্য, আল্লাহ ডাক শুনতে পেলো আমি কে, আমার ঘাড় তখন যাবে মক্কায়। কিন্তু আপনি আমাকে এ-‘নামে’ ডাকবেন না।”

শিপ্রা বললে, “আচ্ছা ডাকবো না। কিন্তু আমারও সদিচ্ছা হয় না, আপনি ধর্মপথে চলুন। আমার বিশ্বাস আপনার পথ ধর্মপথে গিয়ে মিশবে।”

হাজী আবেগভরে বললে, “আমিন, আমিন। তাই হোক তাই হোক।” মূল কথায় ফিরে গিয়ে হাজী বললে, “দাঙ্গার ভিতরও আল্লা তাঁর করুণা প্রকাশ করেছেন, যেমন আমার মত ‘অপদার্থ’ও তাঁর দয়া পেয়েছে।”

কার্তি : “দেখুন হাজী, আমার সঙ্গে কম্পীট করতে যাবেন না। ‘অপদার্থ’ বলতে বোঝায় কীতি রায়।”

হাজী সাবনয়, “দাদা বয়েসে অজস্র হলেও এ ব্যাপারে আমি আপনার অনুজ, বিশ্বস্ত অনুগামী।”.....

প্রতি দাঙ্গার হিন্দু মুসলমান যখন একে অণ্ডকে বাঁচায়—তখনই দেখি, প্রতিবার, মানুষের মনুষ্যত্ব। স্বার্থপর পলিটিকিয়ানের প্রপাগান্ডা উপেক্ষা করে, পথভ্রষ্ট ধর্মযাজকদের অনুশাসনে কান না দিয়ে, সশস্ত্র গুণ্ডাদের ভীতি প্রদর্শনকে তুড়ি মেরে কে মানুষকে তখন সত্যের পথে, আর্তজনকে রক্ষার পথে চালায় কে?—সে তার মনুষ্যত্ব। বললে পেতায় যাবে না কেউ, আমার মত অপদার্থ—সরি—পাষণ্ডের ভিতরও খুব সম্ভব ঐ ধাতুটির একটি ক্ষুদ্রতম কণার ক্ষীণতম ছায়া অতি কালে-কস্মিনে চিলিক মেরে যায়—নইলে বুকে হাত দিয়ে বলুন তো আপনারা,—দোহাই মনুষ্যত্বের—এতকাল ধরে

বউ আমাকে বরদাস্ত করেছ কি করে? হুঁঃ। কিন্তু ঐ লারী সম্প্রদায়ের ভিতর মনুষ্যত্বের অনুসন্ধান করতে গিয়ে আমাকে বিস্তর পরিশ্রম করতে হয়েছে—মেহনৎ আমার নয় না।

কিন্তু, ম্যাডাম, আমার প্ল্যানটা আপনার সামনে পেশ করি।

‘আগরতলা বিপন্ন’ হলেই আমি বউ বাচ্চা নিয়ে চলে যাবো, কিছুটা মোটরে বা পুরোটাই হেঁটে চলে যাবো পার্বত্য ত্রিপুরা অঞ্চলে, যার উপর দিয়ে আপনি প্লেনে উড়ে এলেন—সেখানকার পাহাড়ীদের সঙ্গে আমার বিস্তর ভাবসাব আছে। সেখানে এখনও প্রায় ফি বছর যাই শিকারে। প্রথম যৌবনে মেয়েগুলোর সঙ্গে নেচেছি, এদের তৈরী নেটিভ বিয়ার বিস্তর খেয়েছি। ইয়েহিয়ার বাপের সাধা নেই সেখানে নাক গলায়। আর ওরাও কারো সাথে পাঁচে নেই। এর চেয়ে উত্তম ব্যবস্থা আমার কল্লনার বাইরে।

‘আর আপনার নিজস্ব, আপন কলকাতা তো আমার হাতের পাঁচ—নো—পাঁচ কোটি রইলই।’

কীর্তির দিকে তাকিয়ে বললে, “কই কীর্তিবাবু, এ-অধম গাইড য়ে-টুকু পারে সে তো দেখালো। এবারে পাকেচক্রে কলকাতায় এলে বাঙালকে হাইকোর্ট দেখাবেন তো?”

কীর্তি কিছুমাত্র চিন্তা না করেই বললে,

“আল্লা করুন এবার যেন বাঙালরা পাজ্জাবীদের হাইকোর্ট দেখিয়ে দেয়।”

হাজী কার্পেটের উপর বসে পড়ে হাত ছুটি উঠু করে তুলে ধরলো। আবেগ-ভরা উচ্ছ্বসিত কণ্ঠে বললে, “আমেন, আমেন।”

তৃতীয় অধ্যায়

স্পষ্ট মনে আছে শিপ্রার, বারটা ছিল বৃহস্পতি ।

যে-বেয়ারা বিকেলের চা নিয়ে এল তার চেহারা-ছবি ধরনধারন দেখে শিপ্রার ধারণা হল লোকটা বোধহয় সিলেটী। শুধলো, “তোমার দেশ কোথায়?”

বেয়ারা বোকার মত ক্যালক্যাল করে চেয়ে রইল। শিপ্রার চেহারা, চলনচালন, তার প্রসাধনের যে কটি কৌটো শিশি ড্রেসিং টেবিলে সাজানো ছিল সেগুলোর খাস বিলিতি ঢপ ঢং দেখে তার প্রত্যয় হয়েছিল, ইনি অতি খাঁটি মিসিবাবা, অর্থাৎ ইনি জানেন শুধু ইংরেজি, আর সে যে উহু’-অহমিয়া-খাসিয়া-সিলেটী ভাষার লাভড়াকে হিন্দুস্তানী নামে চেনে, সেইটে বলতে পারেন চালে কাঁকরে মিলিয়ে। তাঁর মুখে আর্চস্থিতে “বিসু’দ” বাঙলা ভাষা বেরিয়ে আসায় সে এমনি হতবুদ্ধি হয়ে গিয়েছে যে তার মুখ থেকে, যেন রিক্‌লেক্ট্‌স্‌ গ্র্যাকশনের মত বেরিয়ে গেল, খাস সিলেটী, “কিতা কইলা?”

আদর করে শিপ্রা যে নামে ডাকে “কীতা” কখনো সে জুড়ে দেয় “মিতা,” এ-ক’দিন ছুশ্চিন্তার ভিতরে কবি এ-শব্দের সঙ্গে যে মিল দিয়েছেন তারই স্মরণে মনে মনে বলেছে, আমি কি “বিস্মৃতা?”

সিলেটী রহস্যময় “কিতা” শুনে তার বুক ছ্যাৎ করে উঠলো।

ইতিমধ্যে বেয়ারা নিজেকে সামলে নিয়ে হোটেলের “ভদ্রস্থ” হিন্দুস্তানীতে একাধিকবার বলেছে, “সিলেটী, মেমসাহেব,” “সিল্‌ট’ মুল্লুক, মেম সাব্‌।”

“তুমি মুসলমান? না?”

“জরুর, জরুর। হাত্মা নাম শেখ গাক্ক, মেমসাহেব।” মনে মনে দৃঢ় প্রত্যয় হয়েছে, এই মিসি বাবাটি নিশ্চয়ই ‘কেরামতী’ জানেন

—নইলে কোন্ দূরের মুন্সুক থেকে এগেই তাকে দেখে ধরে ফেলেছেন। সে এদেশেরই লোক নয় এবং সে মুসলমান। এবারে শিপ্রা যে প্রশ্ন শুধলো তাতে তার বিশ্বয় পৌঁছল চরমে। একমাত্র তার সহকর্মী দেশ-ভাইদের ছ'একজন তাকে তার জিন্দাগীতে মাত্র ছ'একবার শুধিয়েছে।

“এখনো কি মহরম মাস চলছে?”

এর গঠিক মির্জুল উত্তর শৈহট অর্থাৎ শ্রীহট, সিলেট সহান গাক্র মিঞার দেওয়া সম্ভবপর নয়। অবশ্য মহরমের শুক্রা দশমীতে (হিন্দু গণনায় একাদশী বা দ্বাদশী) হয়ে গেল মহরমের পরব—তাজিয়া ভাবুদের এসেশনসহ। তার পর যে কটা দিন গেছে সেটা শুনে যোগ করলেই মহরমের ক' তারিখ, না পরের মাস মফরর শুরু হয়ে গেছে পরা পড়ে যায়। অন্যজ্ঞ মিসরা গাক্র ক'টা দিন গেছে আত্মুল শুনে মোটামুটি খবরটা শিবে পারেনো কিন্তু এতেন বিজ্ঞাপরা মিসরানা খান কিনা মহরম পেছাদু একটা পরব নয়, মাসও বটে সে-হেন খান ইসলামী খবর রাখেন তাকে তো উত্তেটা পারেন্টা মাস তারিখ দেওয়া মথুও গুণাত হবে।

হুদয়র করে বকল, “আমাদের মোল্লাতী বেরারাদের ঘরে থাকেন। তার কাছ থেকে ‘হাদিসানী পাজক’ পুথুখনি নিয়ে আসছি। সব খবর পাবেন।” ইঠাৎ তার মনে দোকা লাগলো: এনো খানদানী মেন বাবা, ম'ন বাড়ল, না হ'ল পাওয়া বক'ল পাবেন, কিন্তু পড়তে পারেন কি? সভয়ে প্ররটা শুবলো। শিপ্রা ঘাড়টি সামান্য ঘোঁষয়ে মুচুটি হাসলো। মোস্তফার বিত্তর মাক চেয়ে উর্ধ্বস্থানে ছুটলো পীড়িত আনতে।

ববে বেবে শিপ্রা শিলঙ পৌঁচেছে সেই থেকে কীতি বা খানের কোনো খবর না পেয়ে আস্তে আস্তে সে অধীর হয়ে উঠেছে। এখন শঙ্কার ঢোকাঠে পা দিয়েছে। ঘরের ভিতর ভীতি, বিভীষিকা।

সব কটা খবরের কাগজ লাইন্ বাই-লাইন্ পড়েছে। সেগুলো

এমনি বিক্ষোভক উত্তেজনায় ভরা যে সাবধানে নাড়াচাড়া করতে হয়—পাছে না একটুখানি খোঁচা খেলেই বোমার মত কেটে ওঠে। ওদিকে বিটউইন দি লাইন্স পড়ে শিপ্রা ঠিক বুঝে ফেলে, অন্তত আগরতলা থেকে পাঠানো সংবাদ হয় অতিরঞ্জিত, নয় মৌনগুঞ্জিত। হাজী, মিঞা সাহেব—

মিঞা সাহেবের নাম মনে আসতেই সে যেন তাঁর শেষ কথা কটি আবার স্মরণে পেল। ডিনার শেষে, গভীর রাত্রে, খাস করে তার কাছ থেকে বিদায় নেবার সময় একমাত্র তাকেই বলেছিলেন, যেন তাকে খানিকটে আশ্বস্ত করার জন্তু, কিংবা পরিস্থিতির যে ছবিটা তর্কাতর্কি, লেটেস্ট সংবাদের অদল বদলের রং দিয়ে নির্মাল্যতেরা একেছিলেন সেটাতে একটা অংশ ফাঁকা রয়ে গিয়েছে—সেই ব্যক্তি-নিরপেক্ষ তত্ত্বটির দিকে শিপ্রার নিছক দৃষ্টি আকর্ষণ করার জন্তু : পবিত্র মহরম মাসে কি কটুর শীয়া ইরোহরা খুন-খারাবী আরম্ভ করবে ?

সেই গম্ভীর ইঙ্গিত ভরা প্রশ্নরূপে প্রকাশিত তত্ত্ব কথাটি শিপ্রার মনে আসতেই শিপ্রা কেমন যেন এক রকমের অকারণ স্বস্তি অনুভব করেছিল। কিন্তু সেটা নির্ভর করেছে, এখনো মহরমের মাস চলছে কি? তাই চোখের সামনে যে পড়েছে তাকেই প্রশ্নটা জিজ্ঞেস করেছে।

হায় রে প্রথরা বুদ্ধিমতী রমণী শিপ্রা। তুমি সমস্ত প্রাণমন দিয়ে কামনা করছো, যে গ্রহনকত্র বিশেষ করে শশীকলা লক্ষ লক্ষ বৎসর পরে অলঙ্ঘ্য নিয়মে যে বেগে চলেছে, পুণিমা অমাবস্তা এসেছে গিয়েছে, এদের গতিবেগ যেন অকস্মাৎ মন্থর হয়ে যায়, এই মহরম মাসটা যেন বিলম্বিত হতে বিলম্বিততর হয়ে, ২৯৩০ দিনের পরিবর্তে ২৯৩০ মাস ধরে চলে। শুধু তার প্রিয়, তার বল্লভ কীর্তির চতুর্দিকে দাবানলের প্রজ্বলন নিরুদ্ধ করার জন্তু। তার কলে কার কীই বা ক্ষতি হত? স্বয়ং যে রাজার রাজা মহারাজার কনিষ্ঠা-ইঙ্গিতে বিশ্বত্রস্তাও প্রচণ্ড বেগে ধেয়ে চলেছে তাঁরই বা কী ক্ষতি হত?

তাই তো। হঠাৎ তার মনে এলো একটি গীত। তারই এক বাল্য-
সখা উভয়ের কৈশোরে এ-গীতটি তাকে উপহার দিয়েছিল। কবিতাটি
শিপ্রা ছাপাতে কখনো দেখে নি, কারণ 'কবি'ও বাংলা সাহিত্যে কণা
মাত্র প্রতিষ্ঠা লাভ করতে পারেন নি। বাইবেলে বর্ণিত কিশোরী
তার বল্লভের সন্ধানে যে-রকম দোরে দোরে ঘা দিয়ে নিরাশ হয়েছিল,
এ গীতি যে-কাগজে লেখা সেও বহু সম্পাদকের টেবিলের উপর
ফ্যানের হাওয়াতে কাঁপতে কাঁপতে তাদের দৃষ্টি আকর্ষণ করতে
সমর্থ হয় নি। এমন কি তার প্রিয়া কালী পেন্সিল দৃষ্টিও না।

মহরম দীর্ঘতর হলে সৃষ্টিকর্তার কীই বা হত ক্ষতি। গানটার
মোতিক ছিল একই :

কী বা হ'ত তোমার, রাজা,
একটু মোরে দিলে ?
কীই বা ক্ষতি হ'ত কাহার
বিরাট এ নিখিলে ?
তোমার বিশ্ব বসুন্ধরা
অনন্ত বৈভবে ভরা ;
কণাটুকু যেত না তো
করণা বসিলে !

চল্ল সূর্য গ্রহে গ্রহে
সাজাও আলিম্পন
তারায় তারায় বাঁধো, তুমি
অলখ আলিঙ্গন।
তোমার এ যে পূর্ণ ছবি
মিথ্যা হ'ত এর কি সব-ই
প্রিয়ার চোখে আমার চোখে
যদি যেত মিলে।

শিপ্রার মনে আছে, কবিতা বা কবি কারোরই চোখের সামনে সেই ধূমসীর চোখ মেলে নি। অথচ আথেরে ঐ লক্ষ্মীছাড়িটা বিধির বিধানে পেয়েছিল কলাগাছ যে-রকম কাৰ্তিককে পায়। এবং সে ছোঁড়া ছিল কুবের কুলের পিদ্মি ! বিধির অধর্ম কি কোনোদিন বিধির বিধি কোনো সর্বেশ্বর বিচার করবেন না ? প্রলয় শেষে কিয়ামতের দিনে ?

যখন কবিতাটি শিপ্রা প্রথম পড়ে তখন মনে হয়েছিল এটা ইন্টার ক্লাস। তবু এক একটা নিতান্ত বাজে সুর যে রকম মানুষের পিছনে অষ্টপ্রহর লেগে থাকে, তাকে ‘হন্ট’ করে এটাও করেছিল তাই। সেই মেয়েটা এবং এক ঝাঁক সম্পাদকের এই ‘কাবোর উপেক্ষিতাকে আজ শিপ্রা—কবিগুরু যে-রকম উর্মিলাকে তাঁর করুণা-ধারা দিয়ে অভিষিক্ত করেছিলেন—সেই রকমই কবিতাটিকে তার হৃদয় আসনে বসালো।

হঠাৎ ঐ অনবচ্ছিন্ন প্রবন্ধটির আরেকটি অংশ স্মরণে আসতে তার সর্বচেতন বিকল হয়ে গেল। অবশ্য শুধু ভাবার্থটুকু। শব্দে শব্দে আছে :

“সলজ্জ নবপ্রেমে আমোদিত বিকশোন্মুখ হৃদয় মুকুলটি লইয়া স্বামীর সহিত যখন প্রথমতম মধুরতম পরিচয়ের আরম্ভ সময় সেই মুহূর্তে লক্ষণ...বনে গমন করিলেন।”

কিছুতেই মনে আনতে পারলো না শিপ্রা, “আর্ষপুত্র” উর্মিলা-বিলাসী বনগমনের পূর্বে কয়দিন নববধূ নির্জনে সঙ্গোপনে একান্ত আপন ভাবে আর্ষপুত্রকে কণ্ঠপ্রেমে আবদ্ধ রাখার অবসর পেয়েছিল ? সে তুলনায় শিপ্রা ক’দিনের তরে কীর্তিকে ? আর এখন সে কোথায়, কোন্ অবস্থায়।

চিন্তাধারা শিলাথণ্ডে বাধা পেল। ভালোই হল। জানলা দিয়ে দেখতে পেল, ঝঞ্জা-তাড়িত মেঘদূতের স্থায় পবনবেগে আসছে গাত্র শেখ। হাতে ঢাউস একখানা কেতাব, মুখে বিস্তৃত হাসি।

সাইজে একেবারে যেন গুপ্তপ্রেস পঞ্জিকা। ভিতরে ওরই মত

ফুলকপি মূল্যের বিজ্ঞাপন, এবং মুসলমান ধর্মের আচার অনুষ্ঠান, পালপরবের সবিস্তর বর্ণন। তার বিস্তর শব্দ তার কাছে সম্পূর্ণ অপরিচিত এবং কুটেশনগুলো যে কোন্ ভাষা থেকে নেওয়া সে সম্বন্ধে তার সামান্যতম ধারণা নেই। এই বিরাট দণ্ডকারণ্যে কোথায় মহরমের সন্ধান? হঠাৎ লক্ষ্য করলো পঞ্জিকার একেবারে শেষ প্রান্তে ময়ূর পালকের বুক মার্ক সামান্য একটুখানি বেরিয়ে আছে। সেখানে কেতাব খুলতেই চোখে পড়ল আধপাতা জুড়ে বাংলা, মুসলমানি, শক, ইংরিজি, বিক্রম বহু অঙ্কের তারিখ গয়রহ দেওয়া আছে। ইয়া, ২৫শে মাচ, এখনো মহরম, থ্যাঙ্ক গড্।

মহরম মাসে শীয়া ইয়েহিয়া খুন-খারাবী করতে ইতস্তত করতে পারে। সেই নিছক চোরাবালির অনুমানের উপর, ছাথ তো না ছাথ, শিপ্রা গড়ে তুললো, ইয়াকবড়া পবিত্রমাণ দেউল—কোণারকের মন্দির। যে খায় চিনি তারে জোগায় চিন্তমণি। সে চিনির তলায় কাটা সান্‌কি আছে, না মিং বংশীয় সর্বোৎকৃষ্ট পর্সেলিন—কোন্ মূর্থ করে তার বিচার?

বেয়ারা এতক্ষণে কিছুটা সাহস সঞ্চয় করতে পেরেছে। শিলঙ শহরে বারো আনা লোকের মুখ চিন্তাকুল। এদের সকলেরই কেউ-না কেউ আছে—সিলেট, কুমিল্লাদিতে। এই সর্বব্যাপী দুশ্চিন্তা উপস্থিত অথচ কোনো দুর্ভাবনাকে আমল দিচ্ছে না। মেম সায়েবের মুখে দুশ্চিন্তার আভাস সুস্পষ্ট। রেসেপশনিষ্টের কাছে শুনেছে তিনি ডাক, তারের জন্ম ব্যাকুল। অতএব তারই মত অবশ্যই মেম সায়েবের কেউ না কেউ পূর্ব পাকে আছে। আপন অজানতেই যেন মুখ থেকে প্রশ্ন বেরিয়ে গেল, “মেম সায়েব, আপনার খোশ-কুটুম্ব কি কেউ পাকিস্তানে আছে।” সঙ্গে সঙ্গে তড়িঘড়ি বার বার আপন বে-আদবীর জন্ম মাক চাইলে। শিপ্রা তার দিকে সোজা তাকিয়ে বললে, ‘এতে মাক চাইবার কি আছে! তোমার দিলে দরদ আছে। তাই শুধিয়েছ।’

গাত্র মিঞা কি করে শিপ্রাকে চিনবে? সে বেচারী চেনে ছুই জাতের মেম সায়েব। চা বাগানের ইংরেজের স্ত্রী মেম সায়েব এবং তাঁদের অনুকরণে গড়া দিশী মেম সায়েব। এ-ছ'জাত দূরে থাক সে কোনো জাতেরই মেম সায়েব, গিন্নীমা, বেগম সায়েব কিছুই নয়। বিধাতা তাকে কোন্ কোন্ ধাতু দিয়ে নির্মাণ করেছেন, পঞ্চভূতের মশলা মেশাবার সময় যে তৃতীয়টি—তেজ—প্রচুর পরিমাণে ঢেলেছেন—সে বিষয়ে অবশ্য কারো মনে কোনো সন্দেহ নেই, সর্বোপরি তার স্বাধায়, একাধিক। সমাজ দেশের সঙ্গে তার কুঠাহীন দৃঢ়তা, তার বিচিত্র বর্ণাঢ্য অভিজ্ঞতা তার জীবন দর্শন—এসব মিলিয়ে যে শিপ্রা, তাকে বিশ্লেষণ করবে কে? যার নির্মাণ, যার জীবন শিপ্রার চেয়েও বিচিত্র বৈভবে ভরা সে-ই তো? সে কোথায়? তবে কি না, ভালোবাসার সোনার কাঠির পরশ যার প্রাণে লেগেছে সে হয়তো পারে। কীর্তি হয়তো একদিন পারবে।

শিপ্রা বললে, “আমার ছুই আপনজন আগরতলায়।”

এর উত্তরে গাত্র যে মন্তব্য করেছিল তার জন্ত সে মনে মনে নিজের গাল দুটোকে অকাতরে চড় মেরেছে। মোল্লাজীর কাছে কাঁদো কাঁদো হয়ে সে-কাহিনী যখন শোনালো তখন তিনি মনে মনে না—সশব্দে তার ছ'গালে দুটো চড় কষিয়েছিলেন। এক সারি কটু শব্দ বলে গিয়েছিলেন অল্প শিক্ষিত মোল্লাজী তাঁর গুরুর কাছে যেগুলো শুনেছিলেন—আরবী ফারসী উর্দু, সিলেটা ভাষা উপভাষায়, “আহম্মক, নাদান, উল্লুকে পাট্টা” থেকে সিলেটা “আচাভুয়া হুমাভুতা” পর্যন্ত।

গাত্র সরাসরি অজানতে বলে ফেলেছিল, “আখাউড়া আগরতলা তো বরাবর।”

বলতে না বলতেই সে বুঝতে পেরেছিল, কী সর্বনেশে কথা কটি তার মুখ দিয়ে বেরিয়ে গেছে। রাখালের মাসী যে-রকম বুঝেছিল।

সঙ্গে সঙ্গে লক্ষ্য করেছে, মিসি বাবার মুখ যেন মলিন হয়ে গেল।
গাত্র প্রথমটায় ছুট লাগাতে চেয়েছিল, কিন্তু থেমে গেল।
একথানা আশা সেলাম অসমাপ্ত রেখে ধীরে ধীরে কোয়ার্টারে গিয়ে
শুয়ে পড়ল।

রাত্রে খাবার নিয়ে এলো অণ্ড বেয়ারা। শিপ্রা শুধলো, “সে-
বেয়ারার কি হল? আমি জানতে চেয়েছিলুম, সিলেটের খবর
ঠিকমত পায় কি না, তার পরিবার—”

এ-বেয়ারা বুদ্ধ, বহুদর্শী, নানান গেস্টের বহু উত্তুনে পোড় খেয়ে
খেয়ে সে ঝামা হয়ে গিয়েছে। সে পর্যন্ত কুলে কায়দা কানুন ভুলে
গিয়ে ছ’হাত দিয়ে হঠাৎ চোখ মুখ ঢেকে ফেলল।

শিপ্রার প্রশ্নটা অসমাপ্তই রয়ে গেল। “কি হল—” বলতে
গিয়ে থেমে গেল। বুড়ো নিঃশব্দে কাঁদছে—তার ছ’হাতের কাঁপন
থেকে বোঝা যাচ্ছে।

বুড়োকে কিছুক্ষণ কাঁদতে দিয়ে শিপ্রা বললে, “যাও তো মিয়া,
মুখ ধুয়ে আসবার সময় মাস্টার্ড নিয়ে এসো।”

মাস্টার্ডের কোনো প্রয়োজন ছিল না শিপ্রার। তার মাথার
ভিতর এক সঙ্গে বহু চিন্তা লড়ালড়ি করছে। কিন্তু অল্পক্ষণের
ভিতরই সে কিছুটা শান্ত হয়ে কিছুটা মনস্থির করে ফেলেছে।

বুড়ো ফিরে এল।

শিপ্রা শুধলো, “মিয়া তুমি নামাজ পড়ো?”

“জী মেম সায়েব।”

“রোজা রাখো।”

“জী, হাঁ।”

“আচ্ছা তবে শোনো। এ-সব তো করো আল্লার হুকুমে?
না? আমি বুঝতে পেরেছি তুমিও সিলেটী---তোমার বাল-বাচ্চাও
সেখানে? না?”

বুড়ো ঘাড় নাড়লো।

“তাহলে এবারে ভালো করে শোনো। সমস্ত জীবন ধরে নামাজ রোজা সব করলে আল্লার হুকুমে। তাঁর উপর নিশ্চয়ই তোমার ভরসা ছিল, নইলে হুকুম মানলে কেন? তুমি আমার বাপের বয়সী। অবশ্যই তোমার মাথার উপর দিয়ে বহুৎ ঝড় তুফান গিয়েছে। তাঁরই উপর ভরসা রেখে এ-সব বিপদ আপদ কাটিয়েছ। এখন এই শেষ বয়সে সে ভরসা কম-জোর হয়ে গেল? তুমি ভেঙে পড়লে ঐ অল্প-বয়সী বেয়ারাটাকে হিম্মৎ জোগাবে কে? উপরে মালিক সব দেখছেন।

আমার হাল তবে এবারে শোনো। আমি এখানে একা। তোমাদের তিনজন, ম্যানেজার ট্যানেজার ওরা কাজের লোক, আপন কাজ নিয়ে থাকেন। বাস্। আমি মেয়েছেলে। আমার এক দোস্ত, আরেকজন--তাকে আমি মহব্বৎ করি--তুজনা আটকা পড়েছে আগরতলায়। হয়তো বা বেরিয়ে আসতে পারবে হয়তো বা পারবে না। আমার বাপ নেই, ভাই নেই। এবারে যাও, মিয়া, ঘরে গিয়ে শুয়ে পড়ো। আর ঐ আহাম্মুখ ছোকরাটাকে বলো, সঙ্কলেরই দিল এখন কাতর। সে কি বলেছে, না বলেছে তাতে কি যায় আসে? ভাবনা বাড়বে? কমবে? তার কথায়? এখন যাও।”

এই যে আল্লার নাম নিয়ে শিপ্রা বুড়োকে শাস্ত করলো, সে নিজেকে কি ঈশ্বর মানে?

আর বহু লোকের মত শিপ্রা ছিল ধর্ম বাবদে মোটামুটি উদাসীন। প্যারিসে টুরিস্ট গাইড তাকে সুন্দু একপাল মার্কিনকে নিয়ে গিয়েছিল বিরাট এক গির্জা দেখাতে। গির্জা তখন ফাঁকা। শিপ্রা বেরুবার সময় গাইডকে বললে, “চমৎকার! ফুলদানীটা অতি সুন্দর। কিন্তু ফুল কোথায়? মানুষ উপাসনা করছে সে-ই তো গির্জার ফুল।” তারপর সে মাঝে মাঝে গির্জায় যেত উপাসনার সময়। বিশেষ করে মমার্ৎ-এ পুরো শনির রাত হৈ-হুল্লোড় করে

রবির ভোরে বাড়ি ফেরার মুখে। ক্যাথলিক গির্জার অর্গেন সঙ্গীত ধ্বনিলোকের অপূর্ব গম্ভীর যেন বিরাট সিদ্ধ। হাড়-পাকা নাস্তিকও সে সঙ্গীতে অবগাহন করে। পেচি নাস্তিক ঐ সঙ্গীতে ডুবে যাওয়ার ভয়ে গির্জাঘর এড়িয়ে চলে। শিপ্রার ভয় নেই, ভরসাও নেই।

একদা এক প্যারিসীনি তাকে শুধিয়েছিল, সে ঈশ্বর বিশ্বাসী কিনা ?

যেন শব্দগুলো বাছাই করে করে শিপ্রা বলেছিল, “ভগবান বাজারে বিক্রির রেডিমেড টমাটো কেচাপ্ নন—কিনে নিয়ে ব্যাগে পুরলেই হল। সমস্ত জীবন ধরে তাঁকে উপলব্ধি করতে হয়। অভিজ্ঞতার পর অভিজ্ঞতার ভিতর দিয়ে।”

রোদন ক্রন্দনের বিকৃত মুখ, ছুশ্চিন্তার শোকে ভেঙে পড়ার বিকৃত ভঙ্গী শিপ্রা আগেও দেখেছে। কিন্তু আজকের মত নয়।

কীর্তির সর্বাঙ্গ কম্পনের সঙ্গে সঙ্গে তার অন্তরলোকের আকস্মিক পরিবর্তন শিপ্রার কাছে এক মুহূর্তে সরল স্বচ্ছ হয়ে গেল—নিজা ভঙ্গের সঙ্গে সঙ্গে মানুষ যে-রকম আগের দিনের কঠিন সমস্যার সহজ সমাধান পেয়ে যায়।

শিপ্রা কোচ ছেড়ে উঠে দাঁড়াল। কটেজ ছেড়ে সুস্থ গতিতে হোটেলের মেন বিল্ডিং গিয়ে দাঁড়ালো রেসেপসনিস্টের মুখোমুখি হয়ে। স্মিত হাস্য দিয়ে আপ্যায়িত করলে “গুড ইভনিং” সহ। পুনরায় গুড্ ইভনিং:—এয়া-এর—”

হৃদয় হৃদয় হোকরা বললে, “সরি, মিস রে—আমাকে উইলস্ন্ বলে ডাকে সবাই—জিমি উইলস্ন্.”

হোকরা হৃদয় দিয়ে গিয়েছে। এতদিন দু চার বার শিপ্রাকে যখনই দেখেছে, তখনই তার মনে হয়েছে, ইনি অতুলোকের প্রাণী। আজ রাত এগারোটায় সেই নিরাসক্তা, গম্ভীরা এ কী রূপে দিল দরশন! তার মন বলছে, “হাও লাভলি! হাও সুস্টট।”

শিপ্রা সহজ সুরে শুধলো, “এনি নিউজ?”

আসলে এতদিন সে কোনো রেসেপসনিস্টের সঙ্গে কথা বলে নি—
পাছে কোনো অপ্রিয় গুজোব, সংবাদ, ওয়ার্নিং ওরা দিয়ে ফেলে।
বিশ্বময় ঐ গোত্রের কর্মচারি অর্থাৎ রেসেপসনিস্টদের “চোদ্দ আনা
চ্যাটার বক্স”।

ছোকরা কাউন্টারের উপর একটু ঝুঁকে ফিসফিসিয়ে বললে—
যদিও স্থানটা জনশূন্য—“উয়েল মিস রে, বলবো কি বলবো না,
বুঝতে পারছিনে। আমার এক বন্ধু আছে এখানকার ট্রাঙ্ক কল
দফতরে। ওরা অনেক কিছু শুনতে পায়। এখুনি সে আমায়
কোন করেছিল। তারই মত আরেক ট্রাঙ্ক কর্মী শুনতে পেয়েছে
ইণ্ডো-পাক বর্ডারের গারো না ডাইকি না যশোর কোথা থেকে কে
যেন কাকে ট্রাঙ্ক কল-এ বলেছে, আজ রাতেই নাকি ঢাকাতে ট্রাবল
আরম্ভ হয়ে যেতে পারে। তা, তা, মিস রে, সেও যে খুব শোর
শুনেছে তা নয়।”

গুজোব হোক, খবর হোক এইটেই যদি সে ঘণ্টাটাক পূর্বে
শুনতে পেত তবে আপাদমস্তক মুমড়ে পড়তো। কিন্তু এখন তার
বুকের ভিতর কে যেন একখানা টিন প্লেট বসিয়ে দিয়েছে।

স্বাভাবিক কণ্ঠে শুধলো, “আর যশোর, কুমিল্লা, বাদবাকী বর্ডার?”

ছোকরা উত্তর দিলে, “আজ, এখুনি, তো আর কিছু বলে নি।
তারপর খানিকক্ষণ ঘাড় চুলকে বললে, “কিন্তু দিন পাঁচকে আগে
বলেছিল, গোলমাল লাগলে সব জায়গায় এক সঙ্গেই লাগবে। তবে
সে শোর ছিল না এটোল। এখন কে শোর হয়ে কি বলতে পারে?”

শিপ্রা হাঁটর কাছে কের্মন যেন একটা দুর্বলতা অনুভব করলো।

খানিকক্ষণ না জানি কোন্ দেবতার কৃপায় তার ছুঁচিন্তা-বর্ষার
অবিরল বারিধারা সম্পূর্ণ থেমে গিয়েছিল, কিন্তু তার পরের ইলশে
গুঁড়ির ক্ষণে আসে ক্ষণে যায়। তারই স্বচ্ছ যবনিকা যেন নেমে
এল তার বুকের ভিতর।

তবু মুখে হাসির ক্ষীণ পরশ লাগিয়ে বললে, “তোমার কথা

খাটি, উইল্‌স্‌ন। সব-কথা বিশ্বাস করলে কি আর মানুষ বাঁচতে পারে? খ্যাক্স য়া, অল্‌ দি সেম। গুড্‌ নাইট—” শিপ্রা মনে মনে বললে, “ছেলেটি দরদী,” লক্ষ্য করলো তার বুশ শার্টের বুকের কাটে দেখা যাচ্ছে ছোট্ট একটা ক্রস। বললে, “মাদার মেরি, তোমার মঙ্গল করুন। গুড্‌ নাইট ওল্‌ড্‌ ম্যান।”

জিমি যদিও ছোকরা বেরারের মত ও-রকম খুনিয়া “ফো প্যা” অর্থাৎ “সাপের ন্যাক্স মাড়ায়”নি তবু শিপ্রার ভাব পরিবর্তন থেকে আমেজ করতে পেরেছিল সে বেসুরো কর্কশধ্বনি ছেড়ে বসেছে। এক ফো প্যা মেদ্রামৎ করতে গিয়ে ছসরা কদম খাদে ফেলল না। কাউন্টার ঘুরে শিপ্রার গাশে পাশে, কিন্তু সম্মানার্থে আধ কদম পিছনে প্যা ফেলে তাঁকে কটেজে পৌঁছিয়ে দিতে সঙ্গে চললো। যেতে যেতে বললো, “মাদার মেরি হেভেন্‌ আর্থের কুইন মেরি! তাঁকে আমার স্মরণে আনি আর নাই আনি, তাঁর করুণাধারা কখনো ক্ষান্ত হবে না।”

শিপ্রা মুছ কণ্ঠে দরদভরে বললে, “আমেন।”

সঙ্গে সঙ্গে বহুদিনের অনভ্যাস সত্ত্বেও, করাসীদেশে আর পাঁচ-জনের মত অজানতেই ডান হাত দিয়ে বুকের উপর ক্রস চিহ্নের প্রতীক দেখালো।

উইল্‌স্‌ন একটু লজ্জা পেল। বিধর্মী পালন করলো সেই আচার সে যেটা সমাজে পাঁচজনের অথবা দৃষ্টি আকর্ষণ না করার জন্য আপন সমাজের বাইরে এড়িয়ে যেত। কটেজের সামনে পৌঁছে বললো, “গুড্‌ নাইট, ম্যাডাম। এনি থিং এল্‌স্—আর কিছু?”

এই অস্বস্তিজনক পরিস্থিতিতেও তার মনে পড়ল—প্রাচীন স্মৃতি নবীন পরিস্থিতির বিনা অনুমতিতেই উদয় হয়—প্যারিসের রেস্টোরাঁতে ওয়েটার খুনা অর্ডার দফে দফে শেষ হওয়ার পর যখন জিজ্ঞেস করতো, “এনি থিং এল্‌স্‌ মাদাম” তখন তাদের মধ্যে বেরারোয়া মেয়ে বসে উঠতো, “হ্যাঁ তোমার প্রেম!”

শিপ্রা বললে, “খ্যাক্স ইউ, গুড্‌ নাইট, ইয়াং ম্যান। মা মেরি তোমার মঙ্গল করুন।”

কুটিরে ঢুকে শিপ্রা অনেকক্ষণ দাঁড়িয়ে রইল। ভুলে গিয়েছে এর পর কি করতে হবে, তার পর কি, শুয়ে পড়বার আগে। মাথাটা যেন ভেকুয়াম। এবং সে বোধশক্তিও নেই। হাত মুখ ধোয়া। কাপড় ছাড়া, এসব নিত্য রাতের যান্ত্রিক রীতি তবু—

এমন সময় কাঠের বারান্দায় ছুমদাম করে পায়ের শব্দ হল। ছুটে আসছে কেউ। হঠাৎ একেবারে চুপ। আন্তে আন্তে দোরে টোকা। মুহূর্ণ্যে “মাদাম, টেলিগ্রাম।”

তার হাত কেঁপেছিল কি না, পরে স্মরণ করতে পারে নি। শুধু একসপেরিমেন্ট করে দেখেছিল বারান্দার ক্ষীণালোকে টেলিগ্রামটা পড়া যায় না। তখন কিন্তু পেরেছিল।

বেচারী জিমি ঠায় দাঁড়িয়ে।

যেই দেখল, শিপ্রার মুখে হাসি ফুটেছে, ভদ্র হোটেলের বেবাক এটিকেট ভুলে গিয়ে চৌঁচিয়ে উঠলো, “গুড্‌ নিউজ, ম্যাডাম?”

“খ্যাক্স। ই্যা।” জিমির তিন লম্ফে পলায়ন।

শিলচর থেকে তার। “সাতাশ তারিখে পৌঁচছি। কীতান খান।”

চতুর্থ অধ্যায়

শিলঙকে বলা হয়, “হিল স্টেশনের রানী”। রাজা কে? দার্জিলিং? রবীন্দ্রনাথ হুটোর তুলনা করেছেন অতিশয় সঙ্কীর্ণ পরিসরে :

“দার্জিলিঙের তুলনাতে ঠাণ্ডা হেথায় কম হবে,
একটা খদর চাদর হলেই শীত-ভাঙানো সম্ভবে।”

কিন্তু দার্জিলিঙের সঙ্গে তুলনা না করে তারপর শিলঙের যে-বর্ণনা দিয়েছেন তাতে শিলঙের প্রায় কোনো মাধুরিমাই বাদ পড়ে নি। যে পাইন বন শহরে পৌঁছুবার বহু আগেই থেকেই শুরু হয়ে যায় সেটাই শিলঙের সব চেয়ে বড় আকর্ষণ। রবীন্দ্র কবিতাতে ছুঁছুবার তার উল্লেখ করেছেন।

খুব ভোরেই শিপ্রার ঘুম ভেঙেছে। কিন্তু এই পাইন বনের অকল্যাণে—বিশেষ করে যেখানে বনটা নিবিড় ঘন—কবি বর্ণিত :

“এখানে খুব লাগল ভালো গাছের ফাঁকে চন্দ্রোদয়” সেই চন্দ্রোদয়, সূর্যোদয় শিলঙের বহু জায়গা থেকেই দেখা যায় না। তাই শিপ্রার চোখে পড়েছে, অনেকক্ষণ ধরে ঘন পাইন বনের ছাঁকনির ভিতর দিয়ে গলে আসা প্রদোষের আধা আলোর কেমন যেন সবুজ সবুজ ভেজা ভেজা রেশের পরশ। কিন্তু কানে আসছিল যে—

বাতাস কেবল ঘুরে বেড়ায় পাইন বনের পল্লবে।

তারই ক্ষীণ ঝির ঝির মধুর, যেন কচিৎ জাগরিত বিহঙ্গ কাকলী। শিপ্রা কিন্তু পূর্ণ জাগরিত। নিত্য উষার তার সদভ্যাস—প্রথম আলোর চরণস্বনির সঙ্গে সঙ্গে সে প্রথম পদক্ষেপ করে শয্যা থেকে ভূমিতে—কলকাতায় শেষের ছ ভোরে করেছে পাদপীঠ 'পরে। কীর্তি সোনালী নীলের গালায় আঁকা, ঢেউ খেলানো পা-ওলা বর্মা দেশের একটি পাদপীঠ তার অজানতে একদিন চুপিসারে রেখে গেছে।

বেদনার উত্তেজনাতে মানুষ তবু কিছুটা কাজকর্ম করতে পারে, কিন্তু নির্ভাবনার প্রশান্তি আনে অবসাদ।

ছোট্ট জানলাটির শাঙ্গির ভিতর দিয়ে সে তাকিয়ে আছে মাঝারি পাইনের শীষ পল্লবের মুছ আন্দোলনের দিকে, আর হেথা হোথা টুকরো টুকরো নীলাকাশের পানে। ততখানি উপরে উঠতে দেবতার ঢের সময় লাগে। টিলার সান্নিধ্য পাইন পাতার ছুঁচে আবরিত। এখানে ওখানে সূর্যরশ্মির গোম্পদ। চিকচিক করে তার পিচ্ছিলতা।

কিন্তু সব কিছু মিলিয়ে কেমন যেন একটা স্যাংসেঁতে ভাব—মনটাও প্রফুল্ল করে তোলে না।...একটি খাসিয়া মেয়ে পিছলে পাইন পাতার উপর পা টিপে টিপে সন্তর্পণে পাহাড় চড়ছে। মাঝে মাঝে পিছন পানে তাকাচ্ছে। কোথায় যাচ্ছে ওদিকে? ওখানে কাঠ কাটতে দেয় না। একটা ছোকরা এসে নিচের রাস্তা থেকে ডাকলে ওকে। মেয়েটা কিছু উত্তর না দিয়ে সন্তর্পণতা বর্জন করে লাফিয়ে লাফিয়ে চললো উপরের দিকে। কাঁই বা করে ছোঁড়াটা। সেও ছুটলো পিছনে। হুঁজনাই অদৃশ্য। অনেকক্ষণ পর নেমে এল হুঁজনা, হাত ধরাধরি করে, কিন্তু রাস্তায় নেমে একে অন্তের হাত ছেড়ে দিল। শিপ্রার মনে হল এদের রস আছে—নইলে এত সকালে লুকোচুরি খেলা।

বেয়ারা ভোরের চা নিয়ে এল। শিপ্রা বিছানা থেকেই বললে, বাইরের ঘরে রেখে যাও। সে স্নসংবাদ পেয়েছে, ওকে মুখ দেখায় কি করে। কবির “বিহু” ছিল কম বয়সী—তার চিন্তে উদয় হয়েছিল ভাব, বিশ্বসংসারের হুঁখ না ঘোচাতে পারলে তার সেই হঠাৎ-পাওয়া আপন আনন্দ সম্পূর্ণ হবে। শিপ্রার সে-সাধ হওয়ার কথা নয়, তবু চেনা জনের হুঁশিস্তা, তার সামনে বেরোয় কোন্ মুখে।

আবার হুমদাম্ শব্দের সঙ্গে নিস্তরতা, টোকা, “কাম্ ইন্।”

তিনবার “গুড্ মর্নিং” বলার পর উত্তেজনায় ফেটে চৌচির জমি একরাশ খবর দিলে। সেগুলো সংগ্রহ করেছে, কিছুটা বেতার থেকে, কিছু ট্রান্স তারের বন্ধুর কাছ থেকে, কিছুটা ভিন্ন ভিন্ন জায়গায় সবজাতাদের ফোন করে, ফোন পেয়ে।

সর্ব প্রথম এবং সর্বপ্রধান সংবাদ। ঢাকায় কাল রাত থেকে লেগে গেছে ধুমুসার। অত্ন কোন্ কোন্ জায়গায় সে-খবর সঠিক কেউ বলতে পারে নি, তবে খুব সম্ভব সব ক্যানটনমেন্ট টাউনে জোর দিয়ে বার বার বললে, “শিলচর ইজ সেক্—পাকা খবর।”

“কি করে শোয় হলে জমি?”

“গুড লর্ড ! আমি আমার ট্রাক বন্ধুদের অতিষ্ঠ করে তুলি নি, সেই ভোরবেলা থেকে, শিলচরের খবর জানাতে।” মুচকি হেসে বললে, “ওরা হয়তো ভেবেছে আমার কিয়্যাসে বুঝি শিলচরে।”

“আরেকটা ইমপোর্টেন্ট খবর, মাই লেডি, পাক্ আর্মি ইণ্ডিয়ান এলাকায় ঢুকবে না—এইটেই ৯৯% রিপোর্টার স্বামীনাথন তো বললে, সে তার লাস্ট শাট বেটু করতে রাজী আছে ? অতএব শিলচর ভেরী সেক।”

“সিলেটের খবর ?”

গলা নামিয়ে বললে, “ভালো নয়, মন্দও নয়। তবে স্বামীনাথন জোর গলায় বললে, সে নিজে জানে সিলেটে পাঞ্জাবী পাঠান সেপাই মতি অল্প—নেগলিজেবল।”

শিপ্রা একটু চিন্তা করে বললে, “আট্‌স্‌ ইট। বলো তো, জিঁম, এখানকার সব চেয়ে সরেস রেডিয়ো ডিলার কে ?”

“গুডনেস মী ! সে তো আমার ইয়ার বরুয়া। নাইস চ্যাপ। কিন্তু ম্যাডাম আপনি টাকা দেবেন না। শুধু দামটা জিজ্ঞেস করবেন। তারপর দেখি তার দৌড় কদর।”

“টাকা না দিলে—”

“দেবে না ? মানে ? হেভেনস্‌। ন’টার সময় দোকান খোলে যাকে বলে কারেক্ট টু দি গান।”

“কি দরকার দর কষাকষি করে ?”

“প্লীজ, ম্যাডাম। আমাকে অন্তত একটা চান্স দিন। আপনি এখন খুশী। লেট মী বী হ্যাপি ওলসো।”

শিপ্রা এখন গুজাব, খবর, ব্লাক্ প্রপাগাণ্ডা, সব শুনতেই রাজী।

কাঁটায় কাঁটায় ন’টায় বরুয়ার দোকানে গেল ট্যান্ড্রি করে। নদারজী টাকা, কুমিল্লার যে-সব রোমন্থকর গুল্-ই-বাকগুলির কেছা শোনায়ে তার কাছে জিঁমর রিপোর্ট সরকারি এশতেহারের মত

পানসে, বলে অনেক মীন করে নাথিং, যেন হাওয়ার কোমরে রশি বাঁধা। কোনো প্রকারের ওসকানি শিপ্রাকে দিতে হয় নি। সেদিন ডিকটেটর ইয়েহিয়ার কাহিনীই সকল কাহিনীর ডিকটেটর। এমনকি পুচকে ডিকটেটর ইয়েহিয়ার তুলনায় দানবকায় বড়া ডিকটেটর হিটলারের অতর্কিত রুশ আক্রমণের খবর তাঁর ছশমন চাচিল রুজভেন্ট ছুজনাই জানতেন ও স্থালিনকে মাসথানেক পূর্বে সতর্ক করে দিয়েছিলেন। মুসসোলীনীর অতর্কিততর গ্রীস আক্রমণের পূর্বাভাস হিটলার পান নি। আমাদের পুচকে ডিকটেটর “হেইয়া সাব” কিন্তু কুলে ডিকটেটরকে এ-বাবদে ঘোল খাওয়ালেন। শেখের সঙ্গে সন্ধির কথাবার্তা দিনের পর দিন তিনি যখন চালিয়ে যাচ্ছেন, তখন পশ্চিম পাক থেকে তিনি আনাচ্ছেন টর্নাদো বেগে হাজার হাজার পাঠান-পাঞ্জাবী সঙ্গে সঙ্গে দিনের পর দিন। ২৫শে মার্চের ছপূর রাত পর্যন্ত ঢাকার অধিকাংশ লোকই বিশ্বাস করতো, ইয়েহিয়া মুজীবের মধ্যে একটা ফয়সালা হয়ে গিয়েছে। সদর (শব্দার্থে “চক্রবর্তী”) ইয়েহিয়া ছ’ একদিনের মধ্যেই কৈসালার বিবরণ প্রকাশ করবেন। ২৬ মার্চ সকালে ইয়েহিয়া ভুট্টো মুজীবের সম্মিলিত হওয়ার পাক্সা এপয়েন্টমেন্ট। ২৫ মার্চ বিকেল পাঁচটায় ইয়েহিয়া ঢাকা ত্যাগ করলেন মুজীব এমন কি তাঁর বামহস্ত ভুট্টোকে পর্যন্ত কোনো খবর না দিয়ে। সেদিন সে-খবর জানতে পারলো অতি অল্প লোকই। খুদ ঢাকা শহরেও। আর্মি অফিসার ইয়েহিয়া তাবৎ সিভিলিয়ান ডিকটেটরদের শিথিয়ে দিলে একটি নবীন তত্ত্ব। আর্মি ডিসিপ্লিনে যে-কোনো প্ল্যান গোপন রাখা অফিসারদের “ধর্ম”—সিভিলিয়ানের পক্ষে সেটা অসম্ভব।

শিলঙ জানতে পেরেছে ২৬ সকালে বুদ্ধমারের খবর। যুদ্ধারম্ভের পূর্বেই ঢাকার রণাঙ্গন থেকে জঙ্গী লাটের পলায়ন—যথা, দুর্ধোধনের হৃদয়ে সাহস দেবার জন্ত শত্ৰু না বাজিয়ে পিতামহ ভীষ্ম যদি চুপিসারে পুষ্পক প্লেনে পলায়ন করতেন, তোবা! তোবা! শুনলেও

পাপ হয়—এ-খবর হয় তো লাগে তাক না হয় তুচ্ছ রূপে কোনো কোনো ফলিত জ্যোতিষী অনুমান করেছিলেন মাত্র। ডাইভার নদীরজী হয়তো পূর্বজন্মে জ্যোতিষী ছিল।

শিপ্রার স্মরণে এসেছে, আগরতলায় মিঞা সাহেবের কথা।

তাহলে 'শীয়া' ইয়েহিয়া শেষ পর্যন্ত মহব্বতের পবিত্রতা বিনষ্ট করে ঐ মাসেই নরহত্যা লিপ্ত হল।

“ইসলামী পঞ্জিকা”খানাতে শিপ্রা শনৈঃ শনৈঃ অগ্রসর হচ্ছিল বটে, কিন্তু ঠিক যে স্থলে সংক্ষেপে বলা হয়েছে, মুসলমানী হিসেবে দিবস আরম্ভ হয় সন্ধ্যা থেকে, সূর্যোদয়ের সঙ্গে সঙ্গে, সে অবধি পৌছয় নি। ২৫ মার্চ দিনটা ছিল বুহম্পতিবার। কিন্তু সূর্যোদয়ের সঙ্গে সঙ্গে আরম্ভ হয়ে গিয়েছে বিশ্ব মুসলিমের “জাফাৎ” পবিত্র জুম্মাবার, শুক্রবার। কটুর শীয়া আরম্ভ করলেন তাঁর নরহত্যা শীয়া স্ত্রী উভয় সম্প্রদায়ের পবিত্র জুম্মাবার রাত এগারোটায়, স্ত্রীর কাছে পবিত্র, শীয়ার কাছে পবিত্র ৩ম মুহররম মাসে!

শিপ্রা দোকানে ঢুকে বেছে নিল সবচেয়ে ভালো বেতারযন্ত্র—পরের মুখে আল না খেয়ে গে স্বর্ণের শ্রুতে চাইল ঢাকা, কলকাতা, পিণ্ডি, বিবিসি এবং জোরদার বিদেশী স্টেশনগুলো। দাম শুনে শুধলো সর্বোত্তম এরিয়ালের সরঞ্জাম বরুয়ার লোক হোটеле ফিট করে দিয়ে আসতে পারবে কি না, তার চাই আজই, এখুনি। বলতে না বলতে জিম এসে উপস্থিত। মাদামকে আরেক দফা সুপ্রভাত জানিয়ে তাঁকে বললে, “আপনার সেট পছন্দ হয়েছে? শুভ্। এবারে আপনি সেটটি সঙ্গে নিয়ে যান, আর এই লাগিয়ে দিচ্ছি ঘণ্টা দুয়ের তরে মোস্ট টেম্পরারি একটা এরিয়ালের তার। তারের অন্য প্রান্তটা কোনো একটা জানলা দিয়ে বাইরে ঝুলিয়ে দেবেন। দাঁড়ান, এই আমি ১৩ মিটারে লাগিয়ে দিচ্ছি নীডলটা। ডাইনে বাঁয়ে ওটাকে সামান্য নাড়লেই পেয়ে যাবেন এবিসি, আই মীন, অস্ট্রেলিয়ান ব্রডকাস্টিং কোম্পানি না করপোরেশন কি যেন?

মিনিট পনেরো পরেই পেয়ে যাবেন নিউজ বুলেটিন। ইণ্ডো-পাক খবর বিতরণে ওরা প্রায়ই বিবিসিকে কানা করে দেয়। টাকা ? সে আপনি আমাকে বরুয়ার নামে চেক দিয়ে দেবেন একাউন্ট পেই। অবশ্য সেট পছন্দ হলে। নইলে আজ বিকালে আমি বরুয়ার সেটটা—বেস্ট ইন্ দি স্ট্রিট অব সুরেজ, মাদাম।” বলে সেট তুলে নিয়ে মাদামকে আঁধা বোটের মত পিছনে পিছনে টেনে।

প্যোরেস্ট অব্ দি প্যোর অহম সম্ভান বডুয়া সমস্তক্ষণ ছ’কান হোয়া মুছ হান্ড, তৎসহযোগে ঘাড় নেড়ে নেড়ে, “অফ্ কোর্স”, “সার্টেনলি”, “টাকার কথা কে তুলেছে ?—নট মী,—বহক্, ম্যাডাম, বহক্, চেয়ারতায় বস্টে আজ্জা হোক” মুছ কণ্ঠে বলে যাচ্ছে তো বলেই যাচ্ছে। শিপ্রা ছ’একবার আপত্তি তোলবার চেষ্টা করে হাল ছেড়ে দিল।

প্লাগে কনেকট করতে আর তার লটকাতে ক’ মিনিট লাগে। নীডল একটু ছুঁতে না ছুঁতেই মেলবার্ন গাঁক্ গাঁক্ করে উঠলো, এরিয়ালের উদ্বাহ বামন বেতারের কল্যাণেই। ইতিমধ্যে দেখতে পেল এসে গেছে অহম দেশের গভীরতম অরণ্যের গগনচুম্বী বংশাবতঃশব্দয়। এ-হেন এরিয়েল দিয়ে কটকের চিঁউ চিঁউ মিঁউ মিঁউ থেকে টোকিয়োর গাঁক্ গাঁক্ শোনা যাবে পরিষ্কার—দাঁত মুখ খিঁচিয়ে স্পীকারে কান না স্টেও !

সমস্ত দিন কাটলো শিপ্রার এ স্টেশন ও স্টেশন শুনে শুনে।

বিশেষ করে কলকাতার ডি সি বেতার রিসেপশন এতই পীড়াদায়ক যে, সে সেখানে তাদের যন্ত্রটাকে কয়েকমাস নাড়াচাড়া করে একদম তালাক দিয়েছিল।

এখানে কী লাক্ !

প্রথম সন্ধ্যাতেই, পিণ্ডি থেকে নীডল একটু সরে যেতেই শিপ্রা শুনতে পেল পরিষ্কার যদিও ঈষৎ মুছ কণ্ঠে, “ইসি পারি, ইসি পারি।” “এখানে প্যারিস এখানে প্যারিস, মেদমোয়েজেল, মেদাম—”

শিপ্রা মুহম্মান ! কত বর্ষ, কতকাল পরে সে শুনতে পেল সেই প্রাচীন যুগের নিত্যদিনের সঙ্গী “ইসি পারি, ইসি পারি।” সংবিৎ হারিয়ে—প্যারিস দিচ্ছিল খবর—সে-কথা কইতে লাগলো প্যারিসের সঙ্গে—“উই উই—হ্যাঁ হ্যাঁ, মে সার্ভেনমা—নিশ্চয় নিশ্চয়—” তারপর কি একটা অনিবার্য দুর্ঘটনার সংবাদে “মে ক্য ভুলে ভু—আহা, তার আর কি করা যায়—” ফ্রান্সবাসী যে কোথাকার কোন্ এক কনফারেন্সে তাদের করেন মিনিষ্টার যাচ্ছেন না শুনে মোটেই বিচলিত হয় নি শুনে শিপ্রা ঘাড় গর্দান শ্রাগ করে মুখ বেঁকিয়ে বললে, “জ্য মা” ফুঁ অসি—আম্মো খোড়াই কেয়ার করি।”

কে যেন দরজায় নক্ করলো। শিপ্রা তখন প্যারিসে।

“আঁত্রে, সিন্ ভু প্লে—ভিতরে আসুন প্লীজ।” যেই দেখলো ঢুকেছে সেই জোয়ান সিলেটী বেয়ারা, অমনি কোথায় মিলিয়ে গেল প্যারিস ! একটা ফুঁতে নিভে গেল পিদিমটি। অন্ধকার ॥

পঞ্চম অধ্যায়

শিপ্রা ইংরিজি, ফরাসিস, বাঙলা বুঝতে পারে ভালো, কিছুটা হিন্দী।

সকালে মেলবার্ন হতে যাত্রা আরম্ভ করে পিণ্ডি, দিল্লী হয়ে বিবিসি, ছপ্পুরে জার্মানির কলোন, সঙ্ক্যায় প্যারিস। সর্বশেষে চীন আর রাশা। ইতিমধ্যে হয়তো উটকো আজরবাইজান থেকে শুনলো ফরাসিতে কিংবা ভয়েস অব্ আমেরিকা থেকে বাংলাতে।

ফলে সব কিছু গেল ঘুলিয়ে। পরে কিছুতেই মনে পড়লো না স্বাধীন বাংলা বেতারের বাক্যক্ষুতি হয়েছিল কোন্ দিন, আর, ঢাকা বেতার লীগ প্রেমীদের হাত থেকে খানরা ছিনিয়ে নিল কোন্ সময়—ছাব্বিশের সকালে। বস্তুত ঠিক সে-সময় শিপ্রা বেতার কিনতে

বাজার গিয়েছে। তবে তার ভাসা ভাসা একটা ধারণা হয়েছিল, খানদের অমানুষিক অত্যাচার এবং পাশবিক বর্বরতার সর্বপ্রথম সংবাদ দেয় এবিসি।

শেষ পর্যন্ত শিপ্রার হৃদয়ঙ্গম হল, বিস্তর স্টেশন শুনে বিশেষ কোনো লাভ হয় না। পঞ্চ পাণ্ডবের চেহারা ছবছ এক রকমের হলে দ্রোপদী নিশ্চয়ই আপত্তি জানাতেন। এস্থলে গোটা পঁচ, বিবিসি, মার্কিনী এবং গোটা ছত্তিন, একুনে ওকীবহাল পঞ্চ স্টেশন বিস্তর মেহন্নৎ ও দেদার পয়সা টেলে খবর সংগ্রহ করে; বাদবাকি কুলে ছনিয়ার বুড়ি বুড়ি স্টেশন এদের সঠিক সার্টিফিকেট প্রাপ্ত কার্বন নন বটে কিন্তু ঐ পঞ্চ পাণ্ডব প্রদত্ত সংবাদের বিভিন্ন রকমের ঘ্যাট বানিয়ে বিতরণ করে। শিপ্রার এত প্যারা যে “ইসি পারি” তিনি পূর্ব বাঙলা বাবদে প্রায়শ উদাসীন কিন্তু যখন নিন্দে করতে চায় তখন বিবিসির মত পিনপিনিয়ে শ্যাম কুল রক্ষা না করে, ছায় চুটিয়ে গালাগাল এবং মাঝে মাঝে একটা ছলো আর মেনী বেড়াল গাল গল্লের মাঝখানে এমন সব বর্ডার-হোয়া আদিরসাত্মক মাল ছাড়ে যে আমাদের এক্স-প্যারিসিনী শিপ্রা ভিন্ন—মেয়ে নয়—যে কোনো পুরুষেরই পিলে চমকে উঠতো।

“লিবের্তে, লিবের্তে, তুজুর লা লিবের্তে।”

কোন বেতার কতখানি “লিবের্তে” উপভোগ করে সে প্রশ্নটা শিপ্রার মনে আবার উদয় হল। বছর কয়েক আগে সে পাক-ভারত লড়াইয়ের সময় বন্ধুবান্ধবের বাড়িতে আর-সবাই শুনতে চায় বলে সেও সঙ্গ দিয়ে কয়েকবার বিবিসি শুনেছিল। এখন মাত্র ছ’দিন—অবশ্য বেশ বার কয়েক—বিবিসি শুনে তার মনে হল দায়িত্ববোধ মাত্রাধিক বেড়ে যাওয়ার ফলে সে ক্লীব হয়ে যাচ্ছে। আধা-কর্সা সুন্দরীর আপন কর্সা বাঁচানো সম্বন্ধে দায়িত্ববোধ যখন বড় বেশী বেড়ে যায় তখন সে যেমন রোদ্দুরে বেরুতে চায় না। চিন্তা করে শিপ্রা সিদ্ধান্ত করলো, এখন বিবিসির মূল্য নেতিবাচক। অমুক গুরুত্বপূর্ণ

নিউজ-আইটেমটা পূর্ব পাকের প্রতিবেশী বর্মা বেতার দিয়েছিল সকালবেলা, সেদিন তো নয়ই, পরের দিনও বিবিসি সেটা উল্লেখ করলো না, এমন কি বর্মার বরাতে দিয়েও না। অতএব খবরটার সত্যতা সম্বন্ধে সন্দেহ করার যথেষ্ট অবকাশ আছে।

ইতিমধ্যে পশ্চিম পাক বেতার যে একটাই রেকর্ড অনবরত, কিবা দিন কিবা রাত্রি, বাজিয়ে চলেছে তার ধ্যে “তামাম পুরুষ বাঙালময় অথও শান্তি, অপার নিরাপত্তা।” এটা যে হবে সে তো নিতান্ত স্বাভাবিক। পৃথিবীর সর্বশ্রেষ্ঠ প্রপাগাণ্ডা বিশারদ হের ডক্টর গোয়েবেলসও শেষ পর্যন্ত আপন প্রপাগাণ্ডার হাড়কাঠে মুণ্ডুটি হারালেন। “বার্লিনের পতন কখনো হবে না,” “বার্লিন কাম্পন-কালেও পরাজিত হতে পারে না” এ জিগির তিনি শত শত বার শুনিয়েছেন বেতারে, বিশেষ বিশেষ বুলেটিনে, মার্চ-মুজিকের তেজীয়ান তাল লয় সহ, বলীয়ান রণ দামাদা সহযোগে বিশ্বাসী অবিশ্বাসী বার্লিন নাগরিকদের—আজ যে-রকম ছবছ “পৃথিবীতে শান্তি অসম্ভবক্ষে শান্তি” জিগির গাইছেন ‘চোটা’ ডিকটেটর ইয়েহিয়া—বার্লিন পতনের পূর্ব মুহূর্তে সেই কাণ্ডান গোয়েবেলস নিমজ্জমান বার্লিন-মানওয়ারী জাহাজ থেকে খালাসী লঙ্করকে আপন আপন নদীবের হাতে সমর্পণ করে এক লাফে লাইফ-বোটে আশ্রয় নেবেন কি করে? সে তো অনেক দূরের কথা—ইয়েহিয়ার তরে, এখন। এখন তার জীবন পুথির নয় পাতা সে উলটিয়েছে মাত্র। কিংবা সে নববর। আতশ বাজীর ফাঁকা আতশ—আগুন—নয়, উৎসব-বাহি দাউদাউ করে জ্বলছে, জ্বালাচ্ছে হাট-বাড়ি, মন্দির-মসজিদ। কাঁচা বাঁশের খুঁটি আগুনে তেতে উঠে যে বিকট শব্দে ফেটে উঠছে তার কাছে কোথায় লাগে পাঠানের বিয়েতে রাইফেলের কাঁকা আগুয়াজ?—লোকে বলে ইয়েহিয়া পাঠান, আসলে সে শীয়া দারওয়ান গুটির ছেলে, জাতে কিজিলবাস, পাঠান কুত্রাচ শীয়া হয় না। বিয়ের বর্ণ লাল, লালে লাল, রক্ত লাল। আবার আর পিচকারী মারার তরে

লাল রঙের কী প্রয়োজন ?—মোগল ছবিতে হোলির দিনে, বিয়ের
সঙ্গে পাঠান মোগল হারেম-মহিলারা পিচকারি দিয়ে টকটকে
সুগন্ধি লাল জল—সুর্থ-আব্ মারতেন একে অন্তের তনুদেহে—
এন্তের মোগল তসবীরে আছে, মুসলিনের ছপাট্টা, সোনার চুমকিদার
উড়িয়ার ফিলিগরি রূপোর তার আর রেশমী সূতোয় বোনা
সদরিয়া ভেদ করে সিন্ত করে দিয়েছে শুভ্র কেননিভ সিত
কুঞ্চলিকা। নৃত্যের তালে নীবিবন্ধ শিখিল হতে শিখিলতর হয়ে
উন্মোচিত করে দিয়েছে নাভিপদ্ম। লক্ষ্য ভেদ করো, মারো
পিচকারি, হে হারেমরাজ নটবর ইয়েহিয়া মহরমের শুক্রেয় রাতে।
কি ? রক্তরাগরঞ্জিত বারি আর নেই ! কি ভাবনা তব ওহে
সৈনিক,

হোয়ো নাকো ম্রিয়মাণ !

না, না, না—ফটিকাধার থেকে শিরাজের লাল পানি নিচ্ছে
কেন, রসরাজ। যদি তুমি এখন ঢাকেখরীর প্রসাদাৎ প্রাসাদে ছর্ব্বার
স্বচ্ছাবার নির্মাণ করে থাকো তবে আনাও না রক্ত, জোয়ানদের তাজা
খুন, রমণীদের অঙ্গরক্ত। বুড়ীগঙ্গার পানি তো ডুবে মরেছে
উপরের রক্তশ্রোতের চাপে। কোনো লাস্তবতী শ্বাকরা করে বলতে
পারবে না,

বঁধু রং দিয়ে না গায়,

তুমি তো দিচ্ছ রক্ত। ড্যাম ইয়োর রং।

সাতাশে মার্চ শিপ্রা ধীর পদে গেল রাত এগোরটায় হল ঘরে।
উইলসন মাস্টার ছোট্ট একটা কমজোর বাল্ব ছাড়া, সব-কটা আলো
নিভিয়ে ঝিমুচ্ছে। যেন ঘিয়ের পিদিমের আলোতে একটা বাচ্চা
ছেলে ঘুমুচ্ছে। কোনো প্রকারের শব্দ হলেই সে তড়াক করে
লাকিয়ে উঠে নিদ্রালু ভাব কাটবার আগের থেকেই জপ করতে
আরম্ভ করে, “ইয়েস্ প্লীজ ! ‘হোয়াট ক্যান আই ডু ফর ইউ।”
কিন্তু শিপ্রা এসেছে অতিশয় নিঃশব্দে। এবং তার পায়ে দিল্লীর

বিল্লী মোরান মহল্লার সেলিম শাহী—এর সোল নাকি তৈরী হয় চামচকের ডানা পিটে পিটে; সত্য নির্ণয় কঠিন। শিপ্রা ছুই হাত আড়াআড়ি বিছিয়ে তার উপর বুকের ভর দিয়ে চুপসে দাঁড়িয়ে রইল। দেখছিল, সরল কিশোরের তল্লা তার মুখচ্ছবি কী মধুর আর সরলতর করে দিয়েছে। এ-রকম আত্মরে আত্মরে মুখ থাকলে কী কিশোর, কী যুবা, কী শিশু সবাইকে কণ্টিনেন্টে বলে “মাদারজ্ ডার্লিং” মায়ের ছলল।”

এক সময় জেগে উঠবেই। ধড়মড়িয়ে দাঁড়িয়ে “গুড্—” সম্পূর্ণ করার পূর্বেই শিপ্রা শুধোলে, “জিমি, সে, ইউ গট ব্যাণ্ডি, কন্ট্রাক্—ফ্রেঞ্চ?”

জিমি থ। ইনি অবশ্যই সোসাইটি লেডি। এর চতুর্দিকে যে আবহাওয়া সে তো সোসাইটি লেডিরই উপযুক্ত, এবং সেও ইলিয়ট রোডের প্রাচীন দিনের এ্যাংলো—মত্দের সঙ্গে শিশু বয়েস থেকে তার পরিচয়—তবু এ লেডির সঙ্গে কন্ট্রাক্ কেন, শ্যাণ্ডির ফোঁটা পর্যন্ত খাপ খাওয়াতে পারলো না। যে-রকম তার ড্যাডি। পাল-পরব ভিন্ন তাকে সে কখনো সে-পাশ মাড়াতে দেখে নি।

জিমি : “সার্টেনলি, সঙ্গে সোডা না প্লেন্ জল?”

“সোডা আর জল দুইই। আর দুটো ওয়ান গ্লাস নিয়ে আসবে, সঙ্গে করে? কিন্তু বাঁ দিয়ে—ইয়াল্লা—কাউন্টার সামলাবে কে?”

“কী যে বলেন, মাদাম! বেয়ারা রেখে যাবো। সে ডেকে দেবে। কিন্তু এখন তো বড় কিছু একটা কাজ থাকে না।”

শিপ্রা কটেজের ড্রইংরুমে জিমিকে মুখোমুখি বসিয়ে “হিয়ার ইজ লাক!” বলে জিমির গেলাসে আপন গেলাসের সঙ্গে টক্কর লাগিয়ে টুং করে ধ্বনি তরঙ্গ জাগালে।

জিমির বয়স কম হলেও বড় হোটেলের রেসেপশনিস্ট রূপে তার অভিজ্ঞতা হয়েছে বহু বিচিত্র এবং প্রচুর। সে তাগড়া জোয়ান, চেহারা মিষ্টি মিষ্টি, সবাইকে আপ্যায়িত করতে হামেহাল তৈরী।

বিস্তার' চা বাগানের মেম সায়েব, নেটিভ মেম সায়েব, সোসাইটি লেডি, 'মার্কিন টুরিস্টিনী' হিল স্টেশনে আসে নিছক 'যৌনক্ষুধা' পরিতৃপ্ত করতে। তাদের ভিতর আবার 'গড্‌ ড্যাম্‌ পার্ভার্ট'। কলকাতায় পুরুষরা বড় বড় হোটেলে 'ঢলাঢলি' করেন। শঙ্কর তার ব্যক্তিগত অভিজ্ঞতা থেকে সে-নাটকের অত্যন্তম বর্ণনা এবং নিতান্ত নৈর্ব্যক্তিক পদ্ধতিতে যে রস সৃষ্টি করেছেন সেটি গোড়জন আনন্দে করিছে পান সুধা নিরবধি। অবশ্য 'ঢলাঢলি'র জ্ঞা রমণী দরকার। অতএব তেনারাও আছেন, কিন্তু সেখানে তারা প্যাসিভ উপাদান মাত্র, যেমন ছইক্ষি। কিন্তু 'বোসাই' কলকাতাতে 'যৌনক্ষুধা'র রমণীরা সক্রিয় স্বাধীন পদ্ধতিতে 'রতি-সখার' সঙ্গস্থ উপভোগ করার জ্ঞা বড় বড় হোটেলের "সদ্যবহার" করতে ঈষৎ কুণ্ঠিত হন। ফলে বংশানুক্রমে ঐরা যে অভিজ্ঞতা সঞ্চয় করেছেন সেটা বহুবিধ পথ আবিষ্কার করেছে। তার মধ্যে দু'টি পস্থা উৎকৃষ্ট। জাহাজে করে দরিয়ায় দরিয়ায় ভাসতে ভাসতে নব নব যৌনাভিজ্ঞতানন্দ সঞ্চয় অত্যন্তম বটেক্, কিন্তু যদি অত্যধিক, সহ্যাতীত উৎকট উচ্ছ্বলতার দরুন সঙ্কট দেখা দেয়—যদিও এ স্থলে পরিষ্কার বলে রাখা ভালো, এ-সব টুরিস্ট জাহাজের অধিকাংশই ইহভূবনে 'সর্বজনবিদিত, সমর্থিত' "জলচর সোনাগাছি"—সোনাগাছিকে অপমান করা এ-পুস্তকের উদ্দেশ্য নয়—তখন কাণ্ডের আদেশে কাট্‌ আউট্‌, কেবিনে রুদ্ধাবস্থা থেকে সে রমণী মুক্তি পায় কি প্রকারে? অথচ প্রতিরাতে 'কোটপতিনীর' অসহ্য প্রয়োজন একটা 'তাগড়া' জোয়ানের, কোনো কোনো স্থলে একাধিক কণ্ঠিত আছে, রাশার জারীনা কাতেরীনার জ্ঞা প্রতিদিন 'নিত্যনূতন' গার্ড অব অনার উপস্থিত রাখা হত নিত্য নবীন বলিষ্ঠ প্রিয়দর্শন আর্মি অফিসার দ্বারা নির্মিত। মহারানী কাইলের সন্মুখ দিয়ে ধীর পদে যেতে যেতে যাকে সে-সন্ধ্যার নর্মসখা রূপে উৎকৃষ্ট মনে হত তার দিকে এক মুহূর্তের শতাংশেক মাত্র চোখের একটি ঝলক বুলিয়ে দিতেন। মহারানীর সহচর বয়স্কের তীক্ষ্ণ দৃষ্টি ক্ষুরধার অসিকে এক

কটাক্ষে দ্বিধাশ্রিত করতে পারতো। মানুষ মাত্রেয়ই ভ্রাস্তি হয় এ-প্রবাদটি বক্ষ্যমাণ বয়স্কের ক্ষেত্রে নিতান্ত অপ্রযোজ্য। 'যমরাজ সম্বন্ধে সুপ্রচলিত গল্পটির "ট্রাজেডি অব্ এরর" তিনি কুত্ৰাপি কদাচ ঘটাতে দেন নি—কিংবদন্তী সে-বিষয়ে সবিশেষ সোচ্চার।

কিন্তু মার্কিন কোটিধারিণীরা যা-ই করুন না কেন, জারের আমি অফিসারদের মত বিশ্ব বাছাই সুদর্শন যুবক সংগ্রহ করা তাঁদের পক্ষে অসম্ভব। কারণ জারের আর্মিতে বা রাজদরবারে প্রবেশ করার গৌরব তথা অর্থ লাভার্থে পৃথিবীর প্রায় সব দেশ থেকে বাছাই বাছাই সুদর্শন, হুঃসাহসী, ভদ্রাচারগম্পন্ন যুবক আসতো সেন্ট পীটারসবুর্গে, মস্কোতে। 'রুশের কালিদাস কবি সম্রাট' পুশকিন-এর মাতামহ মূলত ছিলেন 'আবিসীনিয়ার' হাবশী—পীটার দি গ্রেটের কোঁজে তিনি জেনারেল পদে উন্নীত হয়েছিলেন। আজ কী নিকসন, কী মাও সে তুং এ-সম্মেলন করতে অক্ষম। গ্রাশনালিটি তার বিবকল পাসপোর্ট—স্বদেশে আপন নাগরিকতা না হারিয়ে ভিন্ন দেশের কোঁজে ঢোকা আজকাল প্রায় অসম্ভব। শ্রীমুভাষের কোঁজ হিউলার বা মিকাদো-কোঁজের অঙ্গরূপে শপথ নেয় নি। এ-তত্ত্বটির প্রতি পাঠকের দৃষ্টি আকর্ষণ করি, কারণ বাঙলাদেশের মুক্তি সংগ্রামের পূর্বে ও পরে এ-সমস্যা দেখা দিয়েছিল।

অতএব মার্কিন কোটিধারিণীরা বিশ্বপরিক্রমায় বেরোন প্রাকৃতিক সৌন্দর্য, সভ্য অসভ্য নানা সৌন্দর্য উপভোগ করতে। হিল স্টেশনে অর্ধসভ্য, পূর্ণ অসভ্য সর্বশ্রেণীর সামু্য সুলভ। এদের অনেকেই অতিসভ্য ককটেল, মাত্রাধিক মার্জিত পুরুষসঙ্গ সর্বাধুনিক নৃত্য অত্যধিক উপভোগ করার ফলে এ-সবের তরে সোয়াদ রুচি হারিয়ে ফেলেন। তাঁরা তখন বেরোন প্রকৃতির সন্ধানে। সভ্যতা দ্বারা অকলষিত তরুণ তরুণীর সন্ধানে যারা পূর্ণিমা রাতে গাঁয়ের ছোট্ট নদীটির পারে পারে বাঁশী বাজিয়ে প্রিয়াকে জানায় আহ্বান, প্রকৃতদস্ত তার দেহটি মনুষ্য নির্মিত কোনো উপাদান দ্বারা কলঙ্কিত না করে

তরুণী নিমজ্জিত করে আছে তার দেহ বল্লরীটি ঝরণাধারার স্বপ্নময় বালুচরের উপর। পূর্ণ চন্দ্রের উজ্জ্বল রৌপালোক তার ঘনকৃষ্ণ চিকণ মসৃণ চর্মে বার বার আঘাত হেনে চতুর্দিকে বিচ্ছুরিত হচ্ছে।

হিল স্টেশনের সবচেয়ে বড় আকর্ষণ : সমস্ত রাত ধরে পাহাড়ীদের সঙ্গে নৃত্য গীতে টুরিস্ট মগ্ন হলেন, লুকোচুরি খেললেন, সমতল ভূমি হলে ছোট্ট নদীটিতে জলকেলী করলেন, ওদের হোম মেন্ড্ বিয়ারে ধক্ অত্যন্ত বলে বে-এক্সেয়ার হলেন না, ওদের আচার-ব্যবহার কায়দা-কেতায় খাপ খাইয়ে নিশ্চিহ্ন হয়ে যেতে পারলে ওরাই অতিথির। ঠিক শব্দ নয়, যেন ভিন্ গাঁয়ের জাতভাই) নিঃসঙ্গতা সহিবে না, গা ঘেষে বসে এমন এক বলা-না-বলার ভাষায় ভাবের আদান প্রদান করবে, আভাসে ইঙ্গিতে মুহূর্তে লজ্জাবনত নয়নে কত না না-বলা-বাণী দিয়ে ভিন দেশীকে সম্পূর্ণ আপন করে নেবে। সখীরা কখনো কাছে এসে, কখনো দূরের থেকে সাঁহসিকাকে গানে গীতে সঙ্গ দেবে, আর কখনো বা অশরীরীগীর মত নিশ্চিহ্ন হয়ে যাবে।...পক্ষান্তরে তাঁতের ঘরে বলদ ঢোকায় মত রামপেঁচা গাড়লন্ত গাড়ল কোনো কোনো টুরিস্ট ইডিয়টের মত বেমক্কা জেব থেকে নোটের তাড়া বের করে সঙ্গিনীর হাতে ঠাস করে চড় খেয়েছে এ হেন বিপর্যয়ও অবিদিত নয়। এবং মাঝে মধ্যে শ্রাদ্ধারস্ত্র হয় সেখানেই। পরের দিন পাহাড়ী বেয়ারাদের ঠোট-কাটা-কোনো-একটা কাহিনীটি কীর্তন করে অগ্নি বেয়ারাদের কাছে এবং ক্রমে ক্রমে সেটা লেফাকা ছরস্ত ক্লাবেও পৌঁছে যায়। এ-পরিস্থিতিতে মাঝ দরিয়ার জাহাজ থেকে নিকৃতি কোথায়? হিল স্টেশনের সেই ভো সুবিধে। চলে যাও অগ্নি কোনো স্টেশনে। “বেটার লাক্ নেক্‌স্ট টাইম এট নেক্‌স্ট প্লেস, ওল্ড বয়, ও রভোয়া।”

রাত তো কাটলো প্রকৃতির অকলুষ বাতাবরণে আনন্দঘন চৈতন্য থেকে চৈতন্যান্তরে।

ছপু্রে টুরিস্ট কেন সভ্যতার উচ্চতম শিখায় আরোহণ করবে,

অর্থাৎ ঝকঝকে চকচকে উচ্চ দণ্ডাসনে বসবে পেভল, স্টেনলেসের বার-এর সমুখে। বার-এর ধাকে ধাকে ফটিক পাত্রে বিচ্ছুরিত হচ্ছে নানা বর্ণের রশ্মিচ্ছটা। বার মেড্ হেথায় মেড্ অব্ লিপস্টিক, রুজ, ম্যাসকারা মাখানো আঁখিপল্লব, ভুরুর স্থলে দুটি বন্ধিম রেখা যেন অনঙ্গ বিহঙ্গ এই এক্ষুনি দুটি বিস্তৃত পক্ষ সামান্যতম কম্পন লাগাতে না লাগাতেই বিলীন হয়ে যাবে দিক চক্রাবালে। মাথায় প্রতিদিন নিত্য নবীন কবরী। কভু বা বাবুই পাখির বাসা, কভু বা রেমব্রাণ্টের আঁকা বিদেশী সদাগরের পাগড়ি-পারা, কভু বা মুণ্ডুটা যেন আস্ত একটা টা পট—তার উপরে বসিয়ে দিয়েছে ভুটানী টা কোজি।

উত্তম উত্তম পানীয়। দূর থেকে ভেসে আসছে, বিলিতি বাতির বাজনা। ছ' চক্র শটিশে বা পেনশনারদের মত মন্ডর গতিতে সম্মুখ পানে মর্নিং ওয়াক, মন্ডরতর গতিতে প্রত্যাবর্তন—ল্যামবেং ওয়াক।

কিন্তু বেচারী জিমি সভ্যতার এ-প্যাটার্নের সঙ্গে নিজেকে কখনো খাপ খাওয়াতে পারে নি। চা বাগিচার রদী থার্ড ক্লাস ইংরেজও যে ভিতরে ভিতরে তাকে “এ্যাংলো” বলে তাচ্ছিল্য করে সে সেটা আট বছর বয়সে প্রথম স্কুলে গিয়েই টের পেয়েছে, পরে অপমানিত বোধ করেছে, এখন অনেকটা সয়ে গিয়েছে। কারণ “বিজনেস ইজ বিজনেস,” খদ্দেরকে সন্তুষ্ট করতেই হবে, হোক সে পাঁড় মাতাল, লম্পট ইংরেজ, হন তিনি মার্কিন লক্ষ ডলারের মালিক—

সেইখানেই তো সঙ্কট। সে বড় হয়েছে তার কটর প্যারিটান পিতার হাতে। তার মনে কোনো দ্বিধা ছিল না যে হোটেল বার-এ যে সভ্যতার প্যাটার্ন বিরাজ করে সেটা খৃষ্টানদের কলঙ্ক। কারণ এ-সব নারকীয় উচ্ছৃঙ্খলতা এদেশে প্রবর্তন করে ইংরেজ এবং তারা খৃষ্টান।

তছপরি জিমির চেহারাটি যেমন মধুর—হাসলে ছ'পাটি দাঁত বলমলিয়ে ওঠে শরীরটাও তেমনি দড় মজবুৎ। সুদুর্মাত্র তার কজি কতটা চওড়া একবার তাকিয়ে দেখলেই হয়, বুকের পাটা থাক্।

মার্কিন টুরিস্টিনীদের কেউ কেউ সর্বভুক্ত, দূরের অনেককে নিকটতম বন্ধুরূপে পেতে চান। 'ঠেকাবে কি, কে ?' ডলার নেই ?

একথা সত্য যে ম্যানেজার, প্রোপাইটারের ইচ্ছা এটা নয় যে 'জিমি' অনিচ্ছায় হোটেলের বেসরকারি 'জিগোলো'—পুং বেষ্টা—রূপে মার্কিন মহিলাদের সঙ্গ দিক। অবশ্য এটাও সত্য, ব্যাপারটি জানা-জানি হয়ে গেলে হোটেলের কিছুটা বদনাম হবে। সেটা তাদের স্বার্থবিরুদ্ধ। পক্ষান্তরে জিমির অনমনীয়তায় ক্রুদ্ধ হয়ে কোনো মার্কিন যদি পরদিন জিমির বিরুদ্ধে উল্টো পাল্টা অভিযোগ আনেন সেটাও হোটেলের সুখ্যাতিকে ক্লীষ্ট করে—আর জিমির পক্ষে ভয়াবহ সঙ্কট।

'হোটেল ম্যানেজারকুল' উকীল ডাক্তারের চেয়েও বহুদর্শী। ম্যানেজার জানে অভিযোগ মিথ্যা।

তাই এহেন উভয় সঙ্কটে ম্যানেজার মাত্রেরই মুখে মাত্র একটু বলি, "ট্যাক্ট, জিমি, ট্যাক্ট। একটুখানি ট্যাক্ট দিয়ে ম্যানেজ করো না কেন ? তোমার কি দরকার, জানো, জিমি ? আরেক 'আউন্স' ট্যাক্ট।"

ব্যাপারটা ট্যাক্টের সীমা ত্রিসীমানার ওপারে সেটা জিমি সবিস্তর বুঝিয়ে বলে নি—ককথনো। তার যথেষ্ট ট্যাক্ট আছে বলেই সে জানে, বলাটা হবে ট্যাক্টলেস। ম্যানেজারকে আহম্মুক বানিয়ে তার লাভ ? সব জেনে বুঝেও তাঁর আত্মসম্মানে লাগবে চোট। তাই সেটা হবে মোক্ষম ট্যাক্টলেস। হুঃ ! ট্যাক্ট ? হিটলারকে বললেই হত, "একটুখানি ট্যাক্ট খচা করলেই তোঃ স্তালিনগ্রাদের লড়াইটা জিততে পারতো !"

এবং ম্যানেজার সেটাও বুঝতে পারতো ছ'তিন দিন পরে অকারণে তার পিঠ চাপড়ে বলতো, "উয়েল, জিমি, জীবনটা কি রকম ? হাও ইজ লাইফ ?"

এই হোটেলের চাকরিতে জিমির এ-রকম অভিজ্ঞতা পূর্বে কখনো হয় নি।

চাকরির দৈনন্দিন জীবনে আপিসে হোটেলে দোকানে চাকুরের ক্ষুদ্র সুখ দুখে আছেই। এই যে ম্যানেজার এ্যাকবড়া তনখা পায় তাকেও তো জাঁতাকলের ভিতর দিয়ে যেতে হয় প্রতিদিন। তবে হ্যাঁ, কারো কলটা বড্ড ভারি, কারোটা অপেক্ষাকৃত হালকা।

এ-রকম ধারা রাত এগারোটার তাকে এতদিন কোনো টুরিস্ট ছুটো গেলাসসহ আহ্বান জানানো মাত্রই—বস্তুত জানানোর পূর্বেই সে গৌঁফ দেখতে পেত—জানানোর পর শিকারি-বিড়ালমুদ্র। “ডিউটির সময় আমাদের ড্রিঙ্ক বারন” “৩২ নম্বর অপেক্ষা করছেন টোকিও থেকে একটা ট্রাক কল; আমাকেই কানেক্ট করতে হবে” ছুনিয়ার কুলে সত্য কারণ, মিথ্যে অজুহাত, ছুটোর ককটেল অছিল। —এটা অবশ্য এখনো পরখ করে নেয় নি—“আবহাওয়া দপ্তর এখখুনি খবর দিয়েছে, কাঁটায় কাঁটায় এগারোটা দেশে আমাদের হোটেলে দারুণ ভূমিকম্প হবে। সেটা সামলে নিয়ে, এই এলুম বলে, মাডাম।” প্রায় সব-কটাই এস্তেমাল করেছে জিমি—এখন তার রেস্টো তলানিতে খতম খতম করেছে—এক কড়ির ফায়দা ওঠাতে পারে নি।

আজ এই তার জীবনে সর্ব প্রথম ছুটো গেলাস সে নির্ভয়ে—না, নির্ভয়ে নয়—বড় তৃপ্তি আর আশা পূরণের দৃঢ় আশ্বাস নিয়ে এসেছে। ডিউটিতে, বাইরে, বাড়িতে—না, বাড়ি বলতে হতভাগার প্রায় কিছুই নেই, “গৃহে মাতা নাস্তি” এমন কি “অপ্রিয়বাসিনী ভার্ষা চ” নেই—তার জীবন বৈচিত্র্যহীন। প্রত্যেকটি দিন যেন অন্তহীন একটা মালগাড়ির ওয়াগন—সব কটা ছবছ একই ঢঙ একই বহরের। জন্ম মুহূর্তে এঞ্জিনটা চলে গেছে পশ্চিম দিকে অস্ত্রাচলের দেশে, এখন সে দেখছে, রেল লাইনের পাশে দাঁড়িয়ে দাঁড়িয়ে একটার পর একটা ওয়াগনের পর ওয়াগন, চলেছে তো চলেছেই। অবশ্য কোনোটার রং চটা কোনোটা ডাইনে বাঁয়ে ছলছে, কোনোটা বা বাঁ চকচকে সত্ত্ব বার্নিশ পালিশ করা। কিন্তু

এ-মালগাড়ির শেষ কোথায় ? পূর্বাচলের দিকে তাকিয়ে দেখে গাড়ির শেষান্ত সেখানে বিলীন, কের অস্ত্রাচলের দিকে তাকিয়ে দেখে প্রারম্ভাংশও সেখানে অদৃশ্য ।

কী 'মহিমাম্বিত, কী 'ডিগনিকাইড এই 'সুন্দরী । সামান্যতম অস্বস্তির চিহ্নমাত্র নেই তাঁর প্রশান্ত মুখচ্ছবিতে । আর কি সহজ সুরে বললেন, "তোমাকে আমার বড় ভালো লেগেছে, জিমি । তোমার মুখটা খাঁটি 'মাদারস ডার্লিং'র মত, কিন্তু দেহটা—বাই অল ছাট্‌ ইজ হোলি—কী মজবুত, ম্যাগনাম সাইজের হাড় দিয়ে তৈরি ।...শোনো, তোমাকে ডেকে আনলুম, সেলিব্রেট করতে । স্টেশনটার কি নাম ধরতে পারি নি । বললে, রাশা নাকি অতি দৃঢ় ভাষায় ইয়েহিয়াকে বলেছে, রক্তারক্তি বন্ধ করতে । আমার মনটা যেন নাচছে ।...কই তুমি খাচ্ছে না কেন ? আমি কিন্তু, ভাই, কিছু মনে করো না, এক গেলাসের বেশী খাইনে । তুমি নির্ভয়ে খেয়ে যাও । বানচাল হবার বহু আগেই তোমার একটা চুলের এ্যাট্রুন্‌ কাঁপন দেখেই তোমাকে ধামিয়ে দেব ।"

জিমি মনে মনে বললে, "সে আবার বলতে ! আস্ত বোতল গেলার মত চীজ ইনি নন ।" গেলাসটা নাক অবধি তুলে ধরে একটু বাও করে বললে, "আমাদের ভিতর সকলেই কোনো না কোনো দিক দিয়ে পূব বাঙলার সঙ্গে বিজড়িত । আমার মুরুব্বী মিস্টার সেন—হেম সেন—সিলেটে তাঁর বেশ-কিছু টাকা পড়ে আছে । ভিজা পান নি সেখানে গিয়ে তব্বীর-করার জন্ত । শেষটায় আমি যাই, সিলেটের চা বাগান ম্যানেজার এক ইংরেজকে পটিয়ে । বাগাতে পারলুম সামান্যই—এক বেহারীর বাচ্চা খামোখা দিলে বাগড়া পদে পদে । ঐ বিচ্ছুগুলোই বী ইন দি অয়েন্টমেন্ট । আর এটা তো নিশ্চয়ই শুনেছেন, আজ কোন্‌ এক মেজর জিয়া আজ সকালে চাটগাঁ বেতারে পূব বাঙলার স্বাধীনতা ঘোষণা করেছেন ? কিন্তু ম্যাডাম, আপনার আনন্দে আমি পুরোপুরি যোগ দিতে পারছিনে । আমার

ট্রাক্কলের বন্ধু ঘণ্টাটাক আগে আমাকে জানালে সেই সুন্দরবন অঞ্চলের হাসনাবাদে, পশ্চিমে পদ্মা পেরিয়ে উত্তর বাগডোগরা অঞ্চলে আর এই আমাদের দক্ষিণের সিলেট বর্ডার পেরিয়ে দুটি পাঁচটি রেফুজি আসতে আরম্ভ করেছে, অলরেডি—”

“আর শিলচর ?”

“যে দু’ পাঁচটি ঐ পূর্ব বর্ডারে ক্রস করেছে, তারা নিশ্চয়ই করিমগঞ্জেই আশ্রয় নেবে। আমি রেফুজি দেখেছি অনেক। ওদের শরীরে কি কিছু আছে যে ঠেঙিয়ে ঠেঙিয়ে দূর শিলচরে যাবে।”

“আমার বন্ধুরা তাহলে কাল নাও আসতে পারে ?”

“আপনার অমুমতি নিয়ে, কেন ?”

“ওরা বোধহয় রিফুজিদের সাহায্য করতে চাইবে।”

জিমি খানিকক্ষণ চিন্তা করে বললে, “আপনারা তো কলকাতার লোক। অপরাধ নেবেন না, আমি কিই বা জানি। তবু বলি, সাহায্য করতে পারে কলকাতা আর দিল্লী। ড্যাডি আমাকে বলেছিল, চল্লিশের দশকে যে ছুঁড়িষ্ক হয়েছিল তখন সব চেয়ে বেশী সাহায্য আসে কলকাতা থেকে। কিন্তু কলকাতার খাস বাসিন্দারা তো অনেক পরে জানতে পারবে, তাও আপন চোখে দেখে নয়, ওদের কী মরণ বাঁচন হাল। করিমগঞ্জ, শিলচরে ভলান্টিয়ারের অভাব হবে না, আমি শ্রোঁর। আপনার বন্ধুরা ইনকিনিটলি বেশী সাহায্য করতে পারবেন, কলকাতাতে চাল ডাল, ওষুধপত্র এবং টাকা—ইয়েস্ টাকা—জোগাড় করে। ওঁরা তো আগরতলা, করিমগঞ্জ, শিলচরে যথেষ্ট দেখে শুনে ওয়াকিফ হয়ে গিয়েছেন। ওঁরাই পারবেন কলকাতায় পাবলিক ওপিনিয়ন কর্ম করতে। ‘সরি’, ম্যাডাম।

ষষ্ঠ অধ্যায়

এবারে আর কম্পন শিহরণ নয়। এবারে কেমন যেন আড়ষ্ট আড়ষ্ট ভাব। 'খান তাকে সোজা নিয়ে গিয়েছে পাশের কটেজে। খাটে শুইয়ে বললো, "তুমি শিপ্রার সঙ্গে কথা কও তো, ভায়া। কিন্তু, দোহাই আল্লার, সবটা বোলো না—কেটে ছেঁটে। আমার এখনো পিলে চমকাচ্ছে। আমি চললুম জিমিকে শুধোতে লেটেষ্টটা কি ? ওর গায়ের প্রত্যেকটা লোম বেতার এনটেনা।"

শিপ্রা বললে, "জিমি এখন অফ্‌ ডিউটি।"

"ঐ আনন্দেই থাকো। আমি আসছি জেনেও সে অফ্‌ হবে। পীপিং পীটারকে পষ্ট দেখতে পেলুম আড়াল থেকে উঁকিঝুঁকি মারছে। শেয়ানা ছোকরা, আমাদের ত্রিমূর্তি-মিলনে চতুর বলেই চতুরানন হতে চায় নি, ওয়ান—নো,—টু, টু—মেনি হতে যাবে কেন ?"

শিপ্রা খুশী মনে খানের বকর বকর শুনেছে ; ততক্ষণে কীর্তি জিরিয়ে নিক্, মনের জট ছাড়াক। বললে, "আমার ঘরে একটা বেতার আছে। মিনিট দশেক পরেই বিবিসি খবর।"

"আমাদের ত্রি-মূর্তির ঐ একটা মাত্র কমন্‌ পয়েন্ট। বেতারাসক্তি কারোরই নেই। শুনেছি, লেবাননের আরব চাষা হাল চালাবার সময় বলদের শিঙে ট্রানজিস্টার ঝুলিয়ে বেলি ডান্সের তালে তালে হেলে ছলে এগুতে থাকে। বেতার বটতলার মাল। এখন অগত্যা শুনি। কপাল !"

"বলদটাও তালে তালে পা ফেলে তো ?" তাহলে নিশ্চিন্ত মনে নটের গুরুর কাছে দীক্ষা নাও। তোমার তো, জানি, দুটোই বাঁ পা।"

"নো, মাদাম, ভূতের হয়। আমার চারটে।...তা কি হবে, কও (বার-এর 'কোন্‌ মত্থ খাবে'র পরিভাষা) ? কীর্তি হোয়াট্‌ ইজ্‌ ইওর

পয়জন ? তোমার সর্বাঙ্গে বিষ ছড়িয়ে পড়েছে। কড়া বিষ খাও।
চাঙা হয়ে উঠবে।”

শিপ্রা বললে, “ব্যাপ্তি এ্যাণ্ড চেসার”-ই ভালো। আর আমার
জন্ম আলাদা করে পাঠিয়ে না। আমি ওরই থেকে এক আধ
চুমুক নেবো’খন।” খান অস্তর্ধান।

শিপ্রা বুকে নিচু হয়ে কীর্তির কানের লতি-তে চুমো খেয়ে কানে
কানে বললো, “কাপড় ছাড়বে না, কীতা ?”

“মিতা, এখন তুমিই আমার সব। আমি সব সয়ে নিয়ে সব
করতে পারবো। আমি হৃদয় দিয়ে বলছি, শিপি, আমার সব অবশ্যতা
কেটে গিয়েছে। আগরতলাতে আমি সত্যি বিভ্রান্ত হয়ে গিয়েছিলুম,
কিন্তু করিমগঞ্জে আমার বিভ্রান্তি অস্তর্ধান করলো। দাঁড়াও বুঝিয়ে
বলি ; আগরতলাতে যেন শীতের ছায়া-ঢাকা ছপুরে হঠাৎ কে আমায়
পিছন থেকে ধাক্কা মেরে হিম-শীতল জলে ফেলে দিলে আর আমি
সঙ্গে সঙ্গেই প্রায় অবশ। এমন সময় দেখি, ওপারে বুড়ো গোছের
লোক দিব্য সাঁতার কেটে কেটে এদিক ওদিক ঘোরাঘুরি করছে।
ইতিমধ্যে আমার হাত-পা নিজের থেকেই একটু আধটু নড়াচড়া
আরম্ভ করে দিয়েছে—রক্ত সঞ্চরণের প্রয়োজনবশত। আমি ভালো
সাঁতার জানি, ডুবে মরতুম না নিশ্চয়ই। এবং অবশ্যই পত্র-পাঠ
ফের ডাঙায় ফিরে আসতুম, কিন্তু ঠাণ্ডা জলের প্রতি বুড়োটার ঐ
শ্রাকার-ভরা তাকছিলো যেন আমার অজানতেই সর্বাঙ্গের জড়ত্ব
ডাঙাশ মেরে তল্লাট-ছাড়া করে দিয়েছে। আশ্রো ততক্ষণে পাই
পাই করে মাঝ পুকুরে চক্কর মারছি আর ডুব সাঁতারে পুকুরের
এপার ওপারে মাকু চালাচ্ছি। করিমগঞ্জে গিয়ে সে-বুড়োটার
কাহিনী শুনলুম। কিন্তু তুমি কি খুব নার্ভাস হয়ে পড়েছিলে ? খবর
গুজোব যতই ছড়াচ্ছিল ততই তোমার কথা ভাবছিলুম।”

শিপ্রা সদয় মুচকি হেসে বললে, “প্রথম দিনটা বড্ড খারাপ

গেল। দু' কান বন্ধ করে রইলুম পাছে খবর গুজোব শুনে ফেলি। তারপর কি যে হল জানিনে। নিজে যেচে খান যে-জিমির কথা বলছিল তার কাছে গেলুম। ও-রকম ছেলে হয় না। সে-ই আমার রয়টার, টাস্ এবং মাতাহরি।”

“মাতাহরি? স্পাই?”

“ইন্টেলিজেন্স ম্যান।” আমি জানতুম না ট্রাঙ্ককল কর্মীদের ভিতর এত দোস্তী সমঝোতা থাকে। কোথায় জলপাইগুড়ি, কোথায় বনগাঁ শিলচর শিলঙ? একে অণ্ডকে কখনো দেখে নি কিন্তু গলা চেনে নাম জানে। ওরা যে অনেক কথাবার্তা শুনতে পায় সে তো জানা কথা। জিমির এক বন্ধু ট্রাঙ্কে কাজ করে। সে ইণ্ডো-পাক বর্ডারের যত সব তাজা খবর জিমিকে জানানো। তাই জিমি আমার মাতাহরি $\times ১০০ = ০০$

শেষটায় যখন শুনলুম ঢাকায় আরম্ভ হয়ে গিয়েছে শয়তানের কারবার—হেল্ লেট্ লুস্—তখন সব ভয় কেটে গেল।

পড়লো পড়লো ঐ তো ভয়

পড়ে গেলে সব-ই সয় ॥”

কীর্তি বললে, “কী আশ্চর্য! আমার বুড়োর কাহিনী ঐ ট্রাঙ্ককল অপারেটার দোস্তী নিয়েই শুরু। ২৫ মার্চ বিকেলের দিকেই ঢাকার ট্রাঙ্ক কর্মীরা জেনে যায়, রাত্রেই আর্মি ক্র্যাক্ ডাউন ঢাকা, চাটগাঁ, আরো অনেক টাউনে একই সঙ্গে আরম্ভ হবে। আর্মির আপন বেতার, জোরালো ট্রান্সমিটার আছে, কিন্তু কাজের চাপ সামলে উঠতে না পারলে ওরা সাধারণ ট্রাঙ্কেরই শরণ নেয়। নিশ্চয়ই টাপেটোপে এবং পাঞ্জাবী ডায়লেক্টে—ঢাকা থেকে অফিসাররা অগ্ন্যাশ্রয় শহরের অফিসারদের ইন্সট্রাকশন্স দিচ্ছিল ক্র্যাক ডাউন সম্বন্ধে। কিন্তু ট্রাঙ্কের লোক আড়ি না পেতেও আপন কাজের খাতিরেই কয়েকটা চালু ভাষা বেশ শিখে ফেলে—আর পাঞ্জাবী তো তারা শোনে নিতি নিতি, সিভিল মিলিটারি দুইই।

আমি যে-বুড়োর বাহাহুরীর কথা বলছিলুম, তিনি আদৌ বুড়ে নন। এমন কি প্রৌঢ়ও বলা চলে না। বেঙ্গল রেজিমেন্টের বাঙালী অফিসারদের একজন—মেজর। তিনি কি করে খবর পেলেন সিলেটের হবিগঞ্জ টাউনে বসে, ২৫-এর সন্ধ্যায় যে, আজ রাত্রেই শুরু হবে বোঝাপড়া? “ট্রাঙ্ক কর্মীর কল্যাণে। অবশ্য অন্য মাধ্যমও হয়তো ছিল।

বেঙ্গল রেজিমেন্টের একমাত্র বাঙালী হিন্দু অফিসার মেজর দত্ত তখন ছুটিতে, হবিগঞ্জ থেকে বেশ কয়েক মাইল দূরে। সঙ্গে সঙ্গে তাঁকে চিঠি পাঠালেন, সেই রাত্রেই, লোক মারফৎ, খবর জানিয়ে; তিনি পরদিনই না-পাকু খানদের খতম করার জন্য সিলেটের দিকে রওয়ানা হবেন। দত্ত যোগ দেবেন কি?

দত্ত উত্তরে জানালেন, কাল ভোরেই তাঁর কাছে পৌঁছবেন।

কীর্তি অনেকক্ষণ নিশ্চুপ বসে রইল। চোখ মেলে তাকিয়ে আছে শূন্য দৃষ্টিতে, যেন স্মরণে আনতে পারছে না, ভুলে-যাওয়া কোনো-কিছু। মাঝে মাঝে তাকায় শিপ্রার চোখের গভীরে—যেন সেখানেই পাবে রহস্যের সন্ধান। শেষটায় প্রত্যেকটি শব্দ, মনে হল যেন বাছাই করে করে ধীরে ধীরে বললো,

“শিপ্রা, আমার বিষয়ের অবধি নেই, অত্যাশ্চর্য অলৌকিক এ-রকম একটা ব্যাপার যে আদৌ সম্ভবে তারই সামনে আমি দিশেহারা। সৃষ্টি রহস্যের চেয়েও ঘনতর রহস্য যেন সৃষ্টির এক নগণ্য অংশ, ঐ ক্ষুদ্রাতপি ক্ষুদ্র হবিগঞ্জে—যার নাম তুমি আমি কেউই কখনো শুনি নি, শুনতুমও না—অকস্মাৎ কুয়াশার যবনিকায় বৃহত্তম, খুদ সৃষ্টি রহস্যকে চেকে ফেলতে পারে, এ যে সর্ব তর্কশাস্ত্রে, ত্রায় মীমাংসাকে অর্থহীন করে দেয়; অংশ কি কখনো পূর্ণের যে বৃহত্তর হতে পারে! সিন্ধু বিন্দু কি কখনো সিন্ধুর চেয়ে বিরাটতর কায়া ধারণ করতে পারে?

২৫ মার্চের সন্ধ্যায় এই হবিগঞ্জের লোকটি কোন ছুঃসাহসে একাই

যুদ্ধঘোষণা করে দিল ইয়েহিয়া, তার কোঁজ এবং সবচেয়ে বাস্তব কঠিনতম শত্রু ওদের ট্যাঙ্ক, বমার প্লেন, সাঁজোয়া গাড়ি, বিরাট বিরাট কামানের বিরুদ্ধে ? লোকটা তো গলির আধ-পাগলা পুচকে হোঁড়াটার মত নয়, যে নিত্য নিত্য রাস্তায় রাস্তায় চৌঁচিয়ে চৌঁচিয়ে স্থালিন হিটলার মা কালী মোলা আলীর বিরুদ্ধে ‘সশস্ত্র সংগ্রাম ঘোষণা’ করে। ছ’জনার কাছ থেকে আমি ওর কথা শুনলুম। ছ’জনাই একমত : লোকটা অতিশয় শাস্ত্র প্রকৃতির, স্থির ধীর। তার দুর্দমনীয় চঞ্চলতা প্রকাশ পায় সুদূরমাত্র তার ঘন ঘন ঠা ঠা উচ্চহাস্তে—যেন সে সর্বক্ষণ তাকে তাকে আছে ঠা ঠা করার সুযোগের তরে।...মেজর সে। সে কি জানে না, ইয়েহিয়ার শক্তি কতখানি ? পূর্ব পশ্চিম উভয় পাকিস্তানে সৈন্য সংখ্যা কত, কোন্ কোন্ শহরে আছে ক্যান্টনমেন্ট, ট্যাঙ্ক বোমারু জঙ্গী-বিমান সংখ্যা, সব—সব তার নখদর্পণে, সে যে তাদেরই একজন ; সে জানবে না ? সব জেনে শুনে সে হয়ে পড়লো একা, একান্ত একা ছিটকে পড়লো সেই সর্বগ্রাসী অসংখ্যের মাঝ থেকে ? যেন গ্রহচ্যুত নক্ষত্রের মত ক্ষিপ্ত বেগে অদৃশ্য অজানার পানে ধেয়ে ধেয়ে জ্বলে পুড়ে ছাই-ভস্ম থাক-খুলোতে—না,—নিঃশেষ নাস্তিতে পরিণত হতে ?

কোন মামদো-পিশাচ চাপলো তার স্বন্ধে যে হঠাৎ উদ্যম ভূতের নৃত্য আরম্ভ করে দিল সে !

জানো শিপ্রা বরিশালের খাজা বাঙাল আমার এক ক্লাস ফ্রেণ্ড বিপদে পড়লেই, মাথা তুলে আকাশের দিকে তাকিয়ে বিড়বিড় করতো,

‘কী কল পাতাইছ তুমি ?

বিনা বাইন্ডে নাচি আমি।’

হ্যাঁ এ-ভূতের বাত্বের সঙ্গতও নেই। কোথায় মৃদঙ্গ, জগঝম্প, ঢকা-ডিডিম ? এমন কি একটা বাঁশের বাঁশি—অর্থাৎ একটা রাইকেলও নেই কারো কাছে।

বলনুম না, অজানা অদৃশ্যের উদ্দেশ্যে ?

‘শেখ সায়েব, আওয়ামী লীগের নেতারা সব কোথায় কে জানে?

কোনো প্রকারের নির্দেশ মেজর পান নি। ইনি যে পদক্ষেপ করলেন সেটা পরে ওঁদের সম্মতি পাবে কি—যদি, অবশ্য, তাঁরা স্বয়ং কোনো নিরাপদ আশ্রয় পান।

বরিশাল-খুলনা থেকে সিলেট, কক্সবাজার থেকে দিনাজপুর এই বিস্তীর্ণ এলাকার মধ্যে এমন কোনো সংযোগ ব্যবস্থা নেই যে সংবাদ আদান-প্রদান মারফৎ ইয়েহিয়ার বর্বরতার কলে কোন্ জায়গায় কি প্রকারের প্রতিক্রিয়া দেখা দিল সে-সম্বন্ধে ওয়াকিফহাল হওয়া যায়।

তিন শ্রেণীর বাঙালী রাইফেলটা অস্ত্রত চালাতে পারে

ক) বেঙ্গল রেজিমেন্টের যে-সব অফিসার সেপাই বাঙালী

খ) আধা-মিলিটারি বেঙ্গল রাইফল্‌স্

গ) পুলিশের বেশ-কিছু সংখ্যা

এরা কি মেজরের পন্থা অবলম্বন করবে? যদি না করে তবে যে-সব কিশোর-যুবক তাঁর চতুর্দিকে জড়ো হবে, রাইফেল চালানোর ঐ যৎসামান্য ট্রেনিংটুকুই বা ওদের দেবে কে?

এবং সব চেয়ে বড় প্রশ্ন, উপর থেকে নির্দেশ না-পাওয়া সত্ত্বেও গ্রামের লোক সাড়া দেবে কি?”

কীর্তি দম নিয়ে বললে, “এ রকম দকে দকে প্রশ্নের সংখ্যা অগুনতি। মোদ্দা কথা :

অর্গেনাইজেশন নেই, নির্দেশ নেই, অস্ত্রশস্ত্র নেই।”

আমার লেটেস্ট খবর ছই মেজর কয়েকশ’ রাইফেল নিয়ে এগুচ্ছেন ক্রীমঙ্গলের দিকে। সেখানে নাকি এক ঝাঁক খান রয়েছে।

তারপর কাল ২৭ মার্চ চাটগাঁ থেকে আমাদের এই মেজরেরই মত সমস্ত দায়িত্ব আপন স্বন্ধে নিয়ে মেজর জিয়া স্বতঃপ্রবৃত্ত হয়ে স্বাধীনতার সংগ্রাম ঘোষণা করেছেন, চাটগাঁ বেতার মারফৎ। এখন দেখা যাক বাদবাকি দেশটা কি ভাবে সাড়া দেয়।”

শিপ্রা বললে, “তুমি যে সব সমস্তার অসম্পূর্ণ কিরিস্তি দিলে ঠিক ঐগুলোই নিয়ে মেজর বিব্রত হয়েছেন, এমনতরো নাও হতে পারে। যারা তোমাকে বিবরণ দিয়েছে তারা পরিস্থিতিটা বিবেচনা করে তাদের যুক্তি বুদ্ধি অল্পযায়ী এ-সব প্রশ্ন তুলেছে। এই সমস্তাগুলো মেজরকে বিব্রত করুক আর নাই করুক, তাঁর অস্ত সমস্তা থাক আর নাই থাক, প্রশ্নগুলোর কিন্তু একটা বাস্তব মূল্য আছে। এগুলোতে প্রতিবিম্বিত হয়েছে, অন্তত হবিগঞ্জ অঞ্চলের সাধারণ জনের চিন্তাধারা, মনের অবস্থা। আমাদের কাছে তার মূল্য প্রচুর।”

কীর্তি মুগ্ধ হয়ে বললো, “মিতা, আমি কি বৃথাই বলি তুমি তুলনা-হীনা। আমি শুধু সমস্তা আর প্রশ্নগুলোকে নিয়ে মাথা ঘামাচ্ছিলুম, তোমার অন্তর্দৃষ্টি গিয়েছে সেগুলোর পটভূমির দিকে তীক্ষ্ণতম ক্ষুরধার নিয়ে।... বেচারী রবি কবি! তাঁকে যেতে হাফেছিল তুলনাহীনার সন্ধানে সাতসমুদ্র পেরিয়ে আর্জেন্টীনা না কোথায় যেন।

‘সুনীল সাগরের শ্রামল কিনারে

দেখেছি পথে যেতে তুলনাহীনারে।’

আর আমি কী অবিশ্বাস্ত ভাগ্যবান।”

শিপ্রা হেসে বললে, “আর আমি যদি বলি, আমি ভাগ্যবান, আমিও দেখেছি সমুদ্র না পেরিয়ে—

‘অত্মপিও সেই খেলা খেলে গোরা রায়।’

মধ্যে মধ্যে ভাগ্যবানে দেখিবারে পায় ॥’

এমন সময় ঘরটাকে দাপটে খান খান করে খান সাহেবের প্রবেশ।

গুরু গম্ভীর কণ্ঠে বললে, “মত্ছাদি যখন আরেক কদম এগুলোই সম্পূর্ণ বর্জন করে ফেলবে তখন মুসলমান ধর্মে দীক্ষা নিয়ে নাও না, এই বেলাই? আমার মত সদগুরু পাবে না। খুদ আরব মুল্লকেও না। পাকী একটা ঘণ্টা আমি বেতার যন্ত্রটার কান মলে মলে,

বিবিসি কলোন ভিয়েনা চুঁ মারার সঙ্গে সঙ্গে সাপটে দিলুম আধা বোতল গর্ডন। আর হেথায় হেরি, ফুলবাবু মশাই আর পটের বিবিটি কড়ে আঙুল পরিমাণ গেলাসটি শেষ করতে পারেন নি। একেই কি বলে সভাতা? হায় শ্রীমধু!...শোনো আমি এসেছি তোমাদের বাইরে নিয়ে যেতে। সত্যি বলছি এ-রকম বন্ধ ঘরের অবশ বাতাসে গুজুর গুজুর করতে তোমাদের গুজুর গুজুরের উদ্দেশ্যই সফল হবে না। মুক্তি সংগ্রামের জন্য তৈরী হতে হলে চাই মুক্ত আকাশ, মুক্ত বাতাস। আরেকটা তত্ত্ব কথা বলি, তোমরা মদ ছেড়ে দিলেই বাঙালরা রাতারাতি পাঞ্জাবীদের হাইকোর্ট দেখাতে পারবে না, আর মাত্রা বাড়ালেও লীগ তাদের আশা ভরসা বুড়ীগঙ্গায় ভাসিয়ে দেবে না। এ্যাকবড়া যুদ্ধটা যখন চাচিল চালালো সে কি তখন নির্জলা উপবাস করেছিল। হ্যাঁ নির্জলা অতি অবশ্য বটেক; নির্জলা ছইস্ক ঐ সময়েই মাঝে মধ্যে সে টেনেছিল। রাঁধে মেয়ে কি চুল বাঁধে না? তৈরী হও এখুনি।”

ঘর থেকে বেরুতেই দেখে জিমি দাঁড়িয়ে আছে।

খান তার গতানুগতিক সম্ভাষণ করার পূর্বেই জিমি নিচু গলায় বললে, “সব কথা বলতে গেলে এখানে দাঁড়িয়ে দাঁড়িয়ে হয় না। কাল একজন নূতন গেস্ট এসেছে হোটেলে। আমাদের অ্যাংলো জেনে ড্রিংক অফার করলে, দোস্তী জমাবার তরে। তার ইংরেজি উচ্চারণ থেকে হানড্রেট পার্সেন্ট শ্যোর লোকটা পাঞ্জাবী। কিন্তু কোন্ পাঞ্জাবের? অথচ হোটেলের খাতাতে লিখেছে, মিরাত। আমার কি রকম যেন ধোঁকা লাগছে। কারণটা হয়তো আপনার কাছে এঙ্গীল করবে না, তবু বলি। লোকটা যদি আর পাঁচটা টুরিস্টের মত আমাকে মোজাসুজি শুধতো, ইণ্ডো-পাক বর্ডার কত দূরে, কদদুর অবধি যাওয়া যায়, রেফুজিরা ভিড় লাগায় নি তো রাস্তায় তা হলে আমার মনে ধোঁকা লাগতো না। দিস্ জনি মোজা পথ না ধরে বিস্তর বীটিং এবাউট দি বুশ করে করে পৌঁছিল

চেরাপুঞ্জিতে—কী তার আগ্রহ, কত রুষ্টি পাত, বছরে ক’দিন রুষ্টি হয়, আর যত সব রাবিশ প্রশ্ন। তারপরও বর্জারের পথ ধরলো না। ফের আশ কথা পাশ কথা। তারপর এল বর্জারের টপিক্। আমি ইচ্ছা করেই ভাসা-ভাসা উত্তর দিতে লাগলুম। কখনো বা রহস্যময় উত্তর ফিসফিস করে। স্পষ্ট দেখলুম তার ক্যোরিসিটি দারুণ উত্তেজিত হয়েছে। মুখোস খসে গেছে। হস হস করে একটার পর একটা প্রশ্ন শুধোতে লাগলো—মাঝেসাঝে বাজে প্রশ্নের ভেজাল দিয়ে আসল উদ্দেশ্য কামুফ্লাজ করতে ভুলে গিয়েছে। তার প্রশ্নের রকমারি থেকে আমি স্পষ্ট বুঝতে পারলুম ব্যাটা এখানে আসার আগেই সব-কিছুর সন্ধান নিয়ে এসেছে। এখন শুধু লেটেস্ট অবস্থাটা জানতে চায়।

আরেকটা কথা : এখানে নেবেই চেল্লাচেল্লি, পথে তার ট্রান-জিসটার খোয়া গিয়েছে। ম্যাজিক ভিন্ন সে ছ’দণ্ড বাঁচতে পারে না। আমাকে সকলের পরলাই শুধলো, এখানে ট্রানজিসটার পাওয়া যাবে তো, দোকান কোথায়? ছুটলো টী না খেয়েই। সঙ্গে সঙ্গে আমি বড়ুয়াকে কোনে আমার সন্দেহের কথা জানালুম। বড়ুয়া তো একদম শোর লোকটা ওয়েস্ট্ পাঞ্জাবের। এবারে শুভুন মজাটা। যতবার আমি তার কামরার বারান্দা দিয়ে গিয়েছি কান পেতে শুনেছি, নো, নো, নো ম্যাজিক এটোল। লো ভলুমে শুনছে ন্যাজ। এনি উয়ে, টক্। ম্যাজিক ককখনো না।

আজ আমাকে শুধোচ্ছিল, অত উঁচু এয়ারিয়েল কার? তবে কি বেতার কর্মী? তবে—”

হঠাৎ জিমি পেয়ে গেল। বললে, “ঐ আসছে চিড়িয়াটি। আপনি পরিচয় না করতে চাইলে, স্তর কেটে পড়ুন। ও সকলের সঙ্গে গায়ে পড়ে আলাপ জমাতে চায়। ছ’ একবার স্নাব্‌ড্‌ও হয়েছে। অভ্যাস বদলায় নি।”

চিড়িয়া এসেই অতিশয় যৎকিঞ্চিৎ বিরক্তির সুরে বললেন, “বাজে

ট্রানজিস্টার। আচ্ছা, ঐ মিঃ বড়ুয়া, সে এটার দাম কেটে একটা পুরো পাক্কা রেডিয়ো সেট দেবে না, ঐ ব্রকম স্কাই হাই এরিয়েল সহ ?”

“আমার তো মনে হয় না, মিঃ কুরেশী।” (বাজে কথা। কিন্তু জিমি বড়ুয়ার স্বার্থ দেখছে)

“কেন ? হোটেল বলতে পারে না, আমি রেসপেকটেবল গেস্ট ? ওর মেশিন বিগড়োই নি।”

“আমি পাতি রেসেপশনিস্ট। বরঞ্চ ম্যানেজার পারেন।” (জিমি জানে, বেটা আথেরে বড় রেডিয়ো কিনবেই।)

খান মাঝখানে নাক গলিয়ে বললে, “আপনাদের কথার মাঝখানে বাট ইন করছি বলে অপরাধ নেবেন না। আপনাকে দেখে মনে হচ্ছে, আপনি টুরিস্ট। হেথা হোতা ঘুরে বেড়াবেন। ট্রানজিস্টারটা কাজে লাগবে—আজকাল প্রতি বুলেটিনে গরম গরম খবর দিচ্ছে। আর বাড়ির বড় সেটটা দিয়ে শুনবেন রাত্রে করেন, ছবলা স্টেশন।”

চিড়িয়া সোৎসাহে খানের সঙ্গে জোর ঝাঁকুনি দিয়ে হ্যাণ্ড শেক করে “আপনার সঙ্গে পরিচিত হয়ে খুশী হলুম। আমার নাম রহমান কুরেশী—”

জিমি বিস্মিত হল, খান তথখুনি নিজের পরিচয় দিলে না কেন—যেটা স্বাভাবিক এটিকেট।

খান তখন কুরেশীকে বলছে, “বাট স্টোরি আই মেট ইউ এট লাহোর, প্রেসক্লাবে,—এই কেকরয়ারী না জানুয়ারিতে অর্থাৎ হাই জ্যাকিঙের আগে। আপনার গলায় ছিল ভারী মজার একটা টাই।”

এক মিলিমিটারের শতাংশের এক অংশ টাক লোকটা যেন বেসামাল হলো। একটু জোর গলায় বললে, “অসম্ভব। আমি কখনো পাকিস্তান যাই নি।” আরো সামান্য গলা চড়িয়ে “আমি ইণ্ডিয়ান সিট্জেন বাই বার্থ। উত্তরপ্রদেশ।”

খান প্রায় কাঁদো কাঁদো হয়ে বললে “আই এম সরি, অত্যন্ত

দুঃখিত"... ; অতঃপর তার একেবারে নিজস্ব "উছ তে"—“বেয়াদবী মাক করেংগাই।”

কুরেশী উছ তে তুফান তুলে টর্নাডোতে পৌছবার পূর্বেই খান ইংরিজিতে ক্রিয়ার গিয়ে বলল, “আমি উছ জানি না তাই বলে কি কোনটা লঙ্কোয়ের উছ আর কোনটা লাহোরের উছ তার তফাৎ জানিনে। আমি মুর্গ মুসল্লম বানাতে জানিনে, তাই বলে কোনটা সুখাত্ত হয়েছে আর কোনটা রদ্দি তাও জানিনে। লাহোরের কারো মুখে এমন কি স্তর ইকবালের ভাতিজার মুখেও এমন চোস্ত উছ শুনি নি।”

“খ্যাক্কু, খুদা হাফিজ” বলে কুরেশী ঈষৎ দ্রুত পদেই স্থান ত্যাগ করলেন। জিমি একটু গলা চড়িয়ে বললে, “আমি কি বড়ুয়াকে ফোন করবো আপনার ট্রানজিসটার বিষয়ে?”

কুরেশী শুনেও শুনলো না।

খান এক রকম জোর করে ছই ইয়ারকে নিয়ে গেল মরেন্নোতে। বললে, “এ দোকানের প্রতিষ্ঠাতা আমাদের বেয়াত্রিচের দেশ-ভাই, কিন্তু আভিজাত্যে বেয়াত্রিচের হেঁটোর বয়সী।” মাহুশের হাতে তৈরী অপ্ৰাকৃতিক লোকটির প্রাকৃতিক সৌন্দর্য শিপ্রার খুবই পছন্দ হল। এমপরিয়ামে যদিও শিপ্রা গেল অনিচ্ছায় তবু আসামের “পাত” সিন্ধু জীবনে সে এই দেখল প্রথম। খান শব্দতত্ত্ব ঝেড়ে বললে, “আমার চেয়েও যারা অগা তারা বলে পট্টবস্ত্র—সিন্ধু—পাট থেকে তৈরী হয়। আমার মনে হয় এই “পাত” শব্দটা অনেক অহমিয়া “পাট” উচ্চারণ করে বলে ওটার “শুদ্ধি” করে পণ্ডিতেরা ওর নাম পট্টবস্ত্র দিয়েছেন।

বড়বাজারও দেখালে খান, বললে, “এই দেখ, মাতৃক সভ্যতার পূর্ণ বিকাশ! তাবৎ দোকানীই খাসিয়া মেয়েছেলে। ব্যাটা-ছেলেগুলো বিড়ি ফোঁকে, জুয়ো খেলে আর প্রতি সন্ধ্যায় মদ খেয়ে

মাতলামো করে, বউয়ের পরসায়। তবে ইঁটা বউ যদি কোনো ইয়ারের সঙ্গে রাত্রিবাস করে আসে—কত পার্শ্বে করে জানিনে, আমার অতি দোহাগের খাসিয়া মেয়েদের সম্বন্ধে আমি অপ্রিয় কোনো কথা বলতে চাইনে—তবে স্বামীটির টুঁ ফাঁ করার সামাজিক হক্ক নেই। ‘অত্যন্তম ব্যবস্থা।’

শিপ্রা বললে, “স্ত্রী পুরুষের সম্পর্ক বাবদে আজ পর্যন্ত কোনো সামাজিক ব্যবস্থারই প্রশংসা তো করা যায়ই না, গুণী জ্ঞানীরা স্বীকৃতি পর্যন্ত দেন নি। তাই বিশ্বজনের মতে পৃথিবীতে মাত্র যে একটি সর্বজন গ্রাহ্য প্রবাদ আছে সেটি “বিবাহ এক মাত্র জুয়োর বাজি খেলা (গ্যামলিং) যাতে ছুঁপক্ষই হেরে ক্ষতিগ্রস্ত হতে পারে।” যুধিষ্ঠির তো জুয়ো খেলায় সর্বস্ব হারালেন। এর পর তার জুয়ো খেলা বন্ধ—বাজি ধরার স্টেক্ একটা কানা কড়িও নেই। দুর্ধোধন ছোকরা চালাক। সে দিয়ে দিলে দ্রৌপদীকে ফেরত—সব জুয়ো যখন বন্ধ তখন চলুক ঐ মোক্ষম জুয়োটি, যেখানে ছুই পক্ষই হারে। এখানে এক দিকে একজন—দ্রৌপদী, অগ্নি দিকে পাঁচজন।”

খান শুধোলো, “পাঁচজন কেন? আমি তো শুনেছি, তিনি অর্জুনকে সব চেয়ে বেশি ভালোবাসতেন, যে কারণে তাঁর পতন হল। অর্জুন অন্তত লুজার নন।”

শিপ্রা বললে, “আর অগ্নি মতে তিনি যে গোপনে কর্ণকে ভালোবাসতেন সেটা জানো না? যে মোটর ড্রাইভারের ছেলে কর্ণ (তখনো কুন্তী ছাড়া কেউই জানে না, কর্ণ আসলে যুধিষ্ঠিরেরও অগ্রজ) প্রকাশ্যে রাজসভায় ডাচেস্ বলো, এমপ্রেস বলো, দ্রৌপদীকে সকলের চেয়ে এমন কি দুঃশাসনের চেয়েও বেশী অপমান করেছিল রুঢ় চণ্ডালের ভাষায়। বজ্রাকর্ষণ করাতে দুঃশাসনকে বলা যেতে পারে বর্বর, কিন্তু ভাষা দিয়ে অপমান করাতে কর্ণ ইতর, মীন। ভাষার মার মোক্ষমতম মার। অতএব দ্রৌপদীও লুজার। এবং

সবচেয়ে বেশী লুজার। কারণ দ্রোপদী পঞ্চপাণ্ডবকে কণ্বিন কালেও অপমান করেন নি।”

এবারে কীর্তি মুখ খুললো, বিষয়ের ভান করে বললো, “অ! তাই বুঝি কেউ কেউ বিয়ে গ্যাম্বলটাকে ডরায়!”

সপ্তম অধ্যায়

টোকা দিয়েই কটেজে ঢুকে ছিল। কিন্তু হাবভাব দেখেই বোঝা গেল বিলক্ষণ উত্তেজিত।

শিপ্রা বললে, “এক কাপ চা?”

“খ্যাস্কু মাদাম।” খানের দিকে তাকিয়ে বললে, “মিঃ কুরেশী মিসিং—”

খান ইচ্ছা করেই শিপ্রাদের কিছু বলে নি—কুরেশীর সঙ্গে তার প্রেমলাপ সম্বন্ধে। জিমি কি বললে, “দাঁড়াও, এঁরা ব্যাকগ্রাউণ্ডটা জানেন না। বলে নিই।” বলা শেষ হলে কীর্তি মন্তব্য করলো, মিসিং নয় এব্‌স্‌কণ্ডই—পালিয়েছে।”

জিমি বললে, “সেই যে আপনার সঙ্গে কথা প্রায় শেষ না করে কুরেশী ঘরে চলে গেলেন তারপর লাঞ্চ, টী’তেও এলেন না। তা সে মেলাই টুরিস্ট আকছারই ছ’তিনটে খাবার পর পর মিস্ করে যান। টী’র সময় বেয়ারা অনেকক্ষণ ধরে টোকা দিল—সাদা দিলে না। ডিনারে এল না। সন্ধ্যা থেকে ছোটো কামরাই অন্ধকার। রাত এগারোটায় কিন্তু একটা বেয়ারা দেখতে পেল ঘরে আলো জ্বলছে। টোকা দিয়ে সাদা পেল না। সমস্ত রাত কিন্তু আলো জ্বললো। সংক্ষেপে বলছি, আজ সকাল দশটায় বেয়ারাদের সন্দেহে ম্যানেজার পুলিশ ডেকেছেন। দরজা ভেঙে ভিতরে ঢুকে দেখা

গেল 'সুট মুট শার্টটাই সেভিঙের জিনিস সব বিছানার উপর ছড়ানো, ট্রানজিসটারও রয়েছে। তখন কে যেন লক্ষ্য করলো, নেই মাত্র একটি জিনিস—সুটকেসটা, অর্থাৎ শূন্য সুটকেসটা মাত্র নিয়ে লোকটা হুপূর রাতে উধাও হয়েছে। কাল রাতে আমার ডিউটি ছিল না। তাই পুলিশ আমাকে কিছু শুধায় নি। শুধোলে কি বলবো, মিঃ খান ?”

“সত্যি কথা বলবে। সে যে-সব প্রশ্ন করেছিল আর তোমার উত্তর যতখানি স্মরণে আনতে পারো বলবে। তোমার মনে কি সন্দেহ হয়েছিল অথবা নিজের কোনো মন্তব্য প্রকাশ করবে না, পুলিশ সরাসরি জিজ্ঞেস না করলে। সর্বশেষে বলবে, তোমার যতদূর জানা মিঃ খানের সঙ্গে আলাপ হওয়ার পর আর কেউ তাকে দেখে নি। পুলিশ আমার কাছে আসবে। আমিও সরাসরি যে ক'টি কথা হয়েছিল বলবো। আমাকে জিজ্ঞেস না করলেও আ-মি আ-মা-র সন্দেহের কথা বললে বলতেও পারি। তুমি কোনো চিন্তা করো না, জিমি। আমি আমার ওয়ার্ড অব অনার দিচ্ছি তোমাকে, তোমার কেশাণ্টুকুও কেউ স্পর্শ করতে পারবে না। এখন তুমি নিশ্চিত মনে ডিউটিতে ফিরে যাও।”

জিমি চলে যেতেই খান বললে, “জিমিকে বলি নি, এখন বলি, আমি লাহোরের প্রেস ক্লাবে কক্‌খনো যাই নি। ওটা প্যার ব্লাক।

শিপ্রা : “তাহলে ঠিক ঐটেই বললে কেন ?”

কীর্তি : “সোজা উত্তর : প্রেস ক্লাবে যায় ম্যুজ-মেন এবং খবরের সন্ধানে বিস্তর স্পাই। নেটিভ লাহোরের পাঞ্জাবী স্পাই যায় বিদেশী সংবাদদাতাদের পাম্প করতে। লোকটা যদি সত্যি স্পাই হয় তাহলে, তাহলে হয়তো সামান্য একটু বেসামাল হবে।”

শিপ্রা : “কিন্তু মজাদার টাই ?”

খান : “ওর গলায় ছিল যে টাইটা সেটার মত বিকট টাই আমি কখনো বাস্তবে বা ফিল্মেও দেখি নি। শিলঙের মত আগুর

ডেভালাপট্ শহরের হোটেলে-ক্লাবে অর্ধসভ্য ইংরেজ এখনো পরে 'এডওয়ার্ডিয়ান সোল্‌লেস' টাই। সেটা দেখার পরও সে খলিফে ওরকমের আচাভুয়া টাই পরে, তার স্টকে পাজী সায়েবদের পানসে টাই থাকার কথা নয়। এটাও ব্লাক, আগের ব্লাকটা জোরদার করার জন্ত।”

কীর্তি : “তার প্রতিক্রিয়ায় সে তার গ্যাম্বলিটি নিয়ে চেলা-চেল্লি করতে লাগলো। আর তুই তখন নিশ্চয়ই খুব বেকুব বনে গেলি? না?”

শিপ্রা : “এ কি কথা। সে তো তখন খুশী যে তার টেনস্ট সফল হয়েছে।”

খান : “না কীর্তির অনুমানটাই ঠিক। এ রকম একটা থার্ড ক্লাস টেস্টের মুখে নেহাত কাঁচা স্পাইও বিচলিত হয় না। সে যে স্পাই এটা আমি তখন আদৌ ধরে নিই নি। রোমান্টিক জিমি হয়তো ঘামের কঁটায় কুমীর দেখে ধরে নিয়েছে লোকটা স্পাই— আজ যখন সর্বত্র পাক্ স্পাই ম ম করছে। তাই ব্যাটার চেলাচেল্লি শুনে আমি প্রথমটায় বেকুব বনে গিয়েছিলুম। তখন বুকলুম, একমাত্র গাড়ল পাঞ্জাবীদের মধ্যে গাড়লশু গাড়লই কল্লনা করতে পারে, সে পাক্‌ফেক্ট স্পাই এবং শুধু তাই নয়, আর পাঁচটা, জাতভাই গাড়লের মনে বিশ্বাস জন্মাতে সমর্থ হয় যে সে স্পাই রানী মাতা-হারির জারজ সন্তান কারণ তার উর্হু এ্যাসন চোস্তু লখনওয়াী যে এখনো বাপের সে-সুপুত্তুর পয়দা হয় নি যে ঠাহর করতে পারবে, সে আম্মাজানের গবব থেকে তেড়ে পাঞ্জাবী বুলির কোয়ারা ছুটিয়েছে শার্লিমার বাগ-এর বেবাক কোয়ারা এক জোট করে।”...খান নিজের রসিকতায় নিজেই খিলখিল করে হাসতে আরম্ভ করেছে। শেষটায় সামলে নিয়ে বললে, “লোকটা যেই না আমার ইচ্ছাকৃত বিকৃততর খাস কলকাতাই উর্হুর ছ’টি মাত্র লব্জো শুনেছে অমান ছোটালে তার “উর্হু”—সে যে উত্তর প্রদেশের প্রকৃত সন্তান সেইটে

সপ্রমাণ করার জন্ত। আর বলবো কি, দিদি, সেটা শুনলে আমাদের পাড়ার পর্দানশীন কুলীন ঠাকরুন পদি পিসি পর্যন্ত বলে উঠতো, ‘এ ম্যা—ভদ্রলোকের ছেলে, মাইরি, কতা কইচে ডাইভার সদার-জীর মতো—নোকের সামনে নজ্জা করে না!’ অতিশয় নির্ভেজাল অমৃতসর-লাহোর-মার্কা পাঞ্জাবী উর্দু-প্লাস্টিকের পাতর-বাটি! স্মৃতি চট্টো রেকর্ডে তুলে রাখতেন। আমাদের পাড়াতে এক বাঙাল ভদ্রলোক আছেন—তুই তো চিনিস রসরাজ ভাশা—ত্রিশ বছর ধরে। প্রায়ই বলতে শোনা যায় ‘রারী (রাঢ়ী) ছাশে মাক্যা থাক্যা ছাশের আপন ববাসাটা (ভাষাটা) একেবারে পাউরি গেছি (তুলে গিয়েছি, পাসরি গেছি)। এমনই আবেস্তা (অবস্থা) ওংকা (এখন) গিরিনি (গৃহীণী) পইরজন্ত (পর্যন্ত) আমার বিসুর্দ রারী ববাসা (বিশুদ্ধ রাঢ়ী ভাষা) বুস্তা পারইন না (বুঝতে পারেন না)।’ মিঃ কুরেশী ‘উর্দু’ বলার সময় ছবছ ভাশাচাষের আত্মপ্রত্যয় নিয়ে আপন উত্তর প্রদেশীয়ত্ব সপ্রমাণ করার জন্ত লেগেছিলেন ব্যাভাচার্য বৃহল্লাঙ্গুলের চর্বি খেয়ে।”

এমন সময় জিমি এসে বললো, “পুলিশ আপনার কাছে আসতে চায়, না আপনি যাবেন।”

খান বললে, “আমিই যাচ্ছি। থাকতো আজ আই জি তালেবর দত্ত, হুঁ, আমাকে কেন, কাউকে কোনো প্রশ্ন না শুধিয়ে, ছাখ তো না ছাখ, ক্যাকু করে আপন হাতে পাকড়াতো হারামীকে।”

খান চলে গেলে শিপ্রা শুধলো, “খান লাহোরীটাকে টেস্ট না করে অগাটার চেয়ে অগা সেজে, ধীরে ধীরে খাঁটি মুসলমানত্ব জাহির করে—সেটা করতে পারতো সে কোনো ভান না করে, এবং অতি অনায়াসে, কারণ তুমিই বলেছো, সে ইসলামের ইতিহাস বহু বৎসর ধরে পড়েছে—এবং মুসলমান মুসলমান ভাই ভাই, তাই ইয়েহিয়া তার বড় ভাই সাহেব—মির্জা সেটা সত্যি সত্যি বিশ্বাস করে। তারপর লাহোরের মিঞাজীকে সাপ্লাই করতো ইণ্ডিয়া সম্বন্ধে রগ-রগে

বোগাস্ ইন্সাইড ‘ইনক্রমেশন’, এবং পাম্প করতো তার পেট থেকে পশ্চিম পাক্ সম্বন্ধে যতখানি মাল বের করতে পারে, এবং সব চেয়ে ইমপোর্টেন্ট, কনটাক্ট রাখার নাম করে ভারতে পাকিস্তানী ও হিন্দুস্তানী স্পাইদের যে-কটা নাম সংগ্রহ করতে পারে। ছুছাই, ওসব আবার বলি কেন?—লারী কোম্পানীকে সে যে-উদ্দেশ্য নিয়ে তেলিয়েছিল।”

কীর্তি বললে, “ও রকম একটা গণ্ডমূর্খকে কোনো দেশে স্পাই করে পাঠাতে পারে, সেটা বেচারী অনুমান করবে কি করে? সে ভেবেছিল, একটুখানি স্ট্রাজ খেলানোর পর, ধরবে সাপের স্ট্রাজটা। কিন্তু পয়লা কোপেই বেরিয়ে এল সাপের বদলে কেঁচো। তবে মিঞা খুব একটা কাজে লাগতেন বলে মনে হয় না। ওকে হয়তো পাঠিয়েছিল, জেনে শুনে যে সে ধরা পড়বেই। ভারতের ক’দিন আগে ওকে পাকড়াতে, পাকড়ে ওকে নিয়ে কি করে—অর্থাৎ ওর নাম করে, কিংবা ওকে বাধ্য করে বোগাস খবর পাঠায় কি, না, ওকে কিনে ফেলে নিজেদের স্পাই করে পশ্চিম পাকের এমন জায়গায় পাঠায় কি, না যেখানে সে পরিচিত নয়, এবং আরো অনেককিছু—এবং তার থেকে বিচার করবে ইণ্ডিয়ান এ্যাক্টি-স্পাই বিভাগ কতখানি চালাক, কতখানি আপ-টু-ডেই।”

শিপ্রা : “ঢাকা বেতার এখন খবর দেবে। কি বলে শুনি।”

প্রধান খবর ছিল, হামিছল হক বিবৃতি দিয়েছেন, “এটা যুদ্ধ নয়, হত্যা নয়, বর্বরতাও নয়। সামান্য অপারেশন। তাতে ছ’চারজন লোক মরবেই—”

কীর্তি : “মাই গড্ !”

“—যারা আইন মেনে চলছে আর্মি তাদের কোনো ক্ষতি তো করছেই না, বরঞ্চ তাদের নিরাপত্তার জন্তু সব ব্যবস্থা নিয়েছে। দেশ লীগ ‘শয়তানদের’ গুণ্ডামী থেকে রক্ষা পেয়েছে। এখন যা লুট রাহাজানি খুন হচ্ছে সে সব করছে লীগের লোক। গ্রামের লোক

ভারী খুশী, আমি অপারেশনের খবর শুনে, আমার কাছে গাঁয়ের সব খবর আসে এবং সর্ব প্রকারের কটুকাটব্য, জলজ্যান্ত মিথ্যা ভাষণ। সংক্ষেপে বলতে গেলে আয়নার উল্টো ছবির মত ইয়েহিয়া টিকার স্বপক্ষে অনবদ্য একখানা মাস্টার পীস।

শিপ্রা স্তম্ভিত হয়ে শুনলো। সে এমনি হতবুদ্ধি হয়ে গিয়েছে যে 'গ্যোবেল্‌স্'-এর তুলনা পর্যন্ত তার অবশ মনে সঞ্চারিত হল না।

কীর্তি অতখানি না। শুধোলে, “এই হক্‌টি কে চেন? ইনি বাঙালী মুসলমান এবং একজন বাঙালী হিন্দু ছ'জনাতে পার্টিশেনের পূর্বে বর্মা থেকে আগত শরণার্থীদের জন্ম' কাণ্ড থেকে অস্তুত লাথ তিরিশেক টাকা তজরুপ, চুরি, যা ইচ্ছে, বলো করাতে—ওদের নামে গ্রেফতারীর হুকুম বেরয়। ঠিক ঐ সময় পার্টিশন হল; হক্‌ টাকা অর্থাৎ পূর্ব পাকিস্তানে পালিয়ে গিয়ে প্রাণ বাঁচালেন। খুব সম্ভব এখনো তার নামে কলকাতায় এরেস্ট ওয়ারেন্ট জারী আছে; এই চব্বিশ বছরে তিনি ভারতে পদার্পণ করেন নি। সেখানে রাজনীতির খেলাধুলোতে সুবিধে না করতে পেরে রাজনৈতিক বনবাসে চলে গেলেন—তখনকার মত। বর্মার কড়ি দিয়ে একটা দৈনিক খবরের কাগজ কিনে রেখেছিলেন; সেইটে দিয়ে আড়াল থেকে কল-কাঠি নাড়াতে লাগলেন। অনেকটা—”

“ধামলে কেন?”

“অল্‌ রাইট—অনেকটা গোয়িং ইনটু টেম্পরারি রিটায়ারমেন্ট লাইক এন ওল্ড্‌ প্রসটিটুট, বিকাম এ হোল-টাইম, প্রফেশনাল পিম্প্‌ এ্যান্ড্‌ এণ্ডয়েট এ স্টেজ-ব্যাঙ্ক এ্যাজ দি সোল্‌ ওনার অব্‌ ফুল-ফ্লেজেড্‌ ব্রথেল্‌স্‌।”

খানের প্রবেশ।

খান : চতুর্দিকে পুলিশ ছড়িয়ে পড়েছে; হলিয়া বেরিয়েছে মিঞাকে পাকড়াবার জন্ম।”

কীর্তি : চতুর্দিকে কেন ? ওতো এখন সিধে ধাওয়া করবে সব চেয়ে নিকটের পাক বর্ডারের দিকে । এবং যাবে চেরাপুঞ্জির ঘুরতি পথে । জিমিকে যে পই পই করে চেরাপুঞ্জির খবর ভিজেন্স করেছিল সেটা শুধু কামুফ্লাজ নয় । পশ্চাদপসরণ—লাইন অব্ রিট্রীট—সম্বন্ধেও ওকীবহাল হওয়ার প্রচেষ্টা তাতে ছিল । এবং সে সোজা সরকারি সড়কও ধরবে না । ‘খাসিয়ারা’ অতিথি বংসল । গ্রাম থেকে গ্রামান্তর হয়ে চেরাপুঞ্জি একপাশে রেখে—কি একটা জায়গার নাম, কি যেন, “উঠনি”—‘মহাদেয়ে উঠনি’ না কি যেন—সেটা অপরিহার্য—কয়েক শ’ ধাপ মান-বাঁধানো সিঁড়ি দিয়ে চেরাপুঞ্জি অঞ্চলের উচ্চতা থেকে নামবে কি যেন একটা ছোট খাসিয়া গ্রামে—কি এক ‘পুঞ্জি’—সেখান থেকে কোম্পানিগঞ্জ, ভুলাগঞ্জ, জন্তিয়ার ওংরাইটার পথ খুবই সহজ । চেক্ পোস্টটার নাম বোধহয় ভাউকি । সে নিশ্চয়ই সেখানে যাবে না । ওখানেও পাক্-সিলেটে ঢোকার তরে বিস্তর চোরাবাজারের গুপ্তিপথ রয়েছে ।... ‘স্পাই মাস্টার’ যে-রকম ভয় পেয়েছে আর আক্কেলটিও গুডুম, সে তার বর্তমান মুক্ত-কচ্ছাৰস্থায় ছ’ কান-কাটার মত সদন্তে গোঁহাটির অষ্টপ্রহর গম্গন্ করি সরকারি বে-সরকারি কোনো পথই ধরতে পারে না ।”

খান শুধোলে, “ম্যাপটি জোগাড় করলে কোথেকে ?”

কীর্তি, তৃপ্ত বদনে : “হাজী সকল কাজের কাজী ; নিজের থেকেই দিয়েছিল, টু মাইল টু এন ইঞ্চ ম্যাপগুলো ।”

খান : “তার পর প্রশ্ন উঠলো, লোকটা সব-কিছু ফেলে রেখে সুদুর্মাত্র খালি স্টকেসটা নিয়ে গেল কেন ? এমন কি ট্রানজিসটারও ফেলে গেল কেন ? অন্তত ভাউকি বর্ডারের অবস্থাতা তো গোঁহাটি স্টেশন থেকে শুনতে পেত ।”

কীর্তি : “উত্তর অতি সরল । স্টকেসটাতে ছিল ফল্গু বটম—গুপ্তি-তলা । সেখানে আর কিছু না থাক, ম্যাপ-ট্যাপ কম্পাস

এমনকি ছোট ট্রান্সমিটার থাকারও অসম্ভব নয়। কামরার ভিতর সেগুলো নিশ্চিহ্ন করা অসম্ভব। অতএব পয়লা মোকাত্তেই ওটা সে ফেলে দেবে যে-কোনো জঙ্গল। একটা খাদে—তার অভাব কি এখানে। তোকে যদি কখনো মার্জার করি তবে শিলঙে ডেকয় করে এনে। 'লাশ গায়েব করার তরে আইডিয়াল প্রলোভনী এখানকার খাদগুলো। লেকের পাশ দিয়ে যদি যায় তবে সেটা ব্যাড সেকেন্ড। কী মূর্খ লোকটা সেটা আরো বোঝা গেল ট্রানজিস্টার সঙ্গে নেয় নি বলে।”

শিপ্রা বললে, “অনুমান করতে পারছি।”

খান বললে, “আমি সদাই ওয়াটসন। রহস্য সমাধান হয়ে যাওয়ার পরও সে—সমাধানের ‘কৈশল’ও তার কাছে রহস্যময় থেকে যায়।”

কীর্তি বললে, “নিয়ে গেলে পুলিশের ছানিয়াতে অন্তত থাকতো ‘সম্ভবত পলাতকের হাতে ট্রানজিস্টার আছে’। তোরই মত পুলিশ ভাববে, ঐ যন্ত্রট ছাড়া ওর চলবে কি করে? ওদিকে সে সেটা স্ট্রুটেকেসে পুরলে সেটার ওজন বাড়বে। খাদের ঝোপঝাড়ে আটকা পড়বে না—তছপরি পুলিশের অশ্রুতম সনাক্তকরণ চিহ্নও তার হাতে নেই। পুলিশ কিছু বুদ্ধি খাটালে ও সামান্য তৎপর হলেই ওকে ধরতে পারবে সেই ‘উঠনি’র নিচে। পকেটে যদি কিছু পায় তবে, কম্পাস আর ম্যাপ।”

খান বললে, “মিঞাকে নিয়ে হুঁচকানো করার কিছু নেই। তোকে কার্সী প্রবাদটি তো একাধিকবার বলেছি, ‘আহাম্মুখ দোস্তের চেয়ে আক্কেলওলা হুশ্মন্ ভালো।’ কিন্তু ঐ মিঞাটার মত হুশ্মন্ যদি রাঁচির সার্টিফিকেট প্রাপ্ত ইন্সেসাইল হয়, সে সম্বন্ধে প্রবাদ নীরব।”

শিপ্রা তাক্সিলোর সঙ্গে বলে, “এ রকম, একটু ভালো, আরো বোকা কত আসবে যাবে, সে নিয়ে মাথা ঘামালে হবে বর্বরস্ত বলক্ষয়—আর তুমি, খান, মাত্র অর্ধ বর্বর। চলো না কলকাতায়,

তোমার মত ধুরন্ধর চোখ না মেলেও দেখতে পাবে মার্কিন, রুশ, চীনা, বিশেষ করে উভয় পাকের চর কতু স্ববেশে কতু বা ছদ্মবেশে আবজাব করছে।”

কীর্তি বললে, “তোমাদের সম্মতি থাকলে ‘কালই’ কলকাতা রওয়ানা হওয়া—”

খান আশ্চর্য হয়ে শুধোলে, “এত ম্যাপ ঘাঁটাঘাঁটির পর ‘ডাউকি’ বাবে না?”

কীর্তি শান্ত কণ্ঠে বললে, “করিমগঞ্জে যে ছ’একটি শরণার্থী দেখেছি, সেই প্যাটার্নই তো ইছামতী থেকে পদ্মা ব্রহ্মপুত্র ডাউকি, দবত্রই একই রূপে দেখা দেবে।”

খান বললে, “অ-অ-অ! হাতে হাঁড়ির একটা ভাত টেপা ঝাপের দশটা পাখির সমান।”

অষ্টম অধ্যায়

“জমি!”

“ইয়েস, ম্যাডাম!”

“তুমি সত্যি ভেরি ভেরি ব্যাড্‌ বয়।”

“আমার ড্যাড, অনুমতি করুন ম্যাডাম, আমাকে এইটুকু হাইট থেকে (হাত দিয়ে দেখিয়ে) এই সত্য বাক্যটি বলেছেন। আমার মনে যেটুকু সন্দেহ ছিল, আজ থেকে সেটা একদম লোপ পেল—”

“কাজলামো করো না। সেই ভোর চারটে থেকে তোমাকে আমি খুঁজছি। সবাই বলে, তুমি অক্‌ক্‌ ডিউটি। সো হোয়াট? শেষটার গোঁহাটির পথে তোমার বাড়ি গেলুম। পথে দেখি, সেই ছোয়ান বেয়রাটা, ভ্যাক করে যে কেঁদে কেলেছিল আমার সামনে,

সে ছুটেছে টাট্টু ঘোড়ার মত । জিজ্ঞেস করলুম, লিক্টু চাই । বললে, তোমার বাড়ি যাচ্ছে, তোমাকে খবর দিতে । সেখানে শুনলুম, ইয়োর বেড্ হাজ নট বিন্ স্পেস্ট ইন এটোল্ । আই লাইক্ ডাট্ ! কোথায় ছিলে সমস্ত রাত ? আমি তোমার বাপ হলে এতক্ষণে আমার দুই উরুর উপর উপু করে ফেলে, উইদ দি রং সাইড অফ্ মাই ব্রাশ এমন পঁয়াদানি দিতুম—”

হঠাৎ জিমিকে গোহাটিতে পেয়ে শিপ্রা এমনি খুশী যে বহুদিন পরে অনর্গল বকর বকর করে যেতে লাগলো ।

জিমি সবিনয় বললে—ছোকরাকে এরকম “বকাঝকার” লাই ইতিপূর্বে কেউ কখনো দেয় নি, এণ্ড বাই হোয়াট এ ড্রীমল্যাণ্ড কেয়ারি ! মাদার মেরি তুমি ঐকে সর্ব অমঙ্গল থেকে রক্ষা করো, মা !—“ম্যাডাম, আমার ওজন ১৭০ পাউণ্ড, তাই এই মাটিতে লম্বা হচ্ছি ! আপনি—” ছোকরা জীবনে এতখানি স্নেহ ইহজন্মে পায় নি । নইলে এ-রকম বাচালতা তার নিজের কাছেই অবিস্বাস্য ঠেকত । বাপের স্নেহ ছিল পুরুষের, পিতার স্নেহ ।

“চুপ করো । এই চেয়ারটায় বসো তো ।” তারপর হাণ্ড ব্যাগ খুলে সিন্কে মোড়া একটা কেস বের করলো । বললো, “খুলে দেখো । তুমি প’রো । আর বিয়ের বউয়ের আঙুলে আংটি পরাবে তো, চার্চের ভিতর ? বেরিয়ে এসেই এটি তাকে পরিয়ে দেবে—ইফ্ আই বি অন দি আদার সাইড—”

“ম্যাডাম, প্লীজ !”

“শোনো । আমি বেঁচে থাকলে অল্প কথা । এখন সিরিয়াস হয়ে শোনো । এটা তোমাকে আমি ক্রী দিচ্ছি না । আমি প্রতিদান চাই ।”

জিমি হাত তুলেছে শপথ করতে ।

“শুনে যাও, প্লীজ । তোমার হেল্প্ আমার দরকার হতে পারে, না, হবেই । হয়তো উইদাউট এনি নোটিস । হয়তো বা

দিতে পারবো। তুমি 'না' বললে আই শানট্ টেক ইট্ এমিস্ এটোল। 'সী হোয়াট্ আই মীন ?'

“প্লীজ, ম্যাডাম। আমাকে মাত্র একটি কথা বলতে দিন। আমার ড্যাডির জীবনের আদর্শ তিনি নিয়েছিলেন কার কাছ থেকে আমি ঠিক জানিনে। বোধ হয় প্রিন্স্ কনসর্ট্ এলবার্টের এই 'মটো' ছিল। জার্মানে দুটি শব্দ, 'ইষ ডীনে' (Ich diene) 'আমি সেবা' করি', 'আমি সেবার জন্য', 'আই এম হিয়ার টু বি যুক্তড্।' 'আমিও' সেই আদর্শে বিশ্বাস করি।”

“গুড্। আমি তোমাকে এমন কোনো সেবা করতে বলবো না যেটা হীন কিংবা তোমাকে কোনো বিপদে পড়তে হবে। প্রথম সন্ধ্যাতেই আমি বুঝেছিলুম, পরের হিত করে তুমি আনন্দ পাও। তারপর যখন মিঃ থানের কাছ থেকে শুনলুম, পাঞ্জাবী গুপ্তচরের প্রতি তোমার ঘৃণা, এবং থানকে সব-কিছু তুমি বলেছো যাতে করে সে থানের বা অগ্র কারোর অনিষ্ট না করতে পারে তখনই—ওয়েল নেভার মাইণ্ড—তুমি কবে কলকাতায় আসছো ?

“আপনি যখনই আদেশ করবেন।”

“আচ্ছা, তোমাকে শেষ প্রশ্নটা জিজ্ঞেস করি : তোমার পিতা এবং তুমি বড় হওয়ার পর, তোমার সম্প্রদায়ের আর পাঁচজনের মত তোমরা ক্যানাডা বা অন্টেরিওয় চলে গেলে না কেন ?”

“ড্যাডি ছিলেন অতি একস্পোর্ট বয়লার ইনস্পেক্টর। কাজেই তিনি আর পাঁচজনের তুলনায় ঢের ঢের ভালো অফিস পেয়েছিলেন। এবং তিনি এটাও জানতেন, তাঁর নিকট আত্মীয়স্বজন প্রায় সবাই 'মাইগ্রেট' করার কলে তাঁকে বৃদ্ধ বয়সে নিতান্তই নিঃসঙ্গ জীবন কাটাতে হবে। তবু তিনি যান নি। কেউ জিজ্ঞেস করলে উত্তরটা এড়িয়ে যেতেন। মাত্র একদিন একবার আমাকে, একান্ত আমাকেই বলেছিলেন, 'যারা যাচ্ছে, যাক্। আমি কক্থনো বলবো না, তারা' অগ্রায় করছে। কিন্তু, 'মাই জিমি, আমি যে-দেশে' জন্মেছি,

যে-দেশকে আমি ছেলেবেলা থেকে 'ভালোবাসতে' শিখেছি, সে-দেশ আমি 'ত্যাগ' করতে পারবো না। আমি এ-দেশেই 'মরতে' চাই, যাতে করে আমার 'বাপ' পিতামোর হাড়ির কাছে আমার হাড়িও ঠাঁই পায়—আই উয়ার্ট মাই বোনস্ টু বি গেদার্ড্ 'আনটু মাই ফোর ফাদার্স হোয়ার দে আর।' ম্যাডাম, আমার 'বেলাও তাই—সেম্ হিয়ার। আমি চলে গেলে তাঁর গোরে ফুল 'দেবে কে?'

তাই তো, অবাক হয়ে ভাবলো মনে মনে শিপ্রা, তাই তো, খৃষ্টান মুসলমান যাদের গোর দেওয়ার রীতি, তারা চায় তাদের হাড়গুলো যেন তাদের বাপ পিতামোর হাড়ের কাছে স্থান পায়, কালক্রমে ধুলো হয়ে মিশে যায়। হৃদয় দিয়ে যারা এ-দেশকে ভালোবেসেছে তাদের পক্ষে এদেশ-ত্যাগ না করার বিরুদ্ধে এটা একটা অতিরিক্ত 'হৃদয়ের যুক্তি'।

সঙ্গে সঙ্গে তার মনে পড়লো, বাটন না ওপেনহাইম্ কার লেখাতে সে-যেন পড়েছে, বসরা বন্দর থেকে ভারতগত জাহাজ যে-সব শত সহস্র মুসলমানদের ওষধি-রক্ষিত মৃতদেহ "সাত-সমুদ্র" পেরিয়ে নিয়ে এসেছে, তাদের বোঝাই করে এগিয়ে চলেছে মরু-ভূমির এক দিগন্ত থেকে অত্র দিগন্তে বিলীন শত সহস্র উষ্ট্র গদভের কাক্ফেলা পুণাভূমি কারবালার দিকে, যেখানে তাদের নেতাজী শহীদ ইমাম হোসেনের রক্তধারা কারবালার মরুভূমির সহস্রাধিক বৎসরের শুষ্ক বালুকা সিক্ত, রঞ্জিত করেছিল, যেখানে তাঁর অস্থি সমাহত হয়েছিল তারই নিকটে একই মরুভূমিতে ভারতীয় অস্থি স্থান পাবে বলে, একই ধুলোয় ধূলি হবে বলে।

এবং এরই সঙ্গে তার মনে আরেকটি চিন্তা উদয় হয়ে তার দেহটা যেন বিষিয়ে দিল : জেনারেল ইয়েহিয়া অতিশয় গোঁড়া কট্টর শীয়া, এবং সম্প্রতি জানতে পেরেছে মিস্টার জুলফিকার আলী ভুট্টোও শীয়া—গোপনে গোপনে তিনিও ধর্ম্মান্ধ, তাঁর শীয়া মতবাদ

ভিন্ন অল্প সর্ব বর্ণ সর্ব গোত্রের মুসলমানের প্রতি তার প্রতিটি লোম-কূপ সাম্প্রদায়িক বিদ্বেষ-হলাহলে জর্জরিত।

এবং সে সাম্প্রদায়িকতা এমনই বিশ্বব্যাপী—“যো বিশ্বঃ ভুবন-মাবিবেশ”—যে সে ধর্মাক্রতাকেও পরাস্ত করে ধর্মনিয়ন্ত্রিত পবিত্র মহরম মাসে, পুণ্য শুক্রের দিবসারম্ভে তাদের সর্ব পবিত্রতাকে কলুষিত করে শীয়াদের ধর্মবৈরী সুন্নী মুর্থ পাঠানকে উত্তোজিত নিয়োজিত করে তার ধর্মভ্রাতা পূর্ব বাঙলার সুন্নী মুসলমানকে নিধন করতে, তার বধু ভগ্নী কন্যাকে—। তাদের শেখানো হয়েছে পূর্ববাঙলার মুসলমান কাকির। ইয়েহিয়া শুধু মদের নেশায় বলতে ভুলে গিয়েছিলেন শীয়ারা সর্ব সুন্নীকে, অতএব পাঠানকেও কাকির মনে করে।

ইয়েহিয়ার পরলোক ইরাকের কারবালায়, ইহলোক শীয়া ইরানে তিনি ভুলতে পারেন না, ভুলতে চান না যে তাঁর পূর্বপুরুষ কিজিলবাস্ গোষ্ঠী এসেছে ইরান থেকে—শুধু ভুলে গেছেন তারা ইরানে এসেছিল মূল মাতৃভূমি সুন্নী তুর্কোমানিস্তান থেকে। ইরানের সঙ্গে তার দোস্তী; পূর্ব বাঙলার সুন্নী তাঁর দুশমন। তাঁর দোস্ত ইরান তাই তাঁর সুন্নী নিধন কর্ম সুসমাপ্ত করার জন্তু শানিয়ে দিচ্ছে তাঁর তলওয়ার, মণ্ডগাৎ পাঠাচ্ছে বোমারু বিমান।

হঠাৎ সংবিতে ফিরে এলো শিপ্রা। জিমি সম্বন্ধে শেষ কথা তার যা জানার ছিল সেটা জানা হয়ে গিয়েছে। তার অনুগত্য ইংলণ্ডে বা কানাডার প্রতি একসূত্রী টেরিটরিয়াল নয়।

আমাদের মেয়েরা একদল “অষ্ট অলঙ্কার” দিয়ে প্রসাধন করতেন “ওষ্টরঞ্জন” ইদানীং বহুস্থলে—হোটেলে, ট্রামে-বাসে, থিয়েটারে—তাঁদের এক মাত্র অলঙ্কার। পক্ষান্তরে গৌরা রায় অত্য়াপিও “অষ্টপদী” ব্রেকফাস্ট খায়। তারই এক চাউস সংস্করণ বেয়ারা এনে রাখলো জিমির সামনে।

শিপ্রা বললে, “আজ এই খাও। এতদিন তোমার কর্তব্যের আওতায় না পড়া সত্ত্বেও তুমিই যে আমার খানার তদারিক করতে

সে আমি জানি। একটু-মুহূ হেসে বললে, “আর” কলকাতার বাড়িতে থাকে পুঁইশাকের চচ্চড়ি আর মোচা-ঘণ্ট।”

“কিন্তু আপনি অর্ডার দিলেন কখন।”

“ওহে জনপদবাসী যুবক, আমি নাগরিকা। আমাদের টেকনিক ভিন্ন। আমার চেয়েও সুচতুরা, বিদগ্ধা নাগরিকার নাম বেয়াত্রিচে। আমাকে গুলে খেতে পারে। এসো কলকাতায়। এই এপ্রিলেই। ঐ কথাই রইল—ডান্?”

“ডান্! অনার আইট। ঐ কথাই রইল।”

শিপ্রা সেন্টিমেন্টাল নয়। শব্দটি ইংরিজিতে স্থান বিশেষে সব সময় প্রশংসনীয় নয়। বাড়লার আমরা বলি “ভাবাবেগে গদগদ হওয়া,” “উচ্ছ্বাসে আত্মহারা হওয়া” কিংবা যে-রকম বলা হয়, পড়ুয়া প্রহ্লাদ যখন বর্ণমালার “ক” অক্ষরে এলেন, তখন কৃষ্ণ নামের স্মরণে ভাবাবেশ মুহূর্ত হরেছিলেন। শিপ্রার অনুভূতি এস্থলে সে পর্যায়ের নয়। সে দেখতে পেয়েছিল জিমির ভিতর একাধিক চরিত্র-গত বৈশিষ্ট্য যে-গুলোকে সাধারণ জন রেসেপ্‌সনিষ্টের মামুলী কর্তব্য বোধ মনে করে তার দিকে আরেকবার ভালো করে তাকানোর প্রয়োজন বোধ করতো না। সব ভালো হোটেলেরই রেসেপ্‌সনিষ্ট—এমন কি ক্লাব-চ্যাটার বক্সের সমগোত্রীয় হোটেল-স্বব হয় তো বলেই ফেলতো, ছোকরার ইচ্ছাধন “ট্যাগুয়া”—চেপ্টা করে গেস্টের সেবা, কিন্তু সেবাই যে জিনিসের সেটা যত না বুদ্ধি দিয়ে ততোধিক অনুভূতি দিয়ে হৃদয়ঙ্গম করেছিল শিপ্রা। শিপ্রার সেন্টিমেন্ট আছে, কিন্তু সে সেন্টিমেন্টাল নয় কারণ তার সেন্টিমেন্টের পিছনে অহরহ জাগ্রত থাকে পর্যবেক্ষণশীল অন্তর্দৃষ্টি।

শিপ্রা আর জিমি লাউঞ্জে বসে নিজেদের মধ্যে কথাবার্তায় একে অন্টকে যখন চিনে নিচ্ছিল, খান ততক্ষণে ঝপঝপ গোটা পাঁচেক জিন্ মোকামে পৌঁছিয়ে দিয়েছে, রেস্টোরাঁতে বসে কীতি সজ দিয়েছে বটে কিন্তু সে আধ গেলাসও শেষ করতে পারে নি।

‘মাইক্রোস্কোপে’ প্যাসেঞ্জারদের উদ্দেশ্যে ‘সমন’ জারী হয়েছে।
 ‘খান খপ্’ করে কীর্তির গেলাসটা তুলে নিয়ে বটম্ আপ করে বললে,
 “চ,—যত সব ছুশ্চরিত্র পৌঁচি মাতাল!”

লাউঞ্জে শিপ্রাদের সামনে দাঁড়িয়ে এবারে বাক্য সম্পূর্ণ করে
 বললে, “যত-সব পৌঁচি মাতালদের পাল্লায় পড়ে আমার চরিত্রটা ঝর-
 ঝরে হয়ে গেল?”

জিমি এখন শিপ্রার প্রটেজে। জিমির ইংরিজি ট্যাগুয়া হোক্
 আর নাই হোক্, তার বাঙলাটা খাজা ট্যাগ মাৰ্কা। শিপ্রা প্রথম
 তাকে বুঝিয়ে বললে, “পাঁড় মাতাল অর্থ্যাৎ কনফার্মড্ ব্জার,
 আর পৌঁচি মাতাল মানে, যারা আধ ফোঁটা গিলতে না গিলতেই
 ঘরের ভিতর আটটা পৌঁচিল দেখতে পায়।” তারপর খানকে
 শুধলো, “পৌঁচির সহবতে ছুশ্চরিত্র হলে কোন্ অলৌকিক অধ্যবসায়
 এবং ইন্দ্রজাল-ভানুমতীর সমন্বয়ে।”

খান হাহাকার সহকারে বললে, “হায় হায়, এই সামান্য তত্ত্বটুকু
 পরিস্ফুট জানো না, সুন্দরী। তাই বলছো ভানুমতীর খেল। ঐ যে
 আমাদের পাঁড়স পাঁড় কেম্ব্রিজের ব্যারিস্টার গোসাঁই, তাকে
 লগুনে পুলিশ ধরে নিয়ে দাঁড় করিয়েছে ম্যাজিস্ট্রেটের সামনে।
 অপরাধ? রাস্তায় মাতলামো করেছে রাত দুটো অবধি। পুলিশ
 যা প্রমাণপত্র পেশ করলে তার সামনে হাকিমের মনে কোনো
 সন্দেহের অবকাশ রইল না, ব্যাটা পাঁড়। তবু, জানো তো, ব্রিটিশ
 জাস্টিস, অপরাধের পুরো বিবরণ শোনার পর তবে তো স্থির করবে,
 দণ্ডটা গুরু না লঘু হবে। আসামীকে শুধোলেন, এমন কি কোনো
 অস্বাভাবিক ঘটনা ঘটেছিল, এমন কি কোনো বিপাকে পড়েছিল যে
 ফলে বেহেড মাতলামোটা করলে?”

গোসাঁই চিঁ চিঁ করে করুণ কণ্ঠে বললে, ‘আমি ছুজন অসচ্চরিত্র
 লোকের পাল্লায় পড়েছিলুম, ধর্মাবতার, ইওর অনার।’

জজ উৎসাহ দিয়ে বললেন, ‘খুলে কও।’

গোসাঁই অশ্রুসিক্ত কণ্ঠে, ‘মি লাইট, আমার সঙ্গী-দুটো যে এত-
খানি দুশ্চরিত্র জানা থাকলে আমি কাম্বিনকালেও ওদের ছায়া পৰ্বন্ত
মাড়াতুম না। দুই শ্যারই—বেগ্ পার্ডন, স্তর—টি টি, টী টোটেলার
মতস্পর্শটা মুসলমানদের চেয়েও হারাম বলে বিশ্বাস করে।’ ক্রিস্-
মাস, আপন আপন জন্মদিনে পৰ্বন্ত মতপান করে না।’

প্রহেলিকাচ্ছন্ন দিখাভরা কণ্ঠে জজ ফের বললেন, ‘আরো খুলে
কও।’

‘আর ছিল, লজ্জুর, একটা পুরো ‘মেগ্ নাম্ সাইজের’ ছইস্কি
বোতল—খাঁটি স্কচ, ‘ছিপি পৰ্বন্ত থোলা হয় নি। সেই সমস্ত
বোতলটা আমাকে একাই খতম করতে হল, ‘পাবওরা কি ছুটেই
‘হিস্তে নিলে না। ‘মেগ্ নাম্ বোতলে নেশা হবে না তো কি হবে।
ঐ দুটো লোককে ‘দুশ্চরিত্র বলবো না তো কি বলবো.’ কুসম
বলবো—’ ”

কলকাতার স্মার্ট মেট্রো এর কারদা-কেতা প্রটোকল-বাধা। কোন
অঙ্গের রসিকতায় মুখে ফুটবে একটুখানি স্মিত হাস্তের ক্ষীণভাস
কোন পর্ষায়ের টুটীকলাতে শীতের ফাটা ঠোঁটের চেরা হাসি
‘মোনা-লিঙ্গা-স্মিতহাস্ত করে করে স্তরে স্তরে সর্বশেষে ‘রবীন্দ্রাণ্ড
“বড়নাবুর” ‘ঠাঠা অটুহাস্ত। ‘শিপ্রা কোনো ‘প্রটোকল কখনে
মানে নি, তার হাস্তমাত্রা কি হবে সেটা ‘মেট্রো-এর’ আবহাওয়ার
পূর্বাভাস দেওয়ার সঙ্গে তুলনীয়। কিন্তু গাঁইয়া জিঁমি একহাতে মুখ
চেপে অস্ত্র হাতে পেট চেপে ছ’ভাঁজ হয়ে গিয়েছে।

শিপ্রা বললে, “আম্মো সেই লগুনী জজের মত রহস্যচ্ছনা হে
গুদোই, এস্থলে কণ্ঠিকাটি কি ভাবে প্রযোজ্য?”

“আরো কও কেনে? আমি সদাই সাতীকপে রাখি ছ’টা বিগ
ছইস্কি, ছ’টা ‘ব্রা’ জিন্—তোমাদের এই প্যারা কংগ্রেস সরকারের
মেহেরবানীতে এ-সব সূখা ভারতময় লুকোচুরি খেলে, কটকে রাজ-
রাজমহেন্দ্রবরম বা তিরুচিরপল্লী কোন্টা ড্রাই, কোন্টা ওয়েট

কোনটা স্যাৎসেঁতে, সেটা আবার হঠাৎ এক লম্ফে বোনডাই হয়ে গিয়েছে কবে, তার নেই খবর—মরো গিয়ে সেখানে সুধার অভাবে। অতএব প্রকৃষ্টতম পস্থা ক্যাঙারু পদ্ধতি। আপন থলেতে আপন মাল নিয়ে চলা-ফেরা করা। আজ সঙ্গে ছিল ছ'টা বড়া জিন্ আর ছিল আন্দেশা, ছুনো ইয়ারের তরে বাড়ন্ত হলেই তো সবোলাশ—নাশ নয় লাশ—আথেরে হস সর্বনাশই। ছ'টার সাড়ে পাঁচটা খেলুম আমি, ইয়ার খেলেন হাফ্। চরিত্র নষ্ট হল না আমার, এই পৌঁচি মাতালটার পাল্লায় পড়ে? বরঞ্চ গোসাঁইয়ের কপাল ছিল ঢের ভালো, তার প্রলোভন ছিল মাত্র সেই বোতলটা। কাউকে খেতে দেখলে, কিংবা যদি কেউ সঙ্গ দেবে বলে জানা থাকে তবে প্রলোভনটা হয় প্যারাডাইজে সেই প্রথম নর-নারীর মত নজীর-হীন, অভূতপূর্ব লালসা ভরা আপেল। এক পেগ আপেল, নো, আই মীন একটা আপেল—সেটা 'হাফাহাফ' করে খেয়ে একে অগ্নিকে উৎসাহিত করলো। বাবু 'কীতিনাশ' আমাকে সঙ্গ দেবার লোভ দেখিয়ে চাটলেন তাঁর জিন্টা, পৌঁচি রাঁধনি যে-রকম আড়াই ফোঁটা ঝোল চেটোতে নিয়ে দেড় বার চেটে ছুনটা পরখ করে নেয়। এখন বলো, ভদ্রে শিপ্রা, সম্পূর্ণ 'মত্তবর্জিত' লোক এবং 'কীতি' কে বেশী বিপজ্জনক 'দুশ্চরিত্র'! তবে কি না, একটা সাস্তনার কথা, শুধু ঐ ছ'টা জিন্ পেগ নয়,—'ছ' বোতল স্কচ আর তিন বোতল স্কচ 'বুট' করেছি ঐ পাত্তি স্পাই পাঞ্জাবটার ঘর থেকে।

ত্রিমূর্তি বাক্‌হারা, স্পন্দনহীন। এলেক্টোর প্রস্তর ত্রিমূর্তি এদের তুলনায় তখন মুখরিত বাচাল।

নবম অধ্যায়

পোঃ আলীগ্রাম

গ্রাম পাহাড়পুর, সিলেট,

“দোয়া পর সমাচার এই,

স্নেহের শিপ্রা বোন—”

শিপ্রা যেন বিজলির শব্দ খেল। খামের উপর ছিল ভারতীয় স্ট্যাম্প। ঠিকানাও অচেনা হাতের। অলস অবহেলায় চিঠি খুলেছে, আনমনে পড়তে শুরু করেছে—হঠাৎ বুঝতে পারলো এ যে ‘বিল্কিসের চিঠি! কত যুগ পরে! চিঠির ডান কোণে তাকালো—হ্যাঁ, সিলেটের ঠিকানা। খামটা তড়িঘড়ি বাস্কেট থেকে তুলে নিল—ঠিকই তো দেখেছে। ভারতীয় স্ট্যাম্প। তারিখ বিশ। তখনো তো মানুষ পূর্ব বাঙলা ছেড়ে চলে যেতে আরম্ভ করে নি। পাঁচ সেকেন্ডের ভিতর আগাগোড়া চিঠিটায় চোখ বুলিয়ে ধরে ফেলল জায়গাটা যেখানে তার উত্তর আছে। লিখেছে:

“এখানকার অবস্থা এমনই অস্বাভাবিক যে চিঠিটা এক হিন্দু ভদ্রলোক মারফত ভারতে পাঠালুম। ভদ্রলোক সেই পার্টিশনের সময় থেকে সব রকমের ঝড়ঝঞ্ঝা সয়েছেন, কিছুতেই দেশত্যাগ করতে রাজী হন নি। কাল হঠাৎ এসে আমার মেয়েকে বললেন, তাকেও শেষ পর্যন্ত ভিটের মায়া ত্যাগ করতে হল। মেয়ে আশ্চর্য হল, কারণ আমাদের অনেকেই তো এখনো পুরো আশা ধরে আছেন, লীগ আর ইয়েহিয়াতে সমঝোতা হওয়া খুবই সম্ভব পর। অথচ একাধিক বার যখন হিন্দুদের চতুর্দিকে ঘোরঘুটি অন্ধকার,

প্রায় সবাই পালাচ্ছে তখনো তিনি প্রতি সন্ধ্যায় এখানে এসে বৈঠকখানায় তোমার জামাইবাবুর সঙ্গে দাবা খেলে গেছেন। উপস্থিত হিন্দুদের ভিতর বিশেষ কোনো চাঞ্চল্য নেই, তবু তিনি বেবিকে বললেন, এত দিন বাইরের গুণ্ডা এসেছে মার-পিঠ লুণ্ঠ-তরাজ করতে, তাঁর হিন্দু-মুসলমান প্রতিবেশী, ইয়ার দোস্তের সাহায্যে তিনি তাদের ঠেকিয়েছেন। এবারে—তাঁর স্থির বিশ্বাস—স্বয়ং সরকার আসবে বেহদ্দ জুলুম করতে। জুলুম করতে আসে যে-সরকার তার জাত নেই, ধর্ম নেই। মুসলমান হিন্দু কেউ কাউকে সাহায্য করতে পারবে না। বেবি তাঁর ইঙ্গিতের কিছুটা ধরতে পেরে ভয় পেয়ে শুধলো, মুসলমানদের উপরও জুলুম চলবে না কি? তিনি ভালো মন্দ কোনো উত্তর না দিয়ে বেবির হাতে চন্দন কাঠের একগাছ মালা দিয়ে চলে গেলেন। ভশচাষ মশাই করিমগঞ্জ হয়ে কোথায় যাবেন সেটা এখনো স্থির করতে পারেন নি। দাদার বন্ধু শ্রীযুত দেশরঞ্জন চক্রবর্তী, করিমগঞ্জ, কাছাড়, ঠিকানায় উত্তর দিয়ে। ভশচাষ আমাদেরই মত সাদামাটা মানুষ; তাঁর দিব্যদৃষ্টি আছে এ-রকম কোনো খবর বা গুজোব আমার কানে কখনো পৌঁছয় নি, ভবিষ্যদ্বাণী করতেও শুনি নি। তাই তাঁর দেশত্যাগ শুধু বেদনা দিচ্ছে। এর মধ্যে আশা বা নিরাশার কোনো আভাসই নেই।

বাইরে যথেষ্ট। মিনিটে মিনিটে রকমারি খবর গুজোব এখানে পৌঁচাচ্ছে—আমাদের এই অজ পাড়ারগায়ে পর্যন্ত। কোন্টা সুখবর, কোন্টা ছঃসংবাদ সেটা পর্যন্ত সব সময় বোঝা যায় না—কারণ তারই ফল আথেরে কি হবে, কেউ অনুমান করতে পারে না। সর্বোপরি বেবি আর তার বেতার। ঢাকা বলে এককথা, পিণ্ডি বলে উণ্টোটা, লগুন মনস্থির করতে পারে না। আমি শুধু জানতে চেয়েছিলুম, ইণ্ডিয়া ব্যাপারটার গুরুত্ব বুঝতে পেরেছে কি? কলকাতা শুনে তো মনে হয় না। কিন্তু কে জানে? হয়তো দিল্লীই জানে

সবচেয়ে বেশী কিন্তু উচ্চবাচ্য' করাটা সময়োপযোগী বলে মনে করছে না।”

চুপ করে শিপ্রা ভাবতে লাগলো—বাকি চিঠি পড়া স্থগিত রেখে। একরাশ চিন্তা একটা আরেকটাকে ঠেলে ফেলে কোনোটাই তার শেষ সীমানা অবধি পৌঁছয় না। শুধু একটা বেদনাবোধ তার হৃদয় মনের গভীর অতলে বসে আছে। তার কোনো পার্বর্তন নেই। ওয়ান জাস্ট কান্ট থিংক ইট আ উ ট—বহুকাল ধরে সে জানে বিল্কিস্‌দিদের পক্ষে দেশত্যাগ করে কলকাতা চলে আসাটা সম্পূর্ণ অসম্ভব। কতকাল হয়ে গেল, কতবার সে অনুরোধ করেছে একবার দেশ থেকে বেরিয়ে আসতে—ছ’ দশ দিনের জন্ত। সে নিজে যাবে স্থির করার সঙ্গে সঙ্গে যাওয়াটা হয়ে গেল বটে কিন্তু সেটা পাহাড়পুরে নয়, সেটা স্কটল্যান্ডের পাহাড়পর্বত, নদী হ্রদ। তারপর দার্য নীরবতা। আলস্ত, জড়ত্ব।

আবার চিঠিখানা পড়তে আরম্ভ করলো, অন্ত এক জায়গা থেকে। লিখেছে, প্রকৃত বিশ্বাসযোগ্য দেশের খবর দেবার মত কিছুই নেই। সব পরস্পর বিরোধী। এবং সবচেয়ে মারাত্মক যে পাপ বিষ প্রত্যেকের দেহমনকে আচ্ছন্ন করে তাকে নির্জীব, ক্লীব করে দিচ্ছে সেটা ভবিষ্যৎ অনিশ্চয়তা। কেউ জানে না, কার কপালে কি আছে? কোনো সন্দেহ নেই, এখন, এই মুহূর্তে দেশের পনেরো আনা লোক—মেয়েছেলেরাও পিছিয়ে নেই—লীগপন্থী। সত্য বটে এ-রকম সর্বব্যাপী আন্দোলন আমি ইতিপূর্বে আর কখনো দেখি নি। তবু মনে ভয় জাগে একাধারে ভাবালুতার উচ্ছ্বাস, অন্ত দিকে অনিশ্চিত ভবিষ্যৎ সম্বন্ধে উদ্বিগ্ন জড়ত্ব—এ দুটোর ভিতর জিতবে কোনটা যদি কখনো পরীক্ষা আসে।

শেষ কথা। বেশীর ভাগ লোকের বিশ্বাস, লীগ ইয়েহিয়াতে যদি সমঝোতা না হয় তবে পূর্ববঙ্গবাসী যে আন্দোলন আরম্ভ করবে এবং সেটাকে আয়ত্তে আনার জন্ত জুঁটা যে দমননীতি প্রবর্তন করবে

তার আন্দোলনটা সেই স্বদেশী যুগ থেকে আরম্ভ করে যে-ধারা বয়ে
 ইয়েহিয়াতে এসে পৌঁচেছে সেই সনাতন ধারা বয়েই চলবে, সেই
 প্যাটার্নই যুগধর্মের বর্ণে রঞ্জিত হয়ে স্বপ্রকাশ হবে—মাঝে মাঝে
 কখনো বা ভাষার জন্ত, কখনো বা, যুনিভার্সিটির উচ্ছৃঙ্খলতার বিরুদ্ধে
 লড়াই চালিয়ে কয়েকটি নিষ্পাপ যুবক আত্মত্যাগ দিয়ে শহীদ হবে ;
 এবং ইয়োহ্যার দমননীতিও সেই আলীপুর মামলার ফলস্বরূপ
 কয়েকটা ছাপাত্তর ধরনের শাস্তি, জনতা ছত্রভঙ্গ করার জন্তু টিয়ার
 গ্যান, হাঙ্গার স্ট্রাইকের সময় ধারের নল দিয়ে জোর করে গেলানো,
 কখনো বা এলোপাতাড়ি গুলিবর্ষণ, গোপনে গোপনে কিছুটা
 উৎপীড়ন—এই প্রাচীন রাজকীয় পন্থাই অবলম্বন করবে এবং সঙ্গে
 সঙ্গে সে-পন্থার সমান্তরাল হয়ে চলবে সেই 'সনাতন' তৌষণনীতি—
 মোমেন খানদের সংখ্যা বাড়ানো হবে অকাতরে, স্পাই পোষা
 হবে অগণিত এবং অধুনা যে ছাত্র-আন্দোলন দ্রুতবেগে উগ্র হতে
 রুদ্রতর রূপ ধারণ করছে সেটাকে কন্ট্রোল করার জন্তু বিস্তর ছাত্র-
 স্পাইকে অকুপণ হস্তে বিতরণ করা হবে দেদার কাঁচা টাকা, 'মাসিক
 মাইনে, তাদের 'ককুটেল পার্টির জন্তু কাপ্তাই ড্যামাবদ্ধ পরিমাণ
 নিষিদ্ধ পানীয় এবং সমান্তরাল পন্থায় সঙ্গে সঙ্গে সানন্দে সসম্মানে
 এগিয়ে যাবে এতাবৎ সরকার কর্তৃক পদদলিত, সমাজ কর্তৃক লাঞ্চিত
 ভাড়াটে গুপ্তার পাল—বে-সব ভ্রষ্টমতি, ছুষ্টবুদ্ধি, রাষ্ট্রদ্রোহী, পঞ্চনদ-
 বৈরী সম্প্রদায় সরকারের মেহেরবানী কদরদানী তাম্বিলভরে
 উপেক্ষা করে সদাশয় সরকারের প্যারাদের বদনমণ্ডলে আপন গণ্ডদয়
 গুণ নিষ্ঠীবন বিচ্ছুরিত করে লাঞ্চিত করেছে—তাদের পৃষ্ঠপোষকতাকে
 সরকারী করমান মাসিক লগুড়াঘাত করতে করতে ।

বোন শিশু, বুঝতেই পারছো, এটা আমার ভাষা নয় ।
 আমাদের পাশের গাঁয়ের এক সরল গোসাঁইজীকে সেই দেশত্যাগী
 ভট্টাচার্য যাত্রাকালে একখানা চিঠি লেখেন । বেচারী গোসাঁই
 সেই চিঠি তোমার জামাইবাবুকে কাঁদতে কাঁদতে পড়ে শোনান ।

সর্বশেষে ভাষণে ইতিপূর্বেই যে ইঙ্গিত দিয়েছিলেন সেইটেই যেন প্রাণথুলে লিখেছেন, যেন গৌর গোসাঁইয়ের নরম বুকটি খান খান করার জন্তু কিংবা যাবার বেলা সেটাতে হিম্নং ভরে দেবার জন্তু। লিখেছেন, “এক দরবেশ একদা আমার বললে, খুদা-পাক্ সব শহরে এবং প্রতিটি জনপদথণ্ডে চার চারজন করে সাধুপুরুষ “কুতুব্” (মিনার) বা স্তম্ভ রাখেন। সে দেশ, সে জনপদ তাঁদেরই দৃঢ়াঙ্গার উপর নির্মিত। এ অঞ্চলে তুমি একজন, তোমার পিতা ছিলেন আর একজন। এঁরা স্বেচ্ছায় কদাচ, কুত্রাপি দেশত্যাগ করেন না। ভুবনেশ্বরের দৈবাদেরে যদি মাত্র একজনও দেশত্যাগ করেন তবে সে-দেশ, সে অঞ্চলের জনপ্রাণী কীটপতঙ্গ পর্যন্ত সমূলে বিনষ্ট হয়—“সমূলস্ত বিনশ্চাতি”, “মহতী বিনষ্টি”—অন্য তিন মহাত্মা “কুতুব্” সহ। তুমি জানো—তোমাকে আর কী শেখাবো—সম্পূর্ণ গ্রাম যদিষ্ঠাং খাণ্ডবদহনে ভস্মীভূত হয় তবে সর্বজনপূজ্য মহাকাল মন্দিরও নিকৃতি পান না।’ দরবেশ কাসীতে বলেছিলেন :

‘ দাবানল যবে জনপদভূমি

দগ্ধহনে দহে

কিবা মসজিদ, কবরসৌধ

প্রভেদ কিছু না সহে।

• তুমি, গৌর, এ-অঞ্চল ছাড়লে এর সর্বনাশ হবে।

তাই যাত্রারস্তে তোমাকে সে-প্রস্তাব দি নি।

গুরু সাক্ষী, তোমার আখড়া সাক্ষী, তার রাধামাধব বিগহ সাক্ষী, আমি কস্মিনকালেও ভবিষ্যদ্বাণী করি নি। তবু একটা কথা বলে যাই, দীর্ঘ চব্বিশ বৎসর ধরে আমি নিরবচ্ছিন্ন পূর্ব পাকিস্তানে বাস করেছি, তার দৈনন্দিন পারিবার্তন, ক্রমবিকাশ, পতন-অভ্যুদয় সাগ্রহে লক্ষ্য করেছি। এরই উপর নির্ভর করে আমার ভবিষ্যৎ দর্শন গণনা। এর সঙ্গে গনৎকারের ফলিত জ্যোতিষ গণনা পদ্ধতির কণামাত্র সাদৃশ্য সামঞ্জস্য তো নেইই, অপিচ ফলিত জ্যোতিষীর

বাক্যাভ্যুত্থান সহ ভ্রান্তিমুক্ত ভবিষ্যদ্বাণী প্রচার করার মত কোনো প্রকারেরই শাস্ত্রাধিকার আমার নেই।

জনসাধারণের বিশ্বাস, ঢাকার দর কষাকষি নিষ্ফল হলে পূর্ব পাক রাজনীতি সেই প্রাচীন ধারা বেয়েই চলবে, হয়তো ঈষৎ দ্রুততর বেগে। সঙ্গে সঙ্গে দমননীতিও তার ধারা বেয়ে চলবে, হয়তো ঈষৎ উদ্যমতর বেগে, ক্রুততর পরিমাণে। মোদ্দা কথা প্যাটার্নের পরিবর্তন হবে না।

সেখানে আমার বক্তব্য, না, অবশ্যই হবে।

প্রথম সম্ভাবনা : কলমের এক খোঁচাতে পূর্বপাক যে ধরনের স্বায়ত্তশাসন চায় সেইটে রাতারাতি পেয়ে যাবে। এটা কিছু অভিনব ইন্দ্রজাল নয়। খুদ পাকিস্তানের জন্ম ও স্বাধীনতা কলমের এক খোঁচাতেই হয়েছিল। সে উদ্দেশ্যে ক'জন লোক, কি স্বার্থত্যাগ করেছে, শুনি? ক'জন নেতা কারাবরণ নির্বাসন গমন করেছিলেন বলতে পারো? এক সিলেটী খালাসী তার সরল ভাষায় বলেছিল, 'স্বাধীন রাষ্ট্র পাকিস্তান অর্জন করলেন জিন্না সাহেব তাঁর পাতলুনের ভাঁজ—ক্রীজ—সমূচা চোস্ রেখেই, ফাইত ফিফ্টি ফাইভ ফুঁকতে ফুঁকতে। তিনি যদি গান্ধী নেহরুর মত জেলে কেলে যেতেন তবে গোটা হিন্দুস্তানটাই তার কজ্জাতে এসে যেত।' অস্তুত এ-কথা তো সত্য যে, ইংরেজ অকস্মাৎ, অপ্রত্যাশিতভাবে পাক রাষ্ট্র নির্মাণে সম্মতি দিল তখন হবু পাক নেতারা রীতিমত সংবিং হারিয়ে ফেলেছিলেন।...তারপর গেল তেইশ বৎসরের মধ্যে 'কলমের এক খোঁচাতে' কি রস্তুপরিমাণ স্বাধিকার অর্জন করতে পেরেছে? সে প্যাটার্ন সম্পূর্ণ ভিন্ন। অবশ্য বলতে পারো, সেটা ১৯৪৭-এর প্যাটার্ন। তাই সই। আমার প্রতিপাত্ত ছিল গত তেইশ বৎসরের প্রচলিত প্যাটার্নের পুনরাবুত্তি আর হবে না। ইয়েহিয়ার কলমের এক খোঁচাতেই যদি স্বায়ত্তশাসন ভূমিষ্ঠ হয়—এবং এ-তথ্য সম্পূর্ণ বিশ্বাসযোগ্য যে মধ্য ফেব্রুয়ারী পর্যন্ত তাঁর সে সদিচ্ছাই ছিল—

তবে আর যা বলো, আর যা কও সৌন্দরী কাঠের লাঠি আপাদ-
মস্তক নিশ্চয়োজন। আমার ইয়ার মৌলবী সাহেবের জবানে,
বিলকুল বেকার, বেকায়দা ফজল! এটা বললুম, নিতান্ত কথাপ্রসঙ্গে।

বিকল্পে যদি তা না হয়, তবে 'ঈশ্বর রক্ষত'! তখন যে দমন-
নীতির বজ্রপাত হবে সেটাও সেই মান্ধাতার আমলী টিয়ার গ্যাস
ছেড়ে হেথা হোথা বন্দুকের গণ্ডা কয়েক ফাঁকা আওয়াজ মেরে,
ছ'দশ জনকে শহীদ পর্যায়ে উত্তোলন করে পুনরায় সেই প্রাচীন
প্যাটানের অনুকরণ করবে না। (খুদাতালার দোহাই, এঁরা আমার
নিত্য প্রাতঃস্মরণীয়) এটা হবে সম্পূর্ণ অভিনব, অভূতপূর্ব, অবিদ্বাস্ত,
অতুলনীয়। যদিও বা কলমের এক খোঁচায় স্বরাজ্য দানের উদাহরণ
আমাদের কারো কারোর স্মরণ থেকে সম্পূর্ণ বিলুপ্ত হয়ে যায়
নি, কিন্তু এই সিলেটে তথা পূর্ববঙ্গে দমননীতির চরমতম বীভৎস
বিভীষিকার প্রকাশ তো আমাদের স্মৃতি মস্তিষ্কে প্রভাসিত হচ্ছে না।
অস্বদেশীয় সাতিশয় নগণ্য সংখ্যক ছ'একজন মাত্র জানেন যে
আমাদের সমসাময়িক কালেই বহু দূরের এক সভ্য দেশে অভূতপূর্ব
এক নবীন প্যাটার্ন বুনছিলেন বহু বিচিত্র প্যাটানের সৃষ্টিতে পরিপূর্ণ
ইতিহাসের এক অত্যুজ্জ্বল অলিম্পন 'ডিকটেটর' হিটলার। ক'জন
জর্মন কল্পনা করতে পেরেছিল যে লুথার, কার্ট, গ্যোটে, বেটোফনের
সমত চিন্তাশীল, রুচিবান দেশে হঠাৎ এমন এক সৃষ্টিছাড়া কিং-নর
আবির্ভূত হয়ে মাতৃভূমির সর্ব ঐতিহ্য সর্বসাধনার ধন লণ্ডভণ্ড করে
এমন এক নৃশংস নিপীড়ন, সর্বব্যাপী নিধনযজ্ঞ প্রজ্জ্বলিত করবে যে
তার তুলনার জ্ঞান মানুষকে এ-যুগ ছেড়ে যেতে হবে 'চেন্সিস
' আট্টিলার সন্ধানে?

আর ভোলো না, গোসাঁই, হিটলার যুদ্ধজীবী ছিল না। তার
উভয় কুল অসামরিক। সে নিজে চিত্রকর। এখানে ইয়েহিয়া,
তার মন্ত্রণাদাতা, তার আদেশ বহনকারী সর্বভূতে আছে মাত্র একটি
ভূত—তেজস্, অগ্নি, রণাগ্নি। এদের প্রত্যেককে তুমি কোঁজাবতার

নাম দিতে পারো। এমন কি, 'ইয়েহিয়া-হারেমের' রানী, প্রধান রক্ষিতার জনসমাজে প্রচলিত আত্মরে নাম "জেনারেল রানী"।

অতএব, যদিষ্ঠাৎ কলমের খোঁচার সমস্ত সমাধান না হয় তবে বিকল্পে কি হবে? সবাই ভারছে সনাতন সঙ্গিনের খোঁচ। না। আমাদের সুদূর এই পাহাড়পুরেও খবর পৌঁছে গেছে ঢাকাতে কি পরিমাণ ট্যাক জড়ো হচ্ছে এবং হবে। এবারকার প্যাটার্নে হিটলারের কীর্তিকে ইয়েহিয়ার বিক্ষোবক-চূর্ণ-ধূমে ম্লান করে দেবে; অষ্টাঙ্গ আচ্ছাদিত করে সম্পূর্ণ অদৃশ্য করে দেবে। ইস্তরের অভিসম্পাতে যদি এই বিকল্পই সাধিত হয়—আমি সন্ধাছিকের পর প্রতি রাতে আমাদের গুরু পীর শাহজালালকে নতজানু হয়ে স্মরণ করিয়ে দি, তিনি তার মাতৃভূমি আরব-ইয়েমেন ত্যাগ করে যেখানে এসে মুক্তি লাভ করলেন সে-দেশকে একমাত্র তিনিই রক্ষা করতে পারেন—তবে আমি যে অনিশ্চিত আশ্রয়ের সন্ধানে যাচ্ছি, সেখানে হয়তো নিষ্ফল পাবো না। তথাপি আমি শেষ মুহূর্ত পর্বন্ত আশা ছাড়বো না, সুদিনের প্রতীক্ষায় দিন গুনবো।

মহাআজী পদ্ধতিতে যদি দেশের মনস্কামনা পূর্ণ হয় তবে সৌন্দরী কাঠের লাঠি বেকার।

বিকল্পে হিটলার পদ্ধতির ট্যাক কামানের সামনে সৌন্দরী কাঠের লাঠি বেকায়দা।

তুমি তোমার পিতা গোস্বামী সমাজের উজ্জ্বল নীলমণির পুত্র এবং শিষ্য। আমি জানি, তাই তুমি ওপারে যাবার জন্য নিত্য-নিয়ত প্রস্তুত; এখন এপারে থাকার জন্য প্রস্তুত হও।

আমার শেষ অনুরোধ—”

চিঠিটি অসমাপ্ত। বিস্তর দারুণ ইনটারেসটিং বইয়ের শেষ ক'খানা পাতা ছিল না বলে বালিকা শিপ্রা কতবারই না নিঃফল আক্রোশে গর্জন করেছে। প্লটটা কী সুন্দর সাজানো, ঘটনার যাতপ্রতিঘাত কী অদ্ভুত অথচ বাস্তব, চরিত্রগুলো রহস্যের

কুহেলিকাছন্ন সন্দেশে পাত্র-পাত্রী স্পষ্ট—পাত্রা কটির অভাবে অকস্মাৎ সবাই এক সঙ্গে কর্পূর হয়ে গেল। কত কাল চলে গেল তারপর। এখন আর সে-অনুভূতির উদয় হয় না। মসিয়ো পোওয়ারো বা “দি সেন্ট” অসমাপ্ত রেখেই, করাসী কায়দায় কাঁধে শ্রাগ্-এর সামান্য ছোঁওয়া লাগিয়ে বিলিয়ে দেয়।

আজ আবার এল সেই প্রাচীন দিনের অনুভূতি। অসমাপ্তির নিবিড়ঘন নৈরাশ্য—আক্রোশ দূরে থাক, ক্লোভেরও শেষ রেশ সে-নৈরাশ্যে ঠাঁই পায় নি। যে-লোকটি প্রতি শব্দে, প্রতি ছত্রে, প্রতি দরদী কথায় শিপ্রার চোখের সামনে জাজল্যমান হয়ে স্বপ্রকাশ করতে করতে তার সম্পূর্ণ আপন-প্রিয় হয়ে গিয়েছিল সে হঠাৎ কোন্ অদৃশ্যে নিশ্চিহ্ন হয়ে গেল। এ যে মরণেরও অধিক মরণ। এ বড় অশ্রায়, কঠিন অবিচার।...বিলকিসও এই আকস্মিক অসাম্প্রিক উপর কোনো মন্তব্য করে নি।...আজ কোথায় এই জনপদ স্পষ্টবক্তা, সত্যজ্ঞ! হঠাৎ শিপ্রার সর্বাঙ্গ ভয়ে শিউরে উঠলো। ‘হিটলারের আগমন ও কলস্বরূপ শাস্ত্রত রাষ্ট্রদর্শ বৈরী শ্মশান-ধূত্রে গঠিত পৈশাচিক “তৃতীয় রাষ্ট্রের” গোড়াপত্তন শিপ্রা জয়ী ভট্টাচার্যের মত সামান্য যে ক’টি জর্মন বিধিদত্ত দিব্যদৃষ্টি দ্বারা দেখতে পেয়েছিলেন তাঁদের প্রায় সবাই প্রাণ দেন সূক্ষ্ম দৃঢ় তারে বুলতে বুলতে ক্রমে ক্রমে নিরুদ্ধ নিঃশ্বাস হতে হতে। ‘কসাই যে-রকম হুক্-এ ঝুলিয়ে রাখে শূকর বাছুরের মৃতদেহ এঁদের নয় শবও হিমঘরে ঝুলিয়ে রাখা হয়েছিল। দিনের পর দিন—শক্রমাত্র সর্বজনের দর্শন ও শিক্ষা দানার্থে।

‘প্রাক্রিয়ার পূর্ণ ফিল্ম হিটলার প্রতি রাতে ডিনারের পর সবাত্ত্ব আত্মস্ত দেখতেন, আপন প্রাইভেট সিনেমা হলে।

দশম অধ্যায়

নির্জীব কণ্ঠে কীর্তি বললে, “শুনেছ, শিপ্রা ?”

শিপ্রা উঠে গিয়ে কীর্তির ছ'জান্নুর উপর কোলে বসে ডান হাত দিয়ে তার গলা জড়িয়ে ধরে, বাঁ হাত দিয়ে তার মাথা বুলোতে বুলোতে বললে, “কিছু কিছু শুনেছি বই কি ? আজকাল বিদেশী বেতারগুলো—কাপুরুষ, মীন, ইত্যর, কি গাল দেব ভেবে পাইনে—একটু একটু সাহস সঞ্চয় করতে আরম্ভ করেছে। কিন্তু তোমার মুখে শোনা সে তো ভিন্ন—”

দীর্ঘশ্বাস ফেলে কীর্তি বললে, “শুনে কোনো আনন্দ পাবে না। সব খবরই ছুঁথের। একটিমাত্র খবর আমাকে এই নৈরাশ্যের মধ্যে মাঝে মাঝে আশার আলোক দেখায়। সুন্দর বনের পাশ থেকে হাসনাবাদ, যশোর হয়ে—সীমান্তের যতখানি কাছে যেতে দেয়—গিয়েছি ভগবানগোলা, পদ্মার ওপারে পূব বাঙালার সারদা পুলিশ কলেজ, আইয়ুব ক্যাডেট কলেজ—ছুটো জায়গাতেই হারামীরা হানা দিয়ে পুলিশকে খুন করেছে। ভাগিাস, ক্যাডেট কলেজের বাঙালী প্রিন্সিপ্যাল ঝাঙু ঝাঙু পলিটিশিয়ানদের বহু পূর্বেই অশথ গাছের মগডালের কাঁপন থেকেই কুলবৈশাখীর পূর্বাভাস ঠিক ঠিক ধরে ফেলেছিল বলে মিঞাজী ছেলেদের আপন আপন বাড়ি পাঠিয়ে দিয়েছিল। এই বাচ্চা বাচ্চা ছেলেরাই হারামীদের চার নম্বরী শিকার—”

“চার নম্বরী মানে ?”

“অস্ত্র ব্যবহার যারা জানে, তারা ওদের শিকার। পয়লা নম্বর, বেঙ্গল রেজিমেন্টের বাঙালী—এরাই ৬৫-র যুদ্ধে লাহোর বাঁচিয়েছিল এবং যতসব বড়কাটাই করনেওলা পাঞ্জাবী পাঠান বলে তারা

রণবীর, যোদ্ধার জাত, মার্শাল রেস, এদের সবাইকে চিড দিয়ে পেয়েছিল সবচেয়ে বেশী মেডল্ আর ডেকোবেশন। তার প্রতিদান স্বরূপ এই সব প্রাণরক্ষকদের যেখানে মেডল্ খোলে সেখানে ঢুকিয়েছে বজ্র-বুলেট, ইয়েহিয়া মেডল্—আইয়ুব মেডলের জায়গায়। ‘দুই নম্বর: ঈস্ট পাকিস্তান রাইক্লস্—এরা সশস্ত্র পুলিশ। রাইফেল চালাতে জানে, ব্যস।’ তিন নম্বর: সাধারণ পুলিশ, যাদের কেউ কেউ একটু আধটু বন্দুক চালাতে পারে। এগুলোর কথা আমরা আগেই শুনেছিলাম। এবার এসেছে ‘চার নম্বর: যে-কটি ক্যাডেট পূর্ব বাঙলায় আছে তাদের ছাত্র এবং প্রাক্তন ছাত্র—এরাও কিছুটা রাইক্ল চালাতে জানে। এদের বেশ কিছু ছেলে—কত আর বয়েস হবে, ষোল সতেরো—পদ্মা পেরিয়ে মুর্শিদাবাদ অঞ্চলে এসে এখানে ওখানে জড়ো হয়েছে। একটি ছেলে—কি বলবো, শিপ্রা, সে কী লাভণ্যভরা মুখ, আর সর্বক্ষণ চোখেমুখে হাসি লেগেই আছে, আমার কান্না পেল, বয়স তার চোদ্দ হয় কি না হয়!”

শিপ্রা কেমন যেন অজানতে কীর্তির কোল ছেড়ে উঠে দাঁড়িয়েছে তার মনে পড়লো, ভট্টাচার্য তাঁর বন্ধু গোস্বামীকে লিখেছিলেন, এবারকার প্যাটার্ন যাই হোক না কেন, সেটা হবে সম্পূর্ণ অচিস্তনীয়। নইলে চোদ্দ বছরের বাচ্চা—? না তো, অভিমত্যুর বয়স কত ছিল?—মনে আনতে পারলো না শিপ্রা।

কীর্তি যে ছিন্নালিঙ্গন হয়েছে সেটা সে লক্ষ্যই করে নি। গলাতে একটু জোর দিয়ে বলে যেতে লাগলো, “তোমাকে শক্ত হতে হবে শিপ্রা, এ-ছাড়া অস্ত্র গতি নেই। এখন শোনো। আমরা, সেই চোদ্দ বছরের ছেলেটিকে মোটরে তুলে নিয়েছিলাম। কথায় কথায় বললে, যেন তেমন বলার মত কিছু নয়, জাস্ট্ এমনি, কে যেন কাকে থেয়া নৌকোয় বলছিল, ২৫শে ছিল বিষুববার—”

শিপ্রা বললে, “হ্যাঁ, ২৭শে মুহররম্ ছিল ঐ দিন। পর দিন অমাবস্তা।” “ইসলামী পঞ্জিকা” পড়ে পড়ে তার সব-কিছু সড়গড়

হয়ে গিয়েছিল। এমন কি “মুহুরম্” যে শুদ্ধ উচ্চারণ সেটাও শিখেছে ঐ পঞ্জিকার মেহেরবানীতে। বললে, “পরে বুঝিয়ে দেব।”

কীর্তি বললে, “শনিবার দিন সকালে ঢাকাতে কারফ্যু ছিল না। এক ভদ্রলোক বেরিয়েছেন তাঁর বন্ধুর সন্ধানে। সে বন্ধু থাকেন যে-পাড়ায় তার পাশের বাজারটা আগের দিন ভোরে হারামীরা পুড়িয়ে দিয়েছে। সেখানে তাঁর সন্ধান না পেয়ে তিনি এসে দাঁড়িয়েছেন সেই পোড়া বাজারের এক পাশে। এমন সময় একটা ছোট্ট বাচ্চা, ‘মা, মা’ বলে ডেকে কঁাদতে কঁাদতে রাস্তা পার হতে গিয়ে হোঁচট খেয়ে পড়ে গিয়েছে—এমনিতেই সে ভালো করে চলতে শেখে নি, তার উপর ছ’ চোখ জলে ভরে যাওয়াতে কিছুই ঠিক ঠিক দেখতে পারছিল না। রাস্তার ওপার থেকে এক বুড়ি ভাঙা গলায় ডাকছে, ‘ওরে ছুলাল, ও ছুলু, আয় এদিকে অশ্বি’। দেশের স্বাভাবিক অবস্থায় ভদ্রলোক হয়তো কিছুই লক্ষ্য করতেন না। এখন কিন্তু শুধোলেন কি হয়েছে? বুড়ি বললে, “পরশুদিন ওর বাপ রিকশা চালাতে বেরিয়েছিল; এখনো ফেরে নি। রোজ রাত ছপুরে ফেরে। সে-রাতেই তো চাদিকে গোলাগুলি চললো। ভোরের দিকে বাচ্চাটার মা রাস্তা পেরোচ্ছিল জল আনতে, এমন সময় কোথেকে একটা মিলিটারি গাড়ি এদিক দিয়ে জোর হাঁকিয়ে যাচ্ছিল। থমকে দাঁড়ালো। বউটাকে গোটা তিনেক সেপাই একটানে গাড়িতে তুলে নিয়ে চলে গেল, আমি রাস্তায় পৌঁছতে না পৌঁছতে। দেখলাম গাড়ি বোঝাই অল্প বয়সী অনেকগুলো মেয়েছেলে। মোল্লাজীর কাছে গিয়ে কৈদে পড়লুম—আমার ছেলে বউয়ের খবর নেবার তরে। তিনি বললেন, ‘মেয়েগুলোকে ছাউনিতে নিয়ে গিয়েছে। ওরা আর ফিরবে না—’”

শিপ্রা এতক্ষণ কীর্তির মুখোমুখি টান টান খাড়া হয়ে সব শুনছিল। আস্তে আস্তে ডান হাত মুঠো করে, শব্দ—আরো শব্দ চাপ দিতে লাগলো। নখগুলো বুঝি তেলোতে ঢুকে যাবে।

বাঁ হাত দিয়ে ডান মুঠো জোর চেপে ধরলো। ডাইনে বাঁয়ে সে অল্প অল্প টাল খেতে শুরু করেছে। মাথাটা একদিকে কাত হয়ে গিয়েছে, মেলে যাওয়া চোখ দৃষ্টিহীন, কীর্তির চোখের মণি ভেদ করে মহাশূণ্ডে বিলীন। কীর্তি দেখতে পেয়ে তাড়াতাড়ি তার কোমর ধরতে গেছে। শিপ্রা তাকে নিরস্ত করে শুধোলে, “তুমি মনস্থির করেছ, তুমি কি করবে?”

অতিশয় শাস্ত কণ্ঠে কীর্তি বলল, “সে তো আমি আগরতলাতেই করেছি, তুমি জানো। তবে হয়তো আমার অজান্তে লারীর কুচক্রের ব্যাখ্যান শুনে আমার মন বিকৃত হয়ে বিদ্রোহ করেছিল। এ কী ঔদ্ধত্য! নিরীহ পূব বাঙলার লোককে নিয়ে তোমরা বন্দুকের জোরে যা-খুশী করতে পারো?”

শিপ্রার চট করে মনে পড়লো, বহুদিনকার ভুলে যাওয়া একটা ঘটনা। খান তাকে বলেছিল, “ঐ যে আমার ক্যাবলা শাস্ত কীর্তি-কাস্ত—ওর মত নিৰ্ব্বাটে প্যালারাম এ-ছনিয়ায় খুঁজতে হলে শকুন্তলার আশ্রমে-কাস্রমে যেতে হয়। মাত্র একটিবার একটা বাতায় ঘটেছিল—কেউ যদি দোসরা একটা বলতে পারে, আমি হাজার টাকা দিতে রাজী। ‘বার আসিয়াতকের’ টাকার কুমীর মালিক—খোটা কোটা হবে—খামখা, অন্তত কীর্তির বিশ্বাস, বিলকুল বে-কারণ, খামখা, ঠাস করে চড় মেরেছিল এইটুকুন একটা বয়স্কে। কীর্তি প্রথমটায় কিছুক্ষণ ধরে চিন্তা করলো। তারপর আমাদের কিছুটি না বলে মালিকের সামনে কি যেন ফিস্‌ফিস্‌ করলে। মাইন্ড্‌ ইয়ু—আগাপাস্তলা সাদা চোখে। মালিক ব্যাটাও কুলে ছনিয়ার মত জানতো কীর্তিকাস্ত, সাতশয় কর্মে ক্লাস্ত শাস্তশিষ্ট প্রাণী। সেই হল তার ব্যাকরণে ভুল। যেমন গুণ্ডাকে ডাণ্ডা মেরে ঠাণ্ডা করা যায়, তেমনি শাস্ত স্বভাবকে বশ করতে হয় শাস্ত স্বভাব দিয়ে। সে কীর্তির দিকে দাঁত মুখ খিঁচিয়ে কি যেন একটা বললে। সঙ্গে সঙ্গে ‘কীর্তি ঠাস ঠাস করে মালিককে মারলে দুটো

‘চড়।’ ‘হেঁহেঁ রৈরৈ।’ ‘পুলিশ এল।’ মালিকের বক্তব্য, হোটেল বার-এ যে-কোনো ব্যক্তি আইন প্রয়োগ করার ভার আপন স্বন্ধে নিয়ে—টেকিং ল’ ইন হিঁজ ঔন হ্যাণ্ড—ভায়লেন্ট এ্যাকশন নেয় তাকে সে ‘বার’-থেকে বের করে দিতে পারে। কীর্তির বক্তব্য, বয় যা করে থাকুক না কেন, মালিক আইন প্রয়োগ করার ভার আপন স্বন্ধে নিয়ে ভায়লেন্ট এ্যাকশন করেছে—প্রথম—কীর্তির আগে। অতএব সে ‘বার’ ছেড়ে বেরিয়ে থাক। কে যেন মাক চাইবার প্রস্তাব করাতে কীর্তি তাকে লাগায় তাড়া। ...শেষটায় মোকদ্দমায় কীর্তির জরিমানা হয়। আর মালিককে জজ ভবিষ্যতে সাবধান হওয়ার জ্ঞা ওয়ার্নিং দেন। পরদিন থেকে কীর্তি তিন বেলা ‘ঐ’ বারে ঘণ্টার পর ঘণ্টা কাটায়। ‘এশিয়ান বার’-এ কীর্তির প্রবেশ নিষেধ এ-জুকুম আদালত দেন নি। হুমান লক্ষ্য হাজ পুড়িয়ে ছিলেন বলে তাঁকে কি আর কিন্‌সে সেখানে যেতে দেওয়া হয় নি। কীর্তি মালিকের উপর কড়া চোখ রাখে, আর মাঝে মাঝে নোটবুকে কি সব টোকে। মালিকের প্রাণ অতিষ্ঠ। তার শেষ আশা, কীর্তি এ-কর্ম কর্তাদিন চালাবে?—ধৈর্যেরও তো একটা সীমা আছে। উহঁ। ঠিক উণ্টো। প্র্যাকটিসের কলে অভ্যাস। অভ্যাস হয়ে যাওয়ায় সে তিন বেলায় ম্যাদ আরো বাড়তে লাগলো। মালিক বেয়ারা, বয়কে ভালো করে শাসন করতে পারে না, মালিক চোখ রাঙালেই দেয়াল ঘড়ি থেকে টাইমটা নোটবুকে কীর্তি টুকে নেয়—চড় মারার বাসনা মালিকের মাথায় উঠেছে। চাকর বাকরের পোয়া বারো। তাদের শাসন করলেই তারা এক ঝলক কীর্তির দিকে তাকায়। কীর্তি নোটবুক খোলে। ...শেষটায় মালিকই হার মানলো। ‘মাক-টাফ কি যেন, মনে নেই।’

খান যদিও শিপ্রাকে বার বার বলেছিল, সবাই তখন কীর্তি যে আগুর ডগ্-এর তরে মালিককে চড়, সরকারকে জরিমানা দিল, তার জ্ঞা পঞ্চমুখে প্রশংসা করেছিল, তবু শিপ্রা লক্ষ্য করেছিল ঘটনার

অশ্রু আরেকটা দিক—সেটা কীর্তির ধৈৰ্য। ক্ষণতরে উত্তেজিত হয়ে চড় মারা, জরিমানার খেসারতি দেওয়াটা বিরল নয়, কিন্তু দিনের পর দিন ধৈৰ্য ধরে স্বেচ্ছায় একটা রুটিন মেনে চলা বঙ্গ সম্ভানের পক্ষে যে কী “গববস্তুনা” সেটা শিপ্রা জানে—নইলে যে-বাঙলা সাহিত্যে সব-কিছু আছে সেখানে নিত্য দিনের সহজ কর্ম ‘ডাইরি-লিখন এবং তার থেকে যে ‘ডাইরি-সাহিত্য গড়ে ওঠে—ইয়োরোপে যার ছড়াছড়ি—সেটা একদম নেই কেন ?

আজ পূর্ব বাঙলার সাহায্যে দেবার মত যে বিরল ‘ধাতু’ কীর্তির আছে, সেটা তার ক্লাস্তিহীন, নিরবচ্ছিন্ন, অতল্ল ধৈৰ্য। সবুর সে করতে জানে ; মেওয়াও সে চায় না।

কীর্তির চেয়েও আরো শাস্ত কঠে শিপ্রা বললে, “কোনো প্রকারের অত্যাচারই তুমি বরদাস্ত করতে পারো না, সেটা আমি অনেক আগেই জানতুম আর আমাকেও এটা কতখানি পীড়া দেয়, সেও তুমি জানো। এ-ছাড়া তোমার অশ্রু কোনো কারণ আছে ?”

কীর্তি খানিকক্ষণ চুপ করে ভেবে নিয়ে বললে, “পূর্ব বাঙলার পাশে গিয়ে পশ্চিম বাঙলার দাঁড়ানোটা আমার কাছে এতই স্বতঃসিদ্ধ যে নিজের জন্ম আমি কোনো যুক্তি, ঐতিহাসিক নজীর বা আন্তর্জাতিক আইন-কানূনের সমর্থন খুঁজি নি। তবে সেদিন খানের সঙ্গে কথা বলতে বলতে আমার মনে পড়ল একজন লোকের কথা। কপাল আমার মন্দ ; একদা বাধ্য হয়ে অধ্যয়ন করতে হয় আমাকে, ‘আন্তর্জাতিক আইন। এ-বিষয়ে বহু দেশের বহু আইনজ্ঞ বিস্তর গ্রন্থ লিখেছেন : তত্পরি ছিলেন ‘জিনীভা কনভেনশন, সাধনোচিত ধামে গত, লীগ অব নেশন্স, আছেন জীবন্মূর্তের চেয়েও অধম সংযুক্ত ‘রাষ্ট্রপুঞ্জ—”

‘ডাক্তারেতে বলে যখন “মরেছে এই লোক,”

তাহার তরে মিথ্যা করা শোক,

কিন্তু যখন বলে “জীবন্ত”

সেটা শোনায় তিতো ।

এবং এমনই নোংরা রকমের তিতো শোনায় যে কবি স্বয়ং
পুস্তকাকারে ছাপার সময় এ লাইন কটি বাদ দেন । সে-কথা থাক ।
“আন্তর্জাতিক আইন” শব্দ ছোটো শুনেই আমার তেতো হাসি
পায় । বহুভাষ্যপূর্ণ স্বীকৃতিদর এর ধারাগুলো নির্মিত হওয়ার বহু
আগের থেকেই হোমরা চোমরা রাষ্ট্রগুলো সেগুলো তো ভেঙেছেই,
নির্মিত হব-হচ্ছি হব-হচ্ছি যখন করছে, তখনো এগুলো মদমত্ত উদ্বৃত্ত
পদাঘাতে চূর্ণ-বিচূর্ণ করে বার বার প্রমাণ করেছে এর ভারিাক্কারি
ধারা-উপধারা সব ‘পেপার টাইগারস’, এগুলোতে বিশ্বাস করার
ভান, ভক্তির ভণ্ডামি দেখায়, একমাত্র নপুংসক, পদলেহী, গায়ে
মানে না আপনি মোড়ল কৃতগুলো রাজনৈতিক যারা আপন আপন
দেশের জনসাধারণের স্বীকৃতি না পেয়ে ঐ সব অস্তিত্বহীন
‘আন্তর্জাতিক আইন’ের দোহাই দিয়ে—অনেকটা নেই-ভূত
খেদানেওলা ওঝার আগড়ম্ব-বাগড়ম্ব বিড়বিড় করে—ইউনাইটেড
নেশন্সের পবিত্র জর্ডনজলে বাপ্তিস্ম হয়ে আপন আপন দেশে ফিরে
গিয়ে প্রেসিডেন্ট, ডিকটের রূপে স্বৈরতন্ত্রের অবাধ অত্যাচার-
অবিচার চালায়—সুদুর্ভাগ্য টিকে থাকার জন্য । তাদের জন্য প্রতি
মাসের টায় টায় পয়লা তারিখে আসে বন্দুক কামান, রোকা রূপে
তনখা বহুবহু রাষ্ট্রের কাছ থেকে যারা এইসব রাষ্ট্রপ্রধানদের
মারকত তাদের দেশগুলোকে শোষণ করে—প্রতি মাসের পয়লা
তারিখে, ‘বাড়িউলী’ও ভাড়াটিনীদের কাছ থেকে এতখানি টায় টায়
তার অতিশয় হকের পাওনা অষ্ট-গুণা, ন’সিকে পায় না । ‘পুতুল
রাজার পাল আর তাদের মনিব ছ’দলই প্রতিদিন দুই কায়দায়
ছনিয়াটাকে শুনিয়ে দিচ্ছে, ‘আন্তর্জাতিক আইন’—ফোঃ ! ছোঃ !”

শিপ্রা জানলা দিয়ে শূন্যদৃষ্টিতে পার্কের নিরস ঘাসের দিকে
তাকিয়ে নির্জীব কণ্ঠে বললে, “আমারও দৈত্যো, তেতো হাসির সঙ্গে

বেরিয়ে আসছে সেই প্রবাদ-প্রায় তত্ত্বকথাটি, তোমারই ভূতের মত 'উণ্টো পা চালিয়ে,' 'কাদস্থিনী বাঁচিয়া প্রমাণ করিতেছে, সে বাঁচে নাই'।"

'কীর্তি বললে, "তাই সুর মিলিয়ে গাইতে প্রাণ চায়," ভীৰু মাধবী, 'বাঁচবে কি মরিবে কি ? দ্বিধা কেন ?' কিন্তু নিদারুণতম তত্ত্ব, মানুষের ভবিষ্যৎ সম্বন্ধে নিরাশ হতে হয়, শিপ্রা, যখন সেই লোকটির কথা স্মরণে আসে, যার কথা খানকে বলছিলুম। 'ইল্যাণ্ডের 'হুগো গ্রাটুয়ুস, একাধারে বহুবিষয়ে পণ্ডিত, বিশেষ করে ধর্মশাস্ত্র ও নীতি-
Faculty of International Law
 শাস্ত্রে অর্থাৎ জুরিস্‌প্রুডেন্সে অসাধারণ প্রভাবশালী ব্যক্তিটির সম্বন্ধে কমিয়ে সমিয়ে বলতে গেলেও আস্ত একটা দিন কেটে যাবে। ভাবো দিকি নি সেই কোন '১৬২৫-এর কাছাকাছি এক সময়ে এই লোকটি নির্বাসনে, প্যারিসে প্রকাশ করেন "যুদ্ধ ও শান্তিবিষয়ক আইন-কানুন"। সেই আমলে লোকটি স্বাধীন মতবাদ প্রচার করার জন্য 'ধাবজীবন কারাদণ্ডে দণ্ডিত হন স্বদেশে। পাণ্ডিত্যের সঙ্গে তাঁর ছিল আর একটি লুকনো গুণ, যে-সম্বন্ধে কড়া দণ্ডের জেলার এবং অন্য সর্বজন ছিলেন তিমিরাক্ষকারে—তাঁর নিপুণ চতুরতা। তাই 'হুই বছর যেতে না যেতে গ্রাটুয়ুস ইল্যাণ্ডের জেল থেকে পালিয়ে, যখন সে-দেশময় 'হুঙ্কার উঠেছে, "ধরো ধরো পাকড়ো পাকড়ো" তারি মাঝখান দিয়ে, নিজস্ব চতুরতা প্রসাদাৎ দিব্য স্বচ্ছন্দে বেরিয়ে প্যারিসে পৌঁছলেন। 'ফ্রান্সের রাজা সম্মানে তাঁকে নিরাপদ আশ্রয় দিয়ে আজো সে-রাজা গুণীজনের শ্রদ্ধা আকর্ষণ করেন।

'আন্তর্জাতিক আইনে' বিশ্বাস করো, আর না-ই বা করো গ্রাটুয়ুস তাঁর জন্মদাতা বলে আজ সর্বত্র স্বীকৃত। তাঁর যে-সব বিধান তখনকার গুণীজ্ঞানীদের স্তম্ভিত করে দিয়েছিল আজও সেগুলো বহুলোককে বিস্মিত করে, এবং নিশ্চয়ই বিগ ইয়েহিয়া এবং জুন্টার বিগার কর্ণে বদ্ধ উন্মাদের প্রলাপবৎ শোনাবে।

সর্বপ্রথম তিনি বলছেন, 'মানুষে মানুষে যে' ব্যক্তিগত সম্পর্ক,

নেশনে নেশনে তাই হবে। ব্যক্তি বিশেষ অথবা ব্যক্তির অনিষ্ট করলে যে রকম তাকে দমন করা হয়, ঠিক সেই রকম একই মাপকাটি দিয়ে বিচার করতে হবে এক নেশন অথবা নেশনের অনিষ্ট করছে কিনা, যদি করে থাকে তবে সে নেশনকে দমন করতে হবে। এ-কথাগুলো নীতি হিসেবে অনেকেই মেনে নেবে। অবশ্য ভণ্ড মুচকি হাসি সহ।

কিন্তু এরপরই তিনি যে অভিমত প্রকাশ করেছেন, যে ব্যবস্থা অবলম্বন বাধ্যতামূলক করতে চেয়েছেন সেটা আজ যদি ইউনাইটেড নেশনসে কেউ প্রস্তাব করে তবে প্রভু খৃষ্টের জায় তাঁর ক্রুশবিদ্ধ হওয়ার সমূহ সম্ভাবনা আছে। ‘ছুই নেশনে যদি লড়াই লাগে তবে ছোট বড় কোনো নেশনই নিরপেক্ষ থাকতে পারবে না, সে হক্ক তার নেই।’

শিপ্রা আশ্চর্য হয়ে বললে, “সে কি? সব নেশনকে নামতে হবে লড়াইয়ে?”

উৎসাহিত হয়ে কীতি বললে, “ঠিক ধরেছ, গুরু। আমিও প্রথমটায় আমার চোখ ছুটোকে বিশ্বাস করতে পারি নি। আমি তো বাঙলায় বললুম ‘নিরপেক্ষ’ থাকতে পারবে না। আসলে এটিয়ুস ব্যবহার করেছেন, ‘নন্-বেলিজারেন্ট’ হতে পারবে না, ‘অস্ত্র সংবরণ’ করে থাকতে পারবে না—তিনি সজ্ঞানে ‘নিউট্রেল’ শব্দটি এড়িয়ে গেছেন, সে তো তিনি কাউকেই থাকতে দেবেন না। ঐ যুদ্ধ আরম্ভ হওয়া বশত প্রত্যক্ষ বা পরোক্ষভাবে যে নেশনের সামান্যতম ক্ষয়ক্ষতি হয় নি তাকেও দোষী নেশনকে সাজা দেবার জন্য অস্ত্রধারণ করতে হবে।”

“সাজা দেবার জ্ঞা!”

“হ্যাঁ, সুদূমাত্র কড়া শাসনের শাস্তি দেবার জ্ঞা। তাতে করে সে-রাষ্ট্রের গৌরব বৃদ্ধি পেল কি না, আখেরে তার ক্ষতির পরিমাণটা কি দাঁড়াবে—এ সমস্ত কুটিল অগ্রপশ্চাৎ বিবেচনা সম্পূর্ণ অবহেলা করে।”

শিপ্রা ধপ করে মেঝেতে বসে পড়লো। কীর্তির একটা হাত তুলে নিয়ে সেটা দিয়ে আপন কপালে ধাবড়া মেরে বললে, “হায় রে কপাল! সাড়ে তিনশ’ বছর হতে চললো ভদ্রলোকের কোন্ প্রস্তাবটা কে মেনেছে? কোন্ রাষ্ট্র আজ জানে না, পূব বাঙলায় আজ কি হচ্ছে? মাত্র ত্রিশ বছর আগে পৃথিবীর দ্বিতীয় বা তৃতীয় শক্তিশালী রাষ্ট্র—বাকি দু’জন্য আগের থেকেই হাত গুটিয়ে আরাম করছিলেন—তারই প্রধানমন্ত্রী ঘাড় কিরিয়ে প্রাকৃতিক সৌন্দর্য উপভোগ করতে লাগলেন যখন হাহাকার রব উঠেছে অস্ট্রিয়ায়, তার কাতর আর্তনাদ ধেয়ে চলেছে লণ্ডন পানে—ধ্বংস করেছে তাকে গুগু হিটলার!...কে বলে নির্লজ্জতারও একটা সীমা আছে? বছরটা ঘুরলো কি না, পড়ি মরি হ’য়ে এবার ছুটলো সেই সৌন্দর্য-মোদী গোরা রাজ—চেকদের স্বহস্তে যুপকার্ঠে আবদ্ধ করার জন্ত যাতে করে পিশাচ পূজোর পুরুত হিটলারের এক ঘাতেই পটপট করে মারি বেঁধে সব কটা মুণ্ডুই—ধাক।”

কীর্তি একটু চিন্তা করে বললে, “হিটলারের কীর্তি-কাহিনী পড়লে শিউরে উঠতুম একদিন। এখন মনে হয় বেচারীর শেষ সাস্থনাটুকুও গেল।”

“মানে?”

সাধনোচিতপ্রাপ্ত ধামে বসে সে অন্তত একটা গর্ব অনুভব করতো, যে, এ-যুগে সজ্ঞানে তার মত নির্ভুরতা আর কেউ দেখাতে পারে নি। পঁচিশের পৈশূন্য-রাত্রি, ইতিমধ্যে বাঙালীর মরণ কামড় খেয়ে সেখানে ইয়েহিয়ার বেশ ক’টি চেলা হিটলারের সঙ্গ পেয়ে ‘হাইল হিটলার’ ‘পাকিস্তান জিন্দাবাদ’ সম্ভাষণান্তে দু’দণ্ড রসালাপ করতে বসে গেলেন। যথাভ্যাস, হিটলার কাউকে মুখটি খোলার মোকামাত্র না দিয়ে তাঁর গৌরবময় দিনের মুনিকী কায়দায় বলে যেতে লাগলেন, গ্যাস চেম্বার—তার চেয়েও সস্তায় মানুষ খতম করার ইনজেকশন আবিষ্কার, ইহুদি রমণীদের কুস্তলদাম দিয়ে

মোলায়েমতম তাকিয়া-কুশন নির্মাণ, লাশের নীল উজ্জ্বল চিত্র-
বিচিত্র চামড়া দিয়ে তৈরী 'ল্যাম্প-শেড—ওহোহো! সেগুলো
কী অপূর্ব আলো-ছায়ার আলিম্পন ঘরের সর্বত্র বিচ্ছুরিত করে
দিত—”

বাধা দিয়ে এক পাঠান বললে, 'খাবসূরত নয়ী নয়ী চীজের
বাংই যদি তুললেন, তবে, আমার মনে হয়, হুজুর, গৃহস্থ ঘরের
উচ্চ কূচ বিশিষ্টা...' হঠাৎ কীর্তি থেমে গেল।

শিপ্রার তিক্ত মুখ কীর্তি ইতিপূর্বে আর দেখে নি। বললে,
“এখনো লজ্জা! ভয় তোমার গেছে, জানি, কোনো কালেই খুব-
একটা ছিল না। ঘৃণাটা আমাদের কখনো যাবে না। তোমার
দম্মুখে যে কঠোর কর্তব্য উপস্থিত সেখানে সহকর্মী সংগ্রহ করার
জন্ত তোমাকে লজ্জাশরম সম্পূর্ণ বর্জন করে স্ত্রী-পুরুষ সকলকেই
বলতে হবে হীনতম অশ্লীলতম আচরণের কথা।”

কীর্তি নীরস কণ্ঠে: “পাঠান বললে, ‘আমরা জনাদশেক একটা
কলেজের মেয়েকে ধর্ষণ করার পর মেয়েটা আমারই নিচে খাবি
থেতে লাগলো। বেহুঁশ হওয়ার আগে ‘পানি পানি’ বলে
গোঙরাচ্ছিল, আধমরা গলায় আস্তে আস্তে ‘ইয়া আল্লা! ইয়া
রশূল!’ আরো কী কী সব বিড়বিড় করছিল, আমি জানিনি ওসব,
কিন্তু ডেরা ইসমাইল খানের মৌলবী সাহেবের জবানে শুনেছি।
তারপর হাত পা খিঁচতে খিঁচতে হঠাৎ চোখ দুটো ইয়াববড়া তাম্বুর
মত খুলে গেল। দেখি, চোখের কালো মণিটনি কিছু নেই, একদম
সাদা চোখ দুটো জড়ু ছিঁড়ে ফেলে সমুচা উণ্টে গিয়ে ভিতরের
দিকটা বাইরে বেরিয়ে এসেছে,—আমাদের সদারকে কাঁসী দেওয়ার
পর লাশে এয়াসা চোখ দেখেছিলুম—মার্বেলের মত ধবধবে সাদাতে
কিন্তু রক্তের ছিট গোলাবী রঙ ধরে তার পাকা আর্পেলের গোলাবী
গালের মত হয়ে গিয়েছিল।—তখন গাল দুটো হলুদে রঙের পুঁজ
মাকিক—আলবৎ তখন না, যখন সে ছাদের উপর থেকে লাফিয়ে

পড়েছিল আপন জান নেবার জন্ত আর আমরা নিচে তখন তৈয়ার ছিলুম ওকে পাকড়াবার জন্ত। আরো কতো পড়লো, আমরা গপাগপ্ পড়ার আগেই ধরে নিলুম। জ্যারসাকে পাকা মেওয়া। হিটলার সাহেব, কী বাতাই আপকো। সবসে খাবসুরং দেখলুম, লাল খুন তার ছুধের মতো সফেদ উরুর উপর—ওয়াহ, ওয়াহ। সব-কুছ আমার গীর সাহেবের মেহেরবানীতে।...কিন্তু, হুজুর, জওয়ান ঔরংটা বড়া বেতমীজ ছিল। কুছ না—অচানক দম বন্ধ—ঝটসে মরে গেল। আমাদের শের দিল খান গয়রহ তিন বেরাদর তখনো বাকী। লেकिन ওরা পাকা মর্দ। জিন্দা মূর্দাতে করক করনেওয়ালা পাঠানকা বেটা ওরা নয়। জঙ্গী খান একটা চোচীর ডগা কামড়ে মুখে পুরলো। আমি ছোরা দিয়ে দুসরাটা কেটে—এ্যাসা বড়া কভীভী দেখবার খুশ-কিন্মৎ আমার জিন্দেগীতে হয় নি—পুরা সমূচা হাড্ডিতক কেটে আমার সঙ্গীনের ডগায় খোঁচা দিয়ে সঙীন উঁচা করে ধরলুম। তারপর সব ভাই বেরাদরের তালে তালে হাততালি শুনতে পেয়ে সঙ্গীন উঁচা করে জুড়ে দিলুম মহরম মিছিলের নাচ—আপনি, জনাব-ই-আলা-হিটলার-সাহেব হয়তো জানেন না, মহরম আমাদের সবসে খাস, সবসে পাক্ মাস—আর তখনো চলছে মহরম। মেজর আসদ খান আমার পিঠ চাপড়ে বললেন, ‘বড়া বড়হীয়া খেদমৎ করেছ পূর্ব-পাকিস্তানের, কাফির লেড়কীকে খতম করে—পাক্ মহরম মাসে। সোনার মেডেল পাবে। আমি সুপারিশী চিঠি আজই জেজ দেব।’

হিটলারের লাল গাল তখন হলদে। সর্বাঙ্গে কম্পন।

এমন সময় কে একজন কঠিন দর্শন অপরিচিত, যুনিফর্ম-পর্য অফিসার এসে উপস্থিত। সেটা হিন্দুর নরক, মুসলমানের দোজখ, খৃষ্টানের হেল্, ইহুদির গেহান্নেম, গ্রীকদের কলাসিস্ কোনো “মল্লুকেরই” উর্দী নয়। পাঠানরা ঠাহর করতে পারছিল না, তারা কোথায় এসেছে। তবে এটা যে বেহেশৎ বা দোজখ্ কোনোটাই

নয় সেটা বুঝে গিয়েছিল। হিটলার ধীরে ধীরে চলে যাচ্ছিলেন—
অত্যন্ত বিষণ্ণ বদনে।

অফিসার ডানহাত তুলে “হাইল হিটলার” সম্ভাষণ জানিয়ে
শুধোলে, “আপনি চলে যাচ্ছেন কেন? এ প্রতিষ্ঠানের দ্বারোদ্ঘা-
টনের সময় আপনিই ছিলেন প্রথম এবং একমাত্র সদস্য—যাকে বলে
ফাউন্ডেশন মেম্বর। আপনি তকলীফ করে অস্থিত্র যাবেন কেন?”

‘হিটলার বিষণ্ণতর বদনে বললেন, “আমি বিখ্যাত জার্মান গোষ্ঠীর
একজন; কিন্তু আজ বড়ই লজ্জা পেয়েছি কতকগুলো ‘আকাট,
পাঁড় বর্বরের কথায়। আপনারা আমার সাধনোচিত ধাম নির্মা-
না করতে পেরে এই নবীন প্রতিষ্ঠানের পত্তন করেন। আমার
কোনো আপত্তি নেই—কারণ ইহুদিদের জন্ত আমিই এক নয়া
নিধনাগার—গ্যাস চেম্বার—নির্মাণ করি। কিন্তু এই পাঠানদের
সামনে আমাকে নিত্য নিত্য লজ্জা পেতে হবে, এটা আমার সহিবে
না। আমাকে বরঞ্চ ডিমোট করে নিম্নাঙ্গের যে-কোনো অগ্নি
পূরীষ কুণ্ডে পাঠান।”

অফিসার বিস্মিত হয়ে শুধোলেন, “লজ্জাটা কিসের? আমি
অতিশয় প্রাচীন সর্বাভিষ্ট অফিসার। আদম ইভের প্রথম পাপ
থেকে আরম্ভ করে হেন কোনো অতিশয় উর্বর মস্তিষ্কারীর
অচিস্তনীয় কল্পনা-প্রসূত কোনো আচরণ দেখি নি—অপরাধ নেবেন
না—যেটা আপনাকে লজ্জা দিতে পারে।”

‘হিটলার বললেন, “ধ্যাক্ষ! আমি গর্ব অনুভব করছি। কিন্তু
শুধুন, আমি ফ্রান্সকে পদানত করেছি, আরেকটু হলে আমার চেয়ে
চের ছোট ক্যালিবারের চার্চিলকেও ঘায়েল করতুম, গ্যাস চেম্বার,
অনেক নুতন নুতন উৎপীড়ন পস্থা আবিষ্কার করেছি—সে নিয়ে
আমার কোনো অহমিকা নেই।’ গর্ব, ‘আত্মপ্রসাদ, ‘দম্ভ, ‘ঔদ্ধত্য
ছিল আমার মাত্র একটি সামান্য, সঙ্গীর্ণ বিষয়ে—যেটাকে হোমরা
চোমরা পলিটিশিয়ান, মিলিয়নের, রাজারাজড়া, বীরবীরেন্দ্র কেউই

কণামাত্র সম্মান দেন না, বস্তুত অবহেলা, তাচ্ছিল্য করেন, এমন কি কৃপার চোখে দেখেন—সে বিষয় আর্ট। এ-ভাবে আমার দৃঢ়তম বিশ্বাস ছিল, কলানৈপুণ্যে আমি কল্পনা পরীর পাখায় ভর করে যে সর্বোচ্চ গগনে উড্ডীয়মান হয়ে নব নব সূক্ষ্মতর, সূক্ষ্মতম উৎকট উৎকট দৈহিক মানসিক যন্ত্রণাদায়িনী পদ্ধতি আবিষ্কার করতে সক্ষম হয়েছিলুম, সেগুলি মহাপ্রলয় পর্যন্ত মহামানবের অভাবনীয় গৌরব, বিশ্বমানবের অকল্পনীয় বৈভব হয়ে মহাপ্রলয় পর্যন্ত উচ্চৈঃশ্বরে আমার জয়ধ্বনি গাইবে। এই মাত্র আমার সে-বিশ্বাস নশ্রাৎ হল। এখন শুনছি, দিক দিগন্তব্যাপী টিটকার।...মহামূর্খ যে-পাঠানের 'না আছে সাহিত্য' না আছে নাট্য যাদের 'সঙ্গীত' শুনে শিবশৃংগাল সোল্লাসে উপযুক্ত শিষ্যপ্রাপ্তির পরিতৃপ্তিতে চিংকারিয়া নব নব কর্ণপটহ 'বিদারিণী' "রাগ-রাগিণী" দ্বারা বনস্পতি মরুভূমি প্রকম্পিত করে—সেই পাঠান আজ আমাকে সর্বজন সমক্ষে, নিগীড়ন কলাশাস্ত্র ও তজ্জনিত সঙ্গীনাগ্রে স্তন সম্বলিত নৃত্যে প্রথম ভাগের প্রথম ছত্র শিক্ষা দান করলো। যে-লোকে আছে তার অন্ত নেই তাই সেখানে অস্তিম বাসনাও নেই, নইলে এই মুহূর্তে বাম করতল নিগীবনপূর্ণ করে সেই কুণ্ডে নিমজ্জিত হয়ে সর্ব অবসান ঘটাতুম। আমি চললুম'।”

কীতি বললে, “এটা এক ভদ্রলোক আমাকে রসিয়ে রসিয়ে শোনাচ্ছিলেন যে-জায়গার একটা লজ্জাড়া ছাউনিতে—তার নামটাও বিকট—‘কাঁস দেওয়া’ না কি যেন। সেই বাগডোঙ্গরা যেখান থেকে তুমি হিমালয় দেখেছিলে, তার-ই কাছে। ভদ্রলোক নিষ্ঠাবান মুসলমান। পূর্ব পাক্ থেকে এপারে এসে ছেলে-ছোকরাদের জড়ো করে বন্দুক চালাতে শেখাচ্ছিলেন। কথায় কথায় তার মুখে গড়ে নতুন নতুন হাসির গল্প, কিংবা হাসি-কান্নায় মেশানো। আমি একটা খাটিয়ায় শুয়ে শুয়ে অধোমুখে দেখেছিলুম সেই হাস্য মধুর লোকটি খোলা আকাশের নিচে, জায়নামাজ পেতে প্রায় দুপুর রাত

অবধি নামাজ পড়লেন, হুঁহাত তুলে প্রার্থনা করার সময় গুনগুন করে গীত গাইলেন। তিনিই তার আপাতদৃষ্টিতে শ্রেণ গুলতানী শেষ করে সভাপদের আমাকে বললেন,

‘আচ্ছা চৌধুরী সায়েব, বলুন তো হিটলার ইহুদিকুলকে নির্মূল করার সময় কি খুব বেশী ইহুদি স্পাই, সাদিস্ত-এর মদৎ পেয়েছিল ? আমি যদুুর জানি খুব অল্প কয়েকজন মাত্র।’

আমি বললুম, ‘স্পাই সাদিস্ত আদৌ পায় নি। যেটুকু যে-ক’জন করেছে সেটা হিটলার-হিমলারের সেপাইদের গুলিভরা বন্দুকের সঙ্গীনের খোঁচা খেয়ে খেয়ে।’

‘অথচ দেখুন, মাতাল লম্পট ইয়েহিয়া ওদিকে আবার কটর শীয়া। ভুটোর বাপ স্তর শাহ নাওয়াজ খান ভুটোকে খাঁটি সিন্ধী মুসলমান বলা চলে না। সিন্ধু দেশের অধিকাংশ লোক ইসলাম গ্রহণ করে খুদ আরবদের হাত থেকে অষ্টম শতাব্দীতে। পক্ষান্তরে ভুটোর হিন্দু পূর্বপুরুষ ইসলাম গ্রহণ করেন রাজপুতানাতে সপ্তদশ শতাব্দীতে। পরে সিন্ধুদেশে চলে আসেন এবং ক্রমে ক্রমে বিরাট বিস্তীর্ণ, আল্লা জানেন কত লক্ষ বিঘের জমিদারি গড়ে তোলেন।’

শিপ্রা বললে, “বাপ্‌স্‌! একবার ভাবো তো মারওয়াড়, রাজপুতানার যারা এদেশে বসবাস করেছে, তারা যদি মাছ মাংস খেয়ে আমাদের সঙ্গে এক হয়ে যেত, তবে আমরা, বাঙালীরা কি নিশ্চিহ্ন হয়ে যেতুম না ? পূর্ব বাঙলায় যদি তারা মুসলমান হয়ে যেত—, থাক। বলো কি বলছিলে।”

“ভদ্রলোক বললেন, ‘ভুটোর পিতা জমিদারীর জোরে ক্রমে ক্রমে জুনাগড় স্টেটের প্রধানমন্ত্রী হলেন। দেশ বিভাগের সময় জিম্মার নির্দেশ অনুসারে তিনি নওয়াব সাহেবকে জুনাগড় যেন পাকিস্তানের সঙ্গে মিলিত হয় সেই মঞ্জুরা দেন। পূর্ণ হিন্দু মুসলমান প্রজারা রুখে দাঁড়ালো। শেষ কল তো জুনাগড় শাহ নাওয়াজ

শেষ চিঠিতে জিন্নাকে লিখলেন, “জুনাগড়ের মুসলমানদের পাকিস্তান শ্রীতি নেই বললেও চলে”।

‘কিন্তু আশ্চর্য, শাহ নাওয়াজ গোষ্ঠী শীয়া এবং অত্যন্ত গোঁড়া শীয়া। উভয় বাঙলায়ই শীয়ার যে ছিটেকোটীর ভগ্নাংশ লোক-চক্ষুর অন্তরালে বাস করে সিন্ধুতে তারও বাড়া—আছি-কি-না-আছি গোছ। তৎসত্ত্বেও।

‘শাহ নাওয়াজ খানের’ চারজন বীথী ছিলেন। জনৈক প্রাক্তন সমসাময়িক ঐতিহাসিক-কাম-সাংবাদিক এ-প্রসঙ্গে বলেছেন, এই ধরনের পরিবারে এইটেই ছিল রীতি। সে-সিদ্ধান্তে তিনি পৌঁছলেন কি করে, সেটা আমি বুঝতে পারি নি—যদিও আমি পূর্ব পাকের নিয়তম স্তরের জজ ছিলুম বটে, তবু শুধু যে সেই দেশের মুসলিম আইনানুযায়ী সম্পত্তি বণ্টন ব্যবস্থার গভীরে প্রবেশ করতে হয়েছিল তাই নয়, ভারতের ভিন্ন ভিন্ন প্রদেশে মুসলমান, আধা-মুসলমান, সিকি মুসলমানদের উপর সম্পত্তি বণ্টন ব্যাপারে দেশাচার কতখানি প্রভাব বিস্তার করেছে তার গবেষণাও আমাকে করতে হয়েছে। কিন্তু এ-সব শপ্ শুনতে কি আপনার মন যাচ্ছে?’

আমি সবিনয় বললুম, ‘ধর্মাবতার, হুজুরই, বেগ্ পার্ভান, মহামাত্ম আদালতই বিচার করুন। যদি অনুমতি দেন তবে নিবেদন, আমি খবরের কাগজের রিপোর্টার নই—”

বাধা দিয়ে ছোট জজ বললে, ‘সেটা আর বলতে হবে না। সংবাদদাতা গুপ্তির নিতান্ত চ্যাংড়া ভিন্ন কোন্ বড়া সাব্ টাকার ইন্টার কন্টিনেন্টাল বার, কলকাতায় তো জাত-বেজাতের এস্টের, ত্যাগ করে হোটেলের হুর্গম প্যাসেজ, বিপদসঙ্কুল বারান্দা পর্যন্ত বেশ সন্দেশ সংগ্রহণার্থে? মাক করবেন—আপনি বলুন।’

“ও সে তেমন কিছু নয়, মোদ্দা কথা, ওদেরও অধম বার। তামাশা দেখবার ঠিকানা বাদ থেকে করিমগঞ্জ আগরতলা অবধি রৌদ মারে, অথকা

কেউ নেই, আর আপনাদের মত, স্বয়ং

আল্লাতারা দ্বারা নির্বাচিত শ্রেষ্ঠতম সৃষ্ট দেবদূতের কাছে এসে
দাঁড়াবার মত দস্ত, হীন কুপার পাত্র বাতুল আমি—

জজ জিভ কেটে ‘ছি ছি, তওবা তওবা’ বলে কানে আঙুল
দিলেন। ‘এ-সব না-হক কথা অভদ্রভাবে বন্ধ না করলে আল্লা
পাক আমাকে আমার মায়ের কোলে কিরে যেতে দেবেন না।’ কীর্তি
বললে, “ভাবালুতা, ক্ষুদ্র হৃদয় দৌর্বল্য জজদের সর্বথা বর্জনীয়।” তাই
তার আশ্মাজানের কথাটা আপন অবিবেচনা মনে করে সেটা ঢাকবার
জন্য তাড়াতাড়ি খেই তুলে নিয়ে বললেন, ‘ভারতের যত্রতত্র ভূস্বামী,
যত্র তত্র একদারনিষ্ঠতা—এটা মূল সূত্র, অবশ্য বাস্তবতর হবে
“একদারদাসত্ব”। চারটে বিয়ে করে বারটা ছেলে পয়সা করলে,
ভাগ, তস্য় ভাগের ফলে তিন পুরুষেই জমিদারী নিকুচি। অতএব
“রীতি” চার স্ত্রী নয়, এক স্ত্রী এবং হারেমে জনাতিনা “খাদেমা”
অর্থাৎ সেবিকা, কিংবা ঐ জমিদার বিগ্রহের “সেবাদাসী”ও বলতে
পারেন। নিতান্ত যারা আল্লাকে বড্ড বেশী ডরায় তারা ছ’জন
সান্ধী সামনে রেখে বিয়ের একটা ভিড় করে। তা সে যাক্গে।
মোদ্দা কথা, মিঃ জুল-ফিকার আলী ভুট্টোর মাতা শাহন-ওয়াজকে
বিয়ের প্রাকালে হিন্দুধর্ম বর্জন করেন। পশ্চিম পাকিস্তানেরই
একাধিক কাগজ একাধিকবার বলে, বিয়েটা নাকি আদৌ হয় নি।
ভুট্টো প্রেমীজন প্রমাণ স্বরূপ বলেন, বিবাহে গুলাম মহম্মদ হিদায়েৎ
উল্লা ও উল্লেখযোগ্য কিছু লোক ছিলেন। নিন্দুক বলে, “ওটা বিয়ের
মজলিস ছিল না মোটেই। ইংরেজ যেটাকে বলে nautch—বাই-
নাচ। প্রধানা নর্তকী কে ছিলেন, সে আলোচনা ঐতিহাসিক-কাম-
সাংবাদিকরা করবেন।

বিয়ে হয়েছিল কি না, সেটা তর্ককাধীন। জানিনে, আপনার কি
মত, কিন্তু সেটা আমার মনের উপর, কণামাত্র রেখাপাত করে না।
তর্কাতীত সত্য, জুল-ফিকারের মাতা হিন্দুরূপে জন্ম নেন। তার
উপরও আমি কোনো প্রাধান্য আরোপ করিনি। এক হজরৎ আলী

ছাড়া আমাদের পয়গম্বরের সব শিশুই তো মুসলিম হওয়ার আগে আরবদের বর্বর 'ধর্ম' মেনে চলতেন।

কিন্তু যারা ফ্রেট পদ্ধতি দ্বারা মিঃ ভুট্টোর সর্ব প্রধান 'ধর্ম'— ভারতের প্রতি, এবং তার চেয়েও গুরুত্বপূর্ণ তত্ত্ব, হিন্দুদের প্রতি তার প্রতি লোমকূপে প্রোথিত বিদ্বেষ, 'ভদ্রজনবর্জিত ভাষায়' সুযোগে, 'কুযোগে', 'অযোগে' নিত্য নিত্য তাদের প্রতি 'কুৎসিততম' গালিগালাজ, এই একটিমাত্র অটল অবিচল অপরিবর্তনীয় অবিমিশ্র ধাতু দিয়ে 'নির্মিত' তার সত্তা। তবে কি তার দেহে যে হিন্দু রক্ত আছে সেইটে অস্বীকার করার জ্ঞান, লোকে যেন সেটা স্বরণেও না আনতে পারে সেই উদ্দেশ্যে এই হিটলার প্রশংসিত নীতি, 'হিট্ হিট্ হিট্', হাতুড়ি দিয়ে হানো, হানো, হানো যতক্ষণ না লোকে পুনরাবৃত্তির কলে 'হিপনোটাইজড', সম্মোহিত অবস্থায় তোমার বাণী, সত্যই হোক মিথ্যাই হোক, গলাধঃকরণ করে ?

অপরাধ নেবেন না, আমার স্মৃতি-রাজ্যে 'শেক্সপীয়রকে' দেবার মত আসন নেই—হেমলেট না কে যেন বলেছিলেন তাঁর দেহে তাঁর মাতার যে অংশটুকু আছে সেটা তিনি ছিঁড়ে ফেলে দিতে চান অথচ ভুট্টোর মাতৃদেবী হয়তো সতী সাক্ষী নারী ছিলেন। এবং আমি এ-সব কথা আদৌ তুলতাম না যদি ভুট্টো স্বয়ং একাধিক বার শেখ সাহেবের "ব্যাকগ্রাউণ্ড" নিয়ে গবেষণা করার নির্দেশ না নিয়ে থাকতেন। শেখের ব্যাকগ্রাউণ্ড জানে না কে? আমারই মত পূর্ব বাঙলার মধ্যবিন্দু শ্রেণীর মামুলী মুসলমান তিনি। ভুট্টো 'সুস্পষ্ট' ইঙ্গিত দিয়েছেন. পূর্ব বাঙলার সমস্ত "অনাস্থিতির" জ্ঞান দায়ী মুজীব এবং তাঁর ব্যাক গ্রাউণ্ড। একথা, কথাপি তর্কাতীত সত্য যে মুজীবের মাতার সঙ্গে তাঁর পিতার 'বিবাহ' হয়েছিল কি না সে প্রশ্ন ফরিদপুর অঞ্চলের লীগবৈরী, মুজীবের আশু পরলোক গমনাকাজী নেমকহারাম বিহারীরা পর্ষন্ত করে নি এবং বিয়েটা প্রমাণ করার জ্ঞান কোনো প্রধানমন্ত্রী হেদায়েৎ উল্লার উপস্থিতিও প্রয়োজন হয় নি।

ভুট্টো ইসলামের কোনো নির্দেশই মানেন না। ওদিকে ভয়ঙ্কর শীয়া।

জুন্টার নির্দেশে যে-মেজর-জেনারেল ইস্কন্দর মির্জা সর্বপ্রথম “আইনত” ডিকটেটর হয়ে তিন সপ্তাহ রাজত্ব করেন তিনিও গোঁড়া শীয়া। মির্জাই ধর্মভ্রাতা ভুট্টোকে আপন “উপদেষ্টা” রূপে বা “মন্ত্রণা সভায়” ডেকে নিয়ে রাজনীতির সূত্র (সারকামিশন) করান—অবশ্যই শীয়া কায়দায়। অবাস্তুর নয় যে মির্জাকে ডিকটেটরিতে প্রমোশন দেবার ষড়যন্ত্রটা করা হয় এক শীয়া-ভবনে, ভুট্টোজনকের প্রাসাদে।

ইয়েহিয়াও গোঁড়া শীয়া। শীয়ারা বিশ্বাস করেন, সুন্নীরা তো মুসলিম নয়ই, তারা কাকির। এবং চরমপন্থী শীয়াদের স্বতঃসিদ্ধ বিশ্বাস, সুন্নীমাত্রই “ওয়াজিব উল্ কৎল” অর্থাৎ সুন্নী দর্শনমাত্রই তাকে নিধন করা শাস্ত্রাদেশ।

ওদিকে জুন্টাতে কোনো শীয়া আছেন বলে শুনি নি। ইসকন্দরের আমল থেকে এষাবৎ জুন্টাই পাক রাষ্ট্রের একমাত্র শক্তিধর।

সেই সুন্নী জুন্টাকে বোকা বানিয়ে, পূব বাঙলার মুসলমান মাত্রই “কাকির” সে-তালিম “মুসলমান” পাঞ্জাবী-পাঠান-বেলুচের অস্থিমজ্জায় উত্তমরূপে ঢুকিয়ে দিয়ে অগণিত বাঙালী মুসলমানকে করালে খুন, তাদের অবলাদের করালে ধর্ষণ, তাদের ঘরদোরে জ্বালালে খাণ্ডবদাহন—মাত্র দুটি শীয়া। অত্যন্তুত পৈশাচিক নৈপুণ্য না থাকলে দুটি মাত্র শীয়া—ইয়েহিয়া এবং ভুট্টো—যাদের কাছে উভয়-পাক্-এর অগণিত সুন্নীই “কাকির।” এক পাক্-এর কাকির দিয়ে অল্প পাক্-এর কাকির উৎপাদন করার কষ্টতা হৃদয়ে ধরতে পারতো কি ?

হিটলার পেরেছিল কাকিরের “কাকির” ইহুদিদের বোকা বানিয়ে, তাতিয়ে দিয়ে কাকির। ইহুদিদের হত্যাধর্ষণলুঠন করাতে ? দূরেই থাক্ হেরাশা ! বরঞ্চ সে যাদের মর্ত্যের আদর্শ মানব (সুপার মেন) পাঠিয়ে দিয়ে চির জীবন প্রপাগাণ্ডা চালালে,

সেই নড়িক্‌ জাতের সর্বোৎকৃষ্ট উদাহরণ—সম্ভ্রান্ত অনেক অফিসার, রমেল সহ, তিন তিন বার চেষ্টা দিল তাকে হত্যা করতে। কলে ছ হাজার থেকে পাঁচ হাজার—কে জানে কত—নড়িক্‌ সুপার মেনকে মেশিন গান্‌-এর গুলিতে, ফাঁসি কাঠে, শত্রু সৰু তারে ঝুলতে ঝুলতে আধ ঘণ্টাটুক শৃঙ্খল পা ছুটো আছড়াতে আছড়াতে—এ-পদ্ধতিতে ফাঁসির মত এক ঝটকায় না—দম বন্ধ হয়ে প্রাণ দিলে। এ-যাবৎ কোনো শীরার শরীরে আঁচড়টি তক লাগে নি।

এবারে বলুন, চৌধুরী সাহেব, সেই অনামা অমর্য লোকে কার নীচাসন—হিটলারের না ইয়েহিয়ার ফাঁসুড়ীদের ?”

একাদশ অধ্যায়

আলিঙ্গন ঘনতর করে বাষ্প-ভরা কণ্ঠে কীর্তি বললে, “এই তো আমার অক্ষয় সম্পদ। তোমার প্রেমই আমাকে দেখিয়ে দেবে পথ, ভরে দেবে আমার বুক সাহস দিয়ে, আর সবচেয়ে বড় কথা—আমার মত অপদার্থকে করে দেবে কর্মনিষ্ঠ। যেখানেই যাই না কেন, যেতে যেতে যতই ক্লান্ত হয়ে পড়ি না কেন, তোমার কথা ভাবলেই পাবো নবীন উৎসাহ।”

মুহুর্তে শিপ্রা বললে, “তোমাকে আমার অদেয় কিছু নেই।”

কীর্তি কোনো উত্তর না দিয়ে চুপ করে রইল।

শিপ্রা বিদায়-বেলায় গীড়া হাক্কাক করে দেবার জন্ত বললে, “একজন নীরবে চিন্তামগ্ন হলে অতীত প্রায়ই বলে ‘তুমি কি ভাবছো সেটা যদি আমাকে জানাশ্রিতবে তোমাকে একটা পেনি দেব—এ পেনি কর ইয়োর থট’; তুমি কি একটা পাস্টে বলে দিতে পারি, তুমি এখন কি ভাবছো, তুমি কি একটা পেনি দেবে ?”

কীর্তি তবু চুপ।

শিপ্রা বাসনার লহরে উত্তরে রঙিন টি ঠোট দিয়ে কীর্তিকে

নিবিড় চুখনে চুখনে আচ্ছন্ন করে দিয়ে বললে, “তুই ভাবছিস, মিতা, ‘এখন যদি বলি, আমাকে বিয়ে করো তবে শিপি আগের মত আর না বলতে পারবে না, এইমাত্র যখন কথা দিয়েছে আমাকে তার অদেয় কিছু নেই।’ বল, কিতা, ঠিক ধরেছি কি না ?”

কীর্তি একটিমাত্র শব্দে উত্তর দিল “ঠিক।”

শিপ্রা অভিমানের ছল করে বললে, “বা রে ! তুমি কোনো উৎসাহ দেখাচ্ছে না যে ! একদিন আমার দুর্বলতম মুহূর্তে—যেদিন আমি আমার সর্বস্ব উজাড় করে দিয়েছিলুম তোমাকে, অগ্রণী হয়ে, নিজের থেকে নারীর শেষ সম্বল—তুমি আমায় বলো নি, ঐটেই তোমার একমাত্র ভাবনা। আমি তখন সেটাকে হাঙ্কা করে দেবার জন্তু বলেছিলুম, “হৃদয় আর ভাবনা তো একই সত্তা :

‘কিবা সে হৃদয় ? হৃদয় কাহারে কয় ?

সে তো একবিন্দু শোণিত আর ভাবনার রাশি।’

শেষ ভাবনা উধাও হয়ে যাবে শেষ কামনা পূর্ণ হওয়ার সঙ্গে সঙ্গে। তখন রইবে শুধু এক বিন্দু শোণিত : ভাবনাটা উধাও হওয়ার সঙ্গে সঙ্গে পেয়ে যাবে লোপ হৃদয়ও। ভাবনা-ভরা হৃদয়-হারা সুদুমাত্র এক বিন্দু শোণিত তো মানুষ ভিন্ন সব প্রাণীরই আছে। ভাবনা-ভরা শোণিত বিন্দুটির নামই তো কীর্তি ঠাকুর। আমার ঠাকুর।’ উত্তরে তুমি বলেছিলে ‘তোমার মস্তব্যটাতে শোণিত বিন্দুও নেই।’ ...আজ যদি কবির সুরেলা গলার সঙ্গে আমার বেসুরো গলা মিশিয়ে অর্থাৎ একটু পরিবর্তন করে গাই, জানি সেটা জনসমাজে করলে হবে ধৃষ্টতা, কিন্তু তুমি আমি মধুর ভাবে দীন, হিয়া প্রকাশে হীন, তাই কবি সেটা ক্ষমা করবেন—

‘হৃদয়-বাসনা পূর্ণ হল আজি

হেরি আঁখি-ভরা মনে

মম প্রিয়া চিত্তমাঝে বসি স্থির আসনে।’

‘তা হলে ?’

কীর্তি তখনো চূপ।

শিপ্রার আদর যেন অফুরন্ত। বললে, “আজ আমার পেনি জন্মবার দিন। যদি বলতে পারি এখন তুমি কি ভাবছো, আরেকটা পেনি দেবে?”

“বলো।”

“মিতা, আমি জানি যে, তুমি জানো, আমি কি উত্তর দেব। এবং সেই নিয়ে তোমার মনে তোলপাড় আরম্ভ হয়েছে। আগে ছিল ভাবনা, এখন দুর্ভাবনা।”

কীর্তির ঠোঁটের কাছে এনে তার নিশ্বাস শিপ্রা আপন নাক দিয়ে নিঃশেষে শুষে নিয়ে গুনগুন করে গাইলে, “আমাতে মিশাক্ তব নিশ্বাস নবীন উষার পুষ্প সুবাস—” বার বার। তারপর আবার বার বার “বাসনার রঙে লহরে লহরে রঙিন হল, হে প্রিয় / করুণ মম অরুণ অধর পিয়ো হে পিয়ো।” তার পর কীর্তিনিয়া রীতিতে বার বার আখর দিলে, “অরুণ অধর পিয়ো হে পিয়ো।” মাঝে মাঝে থেমে থেমে কীর্তির নিশ্বাস নিঃশেষে শুষে নিয়ে আপন বুক ভরে নেয়—তার শ্রান্তি নেই, ক্লান্তি নেই।

হঠাৎ একবার দীর্ঘশ্বাস চাপার চেষ্টা করা সত্ত্বেও সেটা কীর্তির গাল ছুঁয়ে গেল। কীর্তির হৃৎহাত দিয়ে ছড়িয়ে পড়া ঘন কৌকড়া চুলের নিচে আধা হারিয়ে-ষাওয়া মুখটি কাছে টেনে এনে বললে, “বলো দেখি, তুমি কি অস্বস্তি বোধ করছো?”

শিপ্রা চোখের উপর থেকে চুল সরিয়ে ঠোঁটে মুখে স্নান হাসি ফুটিয়ে বললে, “অস্বস্তি কিসের? নিজের ভিতরের দিকে তাকিয়ে শুধু আমি একটু হতাশা হলুম। আমি আশা করেছিলুম, বাবার বন্ধু ফরাসি ফৌজী অফিসাররা যেরকম ভালো মন্দ, বিপদ আপদ, সুখ দুঃখ, সব অবস্থাতেই ধরে নেয় যে এটাই, প্রকৃতির নিয়ম, এটাই তো স্বাভাবিক, আটপোরে—এমন কি আমাদের কবির সর্বশেষ কবিতার

যে প্রায় সর্বশেষ ছত্রে আছে, ‘অনায়াসে যে পেরেছে ছলনা সহিতে’ ঠিক তাও নয়, ছলনাটাও তাদের কাছে ছলনা নয়, ওটা অত্যন্ত স্বাভাবিক কিন্তু কবির ‘অনায়াস’ বেশীর ভাগ চরিত্রেই থাকে এবং সেটার মূল্য দেয় শোল্ডার শ্রাগ করে, ‘তঁা পি’ বলে, মানে, ‘জানা তো ছিলই, জীবনটা একটানা শ্যাম্পেন আর কাভিয়ার হতে পারে না, জেনারেল ব্যাটা আটকে দিলে প্রমোশনটা, আর প্রিয়া তো হর হামেহাল উচিয়ে আছেন জিল্ট করার পিস্তল,—তারপর সেই স্বাভাবিক আটপোর্রেটার সামনে তার আচরণটাও অনায়াস লব্ধ—প্যারিসের ‘প্রিমা দল্লার’ অযাচিত প্রেম যদিহু্যৎ অকস্মাৎ বিলকুল ফুকে লটারির প্রাইজের মত পেয়ে যায় তবে অনায়াসে তাকে নিয়ে সগর্বে বুক ফুলিয়ে বেড়িয়ে বেড়াবে, আবার বিকল্পে যদি উপলব্ধি করে, পরের দিন জুয়ের দেনা শোধ না করতে পারলে মান-ইজ্জৎ থাকবে না, তখন তো সেই নিত্য দিনের ‘তঁা পি’—সো মাচ্ দি ওয়ার্স আছেই—প্রিয়ার মুখটি সাদরে তুলে ধরার মতই অনায়াসে পিস্তলটা তুলে ধরে ঠেকাবে রগে—আমি আশা করেছিলুম একটানা বহু সায়াং সন্ধ্যা তাঁদের অনায়াস সঙ্গ পেয়েছিলুম বলে আমিও তাদের শোল্ডার শ্রাগ করে ‘তঁা পি’—‘বয়ে গেল’—বলতে পারবো, অন্তত খানিকটো।”

কীর্তি করুণ কণ্ঠে বললে, “কেন অযথা আত্মনিন্দা করো ? আমার যদি কাল ভোরের প্লেনে করে মোলায়েম শুইটজারল্যাণ্ডে যাবার প্ল্যান থাকতো তা হলে তুমি সেটাকেও অত অনায়াসে নিতে পারতে না। যাকে ভালোবাসি তাকে বুক জড়িয়ে ধরে থাকলেও হারাই হারাই ভাবনাটা সব সময়ই জেগে থাকে হৃদয়ের কোন্ এক গোপন কোণে। তার উপর তুমি মেয়েছেলে। পুরুষের হৃদয় যদি একবিন্দু শোণিত আর ভাবনার রাশি দিয়ে গড়া হয়, তবে মেয়েদের বেলা একবিন্দু শোণিত আর রোদনের রাশি। আসলে আমার প্রশ্নটাই ভুল। আমি কিংবা খান তো এমন কোথাও যাবো না, যা

তোমার অস্বস্তির কারণ হতে পারে, আমি কিংবা খান বন্দুক চালিয়ে কটা পাঠানকে খতম করতে পারবো ? ছোকরা জিমি পর্বন্ত জানে, তুমিই তো বলেছিলে, আমাদের কাজ কলকাতায়। সেই ঘুঘু লারীটা পর্বন্ত জানে, নজর রাখতে হবে কলকাতার উপর। এবং আমাদের বড় বড় ক্লাবগুলোর উপরও। যে সব ছেলে-ছোকরারা সমস্ত মন প্রাণ দিয়ে পূর্ব বাঙলাকে সাহায্য করতে চায়, তারা টাকার জন্ত, বন্দুকের জন্ত যাবে যে সব পয়সাওলাদের কাছে তারা তো এসব ক্লাবেরই মেম্বার। এবং এরা লারী-কারীর সামনেও বেপরোয়া বলে দেবে, ছোকরাদের জন্ত একসপ্লোসিভ জোগাড় করতে কার লবেজান, কে এক রাশ টাকা দিয়ে ছেলেদের পাঠিয়েছে নাগা পাহাড়ে, সেখানে যদি জাপানীদের ফেলে-যাওয়া বন্দুক মেশিন গান নাগাদের কাছ থেকে কেনা যায়। ইণ্ডিয়া গাভর্নমেন্ট এখনো আসরে নামে নি বলে ছেলেরা কি হাত পা গুটিয়ে বসে থাকবে, না মুর্কিবরা তাদের শুধু হাতে ফিরিয়ে দেবে। শুধু কি তাই, খান বলে নি বুঝি, বাংলাদেশের এক রিটার্ডার্ড আর্মি অফিসার এ-পারে সময়মত চলে এসেই শুনতে পেলেন, অমুক বাঙালী হিন্দু অফিসার বর্ডারে মোতায়েন হয়েছেন। ‘ইআল্লা’ বলে এক লক্ষে তাঁর কাছে উপস্থিত। ব্যাপার কি ? পার্টিশনের পূর্বে ছ’জনা একই জায়গায় ট্রেনিং পেয়েছিলেন, পার্টিশনের সময় পর্বন্ত একই আর্মিতে কাজ করেছিলেন। ছ’জনাতে দোস্তুী হয়েছিল গভীর। গিয়েই বললেন, ‘জানো তো, দোস্তু, আমি রিটারার করেছি বটে কিন্তু দেশে যে সঙ্কট এসেছে সেটার মোকাবেলা যথাসাধ্য আমি করবই করবো—এই ভরসা যদি আমার দেশের লোক রাখে তবে কি সেটা অন্ডায় হবে ?’ আসলে অতখানি লম্বা চওড়া অজুহাত একে অন্ডকে এঁরা কখনো দেন নি। এক ইয়ার আরেক ইয়ারকে দেখা মাত্রই বুঝে গিয়েছেন ব্যাপারটা কি। বাক্য ব্যয় না করে ইয়ারকে নিয়ে গেলেন অস্ত্রাগারে হাত দিয়ে কুলে হাতিয়ার দেখিয়ে বললেন, “যা খুশি

নিয়ে যাও, যত খুলী নিয়ে যাও—হেল্প্ ইম্বোরসেলফ্’। সত্যি বলছি—”

শিপ্রার অবসাদ আগাপাঙ্গতলা উধাও। ধড়মড়িয়ে উঠে বসলো। ফরাসী অফিসারদের কাছ থেকে সে—শুধু কোঁজী-তত্ত্ব কথাই শোনে নি। শুনেছে বিস্তর গুলও তাদের মুখে—নইলে আর্মিতে ঢুকবেই বা কেন, গুল মারার সনাতন ট্রাডিশনটাই বা ভোবাবে কেন? কিন্তু এ রকম একটা মৃষ্টিছাড়া ভূতুড়ে গুল? ঢোক গিলে রাম-তোতলার মত টক্কর চোক্কর খেতে খেতে শুধলো, “সে কি করে হয়? তুমি সত্যি জানো? এতো বিশ্বজোড়া শাস্তির সময়ও অসম্ভব। আর এখানে সরকার যাকে পাঠিয়েছে সীমান্ত রক্ষার জন্ত, তাঁর কি হাল হবে? বলা তো যায় না, ইয়েহিয়া জঁতা কলে পড়লে ছুরোগটা থেকে নিষ্কৃতি পাবার জন্ত কোন্ না কোন্ ডেসপারেট মিলিটারি গ্যাম্বল শুরু করে দেবে। তার শেষ তাস দিয়ে। ‘আক্রমণ করবে আইনভ নিরপেক্ষ কিন্তু কার্যত বাংলাদেশের প্রতি সহানুভূতিশীল ভারতকে—যাতে করে রাষ্ট্রপুঞ্জ ইন্টারফ্যাক্স করে ছই পক্ষকে ঠেকায় আর ইয়েহিয়া সেই লুপহোল দিয়ে সড়ুৎ করে বেরিয়ে যায়।

কীর্তি সোল্লাসে বললে, “শুধু ইয়েহিয়াই বুঝি কলিযুগের নিরেন্স যুধিষ্ঠির! সত্য যুগের আসল যুধিষ্ঠির, না ইয়েহিয়া কে যে জুয়োতে বেশী বুদ্ধিমি দেখাতেন সেটা বাঙলার ইতিহাসে একটা চিরস্তনী সমস্তা হয়ে রইবে। সেই গুপ্তযুগ কিংবা তারো আগের থেকে কত না রাজা, পাঠান মোগল কেউ বাদ যান নি, এদেশে এসেছে জুয়ো খেলতে, ওদের সকলেরই মারাত্মক প্রয়োজন ছিল, যুদ্ধের জন্ত হাতীর।” ত্রিপুরাতে প্রচুর সে মাল, প্রতিবেশী সিলেটীয়া এখনো পৃথিবীর ‘সেরা’ মালত। ইংরেজ বোম্বাই, মাদ্রাজ যে কোনো জায়গায় জুয়ো পাটি বসাতে পারতো। কিন্তু বেছে নিল বাঙলা। ধনী দেশ, অন্তত তখন পর্যন্ত ছিল—আমাদের তরফ থেকে স্টেকটা

হবে ভারি। 'জিওপলিটিক নামক আধা-বিজ্ঞানটি তখনো 'আবিষ্কৃত হয় নি, কিন্তু তথ্যগুলো তো ছিল—আমাদের বুদ্ধ এক কেন্দ্রীয় মন্ত্রীকে কে যেন কথাচ্ছলে বলে, 'অক্সিজেন আবিষ্কৃত হয়, ১৭৭৪-এ'। মন্ত্রী সবিস্ময়ে শুধোলেন, 'তার আগে মানুষ বাঁচতো কি দিয়ে?' তারপর পাঁচ আঙুলে খ্যাস খ্যাস করে দাড়ির উকুনকে আদর করতে করতে ডরালু গলায় শুধোলেন, 'কিন্তু সাপ্লাই ঠিক আছে তো' ?—”

শিপ্রা শুধোলে, “তুমি একদিন কথায় কথায় বলছিলে না ডাঙর ইয়েহিয়ার আর বড়া বড়া জুন্টা-গোসাঁইদের কানও বড় বড় হয়— তখন মনে পড়ে নি 'ভলতের এ-সম্বন্ধে একটি সুন্দর এপিগ্রাম লিখেছেন চার ছত্রে. অনেকটা আমাদের 'সুভাষিতের মত, 'হিতো-পদেশ পঞ্চতন্ত্রে বিস্তর আছে—”

কীর্তি ঠিক বুঝতে না পেরে শুধোলে, “পঞ্চতন্ত্র ? সে তো কোন্ এক মোল্লা না কে যেন বাঙলা একটা সাপ্তাহিকে লেখে।”

শিপ্রা বললে, “দস্ত আছে লোকটার ! স্বয়ং বিষ্ণুশর্মা যে বই লিখে দূর মার্কিন মুল্লুক পর্যন্ত প্রাতঃস্মরণীয় লেখক হলেন, তাঁর গল্পের কাছে কখনো কেউ আসতে পারবে নাকি যে সে তার 'রঙবাজ্' গুলতানির জন্তু পঞ্চতন্ত্র নাম বেছে নিলে।”

কীর্তি স্বস্তির নিশ্বাস ফেলে বললে, “বাঁচালে ! আমি ভেবেছিলুম মাস্টারের পড়ানো সেই 'আগম পুরাণ বেদ পঞ্চতন্ত্রকথা' বুঝি আমাদের যে তন্ত্রটন্ত্র আছে তারই পাঁচটাতে মিলে কোনো একটা সিনথেসিস।...যাকগে...ভলতেরের একটা এপিগ্রাম বলতে যাচ্ছিলে না ?”

“হ্যাঁ।

‘এলাস ! লেজোরেই দে গ্রাঁ

সঁ সুভাঁ ছ গ্রাঁদ জ' অরেই’

হায় ! বড়লোকদের যে আকছারই বড় বড় কান হয়’, অর্থাৎ

গাধার কান। স্বভাবতই ইঙ্গিত রয়েছে, এদের মস্তিষ্কও ঐ প্রাণীটার মত।”

কীর্তি বললে, “তাই তো রক্ষে। বড়লোকদের ধন-দৌলত আছে, যশ প্রতিপত্তি প্রচুর। তার উপর যদি ‘মগজটিও’ সরেস ধরনের হ’ত তবে ‘গরীবদের আর’ বাঁচতে হ’ত না। তাদের হাড় মাস খেয়ে চামড়া দিয়ে ডুগডুগি বাজাতো। এই ধরো না টিক্কা ইয়েহিয়ার একটা মোক্ষম মুখ্-খোমি। আজ যে সমস্ত পূব বাঙলায় বড়র অত্যাচারের বিরুদ্ধে ছোট রুখে দাঁড়িয়েছে, মুক্তিবাহিনী ধীরে ধীরে গড়ে উঠছে—দর্শন বিজ্ঞানের মূল তত্ত্ব নিকুচি করে দিয়ে সামখিং গ্রোইং আউট অব্ নাখিং—তার জন্ম ঐ মূর্থনীতি আচরণ কতখানি দায়ী সে-কথা ইতিহাস একদিন বিচার করবে। এটা আমার নিজস্ব বিশ্লেষণ, আপন খেয়াল নয়। মনে আছে তোমার, শিলঙে তোমাকে বলেছিলুম হবিগঞ্জের এক পাগলা-জগাই, শব্দে শব্দে,

চাল নেই, তলওয়ার নেই, নিধিরাম সর্দার

ট্যাক্স কামান হামলা করে, হুক্মারে ‘মার মার’।

সেই মেজর আমার এক মুকুব্বিকে বলেছেন, ‘পঁচিশে রাত্রেই টিক্কা প্রয়োজনের চেয়েও ঢের ঢের অপৰ্যাপ্ত সৈন্যবল, আধুনিকতম ট্যাক্স, সাঁজোয়া গাড়ি, কামান সর্ব বল নিয়ে আক্রমণ করলে তিন শ্রেণীর লোককে। প্রথম দল বেঙ্গল রেজিমেন্টের বাঙালী। একদা পাকিস্তানের, বস্তুত পশ্চিম পাকিস্তানের হয়ে এরাই লড়েছিল আইয়ুব খানী যুদ্ধে, প্রায় সঙ্গে সঙ্গে সশস্ত্র পুলিশ এবং তার অল্পক্ষণ পরেই মামুলী পুলিশকে আক্রমণ করে প্রায় বিধ্বস্ত করে দিল। এদের মাত্র যে কিছু লোক পালাতে সক্ষম হয়েছিল, তাবৎ পূব বাঙলায় সুদুর্ মুাত্রই এরা জানে, কি করে রাইফেল চালানো শেখাতে হয়। এদের নিয়েই গড়ে উঠলো বাঙলা দেশময় মুক্তি বাহিনীর ছোট ছোট দল। এখন প্রশ্ন এই, এদের কিছু সংখ্যক

লোক লীগের প্রতি কতখানি দরদী ছিল সেটা বলা কঠিন—জুন্টা অবশ্যই সেটা আদৌ হিসেবে ধরে নি, তাদের পুরো পাক্ষা ধারণা, এদের সমূলে বিনাশ করতে কী আর বেগ পেতে হবে, সময়ই বা লাগবে কতটুকু?—বমার অব্ বেলুচিস্তানের ঐ বাবদে দস্ত তো আজ দেশে-বিদেশে কারো অজানা নেই—কিন্তু এ-কথা তো সত্যি, যে এই তিন শ্রেণীর লোক ডিসিপ্লিন্ কাকে বলে সেটা আতি উত্তম-রূপে জানে, উপরগুলার আদেশ এ-স্থলে ‘বমার’ হোক, ‘বুচার’ হোক, টিকা খানের—আদেশ তারা অন্তত একশ’ বছর ধরে মেনে নিতে অভ্যস্ত, এবং সর্বশেষ কথা—পাক আল্লার নামে কসম খেয়ে তারা রাষ্ট্রপতির আনুগত্য স্বীকার করেছে। তাই প্রশ্ন, এদের এ-ভাবে টিকা যদি আক্রমণ না করতো তবে কি এরা নিজের থেকে বিদ্রোহ করতো?!”

কীর্তি ধামলো। যেন সামান্য একটু চিন্তা করে বললে, “এ-প্রশ্নের উত্তর মেজর কখনো পাবেন না। করতোই, সেটা জোর গলায় বলা চলে না, আবার আলবৎ করতো না তার উত্তরও তদ্বৎ। তবে মেজরের একটা সত্য নির্ণয় তর্কাতীত। ওরা আক্রান্ত না হলে, এবং তারই ফলে স্বাধীনতা আন্দোলনে যোগ না দিলে মুক্তি বাহিনী গড়ে তোলাটা তো প্রায় অসম্ভব হত। আবার, তাদেরই চোখের সামনে গ্রামাঞ্চলে দিনের পর দিন ‘মুক্তি’ গড়ে না উঠলে, গ্রামের লোক তো মনোবল হারিয়ে কেলত—রুখে দাঁড়ানো দূরে থাক, বিরুদ্ধ ভাব অন্তরে অন্তরে পোষণ করতই বা ক’ দিন? এবং তার শেষে যখন বর্বররা ব্যাপকভাবে সর্বত্র হত্যা-লুণ্ঠন-দহন-ধর্ষণ আরম্ভ করতো—এবং করতো তার সর্বাবস্থাতেই—তখন? তখন তো টু লেট, তখন কে গড়ে তুলতো মুক্তি বাহিনী?”

শিপ্রা বললে, “আমার মনে হয়, ভারত যে সরাসরি ইয়েহিয়ার পালে চড় মারছে না, তার প্রধান কারণ, সে দেখতে চায়, বাংলা-দেশে যে ‘বিদ্রোহ’ মনোবৃত্তি দেখা দিয়েছে সেটা বাঙালীর নিত্য

কালের হুজুগে মেতে ওঠার সোডা-বোতলের গ্যাস কিনা। সেটা ঠিক ঠিক অনুমান না করে তড়িঘড়ি পুরোদম যুদ্ধে যদি নেমে যায় এখুনি, এবং অল্পদিন পরেই পূব বাঙলার মনোবল ভেঙে যায় তবে যে শেষটায় ভারতকে বিশ্বের কাছে বিড়াস্থত হতে হবে। ওদিকে করাসী অফিসারদের একজন আমাকে লিখেছেন, নিঃসন্দেহে বলা যেতে পারে, মিলিটারি দৃষ্টিবিন্দু থেকে—জোর দিয়ে বলেছেন একমাত্র প্যোরলি মিলিটারি স্ট্যাটেজির বিচারে—এইটেই ভারতের সুবর্ণ সুযোগ, এই বেলায়ই ভারতের যুদ্ধে নেমে যাওয়া উচিত।... তাতো বুঝলুম, কিন্তু প্রশ্ন, সব জেনেশুনে পৃথিবীর প্রায় সব নেশনই চুপ করে আছে কেন?”

“বা—রে! তোমার আপন দেশ ভারতবর্ষও তো এখনো স্বাধীন বাংলাদেশকে স্বীকৃতি দেয় নি।”

“সে কি কথা! একটা দেশের সরকারই বুঝি সব! আমরা—তুমি, আমি—আমরা বুঝি দেশের মালিক নই। এই বাংলাদেশেই তুমি কখনো দেখেছো, ঘটি বাঙাল হঠাৎ এক হয়ে গিয়ে পূব বাঙলার বেদনায় চিৎকার করে বলে উঠেছে, ‘ভাই আমরা আছি’। আর এটাও তো স্বীকার করতে হবে, আজ পর্যন্ত ভারতই সবচেয়ে খোলাখুলিভাবে, স্পষ্ট ভাষায় প্রকাশ করেছে, তার পূর্বতম সহানুভূতি কার প্রতি। তুমি জানো—”

কীর্তি কেন যে দীর্ঘশ্বাস ফেলল সেটা বুঝতে না পেরে শিপ্রা খামলো। তার হাতখানা আপন হাতে তুলে নিয়ে শুধোলে, “বন্ধু, আমার কোনো কথা কি তোমাকে পীড়া দিল?”

কীর্তির মুখে অমনি হাসি ফুটলো। কণ্ঠস্বরে যেন সর্ব মধু ঢেলে দিয়ে বললে, “শিপ্রা তুমি সত্যি শিপ্রা—শব্দটি এসেছে ফ্রিপ্রা থেকে, অর্থাৎ যে দ্রুতগতিতে চলে। তুমি প্রথম যেদিন আমার দিকে তাকিয়ে একটুখানি—কেউ-দেখলো-কেউ-না—প্রসন্ন স্বভাব হাশ্বের আভাস দিয়েছিলে, সেদিনই সর্বপ্রথম আমি একটা বড়

বাঙলা অভিধানের শরণ নি। তারই কল্যাণে বুঝতে পারি যে 'শিপ্রা' বা 'ক্ষিপ্রা'—”

—ক্ষিপ্রা বললে আরো মানানসই হয়।”

চিন্তাকুল বদনে কীর্তি যেন আপন মনে বললে, “প্রেমে পাগলিনীকে খ্যাণা বা ক্ষিপ্রা বলেছেন কবি, কিন্তু সংক্ষিপ্রা যেন না হয় আমার প্রতি তোমার প্রেম-প্রীতি-আসক্তির—”

শিপ্রা করুণ কণ্ঠে অল্পনয় করলো, “বলবে না, রাজা, আমার কোন্ কথায় তোমার বুকের ভিতর থেকে পরম বাতাস বেরল—হঠাৎ, কোনো আভাস না দিয়ে।”

কীর্তি যেন ঝটিতি রাজ্যদেশ পথলনে শশব্যস্ত হয়ে বললে, “বলছি, গুরু, বলছি। যে-মুহূর্তে তুমি বললে, পশ্চিম বাঙলার লোক আজ যেন সমবেত কণ্ঠে পূব বাঙলার ডাকে সাড়া দিয়ে সাহস দিচ্ছে, ‘আমরা আছি’ আমার মনে তৎক্ষণাৎ সেই দুর্শ্চিন্তা, সেই কবেকার আগরতলায় যার জন্ম, সেটা অহরহ আমাকে আশা নিরাশায় ক্ষণে আকাশে তোলে, ক্ষণে মাটিতে আছাড় মারে। পূব বাঙলা দাঁড়িয়েছে প্রবল শক্তির বিরুদ্ধে। সে-শক্তিকে একমাত্র সৈন্যবল ছাড়া আর সব দিচ্ছে পূর্বাচল অস্তাচলের দুই বৃহত্তম রাষ্ট্র—যুদ্ধ চালিয়ে যাবার জন্ত সবচেয়ে আধুনিক অস্ত্রশস্ত্র, প্লেন যা চাই তাই, যুদ্ধ যদি দীর্ঘদিন ধরে চলে তবে পশ্চিম পাককে তার জন্ত অপরাপ্ত অকাতর অর্থ সাহায্য,—সে-সব সাহায্য যদি সুদূরমাত্র পশ্চিম পাকেই যেত তবু না হয় একটা ব্লাক মারা যেত এগুলো পশ্চিম পাককে দেওয়া হচ্ছে, ভারত আফগানিস্তান ও রুশ একজোট হয়ে যেন পশ্চিম পাক আক্রমণ করে ‘বিশ্বশান্তি’ ভঙ্গ না করে!—এগুলো খোলাখুলিভাবে পাঠানো হচ্ছে পূব বাঙলায় হারামীদের হাতে, তারা কি নয়া ধরনের বিশ্বশান্তি রক্ষা করছে সেটা জেনে-গুনে বাতে করে তারা আরো নির্ভয়ে, জীবন বিপন্ন না করে আরো নিধনধ্বংসলুপ্তনদহন কর্ম আরো বিজ্ঞানসম্মত পদ্ধতিতে করতে

পারে। শুধু কি তাই,—নিরীহ গ্রামবাসী নরনারীকে কি ভাবে যমদূতেরও বাড়ি নির্ভর নির্ধাতনের ভয় দেখাতে হয়, কি প্রকারে স্বামী পিতাপুত্রের সম্মুখে অবলা নারীকে ধর্ষণ করে মানুষের শেষ সম্পদ তার আক্রমণেইমান কোন্ কোন্ বীভৎসতা দ্বারা বিনাশ করে তাকে ক্লীব পশুত্বে পরিণত করার বিভীষিকা দেখাতে হয় সে-সব 'নীতি' কায়দা শেখাবার জন্য বিভীষিকাদেশে বাছাই বাছাই সাদিস্তাদের জন্য একটা—কেউ কেউ বলেন একাধিক—বিশেষ স্কুল খোলা হয়েছে—খানদানী মিলিটারি অফিসার ও জোয়ানদের জন্য। আইয়ুবের সামনেই সেখানে পশ্চিম পাকের আর্মি বাছাই বাছাই লোক পাঠায়। ইয়েহিয়ার সেদিকে খুব একটা নজর ছিল না, কিন্তু জুটো জানতো, হাওয়া একদিন কোন্ দিক দিয়ে বইবে। তারা সে 'ইস্কুলে' ছাত্র পাঠাতে কোনো কসুর করে নি। আসলে আজ আর এ বিষয়ে কোনো সন্দেহ নেই, যে স্বয়ং আইয়ুবই জানতেন, পূর্ব পাক আর পশ্চিম পাকে একদিন মোকাবেলা হবেই হবে।

তাই সব চেয়ে বড় প্রশ্ন, জনপদবাসী কত দিন ধরে এ অত্যাচার সহিতে পারবে? তারা যদি মনোবল হারায় তবে তো সর্বনাশ! প্রবলতর শত্রুর হাতে পর্যুদস্ত হওয়াতে লজ্জার কিছু নেই, কিন্তু সে পরাজয় স্বীকার করে নেওয়াতে, তার দাসত্বে নিজেকে বিকিয়ে দেওয়াতে সর্বনাশের চেয়ে সর্বনাশ। কারণ তার কল ভোগ করতে হবে তাদের সন্তানদের—বংশানুক্রমে।

ছোট বড় শহর আয়ত্তে রাখা খানদের পক্ষে কঠিন হবে না। কিন্তু গ্রামের পর গ্রাম, হাজার হাজার গ্রাম আয়ত্তে আনা অসম্ভব। কিন্তু যদি জনপদবাসী বশুতা স্বীকার করে নেয় তবে এই সব বাচ্চারা, কুদে কুদে বাচ্চারা, স্তম্ভুমাত্র ছ'চারটে উটকো বন্দুক নিয়ে ট্যাঙ্ক সাঁজোয়া গাড়ির মোকাবেলা করছে, তারা পা জমাবে কোথায়?

জানো শিপ্রা, চিঁড়ে মুড়ি খেয়ে বেরয় খানদের সন্ধানে। বেতার নেই, কোনো প্রকারের যোগসূত্র নেই এক গ্রুপের সঙ্গে অল্প গ্রুপের,

—আর ক’ রাউণ্ড গুলিই বা পায় এরা যাত্রাপথে নামবার সময়—
চাষাভুষো যদি এদের আশ্রয় না দেয়, চিঁড়ে মুড়ি না জোগায়,
খানদের সন্ধান না বাতলায় তবে ক’দিন লড়বে তারা ?”

শিপ্রা অন্ধকার জানলা দিয়ে তাকিয়ে আছে, পার্কের উপরের
রাস্তায় ক্ষীণ একটা আলোর দিকে। তার মনে ক্ষণে ক্ষণে ভয়
জাগছিল ওদের জয়াশা আমাদের জয়াশা ঐ আলোরই মত ক্ষীণ।
আবার সঙ্গে সঙ্গে তার মনে সাহস জেগে উঠছিল, প্যারিসের সেই
বুড়ো জেনারেলের স্মরণে। তিনি বলেছিলেন, ‘মাদ্‌মোয়াজেল,
যতক্ষণ না একটা জাত পরাজয় স্বীকার করে নিয়েছে, ততক্ষণ সে
পরাজিত হয় নি’। এবং শেষ যে আপ্তবাক্যটি বলেছিলেন সেইটে
সে মুখ ফুটে কীর্তিকে শোনাতে :

“যে ভেঙে গিয়ে মাটিতে শুয়ে পড়েছে, তাকে প্রবলতম শক্তিও
দাঁড় করাতে পারে না। যে জাত ভেঙে পড়ে নি, সেও যেন
অপরের সাহায্যের উপর বড় বেশী ভরসা না রাখে।”

অকস্মাৎ, অপ্রত্যাশিত, অত্যন্ত হ’ল কীর্তির প্রতিক্রিয়া !
সোফা ছেড়ে প্রায় নাচ শুরু করে দিলে ঘরময়। শিপ্রা অবাক।
এমন কি দারুণ নয়! সত্য ছিল তার কথা কটিতে ?

শিপ্রার হাত-ছ’খানি আপন হাতে তুলে বললে, “বাঁচালে তুমি
আমাকে। আমি কেন দীর্ঘশ্বাস ফেলেছিলুম এইবারে বলি, যে
কথাটা, কবে সেই আগরতলা থেকে আমার মনের ভিতর ঘোর-
পাক খাচ্ছিল কিন্তু বলার মত সাহস জোগাড় করতে পারি নি।
আমি জানি, অনেকে মনে করে বাইরে তুমি যে-রূপই দেখা দাও
না কেন, যেমন মনে করো হিম্পানি টাঙ্গো নাচে স্পেনের কন্সালকে
পার্টনার পেলে এদেশের অজানা টাঙ্গোর জন্মভূমিতে যে রীতিতে
একে অশ্বের সঙ্গে সঁটে গিয়ে ছুঁ ছুঁ কুছ কুছ করতে করতে দো-
ছল-দোলা জাগাও সেটা তোমার নিতান্ত বাহ্যরূপ, আসলে তোমার
হৃদয় নামক বস্তুটি গড়া স্টেনলেস স্টীল দিয়ে। নাগরমল তুফীয়া

ভেজাল স্টেনলেসের রাজা, একদা তোমার এডমায়ারদের রিং-সীটে যে বসতো সে চিনবে না খাঁটি বস্ত্র ! কিন্তু আমি প্রথম দিন থেকেই জানি, কী দারুণ রোমান্টিক তুমি । প্রমাণ স্বরূপ পেশ করতে পারতুম ; হৃদয়ের শত সহস্র সংজ্ঞা, বহু বিচিত্র বর্ণনা আছে । তবু তুমি হৃদয় বলতে ‘ভাবনার রাশিটাই’ যে তার মূল ধাতু সেটা মেনে নিয়েছ কেন ? এবং সেই ভাবনারাশির সঙ্গে টানা পোড়েন জড়িয়ে রয়েছে একটা অনাগত নৈরাশ্য—যেটা আমার মনে অহরহ এনে দেয় অজানা ভীতি ।”

শিপ্রা চায় না, তার আপন মনের মানুষ কোনো দুঃখ পায়—তা সে বাস্তব বা কাল্পনিক যা-ই হোক না কেন । বললে, “আমি নৈরাশ্যবাদী নই । আমার কাছে বিশ্বাস্তির কোনো অর্থ বা মূল্য এখনো ধরা পড়ে নি । এর বেশী কিছু পষ্টাপষ্ট বলতে গেলেই আমি নিজের সঙ্গে নিজেই তর্কে জড়িয়ে পড়বো ।”

কীর্তি যেন একটু সাহস পেল । বললে, “তাহলে তুমি বুঝতে পারবে—অস্তুত অনেকখানি । কিন্তু আমি যতদূর সংক্ষেপে পারি বলতে চাই, আমার বুকে একটা কাঁটা অহরহ খচখচ করে খোঁচাচ্ছে সেটার কথা বলা দূরে থাক, ভাবতেও আমি চাইনে ।

আমি জানি, তুমি রোমান্টিক । তাই আমার মত অপদার্থ যখন একদিন তার জড়ত্ব ঝেড়ে ফেলল তখন তোমার আশা হয়েছে, আমি অবশ্যই একটা কৃতিত্ব দেখাতে পারবো—অসাধারণ না হোক, মামুলী বিশ্বাস, মিডিওকারের চেয়ে উচ্চ স্তরের, অস্তুত সে ভিন্ন স্তরের তো হবেই, যতই ক্ষুদ্রতম ক্ষুদ্র হোক না কেন আমার সাফল্য তার মধ্যে কিছু-না-কিছু একটা অসাধারণত্ব থাকবেই । কারণ, আমার জড়ত্বটা ছিল মিডিওকারের দৈনন্দিন কাজকর্মের মামুলী বিরস চঞ্চলতা থেকে সম্পূর্ণ ভিন্ন—অসাধারণ বললেও অত্যাক্তি নয়, প্রশস্তি তো নয়ই । ...কিন্তু আমি যতই ঘুরে ফিরে সব-কিছু দেখি, কোন্ পথে মুক্তি কোন্ দিকে আশার আলো তার সন্ধানে সর্ব চৈতন্য নিয়োজিত করি

—সেখানে কণামাত্র জড়ত্ব নেই, প্রচেষ্টাতে বিন্দুমাত্র শিথিলতা নেই—ততই স্পষ্ট অনুভব করি, আমি এমন কোনো সফলতা অর্জন করতে পারবো না, যা দেখে তুমি গর্ব অনুভব করতে পারো—”

এতক্ষণ কীর্তি কথা কইছিল মাথা নিচু করে। অকস্মাৎ তার বুকে পরশ লাগলো তারই চেনা আরেকটি বুকের অঙ্গ স্পন্দন—অঙ্গবিহীন আলিঙ্গনই শুধু সে শিহরণ জাগাতে পারে। চকিতে মাথা তুলে তাকালো শিপ্রার বিহ্বল মুখের দিকে।

আমাদের জাতীয় সঙ্গীতে আছে “হৃৎস্বপ্নে আতঙ্কে রক্ষা করিতে অঙ্কে স্নেহময়ী তুমি মাতা”। সে মাতা আমাদের জনগণভাগ বিধাতাতেই সীমাবদ্ধ নন। সে মাতা দেশ কালের অতীত—জননী চিরন্তনী। তাঁর পরিচিত জনের নিত্য দিনের পরিচয় করে দেয় আমাদের কাছে অপরিচিত। নিত্য দিনের প্রাচীন ও সংস্কার থেকে মুক্ত হয়ে ক’জন ভাগ্যবান তাঁকে অকস্মাৎ একদিন চিনে ফেলতে পারার তুলনাহীন সম্পদ অক্ষয় অধিকার পায়। তাই না খুঁট বলেছেন, শিশুর মত সরল হতে হবে তাঁকে দেখতে যদি চাও।

শিশুর মত সরল চোখে তাই দেখতে পেল, সেই মধু মুখ, সেই মুহু হাসি, সেই সুধাভরা আঁখি। অবাক হয়ে তাকিয়ে সেদিকে।

শিশুকে আদর করার মত শিপ্রা টেনে আনলো কীর্তিকে কোলের দিকে।

মা মেরির মত প্রসন্ন কল্যাণ মুখ স্মিতহাস্তে আলোকিত বললে, “তোমার মত সরল লোক আজ বিরল। তুই কি ভেবেছিস, আমি মনের কোণে কখনো ঠাই দিয়েছি, তুই এ গারিবাল্দি হবি, মাদ্জীনি’র মত হীরো হবি! আর, বিদেশের জন্ত ‘খুনিয়া’ এক হীরো, আটপৌরে সমাজেও যে হীরো মত দাপাদাপি করতো, সেই বায়রন গেলেন গ্রীসে, দেশটি মুক্ত করতে হীরো স্টাইলে—মারা গেলেন বিষ্টিতে।

দিতে, তার সঙ্গে এসে জুটেছিল সাঁতসেঁতে বিলুয়া হাওয়ার জ্বর, বুঝি বাঙলায়ও বিলের অনটন নেই। এই বুঝি হীরোজেনোচিত শয়শয্যা গ্রহণের নাটকে কায়দা! ওদিকে তাঁর প্রথম যৌবনের 'সামাজিক আচরণ' তাঁর দেশবাসীরা তাদের বুকের পাথরে খোদাই করে রেখেছে খুবই গভীর অক্ষরে। গ্রীসের মত একটা প্রাচীন সভ্য দেশের জন্ত তাঁর সর্বস্বদান, আত্মত্যাগ, অকালমৃত্যুবরণ খান খান হয়ে গেল, না পেলেন ঠাই সেই পাথরে টক্কর খেয়ে। শেষটায় সেই নটিংহাম যেখানে একদা 'ডাকু-বীর' রবিন হুড্ তার প্রতাপ দেখাছিল সেইখানে বীর 'বায়রন' পেলেন ছ'ফুট লম্বা তিন ফুট গর্ভে তাঁর চিরদিনের আবাস।... আর এখন তো ছুনিয়া জুড়ে 'জয় জয়কার'। 'কম্যুনিস্ট' ভায়ারাও রব তুলেছেন, 'প্রিয়েরে দেবতা করা' চলবে না, চলবে না, চলবে না। ব্যক্তি-বিশেষ কিছুই নয়। আমিও বলি, যদি কেউ থাকে তবে সে হরিপদ কেরানী।

বিস্তর লোক এখনো বলে, এক কালে তো সবাই বলতো, প্রকৃত প্রকৃষ্টতম উদাহরণ যদি দেখতে চাও তবে তার সন্ধান পাবে—এ। বলতে গেলে ঐ একটি মাত্র লোক, অবহেলিত, অসম্মানিত, তার পার্টিদ্বারা প্রায় অপমানিত, কিছুতেই পরাজয় স্বীকার করতে রাজি হন না—বাঙলাদেশ যেন ঐরই মত কম্বিনেট খালাস না করে—হিটলার যখন যুদ্ধক্ষেত্র থেকে চরম লাঞ্জনাসহ প্রত্যাহৃত ইংরেজের দেশে উইক্‌এনড্ কাটাবার জন্ত স্ত্রীওউইচের কাছে কাটছেন। শত লক্ষ প্রাজ্ঞজন এখনো বিশ্বাস করেন, সেই একটু সঙ্কট থেকে, সুনিশ্চিত বিনাশ থেকে ইংলেণ্ড ও অস্ট্রােলোনিগুলোকে অবশ্যস্তাবী শৃঙ্খলাবদ্ধ দাসত্ব থেকে পরিত্রাণ করতে সক্ষম হবেন, 'স্বেত-কক্ষি' চার্চিলাবতার! কিন্তু...কিন্তু বুঝলে? সেই চার্চিলও ভুলে গেলেন—কৃষ্ণাবতারও তো পরবর্তী তা স্মরণে আনতে পারেন নি—বেবাক ভুলে গেলেন তেঁ

দিবসা গতাঃ! এখন আর লাট বেলাটের বীরহের খড়ম পূজা করার দিন নেই। এখন গণতন্ত্র আর একচ্ছত্র মানে না, জমিদারি বাড়িতে পাত পাড়তে যায় না, এখন পাঁচো ইয়ারে মিলে লাগায় পাড়ায় পাড়ায় বারোয়ারী পূজো। ‘সামন্ত জয়সেনের বীরহের যুগ ভিক্ষুণী স্ত্রীপ্রিয়াদের ছায়া তলে শ্রান। তিন মাস যেতে না যেতেই পঞ্চপিতার এক পিতা ভয়ত্রাতা চার্চিল পেলেন তাঁর চরম অসম্মান। এককালে পিতা পুত্রকে ত্যাজ্যপুত্র করতো, গণতন্ত্রের যুগে পুত্রগণ—তারাই গণ, তারাই গণপতি, কবির ভাষায়, “জয়ধ্বজা ঐ যে তাদের গগন জুড়ে/পূব হতে কোন্ পশ্চিমেতে যায় রে উড়ে—এখন পুত্রগণ পিতাকে ত্যাজ্যপিতা করে।”

কীর্তি আরামের নিশ্বাস ফেলে বললে, “আমার পিতা আমাকে অসংখ্য বার ত্যাজ্যপুত্র করতে চেয়েছিলেন। কিন্তু তুমি যে গণতন্ত্র গণতন্ত্র কপচাচ্ছে, বলছো, পূব হতে কোন্ পশ্চিমেতে যায় রে উড়ে, সেটা পূবের কোন্ দেশে চালু হয়েছে কও?”

“তোমার কথাও ঠিক, আমার কথাও ঠিক। গণতন্ত্রের পিটুলি গোলাতে যখন পাঞ্জাবীদের অর্কাচ ধরলো তখন তারা আইয়ুবকে বানালে ডিকটেক্টর। অশ্রু দেশে যুদ্ধক্ষেত্রে—ফীল্ড-এ—জয়লাভ করে জেনারেলরা হতেন ফীল্ড মার্শাল; মার্শাল ল’ জারী করে আইয়ুব খেতাব নিলেন ফীল্ড মার্শাল। জেনারেল ইয়েহিয়া সেটার কার্বন কপি হলেন না। তাই তাঁর জঙ্গীশক্তি তাঁর প্রথম যৌবনের রক্ষিতা, বর্তমানে ইয়া ধূমসী লাশকে খেতাব দিয়েছে ‘জেনারেল রানী’। চীনেরা যে-রকম কাগজের বাঘ বানায়, পাক্ ভারতেও পেপার ডেমোক্রেন্সী, পেপার ডিকটেক্টর, পেপার পপাহর—‘জেনারেল রানী’।”

কীর্তিকে আরো কাছে টেনে নিয়ে কিছুটা তিক্ততা কিছুটা করুণা মেশানো গলায় বললে, “তোমার শক্তিতে যা আছে, তাই তুমি করবে। লঙ জাম্প্ মেডেলিস্টিও আপন ছায়া লাফ দিয়ে ডিঙাতে

পারে না। আরেকটা সত্যে আমার দৃঢ় বিশ্বাস, পূর্ব বাঙলা যদি
 ১ ধীনতা লাভ করতে সক্ষম হয় তবে স্বাধীনতা আনবে সে-দেশের
 চাষাভূষা, মালামারি এমন কি লেঠেল-ডাকাতও কিছুদিনের তবে
 পৈত্রিক ব্যবস্থা ক্ষান্ত দিয়ে—তারা গণতন্ত্র, স্বৈরতন্ত্র, পঞ্চতন্ত্র কিছুই
 বোঝে না। বোঝবার দরকারও নেই। সেই নিরীহ চাষা-বউকে
 ধর্ষণ করেছে ইয়েহিয়া। ইছামতির ওপার থেকে ওদের আর্তচিৎকার
 শোনা যায় এপারে, আমাদের পারে। একটা অতি নগণ্য সাপ্তাহিক
 থেকে আমার এক বন্ধু কাটিং পাঠিয়েছে—তাতে এক ফরাসী দরদী
 বলছে, “যেন তারা আপন জাত ভাই, এখনো যাদের দেশভাই বলে
 মনে করে, সে-সব পশ্চিমবঙ্গের লোককে চিৎকার করে আপন
 অসহায় অবস্থা জানিয়ে সাহায্য মাগছে। তাদের আপন মরদরা
 তো সন্ধে বেলায়ই বন্দুকের গুলিতে মরেছে আপন চোখের সামনে।
 তারপর সমস্ত রাত ধরে চলেছে অত্যাচার, টচ লাইট দিয়ে বন
 বাদাড় থেকে খুঁজে বের করেছে নতুন নতুন শিকার।”

উত্তরে তোমরা বলেছ, “ভাই, আমরা আছি।”

তুর্গম যাবে পূর্ব দিকে, ছায়ার মত তোমার পিছনে ‘আমি
 আছি’